

Hebreáica

ICA

Ministerio de Cultura

Centro de Cultura Hebráica

BIBLIOTECA

Núm. 134

centro de cultura hebreo

Ministerio de Cultura

16

R. 644



LVGD. BATAVOR.
Ex officina Elzeviriana. A. 1662.


BIBLIOT

Ministerie



Colour Chart #13

Blue Cyan Green Yellow Red Magenta White 3/Color



P R A E F A T I O
ad illustriſſimos potentissimosque
H O L L A N D I A E
VVest-Friſiæque Ordines.

Inſpiciendam vobis, illiſtrissimi Ordines, offero rempublicam, qua nulla unquam in terris sanctior, nec bonis exemplis ditior fuit. Hujus initia, & incrementa perdidicisse, omnino vestrum est, quoniam illa hercle non hominem quenquam mortali concretione ſatum, ſed ipsum Deum immortalem, autorem fundatoremq; habet, cuius vos venerationem, atque intemeratum cultum ſucepiftis ac tuemini. Videbitis, quid demum illud sit quod ciues Hebraeos diutissime in quodam vita innoxio genere continuerit; quid fortitudinem in

* 2

illis

illis excita verit, concordiam aluerit, cupiditates frana verit. Profecto habuit is populus regunda reipublie et instituta quadam ejusmodi, que omnium essent prudentum preceptis potiora. Eorum nos magnam partem posse ex sacris voluminibus erui ostendimus. Sola est militaris disciplina, de qua admodum nihil traditum memoria posterorum sit. Omnipotens tamen virtutem bellicam in omnibus Hebrais summam fuisse fatebitur, qui victorias eorum, atque res gestas cum animo suo reputabit. Quippe homines exules, Aegypti finibus, quos diu insederant, relictis, postquam longum fortuitumque iter emensi essent, perque annos XL incerto errore in vastissimis Arabum desertis obhaesissent, tandem fortissimis pugnacissimisque gentibus pulsis, feliciter eas terras invasere, in quibus oppida eoru[m]que templum dicata sunt. Hic vero illi in beatissimo solo mirifice per concordiam mutuam creverunt. Communibus enim consiliis

filiis omnium saluti consulebant. Et civitates hercle, quæ plurima erat, non suam singula dominationem stabilire, sed ingenti studio libertatē defendere publicam nitebantur. Ad imperium autem bene atq; utiliter constituendum, ne quid deesset, etiam legibus, magistratibus, senatoribus, judicibus iisdem utebantur: ad hac ponderibus, mensuris, ac pecunia eadem. Quare profecto, quo minus universa propemodum Palestina jam pro urbe unica posset censeri id unum obstabat, quod non iisdem mœnibus omnes ejus incole clauderentur. Cetera enim & in commune, & per singulas urbes similia erant atque eadem. Inter oppida tamen urbs una quadam fuit, qua ex legis edicto ceteris esse omnibus dignior augustiorq; debuit: non hercle, quo dominatū in ceteras urbes teneret, sed ut omnes undique, qui in dissipitissimis locis habitabant, quotannis ter illuc ad sacra communia atq; ad religionum cæremo-

nias convenirent. Quare hac res ci-
vitatum concordiam adeò non di-
vulsi, uti etiam vinculum ejus
fuerit vel arctissimum. Incolebant
maximam fertilissimamque regio-
nē duodecim Israëlitica tribus, qua
admiranda fœcunditate singula in
magnitudinem gentis excreverant.
Nihil adversus eas vis hostilis, bel-
lorumve tempestates, aut alia id ge-
nus mala valuere. Semper cladibus
suis maiores erant, & per cades, ac
per damna animos opesque sume-
bant ab ipso ferro. Atque hunc qui-
dem in modum diutissime Hebreo-
rum respublica stetit: donec tan-
dem, post Salomonis mortem, cum ad
summum felicitatis peruentum es-
set, magna rerum conuersio incessit.
Hieroboamus enim quissiam, cui
spes opesque omnes in discordiis ci-
vilibus essent posita, seditiosis con-
cionibus populum commovit, totis-
que decem tribubus ad se traductis,
rempublicam quandam seorsim sibi
constituit, cuius arx atque caput Sa-
maria

mariam mox fuit. Quare jam haud
una profecto, sed dua res publica e-
rant. Quarum altera, quæ Israëli-
ca & decem tribuum dicebatur, ad
breve oppidò tempus duravit. quip-
pe tota illa gens debellata mox est,
victoremque secuta abiit in ater-
num exilium. Altera verò, quæ Iu-
daorum fuit, quæq; imperii sedem
Hierosolymam babebat, et si ante
Vespasiani Cæsaris tempora penitus
deleta non est, tamen vis ejus po-
tentiaq; omnis adeò imminuta erat,
ferè ut semper hostibus impar esset.
Quorū omnium profecto nihil eve-
nire quidquam potuisset, nisi in
contraria studia scissi fuissent, qui
antea conjunctis viribus tot gen-
tium terrarumque victores evase-
rant. Discordia civium sunt, Illu-
strissimi Ordines, que hostibus ma-
gnarum rerum præbent occasionem.
Quare, quæ res Hebraeorum impe-
rium tantopere attrivit, hæc ea ipsa
est, quæ aliarum quoque gentium
florentissima regna destruxit. Per-

currite cum animis vestris omnium
temporum memoriam. Reperietis
hanc pereundi causam fuisse omni-
bus ferme, qua magna atque excel-
saerant. Rarò fortuna invidiam
suam populo uni in alterius perni-
ciem commodat, nisi prius ille tur-
batis domi rebus, virtus ipse sua
suasque vires regere nesciat. Sane
quidem Romani, versutissimi mor-
tales, quos Marcus Tullius verè ait
sociis defendendis terrarum om-
nium esse dominos factos, pracla-
rè intellexerunt, ad convellendas
aliorum res publicas nihil sibi posse
à divino numine majus præstari,
quam motus quosdam hujusmodi,
dissensionesque fœderatarum gen-
tium. Ita enim, dum aut suppetias
laborantibus ferebant, aut dissidio-
rum erant arbitri, omnia latè sub-
egerunt: & ubi solitudinem fecis-
sent, pacem appellabant. Erant
olim Achai omnibus terribiles pro-
pter eam societatem, quam sanctissi-
mis legibus, summâ juris atque
liber-

libertatis aquabilitate inter se se-
inierant Peloponnesi civitates. Re-
publica autem ipsorum, ut longè
optima, ita profectò fermè tota simi-
lis vestra erat, Illustrissimi Ordin-
nes, inconcussa ob conjunctionis fi-
dem, immotaque, & suis viribus
subnixa. Quàm saepe ille rerum do-
minus, populus Romanus, cum in-
expugnabilem fore Graciam sciret,
quamdiu staret eorum societas, arte
& dolo dissoluere eam conjunctionē
conatus est? Datum id negotii Gallo
proconsuli est. &, cum res non pro-
cederet, callido commento adjuncti
ad eorum societatem Spartani sunt,
sed fœdere inquali, ut dissidiorum
inter illos contentionumque causa
perpetua forent. Sanè verò ex hac
una re diu postea Achæis fatum ex-
cidii adventavit. Possem id genus
alia exempla, quibus pleni annales
sunt, referre: sed non est hic longa
recitationi locus. Ipsa illa

Terrarum Dea gentiumque Roma,
quam peste totius orbis esse condi-

tam Mithridates ajebat , dissidiis
civium , & factionibus procerum
fatiens , libertatem amisit , acce-
pitque dominum . Sed enim verò , ut
de Hebreis dicam , ponendum illud
in extremo est , quod caput rei est .
Vtique voluntatum illam studio-
rumq ; disjunctionem , qua sacrum
populum , Salomone extincto , in
duas partes scidit , dies fopsitan tem-
pusque ipsum , ut fit persape , compo-
suisset , sanitatemq ; aliquam attu-
lisset animis : sed Hieroboamus , ho-
mo improba dominandi flagitia
edictus , cuius auspiciis facta pri-
mum secessio erat , arte quadam
usus est , qua effectum fuit , ne un-
quam duodecim tribuum rediret
concordia . Veterem enim reclamq ;
religionem futili quadam supersti-
tione interpolavit . Ita , cum com-
mentum suum facundâ oratione
populo socordi & curis vacuo ob-
trusisset , jam ex hinc non pro liber-
tate opibusve , sed pro sacrâ & pro
aris facta dimicatio est . Hac , & id
genus

genus plura in his libris excussum
Illustrissimi Ordines. neque profec-
tio infrugiferum existimavimus,
publice hac spectari. Vos ii estis,
Sanctissimi Patres patriæ, quibus
semper illud animo stetit, concor-
dia res parvas crescere, discordia
maximas dilabi. idque ita verum
esse, exitus tandem comprobavit,
postquam numinis benignitate, &
virtute vestra, atque invictissimi
principis auspiciis, Res publica ve-
stra multis magnisque incrementis
jam constituta tandem in illo fasti-
gio est, ut nihil hostes, nisi de magni-
tudine vestra, querantur. Hac ve-
stra, qua tantopere vos auxit, con-
junctio, animorumque conspiratio,
ut perpetua atque stabilis sit, Deum
optimum maximum, qui reipubli-
ca hujus tutor defensorque est, sup-
plex quo so & veneror. Evidem
ego, cum prudentiam vestram, sa-
pientiamque, que in maximis re-
bus semper eluxit, considero, plane
confido ita fore, uti omnes boni cu-
pimus

pimus. Et tamen profecto, nemo glo-
riari nunc potest tam feliciter se
natum esse, uti non interdum con-
vertere cogitationem debeat ad o-
mnis & vi exempla. Iam permulti
cives vestri in partes nescio quas
descessere, sententii que contrariis
inter se pugnant, postquam orta
inter eos inutilis dissensio est de reli-
gionum mysteriis, qua pleriq; non
intelligunt. Sequitur affectus suos
hinc inde multitudo, & quotidie
plurium inflammatur ardor. Huic
rei ut tempestiva remedia adhi-
beantur, vestra interesse, vos Illu-
strissimi Ordines intelligitis, qui
jam sedulo in hanc curam incum-
bitus, ne florentissima res vestra da-
mnum capiant aliquod ex hujus-
modi intestinis malis, qua fuere
eruntq; pluribus populus magis exi-
tio, quam bella externa, quam fa-
mes, morbive, quoque alia terris
incumbere, tanquam pestes qua-
dam, solent. Sed supervacuum est
plura de his dicere, cum nihil tam

ex

ex alto reperiri possit, quod vobis cogitantibus in promptu non sit. Illud à vobis peto, Illustrissimi proceres, uti rem publicam hanc Hebream, sanctissimam omnium, optimamque, quam in his libris descripsimus, etiam atque etiam intueamidi. Erunt illic quædam, qua reges principesque, & rerum publicarum moderatores feligere in usum suum queant. Evidem ego tanto facilius animum meum induxi, uti hac vobis offerrem, quod in illo senatu vestro assidere primarios quodam seculi viros cogitabam, quorum est eruditio ejusmodi, ut, si quid etiam dictum hic est, quod antiquitatem & nobilium autorum monumenta illustret, bene de eo præclareque judicare possint.

Illustriss. Magnitud. Vestræ

devotus

P. CUNÆVS.

Ic. et Professor
Zeydensis. Bene-

Benevolis lectoribus
salutem dico.

REPREHENSVS olim Albu-
tius Rhetor est, quod de om-
ni causa dicere cuperet, non
quicquid debebat dici, sed
quicquid poterat. Nos an in his com-
mentationibus executi simus quæ dici
oportebat, aliis judicandum relinqui-
mus. At illud certo scimus, & profiteri
non erubescimus, plurima nos præter-
missemus, quæ dici poterant. Enimvero,
cum ante nos argumentum hoc per-
tractavissent viri duo eruditissimi, Ca-
rolus Sigonius, atq; Cornelius Bertra-
mus, nollebam actum agere, aut quæ ab
illis dicta essent, molestissima iteratio-
ne repetere. Quare hic nos quædam
aliarum rerum summa fastigia perva-
simus, quæ ad reipublicæ hujus consti-
tutionem pertinerent. Atque adeo,
omissis illis, quæ Sigonius Bertramus.
que vulgaverunt, libertima scriptione
huc congesimus, quæ aliunde nobis in
promptu erant. quæ profecto & plu-
rima erant, & omnino digna observa-
tu esse videbantur. Bonam autem par-
tem eorum nobis suggessit Rabbi Mo-
ses Ben Maimon Ægyptius, cuius in-
dustria sagacitasque omni prædicatio-
ne est major. Eum luculentum auto-
rem

rem transmisit ad nos vir amplissimus, Ioannes Borelius, qui potentissimis Zelandiæ Ordinibus à secretis est. Utique quantumcunque est illud, quod nobis monumenta maximi Rabini perlustrantibus mirifice placuit, id omne acceptum ferri ejus viri humanitati debet, à quo eximium illuminatum Iudaicarum scriptorem accepimus. Nos neminem scimus, in quo nunc plus præsidii Hebraismus, quam in Borelio, habeat. Adeo ille ingenitem thesaurum ex Oriente eorum voluminum comportavit, quæ numquam aut raro vidit noster orbis. Vos, qui harum rerum studio tenemini, summam ejus viri eruditioñem, propensamque ad literas ornandas voluntatem diligite, colite: & ex locuplete ejus Bibliotheca quondam omnia præclaras atque incomparabilia exspectate.

INDEX

INDEX CAPITVM
LIBRI PRIMI.
CAPVR I.

DE Republica Hebraeae institutis. De legislatione. Inanis Graecorum jactantia. Quis primus auctor scripti Iuris fuerit. Septem præcepta Noachi filiis data. Quid in republicâ constituenda, nominanda, atque in legibus sancientis Moses spectaverit. Pag. I.

CAP. II. Hecatæi liber singularis de Iudæa. Prudens legislatoris consilium de agrorum assignatione. Non debuisse eos occupantium esse. De lege agraria, de ejus inestimabili utilitate. Redemptio agrorum. Beneficium Jubilæi. Restitutio gratuita agrorum. Iuris Talmudici quadam sanctiones super ea re. De Maimonide, ejusq; luculentissimis commentationibus. Quid jubilæorum celebritas servis contulerit. Per novem dies coronati servi. Saturnalium quadam imago. 6.

CAP. III. Amplius de duplice causa legis agrariae dictu. Ex latifundiis quām crebra mutationes rerum. De Romana republica. Lex Stolonis. Quibus artibus veteres Hebrei se sustentaverint. Quām cuncte legislator providerit ne ea desere-

C A P I T V M.

rentur. Leges divinae de rusticatione
& re pecuaria. 11.

C A P . IV . In quas angustias Iudeos septimus quisque annus detruserit. Alexandri Magni beneficium huic genti concessum ob quandam vaticinationem. Iudeorum rara olim commercia cum exteris gentibus. Quanta in ignoratione rerum Iudaicarum versati sint Graci. Aristotelis commentum de Callanis India sapientibus. Quibus rebus vita moresque civium immutentur. Qui cives optimi. Nullis artificiis Iudeos celebres fuisse ; idque in laude positum. De opificibus. 17.

C A P . V . Aegyptiorum odium in Hebraeos, & vera causa ejus. Aegyptii ignavis artibus curisque dediti. Qua solertia Se sostris eviraverit civium animos. Lex Aegyptiorum de opificum artibus ad heredes cujusq; transmittendis. De Niliaca plebe, qua in servitute. De sacerdotibus. De pastoribus, qui tertia Aegyptiorum pars, & quam formidati cateris Aegyptiis semper fuerint. Superstitionem Aegyptiorum nihil fecisse ad pastoritii generis odium : & male id existimari. Tlebem Aegyptiam non ita agricolas execoratam fuisse, ut pastores. Et causa ejus rei. 22.

C A P . VI . Quando Iubilai desierint
* * cele-

I N D E X

celebrari. Cur illorum habitam esse rationem in annis sabbaticis numerandis dixerit Maimonides. Rejecta Maimonida opinio. 26.

C A P. VII. Trina consecratio Palastina & urbium ejus. De jure urbium. Lex de pradiis urbanis. De urbe Ierosolyma, deque ejus privilegiis. Agrippa impium facinus, & super eo Iudaorū legatio ad Neronem. Quibus ceremoniis proferri urbis Ierosolyma pomæria oportuerit. Ius muniendi à quibus datum. Quando rem pub. suam penitus Iudei amiserint. De oppidis, quæ asylijus habebant. 34.

C A P. VIII. Quid Palastina præ aliis regionibus haberet. Non potuisse rem publicam Hebream in alias sedes transferri. Explicatum Maimonida dictum de Babyloniensibus Iudeis. Amplæ res eorum, & regnum ab illis Hyrcano oblatum. De sceptra Iudea quid existimandum sit, contra Maimonidem assertur. Respublica Iudea ad Palastinam alligata. Iudaorum scitum de templis, quæ extra Ierosolymam à popularibus condita. 44.

C A P. IX. Criminalia judicia intra Palastinam stetisse, & Babyloniensibus Iudeis aliisque negata fuisse. Ad totius commentationis hujus lucem ostensum quam

C A P I T V M.

quam diu respublica fuerit omnium
Hebraorum, & quando Iudaorum esse
cæperit. Hinc sciri posse quidnam sit
sceptrum Iudeo. Eusebii, & eorum, qui
secuti eum sunt, erudita & plausibilis
sententia confutatur. Quid sit maje-
stas imperii, & quorum sit. 49.

C A P. X. Nunquam duodecim tribus He-
braas de nomine Iudaorum appellatas
esse. Decem illas tribus, quæ ante Nabu-
chodonozoris tempora avectæ à Salma-
nassare sunt, nunquam in Palæstinam
rediisse. duas duntaxat tribus, non plu-
res, paruisse Romanis, usque ad Flavii
Iosephi tempora. Passim Eusebii &
aliorum error notatus. 57.

C A P. XI. Hariolatio quorundam, qui
sceptrum Iudaicum esse Davidi datum
ajunt. admodum serò contigisse, quod
dictum multò antè de Iudeo sceptro
erat. Quando ablatum Iudeis scep-
trum sit. 65.

C A P. XII. De dictatoribus, iudicibus-
que de senatu Sanhedrin. de initiatio-
ne senatorum. ἡ Αροτεία. item so-
lenne carmen. qui allesti in id conci-
lium, qualis jurisdictio eorum. de po-
puli comitiis. de poculo Sutha. Iuda-
orum delirium de magia usu. de Elea-
zari incantamentis. 67.

C A P. XIII. De duobus aliis conciliis, qua-

I N D E X

Ierosolyma fuere præter senatum Sanhedrin. De senatis xxiii virorum, qui in singulis oppidis. De triumvirorum collegio. Civitatum quis modus esse debet. De quinqueviris cadiis expianda causa creatis. De septemviris & triumviris, qui annis & mensibus intercalandis præerant. Tempora à Rabbi Hillele Babylonio ordinata. Vis consilii Sanhedrin à Gabinio callide immunita. 77.

C A P. XIV. *De regis creatione, & an placuerit ea numini. Cur initio rex malus à numine adscitus. Quas res in illo legendō spectaverit vates. Liber de regni jure in sanctuario positus. Quarum rerum potestas data regibus Hebreis sit. Qui honor illi à Pontif. maximo, à sacerdotibus atq; à vatibus delatus. Locus Samuelis contra quosdā interpretes stabilitus. Sedendi jus in atrio sacerdotum soli regi datum, non ipsis sacerdotibus, nec aliis. Cujusmodi regibus paruerint primi homines, ex Aristot. Quidnam Hebreis regibus sanctitatem adjecerit. Non eam hinc esse, quia vates fuere. Salsos reges & pontifices maximos unctione fuisse initiatos. Unguentum sacrum à Iosia defossum, nec post repertum aut usurpatum fuisse sub templo secundo. Reges Samaria an uncti fuerint.* 82.

C A P.

C A P I T V M.

C A P . X V . Quibus artibus Hieroboamus ad regnum obrepserit. Rerum publicarum inclinatio, conversioque. Scipionis prudentia verecundiaque in lustro condendo. Carmē lustrale pro republica. Ingenium plebis quale. Cur urbem Sichemum tenuerit Hieroboamus. Religionū sacrorumq; mutatio quoddam flagitiosa dominationis arcanum. Ex decem tribuum secessione quot mala extiterint. De Sesostri falsa Herodoti narratio. Regni Samaritici eversio. Transportatio gentium cur à victoribus facta. Iudeorum exilium. Ex Ierosolymæ spoliis templum Beli, & Babylonis munitio, tum pensilia nemora, murique coctiles. Gracorum futilitas, ex Berozo. Reditus Iudaorum in Palæstinam. Imperium ad Levitas devolutum. Contentiones eorum de imperio. 92.

C A P . X VI . Reipublicæ regimen apud pontifices. Eorum flagitia, & improba machinationes. De Eliasibi filii. Templum Garizitanum qua impietate exstructum sit. Oniæ detestabile scelus. Matthias Hasmonæus, laudatissimus dux. Principatus Iudeæ Maccabæi. De Alcimo nequissimo bipedum. Iudeæ iterum sub regibus. De Herode. de Idumæis, & numine eorum Cosa. Samæa vera divinatio. Qua iniquitate Hero-

I N D E X

- des imperium exercuerit. Ut Iudaorum leges temeraverit.* 100.
- C A P. XVII.** *De Messia, Iudaorum atque gentium omnium rege. Mystica vocis scriptio in verbis Esiae. Bileami vaticinium ex Iudaorum interpretatione. Quid singulare in hoc regno. Rabbi Abramis animadversiones in Maimonidem. Ezechielis obscurissima oracula de templo, deque sacris in regno Messiae. Nimis imprudenter in istac inquireti.* 106.
- C A P. XVIII.** *Status Iudaorum post Messiae adventum. De restitutione Iudaorum, qua adhuc exspectatur. Quae sit dignitas etiam hodie illius gentis. Quantum Iudaicæ nostra debeat religio. An sacri libri ab illis interpolati aut corrupti? de Masoritarum diligentia & fide.* 111.
-

LIBRI SECUNDI.

- C A P. I.** *Familia Pontificalis. De Alcimo male existimatum. Pontificis constitutio penes quos. Chalcidensium regi quid beneficii à Claudio datum. Pontificis munia. Quando nobile officium suum Pontifex obierit. Quem habitum iunc gesserit. Flavii Iosephi error, ex prope- kantia*

C A P I T V M.

rantia natus, qui omnes hactenus decepit. Ejus confutatio. Maimonida recta sententia.

122.

C A P. II. Pontificis sacra vestis modo à Romanis, modo à Iudeis asservata. De Pontificis galero. De sacerdotum pileo. L apides Vrim & Tummim, in quibus vis oraculi fuit. Quando ii amissi sint. Cur alii facti, & exhibiti postea sint, cum eorum nulla vis amplius esset. Quis fuerit modus consulendi oraculū Vrim & Tummim. Quibus de rebus responderit Pontifex.

130.

C A P. III. Vestimenti laceratio quatenus Pontifici permissa. Item quatenus sacerdotibus. De Caipha. Lex conjugii alia pontifici, alia sacerdotibus posita. Matrimonium virginis, viduae, vitiate, & per divortium dimissa. Polygania. Habitatio Pontificis. De Augusto Cæsare.

133.

C A P. IV. Contra Divum Augustinum, atque contra Carolum Sigonum disceptatur de Pontificis ingressu in Sancta Sanctorum. Locus in epistola ad Hebreos male à Sigo nio intellectus. Altare suffituum non fuisse in Sancto Sanctorum, contrà quam Divus Augustinus sensit.

135.

C A P. V. Thilonis Iudai quadam loca excussa, & explicata. Lapsus Thilo-

I N D E X

nis. item ejus, qui librum I. Macca-
beorum scripsit. Post redditum Iudeo-
rum ex Babylone, legem non plane ser-
vatam fuisse in templi adificatione.
Argumenta quædam dissentientium
rejecta. Quid Mosi præ Pontificibus
concessum fuerit. 140.

C A P. VI. Vicarius Pontificis sub deci-
mum diem mensis Tisri constitutus.
Quot gradus dignitatum inter pontifi-
catum & sacerdotium interpositi fue-
rint. Insjurandum solenne quotannis
Pontifici delatum sub templo secundo.
& causa ejus. Hæresis orta de suffitu in
adytisadolendo. Hircus in desertum
missus. Mons Hazazel. Iudeorum sci-
ta quædam super eare. 148.

C A P. VII. Initiatione Pontificis duplex,
& qualis. Quando altera cessaverit.
Quando Pontifex ab iuvenci mactatio-
ne, quam lex prescripsit, immunis fue-
rit. 153.

C A P. VIII. Sacerdotum stationes, &
ἐφημερία. Qui judicaverint de vi-
tiis sacerdotum. Damnati sacerdotes
qua conditione fuerint. Lignile. Anti-
goni in Hyrcanum facinus. 155.

C A P. IX. Sacerdotes Levitasq; fuisse par-
tem quandā magni concilii Sanhedrin.
Negotia regia atque civilia publice
Levitis commissa. Virtutum insignis
image

C A P I T V M.

imago in illis. Accesissē eos ad meliorē partem, atque ad aquiorem causam, cum scissa olim divisag, Hebraeorum respublica fuit. Quantopere degeneraverint mox à recta indole, atque à veteri integritate. Summum reipublica regimen occupatum ab illis, atque immodeste usurpatum. 159.

C A P . X . Qui fuerint Anschæ Hammāmad. Quali legatione functi sint. Sacrificia pro populo peracta. Legatos hos etiam extra Ierosolymam munus suum in synagogis obiisse. De jejuniis eorum. Cur pridie & postridie Sabbati non jejunaverint. 163.

C A P . XI . De Levitis illis, quorum ministerio sacerdotes utebantur. classes eorum, & diversa munia. Nethinai. Lex annaria de Levitis lata quando cesserit. Levitas non itidem, ut sacerdotes, reprobatos fuisse. Quantum nefas fuerit, confundi corum ministeria. 165.

C A P . XII . Templum Ierosolymitanum. Cur intus illic tanta vis auri. De templis veterum, in qua aurum non infrebatur. non esse id Iudaorum institutis contrarium. Confutatus querundam error. Talmudicorum scitum de iis, qui sacram adem adeunt. Quid sint τοις ονδύν in Messiae edicto. Salomonis industria in templi extirpatione. Quam

I N D E X

et eliteriter consummata ea operis moles.
Diana Ephesia ades quibus impensis &
quam lente adfiscata. cur in palustri
solo ea posita. Indorum commentum
de monte Moria. 169.

C A P. XIII. Admiranda quadam de
templo, deg_z sacrificiorum & sacerdotū
multitudine. De festo Paschatis singu-
lare quid, & penē supra fidem. Ligno-
rum tres strues in altari. De aeternis
ignibus. Corban Hahitsin, oblatio ligno-
rum, & dies festi ad hanc rem. Tal-
mudicorum & Flavii Iosephi discre-
pantia. Supersticio eorum, qui in-
traverint templum, qui que exiverint
ex illo. 173.

C A P. XIV. Addita religionibus maje-
stas. Talmudicorum sententia de muro,
qui adyta separabat. & cur is in tem-
plo secundo non restitutus. De custodiis
templi. An recte eas Maimonides esse
ex lege tradiderit? Morbi crebri sacer-
dotum unde fuerint? 177.

C A P. XV. De Ierosolyma & templi ex-
cidio. Quid Romanos ad rem atrocissimi
exempli solicitaverit. Casus qui-
dam admirabiles à Iudeis notati de ex-
cidio templi prioris & posterioris. Titi
misericordia & lacrymae. De tertio tem-
plo, quod adhuc expectant Iudei. Ae-
lia Capitolina in ruinis Ierosolyma con-
dita,

C A P I T V M.

dita, & additum à Casare Hadriano
Iudibrium. 180.

C A P . X V I . De templo Samaritanorum,
quod in monte Garizin. Qui fuerint
Chutai. Vnde adiecti in Samaria sedes
sint. Quanto deteriore conditione fue-
rint quam Indai. De religione eorum
quedam. Fuisse eos primum idololatras:
mox, abdicato idolorum cultu, lapsos in
hæresin esse. 185.

X V I I . De Hæresibus sectisque Iudaorū.
Quando ea orta sint; & vera causa
earum. Cur ante exilium Babyloniense
in idololatriam, post illud exilium vero
in hæreses inciderint Iudai. Quare diffi-
cile sit ab idololatria ad hæresin descri-
scere. De Bano, deque Gaulonitis, &
Zelotis, item de impostoribus quibus-
dam, qui in Iudea religionum prætex-
tu grassati ad res novas sunt. 189.

C A P . X V I I I . Virtus bellica Iudaorum.
Quanti ea fuserit apud exterros reges.
Verba Chærili à Flavio Iosepho male
accepta. Qui sunt Solymorum montium
habitatores in Chærili carmine. Ton-
suræ modus Iudeis vetitus. Quid hoc
sit, quod de Phœnicum sermone Chæ-
rilus ait. 196.

C A P . X I X . De bello, quod lege indictum
fuit, deque eo, quod sponte suscepimus
ab Hebreis est. Quales pacis leges oblatæ
hostibus

I N D E X

hostibus sint. Quid illud sit, quod Talmudici de septem præceptis tradunt, quæ servanda omnibus gentibus fuere. Quam citò post orbem conditum, & quam latè animos mortalium pervaserit idolatria. Hebraorum notabilis sententia de Abramo: & quando is retum numinis cultum suscepit. 200.

C A P. XX. Feciales pacis offerenda causa missos esse etiam ad septem Cananæ populos, contra quam vulgo existimatū est. Cur Gibeonitis dolo atque astu opus fuerit ad petendam pacem. Cur septem Cananæ populi ad internecionem occisi. Cur Ammonitis & Moabitis oblata pax non sit. De sacerdote, qui pralii causa ungebatur. 206.

C A P. XXI. Qui fuerint immunes militia. Saulis severitas in cogendo militie. Tana in eos sancitæ, qui sacramentum detrectarent. Vnde Flavius scripsit, deos peregrinos in bello non violandos Iudeis. Laudabilis Iudaorum religio, cum Beli ades refecta ab Alessandro est. 210.

C A P. XXII. Sabbatorum observatio Iudeis sape noxia in bello. Ea supersticio animis hominum exempta per Matthiam Hassamonaum. Stratonica febriculosa pietas. Auspiciorum atque omnium vis à Mosollamo, acerrimo milite

C A P I T V M.

milite Iudeo, elusa. Ostenta & omnia
esse in potestate mortalium. Lex divi-
na de sexuum distincto habitu non in-
tellecta à Flavio. Adulterarum toga
apud Romanos. Charonda miles sto-
latus. Medorum Persarumque mol-
lities.

213.

C A P . XXIII. De Iudeis, qui extra
Palæstinam in aliis regnis habitavere.
Gentium plurium migrationes, & vo-
luntaria exilia. De Iudeis Asiaticis,
deque Babylonienibus, tum de Ae-
gyptiis & Alexandrinis. Pecunia ab
illis Ierosolymam missa. Quanta opes
in sepulcro Davidis. Darius à Sem-
ramide elusus. Iudeorum Hellenista-
rum, & Palæstinorum infensa emu-
latio. Quo jure, quaque conditione
apud Romanos Iudei fuerint post e-
versam sacram urbem. De polygamia.

218.

C A P . XXIV. De lege, quam Iudeis Mo-
ses scripsit. Opinio veterum quorun-
dam de sabbato confutata. De amne
Sabbatico qua Plinius, Rabbi Mai-
mon, & Flavius Iosephus retulere, ex-
cussa. Cur magis suis, quam ceteris
animantibus abstineant Iudei? Plu-
tarchi rationes rejectæ. De Aegyptio-
rum morbus. Iudeos non fuisse Bac-
chiculores, contra quam Plutarchus
& alii

INDEX

& alii Romani scriptores senserunt.

229.

LIBRI TERTII.

- CAP. I. *Initia Ecclesia, & incrementa, Satana stratagemata. Locus in 1. cap. Genes. explicatus. De serpente. Quid sit caput libri. Error Hieronymi. Liber Enochii commentarius.* 255-
- CAP. II. *Ecclesia identidem admiranda numinis iudicio intra unam familiam coarctata. Id exemplis ostensum.* 268.
- CAP. III. *Sententia nostra de Melchisedeco contra communem receptamque opinionem confirmata. vis prasidumque ingens additur epistola ad Hebraos.* 274.
- CAP. IV. *Ecclesia fata ab Abrami temporibus usq; ad regni Israelitici scissionem, qua post Salomonis morte contigit. Divinandi vis in morituris. Israelitaru; idololatria in Aegypto. Superstitionibus Aegyptiorum sape postea obnoxii Israelita in Palastina. Apis. Serapis. Vitulorum, & serpentis veneratio. An Iudei asinum coluerint? Cur Aegyptii asinum execrati sint? Coplinus fenumque Iudaorum, qui Roma erant. Res legesque Iudaica intacta Gracis Romanisque scriptoribus, & quare. De Theo-*

C A P I T V M.

Theopompo & Theodecte. Iudaorum
adversus exterorū odium. Mendacia de
Iudeis.

295.

C A P. V. De circumcisione. Quae gentes o-
lim fuerint circumcisæ. De Ægyptiis,
Æthiopibus, & Colchis. Verba Ieremia
de Ægyptiis à quorundam interpre-
tatione vendicata. Pauli locus de iis,
qui præputia reducunt, perperam ab
Hieronymo intellectus. Immodicus a-
fus Hieronymi in libris adversus Iovi-
nianum. Hallucinatio ejusdem in ver-
bis Iosue de repetita circumcisione. Cur
circumcisio obtavo die celebrata. 310.

C A P. VI. De religione Iudaorum. Cur
Iudei nubium & incerti numinis cul-
tores habiti olim sint. Quid illud in
Petronii Catalectis sit, cœli auriculas
advocare. Non esse id Cœlicolis dictum.
Atheniensium calumnia in Socratem.
Ara ignoti Dei apud Athenienses. Iu-
daorum inexpugnabilis constantia in
unius numinis cultu post templum se-
cundum.

324.

C A P VII. De vatibus, deque divino af-
flatu. De Elia. An vates furore corre-
pti, & mentis impotes fuerint, cum fu-
tura canerent? Montani dogma, & mu-
liercula fanaticæ, quas instruxit ille. De
Delphicis vatibus, deque impostura, &
artibus, qua illi in usu. Ficta cum nu-
mine

INDEX CAPITVM.

*mine colloquia. Hæretorum veteres
doli: & de Valente Arrianorum duce.
De Esaia, deque Ieremia. Iudaorum
vesana opinio, Danielem vatibus non
esse annumerandum. Inutilis aliorum
contentio super ea re. Cratetis affectata
pauperies. Eliae & Ioannis Baptista
comparatio.* 333.

CAP. VII. *De Cabala, sive, de lege, quæ
scriptis mandata non est. Quo pacto
resecandi sint nodi, qui in locis parallelis
latent. Quam sobriè utendum sic ana-
gogis & mystica interpretatione. De
Iudais Karraitis, quorum factio præ-
cateris cordata est, & fugitans inepti-
tarum. De opibus eorum.* 343.

CAP. IX. *Quid de Messia perceptum
cognitumve habuerint Hebrei in vete-
ri Ecclesia. Tota res illa diligentius ex-
suffa. Quam pravo more omnia ad ar-
tem & ad formulas adstringantur.*
353.

PETRI



PETRI CVNÆI
De Republica
HEBRAEORUM
LIBER PRIMUS.

CAPVT I.

De Republica Hebraeæ institutis. De legatione. Inanis Graecorum jactantia. Quis primus auctor scripti Iuris fuerit. Septem præcepta Noachi filiis data. Quid in republicâ constituenda, nominanda, atque in legibus sancientis Moses spectaverit.

N

ON nos magnopere in his libris delectu aliquo , aut accuratâ conquisitione utemur. Libet enim , quæ sponte se offerunt , è medio arripere , &c , ut aliud ex alio in mentem nobis incidit , ita quidque persequi. Condita Hebraeorum respublica à divino maximoque viro Mose est , qui primus

A rem

rem in terris est aggressus omnium pulcherrimam. Evidem sic existimo, cum multa extant multorum præclara facta, quæ fama olim pro maximis celebravit, longe nobilissimam fuisse eorum operam, qui conciliis cœtibusque hominum, quæ civitates appellantur, jura atque leges dictaverunt. Nihil est enim præpotenti Deo, qui hunc mundum regit, acceptius. Sed ejus rei ut est magna atque excelsa gloria, ita multæ nationes pridem sibi illam vindicavere. Sane Græci quidem, dum ambitiose beneficia sua cunctis nationibus imputant, legum lationem inter prima ponunt. Lycurgos enim, Dracones, Solones, Zaleucos Locros loquuntur, aut si quæ alia sunt vetustiora nomina. Sed vana est ea omnis gloratio. Gentem enim ventosissimam conticescere Iudæus jussit, Flavius Iosephus, cuius apologia usque ad miraculum erudita est, quæ extat adversus Apionem, hominem Iudæis inimicum quidem, sed tantâ non inis celebritate, atque tanto doctrinæ strepitu viventem, meritò uti *Cymbalum mundi* dictus habitusque fit. *Plin. in prefat. operis.* Ostendit ibi Flavius Græcos legislatores, sic cum Mose comparentur, infimæ vetustatis esse, & heri aut nudiū-

tertius natos videri. qua enim tempestate Homerus Græculorum pater vixit, ignotum illis legum nomen fuisse, neque extare id usquam in ejus poëmate. dicta modò sententiolasq; quasdam in omnium ore fuisse, quibus plebs regeretur. aut si opus erat, principum iusta interdictaque accessisse, quæ literis non consignabantur. Enim verò Moses, quod recte observatum à Flavio est, cum Homerum multis seculis antecesserit, propriam sibi hanc fecit laudem, quam postea concupivere tam multi. Primus enim ille leges scripsit publicavitque, uti disceret populus quid jus fasque aut nefas esset, quibusque sanctionibus stabienda ea respublica foret, quam constitui mox in Palæstinâ summus Deus jussicerat. Ante Mosis tempestatem scripta jura non agnovit orbis: et si enim ante profectò haud plane sine legibus gens hominum agitaverat; tamen neque publicis tabulis eæ, neque ullis monumentis erant consecratæ. Hujus generis septem præcepta illa fuere, quæ Talmudici data esse filiis Noachi ajunt. ea justitiæ regulas quasdam continebant, quibus carere hominum vita nequibat. quare vis eorum tam latè ad omnes pertinuit, ut qui nescirent ea, hos in-

terficerē in bello, atque ex hominum communione tollere iussi Israëlitę sint. Neque id sine causa fuit. omnibus enim belluis nocentiores videbantur, qui jus nullum accepissent. Utique, quod Aristoteles divinitus dixit, deter- rima sævissimaque est injustitia, quæ instructa armis est. hominem autem natura cum armis edidit, ratione at- que prudentiâ, quibus insigniter ad perniciem valet, jura si demas. Sed di- eamus de Mosis instituto. Ille rempu- blicam conditurus, quæ in terris san-ctissima foret, summam rerum pote- statem numini detulit. &c. cum alii no- mina alia, ut res fert, reperiant, ac mo- narchiam modò oligarchiamque & interdum democratiam appellant, ni- hil ille horum fore pro naturâ atque indole intellexit tanti imperii. Igitur regiminis quendam modum consti- tuit, quem persignificanter Flavius ad- versus Apionem vocari posse θεοκρα- τίαν ait, quasi tu ejusmodi civitatem dixeris, cuius præses rectorque solus Deus sit. Quæ enim cunque gereban- tur, hujus geri judicio ac numine pro- fessus est. Idque ita verum esse, claro documento probavit. Etenim, qui om- nia ex se uno pendentia videbat, qui- que populi oratione flectebat in

om-

omnem partem, nullam ex tam bellâ occasione potentiam sibi, nullas opes, nulos honores quæsivit. Id quod profecto vix hominis videtur. Est enim insita mortalibus imperii cupidus quædam, eaque vetus hercle admodum, & cunctis affectibus flagrantior: quam, ut ego existimo, nunquam expellere ex pectori suo Moses potuisset, nisi interesse & præesse rebus gerundis Deum vidisset, cum quo in societatem regni venire extrema dementia fuisset. Iam vero, quo firmior respublica foret, ita sanxit edixitque, omnia uti ex legibus fierent. Legum autem non dominos, sed custodes & ministros, esse magistratus voluit. Quæ constituta ab illo rectissimè sunt. cum enim homines etiam optimosira interdum aut amor transvorsos à recto agat, solæ leges repertæ sunt, quæ cum omnibus semper unâ atque eâdem voce loquerentur. Atque hoc est, quod subtiliter dixisse mihi Aristoteles in libris Polit. videtur, *legem esse mentem quandā sine cupiditate*. Accedit, quod rerum omnium primum est, æterna legum stabilitas, quibus adjicere aliquid aut demere particulare nefas fuit. non veteres aboleri, non rogari novas contigit. observatio verò earum exacta ab omnibus rigidis-

Si me est, etiam inclinantibus reipublicæ fatis. Quod plane contrà aliis in rebus publicis fuit, quæ, legibus fundatæ cum essent, legibus eversæ sunt. nam & dominantium plerique, ut aliquid suum viderentur afferre, etiam recta commutaverunt; & sanctiones multæ per desuetudinem, plures (quod flagitiosius est) contemptu abolitæ securiora vitia fecere. Sed nos cam diversitatem nunquam mirati sumus. Cæterarum enim gentium leges, cum hominum excogitatæ ingenii sunt, severitas pœnæ tuetur, quæ tempore pleniusque, aut dominantium socordiâ cessat. at, quæ Iudæis observantur, æterni numinis scita sunt, quibus nihil longa dies aut judicum derogat facilitas. manent enim, eademque sunt, &, cum secures ac virgæ non amplius timentur, terret tamen adhuc animos religio.

C A P V T II.

Hecatai liber singularis de Indæa. Prudens legislatoris consilium de agrorum assignatione. Non debuisse eos occupantium esse. De lege agrariâ, deque ejus inestimabili utilitate. Redemptio agrorum. Beneficium Iubilai. Restitutio gratuita agrorum. Iuris Talmudici quæ-

quædam sanctiones super ea re. De Maimonide, ejusq; luculentissimis commendationibus. Quid jubilaorum celebritas servis contulerit. Per novem dies coronati servi. Saturnalium quædam imago.

SÆpe Flavius Iosephus Hecatæum Abderiten laudat, summa fide atque integritate virum, qui se Alexandro Magno olim expeditionum bellorumque comitem adjunxerat. Is, cum terras multas adiisset omni copiarum genere abundantes, nullam æquè, ut Palæstinam admiratus est. Quare librum de ea singularem scripsit, ex quo multa pro Iudæis Flavius adversus Apionem recitat. Illud ad rem, de qua dicturi sumus, pertinet, quod regionem optimam, frugumque feracissimam habitari à Iudæis ait, cuius amplitudo continent regnias puerias aëreas, planè ut appareat aptissimas Hebræis fuisse sedes has, in quas ex Ægypto illos transmisit numinis benignitas. Qui enim antea vitam semper in culturâ agri, atque in pecudum pastione egissent, hic jam in ubere solo egregie suis se artibus locupletare, atque in rebus esse bonis poterant. Inter initia, cum promissam pridem Palæstinam occu-

passer armis sacer populus, illico Mosis
jussa secutus summus dux Iosua est. V-
niversam enim regionem in duodecim
partes divisit, atque habitandam toti-
dem tribubus dedit. Mox singularum
tribuum familias numeravit, & pro
capitum multitudine certum cuique
modum agri, atque proprios fines de-
dit. Ita provisum est, uti eadem æqua-
litate omnes continerentur. quæ esse
prima cura bonis reipublicæ modera-
toribus solet. Idem Græci postea Ro-
manique, cordatissimi mortales fece-
re, colonias cum deducerent. Quod si
occupatione suum quidque fecissent ii,
qui primi in vacua venissent, jam ne-
cessè fuisset pugnas motusque civium
ingentes existere. Quicquid enim ejus-
modi est, quod ex communi facere
proprium possis, in eo fit plerumque
tanta contentio, ut difficillimum sit
servare sanctam societatem. Porro,
quoniam sapientis est non præsentia
modo ordinare, sed ea statuere etiam,
quæ profutura alteri seculo sunt, præ-
claram legem quandam Moses tulit,
qua effectum est, ne paucorum opulen-
tia quandoque cæteros oppimeret,
neu mutatis studiis cives ad novas ar-
tes peregrinasque ab innoxio labore se
converterent. Ea fuit lex agraria, quæ
vetuit

vetuit ne quis venditione aut ullo con-
tractu plenum dominium fundi sui
transferret in alium. Nam & iis, qui
egestate compulsi agrum vendidissent,
redimendi jus quovis tempore conce-
sit. & ni redemptus esset, restitui eum
gratis in Iubilæi celebritate jussit. Est
in admiratione hominū scriptor ma-
ximus, Rabbi Moses Ben Maimon, is,
qui Talmudicam doctrinam sepositis
nugamentis feliciter complexus est di-
vino illo opere, quod ipse תורה נשנה appellat. Nunquā ita magnifice quid-
quam de illo autore dicemus, quin id
virtus superet ejus. Fato enim quodam
& sorte nascendi primus solusque in
illâ gente recte intellectus, quid hoc sit,
non ineptire. Sæpe nos in his libris eum
luculentissimum testem citabimus. At-
que nunc quoque in hac ipsâ re, qua de-
agimus, perutilis erit nobis ejus auto-
ritas. Multa ille de Iubilæi beneficio in
Halacha Schemitta Veiobel tradidit,
aitque id positum in eo fuisse, quod
omnes agri ad veteres dominos redi-
bant, etiamsi centies emtorem muta-
verant. Nec eos excipit eruditissimus
scriptor, quos ex donatione acceperit
aliquis. nihilo enim magis retineri eos
à possessore potuisse ait. Atque hoc ju-
ris Talmudici est: & rectissimum vide-

tur. Etiam illud prodit ex eodem jure Rabbinus iste, redemtionem fuisse illis modò permissam, qui ex lucro aliquo commodove, quod obvenisset, locupletiores facti erant. Cujus rei ratio in promptu est. Sanè enim, qui pecunias mutuas adeam rem sumebant, aut agrum unum vendebant, uti venditum alterum redimerent, legi divinæ fraudem fecere. expectandus enim illis, hæredibusque illorum, Iubilæus fuit, qui venditiones hujusmodi rescindet. Quamquam poterant gentiles interim agnatique suo ære ea retrahere, quæ sine vorsurâ redimere nequiverat inops dominus. Iubilæorum solennia annus quilibet quinquagesimus reduxit, cuius initium à septimo mense Tisri erat. Nulla tempestas tantum gaudium publicè excitavit. Non enim modò locati rursus in solido sunt, qui prædia sua antè alienaverant, sed libertas quoque data omnibus servis est. Sed horum nihil fieri ante decimam ejus mensis lucem potuit, quæ jejuniis atque expiationum festo sacra erat. Interea temporis per novem integros dies agitata publicè quædam veluti Saturnalia sunt, de quibus Rabbi Maimonides illud refert, quod scitu dignum judicavimus. Ait ille in Hala-

cha

מראש cha Schemitta Veiobel cap. 10: השנה עד יום הכהורות לא היו עבדים נפטרים לנחתהן ולא משתעבדים לאדניהם ולא אשדות חוזרות לבעלייהם אלא עברים אוכליין ושותים ושותים ועתרותיהם בראשיהם כיון שהגיעו יום הכהורות תקעו בית דין בשופר נפטרו עבדים לבתיהן וחזרו שורת Ab initio anni usque ad diem expiationum neque dimittebantur servi, neque serviebant dominis suis. sed nec agri restituebantur. Quid igitur? edebant, bibebantque servi, atque hilares erant, & coronam quisq; capiti suo imposuit. Max, cum dies expiationum venisset, Senatores Sanhedrin tubis clanxere, atque è vestigio liberi abierunt servi, & redditum dominis prædia sunt.

CAPVT III.

Amplius de dupli causa legis agraria dictum. Ex latifundiis quam crebra mutationes rerum. De Romana republica. Lex Stolenis. Quibus artibus veteres Hebrei se sustentaverint. Quam caute legislator providerit ne eæ deserrantur. Leges divinae de rusticatione & pecuaria.

V Erum age, dicamus de legis agrariæ utilitate, quam Mosi propositam fuisse

fuisse suprà retuli. Sanè quod è duobus prius esse dicebamus , interfuit reipublicæ, ne in possessiones optimè positas divisasque paucorum avaritia irrumperet. Fermè enim egentiorem quemque ditior aliquis pretio expellit. atq; is, dum rura in immensum spatiis supervacuis extendit , alios necessariis excludit. Ex quâ causâ incessere interdum rerum conversio solet. Ita enim est profecto. plena hostibus ea respublica est,in qua cives plurimi, possessoribus avitis nudati , priscas fortunas votis expetunt. Hi odio rerum suarum mutari omnia student , neque in eâ conditione, cuius eos pœnitet, diutius quam necesse sit, manent. Ac Romæ quidem,cum primores patrum omnia ad se trahebant, prope ut singuli possiderent trecentorum civium agros, lege Stolonis cautum fuit , ne quis plus quingenta jugera haberet. Sed statim evagata rectum ordinem fraus est. Primus enim ipse Stolo sanctiones suas violavit , damnatusque est quod mille jugerum cum filio tenebat , quem ob hoc emancipaverat. Et postea, quam plurimi cives diversâ arte callidi sententiam legis circumvenerunt. Aliis enim ad emendum agrum submissis, ipsi possederunt. Vedit istæc , & stabili

lire legem conatus est C. Lælius, insigni sapientia vir & Africani Scipionis maximus amicus. sed impar adversantium factioni, cum in contentiones discordiasque iretur, ab incepto destitit. Ita in ævum erupit licentia, neque occupandi agros modus fuit. Ac tandem sane eò deventum est, ut pauci quidam totam Italiam vicinasque provincias velut proprium patrimonium tenerent. Hujus rei testimonia recitare, quæ plurima ubique extant, nihil nunc necesse est. Altera, quam attigimus, legis agrariæ ratio fuit, quod summus Moses relanguescere civium animos, eorumque remitti virtutem noluit. Etenim, cum de maioribus eorum illustrissimus quisque pastoritiam vitam vixisset, atque in agris versatus fuisset in aliquo opere faciendo, omnino omnium vitiorum atque incommodorum una cautio fuit atque una provisio, uti ne posteri aliquando ea studia desererent, quæ & multum homines locupletant, & principia habent eadem quæ mundi sunt. Sane verò nimis citò deserta ea studia neglectaque fuissent, si lex omnia coëmtere omnibus, atque agros adjicere agris permisisset. Ita enim fit plerumque; qui tot pascua tamque latos fundos

sine

sine modo tenent, honestissimi labo-
ris munia, aliis quæ committunt, obi-
re ipsi fastidiunt: & ut plurimum, qui
operam illis locant, peregrini ignoti-
que coloni sunt, & mancipia ære em-
pta. Ipsa plebs civium, aliena rura co-
lere indocilis, ex agris intra muros
correpit, urbanas res ut usurpet. Ibi in
otium se transdit, corruptiturque, &
arte molli atque illiberali inertem vi-
tam tuetur. Profectò, ex quo tempore
Romani proceres, iique haud multi,
sua rura fecere, quæ plurimum fuerant,
ingens rusticationis oblivio non cives
modò, sed omnes liberos homines ce-
pit. qui enim agri Curios, Fabricios-
que & Catones viderant, vinctis fosso-
ribus colebantur, & compedibus so-
nuere. Conqueritur Marcus Terentius
Varro in libris de re rust. magnanimos
Romuli nepotes non in segetibus am-
plius & vinetis, sed in theatro & circo
manus movere. Iam enim falcem & ara-
trum reliquerant, qui olim annum, in-
quit, ita divisorant ut nonis modò diebus
urbem adirent, reliquis ut rura colerent.
Ita descitum à majorum institutis est;
quæ dum servabant, utrumque sunt
consecuti, ut & agros fœcundissimos
haberent, & ipsi essent quam optimè
animati. His malis tantis talibusque,

quæ

quæ rempublicam , ceu quædam pe-
stes , invadunt , benè atque sapienter
obviam ivit consultissimus rerum di-
vinarum humanarumque Moses , cum
redemptionum privilegia , atque in-
super jura sancivit Iubilæi . Non ha-
buit autem ullam iniquitatis speciem
istæc lex ; neque fraus omnino fieri
emotoribus potuit . servata enim pro-
fectò semper in agrorum venditioni-
bus ratio Iubilæi fuit , &c , ut ille pro-
pius longiusve aberat , ita pretium de-
pendebatur majus minusve . Hoc il-
lud est quod in Levitico capite 25 . di-
citur : *Cum vendideris aliquid proximo
tuo , aut cum emeris à proximo tuo , ne
circumvenire alter alterum . Secundum
numerum annorum , à Iubilao eme à
proximo tuo , & secundum numerum an-
num , quibus fruges provenerint , ven-
dat ille tibi . Pro multitudine annorum
auge pretium emptionis , & pro paucitate
annorum minue pretium emptionis . Nam
numerum proventuum ille vendit tibi . Ne
igitur decipite alter alterum . Quod si ve-
rò ante Iubilæum redimere fundos
suos dominus cuperet , pariter consti-
tutum summâ æquitate fuit , ut de pre-
cio , quod reddendum erat , tantum re-
tineretur , quantum è fructibus emp-
tor percepisset . Quibus quidem rebus
planè*

planè effectum est, ne aut damnum ex possessionū restituzione quisquam sentiret, aut facile ex civium animis vetera studia, honestissimæque artes exolescerent. Utique illud dubitari non potest, qui populus qualisque fuerit, cui disciplinam & instituta Moses præscripsit. Ex tot enim, quas tulit, legibus, cum pleræque ceremonias religionesque & justi injustiq; præcepta continerent, cæteræ, quæ ad facultates rerum copiasque, atque ad ea opera pertinent, ex quibus aliquid acquiritur, omnes ejusmodi sunt, ut de rusticatione aliquid singulare tradant. Quam sollicitè in Pentateucho docetur populus, quando requiem terræ dare, & intermittere sementem oporteat; quid in messibus, inque vindemiis servandum sit; quanto anno fructum capere ex vinea fas sit? Ad hoc, qua severitate interdicitur, ne diversa semina uni agro mandentur; tum ne admissura animantium fiat, quæ disparis generis sint, nevæ eæ animantes sub eodem iugo sint? Cætera de fœtu pecudum, de primitiis frugum omnium, deque decimis earum, penè infinita sint. Eorum plenior tractatio in opere Talmudico est, & sextam partem ejus, aut amplius, tenet. Complexus autem omnia Rabbi Mai-

bi Maimonides est illo libro quem
רַעֲשׁ appellat, in quo rerum occultarum mira secreta sunt.

CAPVT IV.

In quas angustias Iudeos septimus quisque annus detruserit. Alexandri Magni beneficium huic genti concessum ob quandam vaticinationem. Iudeorum rara olim commercia cum exteris gentibus. Quanta in ignoratione rerum Iudaicarum versati sint Græci. Aristotelis commentum de Callanis Indiae sapientibus. Quibus rebus vita moresque civium immutentur. Qui cives optimi. Nullis artificiis Iudeos celebres fuisse; idque in laude positum. De opificibus.

Tales leges, atque ejusmodi scita Hebrei acceperunt, qui res opesque omnes sitas in agris habebant. Ex illis vel abundantia eorum, vel egestas pendit. Cujus rei ego maxima documenta hæc habeo, quod quoties pecunias illis exteri reges imperaverunt, septimus quisque annus ita in angustum oppidò omnes eorum copias coëgit, pene ut pendere eas nequivent. Erat enim editio legis cautum, ne per illam tempestatem terra coleretur,

neve quis fruges tunc colligeret, quæ omnis pecuniaꝝ fundamentum erant. Alexander Macedo, cum Ierosolymaꝝ ex Danielis libro didicisset dominatio-nem Persarum olim Græco ab homi-ne destruendam, latus vaticinio, quasi ad se pertineret, Iudeos petere ingens beneficium aliquod jussit. Ibi illi signi-ficavere, nihil sibi posse majus dari, quām uti ne rex septimi anni tributa exigeret. idque impetrarunt. Mox id Samaritanis, multa pro se cum dice-rent, negatum est. Sed omnium eo-rum, quæ de hoc genere afferri pos-sunt, nihil luculentius est, quām Apio-ni quod Flavius Apolog. i. respondet pro popularibus suis, cum inquit; οὐ μεῖς γέτε χῶραν οἰκεῖμδι παρόλιον, γέτε ἐμπορίας καιρούδι, γέδε ταῖς διά τύτων τοῖς αἷλοις ἐπιμιξίαις αἴλιοισιν μὴ οὐδὲν αἴ πόλεις μακρὰν διπό-θαλοῖς αἱρεισμέναν, χῶραν δὲ αἴ-γαδιον νεμόμδρον, ταύτην συνονεῦμεν. Nos neque terram habitamus, qua mar-i vicina est, neque negotiationibus gaud-e-mus, neque earum causa nobis consuetudo cum aliis gentibus est, sed sunt urbes qui-dem nostra procul à mari sita: ipsi autem nos regionem bonam incolentes, hanc cum labore exercemus. Enimvero, cum di-versas gentes ita negotiatio sociaverit,

ut

ut quod genitum est usquam, id apud omnes natum esse videatur; soli Iudei intra terræ suæ fines, iis contenti opibus, quas illic natura producebat, vitam procul commerciis agitavere. Non enim maria transibant, neque exterros visebant, & ab his non visebantur. Ex quo illud contigit, ut multa de illis falsa prodiderint Græci, aliique. Per paucis enim notæ res eorum erant. Vnus Hecatæus comperta scripsit. Cæteri, ut famâ quidque & auditione acceperant, ita literis celebraverunt. Quod quam periculosum in omni historia condenda sit, vel ex illo potest existimari, quod Ephorus, clarissimus olim scriptor, Iberiam, quam non viderat, unam esse urbem dixit, admodum medius fidius ridiculè. Non enim civitas, sed magna Hesperii orbis pars erat, & multis habitata populis est. Portentosum est, & cum summa inscitia coniunctum, quod Aristoteles apud Clearchum autumavit, Iudeos esse ab Indiae sapientibus propagatos, sed nomen mutavisse. quippe philosophos illos, qui apud Indos Callani appellantur, in cava Syria Iudeos dici. Pudet me anilitatis, adeò hoc nihili est. Sed quod additum ibidem ab Aristotele est, neque supra fidem videtur, & ap-

primè glriosum sacræ genti est. Vennisse enim ad se, in Asiam cum esset, Iudæum quendam ait, tantâ eruditione atque scientiâ hominem, uti præ illo omnes Græci, qui aderant, trunci esse & stipites viderentur. Utique hoc longè pluris est, quam de gentis origine quod imprudenter retulit. satius enim erat, non attigisse eam, propterea quod incognita alienigenæ erat. Ac mihi quidem sanè Flavius etiam gloriari de Iudæorum obscuritate videtur, cum in mediterraneis locis eos agere, & nullum aditum esse ad eos mercatoribus peregrinantibusque ait. Ita enim diutissimè incorruptos mores servavere, nihilque rerum ad copiam & luxum pertinentium illatum est, quibus perire potentissimi populi solent. Cætera vero sic subjicit idem Flavius; ut penitus superbire eum dicas: *χωρεύοντες μόνοι, ταύτης επιπλέοντες, terram fertilem habitamus, atque in cultura ejus operam sumimus.* quasi nihil majus esse meliusve possit. Recitat Aristoteles in libris Polit. edicta quædam ab antiquissimis legumlatoribus composita, quæ Mosaicis pene similia sunt. Nam Oxylus quidem, Eliorum rex, prædia agrosque vetuit ad mutuam pecuniam opponi: & Locrensibus in-

ter-

terdictum fuit, ne avitas possessiones venderent. Quæ illuc pertinere maximus autor naturæ verique ait, uti ne populus cultionem agrorum deseret. Quare toties illud iterat in Politicorum libris, optimam esse rem publicam, cuius cives ex re rusticâ atque ex pastione vivunt. Cujus rei hanc causam reddit, ὅτι πολιτεύονται καὶ νόμους. εἰχον τὸ ἐργαζόμενον ζῆν. καὶ δύνανται ὁ χολαρίζειν. quia ex legibus seque resque suas regunt. habent enim ex opere suo quantum satis ad vivendum sit. Et tamen eis otiosi esse non licet. Cæteras res publicas, quas opificum & mechanicorum multitudo tenet, longè detriores judicat, cum ignava eorum hominum desesque vita sit, neque ullum opus eorum cum virtute congruat. Ex quo iam fit, uti intelligatur, vanum frigidumque esse, quod Iudeis exprobari vulgo Flavius ait, τὸ μὴ καγνῶν διερατέστερον παραχθεῖν, nullos in ea gente autores novorum operum, artificiorumque existisse. Laus equidem Iudeorum hæc maxima, non probruium est. Qui enim pulchrum esse potest ea invenisse, quæ exercere illiberale est; Vtique opifices omnes in sordidâ arte versantur: & bene eos Aristoteles servitatem quandam servire, sed limitataim,

ait, propterea quod manibus eorum atque operâ non, ut mancipiorum, ad res omnes, sed ad unam quandam utimur. Adeò nihil ingenuū officina habet: in quā hoc insuper mali in est, quod corpus animumque virilem effeminas. Quare in rebus publicis olim recte constitutis, quod solertissimus magister ait, opifices civitate donati non sunt, sed peregrini erant, & corpus veluti sepositum à cæteris ordinibus fuere.

CAPUT V.

Aegyptiorum odium in Hebreos, & vera causa ejus. Aegyptii ignavis artibus curisque dediti. Quia solertia Sesostris eviraverit civium animos. Lex Aegyptiorum de opificum artibus ad haeredes cujusque transmittendis. De Niliaca plebe, qua in servitute. De sacerdotibus. De pastoribus, qui tertia Aegyptiorum pars, & quam formidat cæteris Aegyptiis semper fuerint. Superstitionem Aegyptiorum nihil fecisse ad pastoritii generis odium: & male id existimari. Plebem Aegyptiam non ita agricolas execratam fuisse, ut pastores. Et causa ejus rei.

EQuidem illud etiam animadverto, in expedito jam esse, cur invisi semper

per Agyptiis Iudæi fuerint, non cum Agyptum modò hospites incolerent, sed postea quoque, cum suas sibi sedes, atque propriam rempublicam haberent in propinquâ Palæstinâ, quam terram à meridie Agypto terminari Cornelius Tacitus refert. Enimverò id odium nulla adeò ex re magis fuit, quām ex vitæ studiorumque dissimilitudine. Omnis enim Agyptiorū plebs sellulariis artibus dedita, sub umbra urbium intra mœnia desidebat. Nec deerant, qui officia virilis sexus perverterent, & lanam etiam telamque tractarent. Atque erant quidem illi suopte ingenio satis ad mollitiem proclives: sed auxit malum postea enervavitque porrò eorum animos Sesostris rex, qui id studio sibi habuit, solertiamque & consilia, ut ipsi Agyptii prohibent, à Mercurio didicit. Accesit lex quoque, quæ modum ingeniis finesque poneret. Nulli enim opifici aliam artem exercere, nisi paternam, licuit. Iuvenalis quidem, cum Crispinum, hominem malis artibus & gratia Cæsaris ad summa proiectum, verberare grandi convitio vult, partem Nitiacæ plebus illum, & vernam Canopi appellat. Ita enim existimatum est, sacerdotes illic liberos esse, opifices vero, qui

vulgus erant, servire. Sed ab illo vulgo tamen multum diversa fuit tertia quædam populi pars, quæ seorsim in campestribus Ægypti, ac prope paludes degebat. ii pastores fuere, actuosi illi quidem gnavique, sed cunctis Ægyptiis execrables, propterea quod ignaviam eorum semper solicitam tenebant. Sapè enim ingentes motus dabant, atque interdum etiam reges sibi creârunt. Quare Romani postea, cum reliquam Ægyptum facile in fide retinerent, præsidium validius in illis locis ponere, ubi id hominum genus erat, coacti sunt. Cum omnia ratione animoque lustraris, hæc una res ab omni ævo pastoriis infestos Ægyptios fecit, quod vires eorum vegetosque & acres spiritus homines sedentarii opificesque non ferrent. Ipse Parrho, cum crescentem Israëlitarum multitudinem contundere atque deprimere constituisse, tali usus oratione ad suos est: *Israëlitæ robustiores nobis sunt. quare adeste, callido consilio illud agamus, ne augescant, neve orto bello hostibus se nostris jungant, aut ipsi arma in nos capeant.* Id ego rectum verumque existimo. Neque enim illis hercle assentior, qui causam publici odii ex superstitione arcessunt, quasi scilicet Hebræos homines, pecudum
armen-

armentorumque pastores , ferre ea na-
tio nequiverit , cuius pars hæc oves , illa
capras , alia alias quadrupedes macta-
re verita est , queis inesse quiddam di-
vinum credebatur . Sed ea ratio mirè
improbabilis est . Quid enim responde-
bunt profectò , cum aut ex Pentateu-
cho discent , Parrhonem immanes pe-
cudum greges habuisse ; aut cum tot
proferri historiarum monumenta vi-
debunt , ex quibus constat , magnam
Aegyptiorum partem , quod jam dixi-
mus , in pascuis atque inter pecora vi-
xisse ? & tamen celebre illud in sacro
codice est , *Omne pastoritum genus Aegyptii horrescunt.* De agricolis non idem
proditum est . neque poterat hercle eo-
rum virtus formidari , aut invisa esse ,
quæ prorsus nulla erat . Omnes enim
spes inertissimi mortales non in mani-
bus suis neque in rusticationis indu-
striâ , sed in Nilo posuere . Alebat au-
gebatque segetes exundans amnis , ne-
que fertilitatem modò terrarum , sed
ipsas dabat . quippe multo limo turbi-
dus fluens novos agros subinde appo-
suit prioribus , atque Aegyptum annuo
incremento semper ultra tulit . Ita mi-
ratus opes suas arvaque recens nata
colonus est , quæ sine labore , & inopi-
nanti obvenerant .

C A P V T VI.

*Quando Iubilai desierint eelebrari. Cur
illorum habitam esse rationem in an-
nis sabbaticis numerandis dixerit Mai-
monides. Rejecta Maimonidae opinio.*

DE Ægyptiis, quo ingenio fuerint,
& quantum à vicinis Iudæis dis-
crepuerint, dictum satis est. Nunc à
diverticulo redeundum est ad Iubi-
læum, de quo agere cœperamus. Intel-
ligendum est igitur, cum lata à Mose
lex agraria de possessionum restitutio-
ne sit, observatam eam summâ reli-
gione fuisse usque ad sanctuarii prio-
ris desolationem, quæ facta per Assy-
rios est. Exin deserta incultaque Palæ-
stina jacuit per annos septuaginta. id
quod prædictum à vatibus erat. Post-
quam autem longa dies fatalem illum
temporis orbem perfecerat, redierunt
quidem in sedes suas Iudæi, extructum-
que templum de integro est, sed nun-
quam postea revocata lex agraria fuit,
neque celebrata amplius Iubilæorum
solennia sunt. Quare nec mancipiis li-
bertatem amplius jam dedit annus
quisque quinquagesimus, neque do-
minis reddidit amissas venditasq; pos-
sessiones. Hæc solerter animadversa &
notata

notata à Talmudistis sunt , & permul-
tum momenti habent. Sed omnino
implicatam habere atque involutam
rationem videtur , quod Rabbi Mai-
monides in lib. septimo suæ in Ha-
lacha Schemitta Vejobel , cap. 10, tra-
dedit , ubi sic inquit ; אַפָּעֲלֵפִי שְׁלֹא הִיה
יּוּכֶל בְּבַיִת שְׁנִי כּוֹנִין הַיּוֹ אָוֹתוֹ כְּדִי לְקֹדֶשׁ :
*Etsi Iubilæi nulli fuere ex quo
tempore templum secundum stetit, tamen
numerare eos mos fuit propter remissiones,
qua ex lege fiebant. Nisi hoc enodaveri-
mus, falsum videbitur quod de Iubilæi
abolitione dicebamus. Quare expli-
canda nobis Maimonidæ sententia est.
Enimvero maximus Rabbinus Iubi-
læorum supputationem accuratissime
semper factam etiam novissimis tem-
poribus ait, non hercle quod aut servi
omnes tunc manumitterentur , aut
agri redirent ad veteres dominos , sed
quod ex numeratione eorum penitus
pependit ratio anni cujusque septimi ,
in quo alia quædam remissionum jura
observari lex jussérat , quæ non antè
cessavere , quæm eversa à Tito deleta-
que Iudæorum respubl. esset. Utique
earum remissionum duplex ge-
nus fuisse, constat. Nam & terra septi-
mo anno inculta jacuit , & condicio
certi non dabatur ex mutuo. Sed qua-
ratione*

ratione annum septimum pependisse
 ex quinquagesimo dixerit Maimoni-
 des, libet ex ipso audire. Is ita insit:
 שנות יובל אינה עולח ממנהן שני השבע
 אלא שנות תשעה וארבעים שטנה ושנות
 חמישים יובל ושנות חמישים ואחת תחלת
 שש שנים של שבע וכן בכל יובל ויוובל:
 Nos, ne Hebræa vertendo, Romanam
 orationem deformemus, summatim
 modò sententiam recitabimus maxi-
 mi Rabbini. Nimirum illud ait, anni
 septimi numerationem non ab anno
 quinquagesimo, sed ab eo, qui post
 hunc primus est, inchoari, atque ean-
 dem sic deinceps nulla intermissione
 fieri donec perventum sit ad quadra-
 gesimum & nonum, qui propterea
 sabbaticus fuit, quod septies septenus
 erat. Mox autem eum, qui sequebatur,
 quinquagesimum, in numero septeno-
 rum non fuisse, sed supputationem eo-
 rum rursus initium à quinquagesimo
 & primo habuisse. Ex quo manifestum
 est, cur doctissimus Iudæorum dixerit
 non numerari quidem quinquagesi-
 mum, sed celebrari tamen. absque illo
 enim foret, continuandam septeno-
 rum numerationem fuisse significat,
 quam nunc interjectio quinquagesimi
 interrumpit. Atque hæc quidem Mai-
 monidæ, & aliorum, qui Talmudicos
 sequun-

sequuntur, sententia est. Quæ quām
vera sit, iis exquirendum relinquimus,
qui Chronologię subtilissima momen-
ta pervestigant. Equibus sunt profecto
quidam suīmā doctrinā atque excel-
lenti ingenio viri, qui Iubilæorum ce-
lebritatem incidere in annum quem-
que quadragesimum & nonum existi-
mant. Ex quo fit, ne duos sabbaticos
annos continuari, & septenorum nu-
merationem toties interrumpi necessē
fit. Et sunt, qui ex Rabbi Addæ Calen-
dario confidere se, id quod volunt,
posse autumant. Sane quod quinquagēsimus annus in sacro codice Iubi-
læus appellatur, id verò in neutram
partem aliquid momenti habet. Nam
& persēpe popularis usus, quem penes
norma visque omnis & arbitrium lo-
quendi est, septimanam octiduum ap-
pellat, & olim maximi scriptores paſ-
sim Olympiadem, quæ quatuor anno-
rum spatium continet, quinquennium
vocabere. Evidē nos nostrā non
magni interesse putamus, utra senten-
tia rectior sit. ostendere enim dunta-
xat propositum nobis fuit, Iubilæo-
rum solennia nec inutiliter à summo
legislatore instituta esse, & post templi
prioris excidium nunquam in usu fu-
sc. Quod tamen ad hanc ipsam rem,
quam

quam in transcursu attigimus, attinet, planè sic judicamus, multas gravesque causas esse, cur viri hac ætate nostra incomparabiles Iubilæum spacio annorum quadraginta & novem, non quinquaginta absolutorum definierint. Quare opinionem eorum neque improbamus, & profectò admittimus etiam. In Levitici capite vicesimo & quinto tam de Iubilæo, quam de anno septimo agitur, cautumque illic expressis verbis est, ne etiam in Iubilæis tellus coleretur. Quæ profectò sanctio, videri supervacanea possit, siquidem Iubilæorum jura annus quisque quadagesimus & nonus recepit, qui per se sabbaticus erat. quippe septies septenus fuit. Et nobis quidem in promptu est quid rectissime dici contra possit. putamus tamen hanc esse causam, quæ Maimonidem in hallucinationem quandam impulit. Illud certissimum est, Hebraeos semper non Iubilæum modò, sed etiam septimum quemque sabbaticum annum à Tisri numerasse, qui anni sacri erat mensis septimus. planè ut septeni omnes Iubilique iisdem mensibus inchoati finitique sint. Ex quo appareat nullam reperiri medium viam posse. Necesse enim jam est uti aut quinquagesimus quis.

quisque annus fuerit Iubilæus, aut is hercle, qui quadragesimus & nonus est. Sed nobis posterior sententia pluris est. neque assentiri hic Maimonidæ possumus, cujus tamen scita omnia religiosissime alibi amplectimur. Est enim is vir profecto, qui paucos quosdam hujusmodi atque exiguos errores magnis divinisque virtutibus ubique, & lectissimarum rerum præceptionibus compensat. Ac Iudæi quidem illi, qui ad agrorum restitutione spatio quinquaginta annorum absolutorum esse opus ajunt, curiosè tradiderunt, quid inter Iubilæum atque inter septimum quemque annum intersit. Ita enim ex eorum sententia Maimonides ait in capite decimo, in Halacha Schemitta יתירה שכיעית על היובל שהשביעית: Vejobel: משפטן כספים ולא יובל: יותר יובל על השבעית שהיובל פוציא עבדים ומשפטין קרקע: יובל משפטין קרקע בתחalto ושביעית: אינה משפטן כספים אלא בסופה: *Habet illud septimus annus præ Iubilæo, quod debita remittit; Iubilæus autem illud præ septimo, quod servos è dominorum potestate educit, & restituit agros. Etiam hoc discrimen est, quod quinquagesimus annus in principio restituit agros, septimus vero debita non remittit nisi in fine. Ex his illud quidem, quod conditionem certi*

certi in Iubilæis dari ex mutuo negat,
 falsum est, siquidem Iubilæi omnes in
 annum quadragesimum & nonum in-
 eiderunt. Cætera probari admitiique
 possunt, & omnino speciem veri ha-
 bent. Nam & quædam quadragesimus
 nonus annus propria ex jure Iubilæo-
 rum habuit præ cæteris septenis, & ea
 ipsa paulò aliter usurpata fuere quām
 quæ in eundem annum ob hanc eau-
 sam concurrebant quod inter septe-
 nos esset. Iubilæi celebritas, uti ante
 dicebamus, exordium ab anno vete-
 re & naturali sumpfit, cuius primus
 mensis September est, is, qui sacri anni
 septimus erat. Quare Talmudicis, qui
 initio anni, decimo die primi mensis
 restitutionem fieri agrorum ajunt, ni-
 hil sacer codex repugnat, qui eum
 mensem passim septimum appellat. Est
 enim diversitas ea ex duplicis anni
 constitutione. Postremò illud Maimo-
 nides refert: *דין היובל בשכיחות הארץ ודין השמטה אחד הוא לכל דבר: כל שאסור בשכיחות מעבודת הארץ אסור בשנור יובל: וכל שמותר בשכיחות מותר ביובל:*
Eadem ratio usquequaque est tam Iubilai, quam
septimi anni, quod ad intermissionem agri-
cultura attinet. Quicquid in terra cultio-
ne fas aut nefas est anno septimo, id prohi-
bium quoque aut licitum est in Iubilao.

Non

Non est hæc Iudæorum conjectura,
aut probabilis opinio, sed certa indu-
bitataque veritas, quam legislatoris
vox confirmat in Levitici capite vice-
simo & quinto. Quod si jam verum
foret, quod placuisse Talmudicis dixi-
mus, duos annos sabbaticos absque
intervallo fuisse celebratos, magna
profecto & singularis atque nimis inu-
stata res hæc esset. Etenim, cum to-
tum hoc sit à præpotente numinis vi
profectum, quod in Palæstina sextus
quisque annus tam uberes proventus
dedit, ut septimus, quem agrorum
quieti & sabbatismo lex destinaverat,
nullam pareret famem, jam profecto
longè majus hoc miraculum fuerit,
cum duo hujusmodi anni sabbatarii
concurrerent. Neutro enim seme-
tem facere aut arare fas fuisset. Itaque,
quod dicitur in Levitici libro, *Benedi-
ctionem meam dabo vobis anno sexto, &
faciet fructus trium annorum, omnino
geminari hæc numinis benignitas de-
buisset, cum duorum annorum, qua-
dragesimi noni & quinquagesimi fab-
bata ex diversis ambo causis conti-
nuarentur.* Non enim trium jam, sed
quatuor annorum segetibus unum il-
lum annum sextum indui necesse fo-
ret. Quorum nihil aliis gentibus ter-

C

risque,

risque, quæ sunt usquam, concessum est. Utique scimus non exiguum esse quod Palæstina cœlo debuit : atque adeò fatemur, etiam multa illic contraria naturæ legibus ivisse; sed tamen, cum tanti & tam frequentis miraculi magnitudo nullis vatum testimoniis, neque historiarum prodita monumentis sit, haud committendum profectò nobis est, ut credulitatis vitio temerè quidlibet obstupuisse videamur.

C A P V T VII.

Trina consecratio Palæstina & urbium ejus. De jure urbium. Lex de prædiis urbanis. De urbe Ierosolyma, deque ejus privilegiis. Agrippæ impium facinus, & super eo Iudaorum legatio ad Neronem. Quibus ceremoniis proferri urbis Ierosolymæ pomæria oportuerit. Ius muniendi à quibus datum. Quando rem publ. suam penitus Iudei amiserint. De oppidis, qua asyli jus habebant,

AIunt Talmudici, qua tempestate Iosua Palæstinam intravit, consecrata ab illo omnes urbes fuissè, quæ muris cinctæ erant. Eam ipsi appellant ביאור ריאשונין ingressiōnēm primām. Sed, cum

cum abductus à Babyloniiis populus facer trans Euphratem est, impurata regio ab impiis fuit. Quare mox, reversis in sedes suas Iudæis, Ezra summus populi præsul solenni actu sanctimoniam urbibus reddidit, eaque erat בִּיאָה שְׁנִיַּת *ingressio secunda*. Tandem Cæsar Titus, cum penitus res Iudaicas afflixisset, omnia rursum prophanaavit. Atque hîc Talmudicos suavis error ludit. Messiam enim adhuc exspectant, qui, ut ipsis placet, regnum Palæstinæ invadet, sacrabitque urbes. Eam fore ajunt בִּיאָה שְׁלִישִׁית *ingressio nem tertiam*. Ad hoc, tradunt iidem, quibus in rebus posita urbium religio ac sanctimonia fuerit; tum & quare vicorum villarumque nulla facta consecratio sit. Quæ exequi longum foret. Cum oppida Palæstinæ singulis tribus assignarentur, etiam Levitæ suas urbes accepere, quas incolerent. At ipsa regio agrique & possessiones ita dividebantur, nulla ut pars data illis sit. Decimas enim duntaxat primitiasque & victimas cunctas habuere. inde vita illis, inde opes copiæque abunde erant. Sed illa in hoc genere præscriptione cautioq; valet, quam Rabbi Maimonides adjungit, cum sic inquit in capite decimo & tertio, in Halacha

יראה לך שאין הדברים אמורים אלא בארץ שנכרתת עליה ברית אברהם ליצחק וליעקב וירושה בנויהם ונתחלקת להם: אבל שאר כל הארץ שוכבש כל נטלו כי ישראל הרוי הכהנים והלוויים: *Videtur mihi hoc omne, quod diximus, locum modo habere in illa terra, quæ ex foederis religione Abramo & Isaco atque Iacobo data est, quæque tenetur à filiis eorum, & divisa inter illos fuit. At in aliis regionibus, quas armis subigunt reges quidam Israëlitici, non deterior est sacerdotum & Levitarum conditio, quam cæterorum Hebraeorum.*

De ædibus urbanis lex ejusmodi lata fuit, uti, qui domum vendidisset, redimere eam posset intra annum; post autem, illo elapso, emptor eam propriam haberet. Sed nec propinquus ius redemptionis fuit, & iubilæi beneficium hic nullum erat. Redditum autem emptori à redemptore pretium integrum fuit, et si vendita traditaque domus ante plures menses erat. Etiam ultimo anni die redimere ædes suas dominus potuit. Et, si abesse eum, cui vendiderat, aut dolo latitare cerneret, curiam adiit, atque ibi, senatu coram, pretium, quod acceperat, posuit, egredensque diffregit fores, atque ædes suas intravit. Hæc à Talmudistis sic defini-

nitæ

nita sunt. In Levitarum urbibus haud idem juris fuit. Plane enim de ædibus illorum sanctum est, quod de agris de- que possessionibus rusticis omnium Hebræorum constituisse Mosen diximus. Quare nec redimendi jus h̄ic an- no terminabatur, & Iubilæus restitue- bat quicquid redemptum antè non es- set. Inter omnes urbes insigniter emi- nuit unius Ierosolymæ sanctitas, atque etiam perpetua mansit, ut Talmudici tradunt, ex quo semel eam urbem ma- ximus rex Salomo dedicaverat. Itaque, quod postea consecravit eam rursum Ezra, fuisse supervacuum ajunt, siqui- dem prophanata neutiquam fuit, cum cæteræ urbes pollutiæ sacrilegorum manibus sunt. Ex quo illud fieri iidem tradunt, uti in Ierosolymæ eversæ ci- neribus sacra facere atque victimas e- pulari fas fuerit. Sed quanta loci reli- gio esset, ii Iudei significavere, quibus Hadrianus Imperator permisit, uti se- mel in anno adirent sanctæ urbis de- formes reliquias, atque ibi lugerent de- plorarentque miseram gentis suæ for- tem. Hæc urbs nulli tribui assignata forte est, sed communis omnium fuit. Quamobrem teneri illam eâ lege ne- gant Talmudici, quæ vitulæ mactatio- ne expiari cædem jussérat, quæ clam-

patrata in tribuum finibus esset. Illud
verò non ex superstitione, sed ex vete-
re & probo gentis instituto est, quod
Rabbi Maimonides narrat. Ait enim,
si qui cœnaculum haberent paulò sub-
limius, unde aspici Sanctum Sancto-
rum posset, fas illis quidem fuisse semel
in hebdomadâ illuc ascendere uti far-
ta testa omnia servarent, at sèpius,
aut ob aliam causam, non licuisse. Ea
est sententia verborum istorum in Ha-
lacha Beth habbechira, cap. 7:
 טבום שהיה בעלייה מקוון על כוֹשׁ הַקּוֹשִׁים אֵין
נכנסין לו אלא פָעֵם אַחֲרֶת בְשֻׁבוּעַ לִידְעָה
וְהַוָא עַלְיהָ לְחוֹק בְדֻקוּחַ
Sanè vehementer cives suos Agrippa rex offenderat,
cum ex palatii editâ parte prospectaret
identidem sacram templi sedem, cer-
neretque ex alto quid illic intus fieret.
Id enim flagitium ingens arbitrati Iu-
dæi, murum celsum extruxere, qui re-
gem intueri non sineret quæ in tem-
plo agebantur. Ac mox decem legati,
cum Ismaële pontifice & Elcia sacri æ-
rarii quæstore, missi Romam sunt, qui
precibus à Nerone peterent, ut con-
firmaret quod populum facere religio
subegerat. Quod autem Hecatæus Ab-
derites apud Flavium ait, quinquaginta
stadiorum fuisse Ierosolymam,
quam incolebant centena vicena mil-
lia

Ha hominum, haud magni nostrâ interesseret scire, nisi de proferendis ejus pomœriis jus quoddam esset singulare constitutum, quod ex Talmudicis libris prodidit Maimonides in Halacha Beth habbechira ca. 10. Id autem ejusmodi erat. Cum amplianda urbs esset, magnus senatus Sanhedrin, rexque, & vates unus oraculum, quod Vrim & Tummim vocant, consuluerunt. Mox, postquam illi de interpretatione divini responsi inter se consenserent, senatores Sanhedrin carmina duo, in queis erat gratiarum actio, recitarunt, panesque totidem fermentatos sumpserunt, atque egressi illicò cum cymbalis nabiisque & cytharis, ad cujusque vici flexuras atque ad cippos omnes, qui extecti in urbe erant, constiterunt, effati que illa verba sunt: אָרוּתָךְ יְהוָה כִּי רְלִיחָנִי Exaltabo te domine, quoniam exaltasti me. Tandem, cum ad locum illum venissent, quem idcirco consecrari oportuit quod pomœriorum finis esset futurus, substitere omnes, atque illic ex duobus panibus, quos decantato gemino carmine acceperant, unum comederunt, alterum usserunt flammis. Hæc sic à majoribus accepta Talmudi literis consignavere. neque à vero ab ludunt, cum similia, & pene eadem

C 4 sint,

sint, quæ in Nehemijæ commentariis existant in capite duodecimo. Post tamen, cum oppressa à Romanis Iudeorum erat libertas, planè hæc pomæriorum prolatio non ex magni concilii arbitrio, sed ex voluntate populi Romani pependit. Proditum verò etiā illud à Cornelio Tacito est, Iudeos jus muniendi magna pecunia vi emisse. Ex quo apparet reginam illam urbium Ierosolymam fuisse conditione eadem cum municipiis omnibus, quæ sub dictione Romanâ erant, quorum muros nec refici sine principis vel præsidis autoritate, nec aliquid eis conjungi vel superponi potuisse Vlpianus Iurisconsultus ait in li. 9. §. 4. ff. de Rerum divis. Utique Claudius Cæsar, cum ingentis magnitudinis murum extrui circum Ierosolymam intellexisset, Agrippæ novum opus nuntiavit. & rex verò statim dicto audiens fuit, susceptamque rem omisit. Ajunt Talmudici, illud eximiū habuisse Ierosolymam præ cæteris Iudeæ oppidis, quod nulla domus illic post annum propria emptoris fieret. Sed nec hortos ibi nec viridaria plantari fas fuisse ajunt. Quod enim Hecatæus de templi ambitu scripsit, id ipsi verum esse de totâ urbe tradunt. Cadavera, quæ aliquò transferebantur,

admissa

admissa in eam civitatem non sunt, ne
funestarentur sacra ejus. Sepulchra au-
tem duo duntaxat ibi fuere, unum Da-
vidis, alterum Oldæ, quæ structa à pri-
ciscis vatibus ajunt. Major tamen religio
Levitas divinxit, qui non modo in ur-
bibus suis, sed etiam in agro suburbano
sepelire mortuos vetabantur. Itaq; ex-
tra limites finesque regionis suæ ex edi-
cto numinis aliquantulum loci à cæte-
ris tribubus accepere, in quo defuncto-
rū ossa quiescerent. In reliquis oppidis
sepeliri aliquem haud nefas fuit, si mo-
do septem viri boni assentirentur¹. At
semel ubi clatū urbe cadaver erat, reci-
pi illud intra muros non licuit, etiamsi
cives cuperent universi. Ierosolyma,
ut antè diximus, caput genti, religio-
numque & ceremoniarum sedes fuit.
Quare, eversa illâ, periit reip. Iudaicæ
forma tam civilis hercle quam sacra.
Sanè quod Flavius ante urbis excidium
auditam ex templi penetralibus ait vo-
cem ejusmodi, *Exeamus hinc*, id mihi
non aliud significavisse videtur, quam
delendam rem publicam, adimendum
que sceptrum, quod datum olim sacræ
genti erat. Non diu enim postea ordi-
nes, functionesque, & ritus, atque le-

C 5

ges

¹ Rambam in Hal. beth hqbbachira, c. 10.

ges pleræque cessavere , secutaque in-
gens confusio , vastitas atque distractio
est . Iam primum Hasidæorum sanctif-
fimum collegium , quod à prophetis
originem duxit , nullum amplius fuit ,
quia eorum institutum erat , templum
quotidie adire , & voluntarios sumptus
in sacrificia , atque in porticus & in
muros sanctuarii facere . Cumque Mo-
ses certi cujusdam doni oblationem
alienigenis imperasset , qui in Iudaïs-
mum se transderent , differri deinde
penitus ea res cœpit in illud tempus ,
cum sanctuarium tertium , quod ad-
huc expestant , extrueretur . Nec verò
fratrum viduas amplius , quæ sine li-
beris sunt , uxores ducunt . Et paschatis
solegne nunquam ex illo tempore ce-
lebratum rite est , siquidem præceperat
lex uti in illo loco id fieret , in quo Deus
elegisset sedem ædis sue . Tantum unius
urbis casus potuit . omnia mutavit per-
vertitque , & maximi rempublicam
populi in ruinas egit . De cæteris Iudææ
oppidis nihil magnopere in mentem
nobis incidit , quod dicamus , nisi quod
ex illis quædam summus Deus hoc ju-
re esse voluit , uti perfugium illic sibi
præsidiumque salutis haberent , qui
imprudenter aliquem occidissent . Ibi
lene exilium illis fuit , donec pontifex

maxi-

maximus obiisset, cuius mors ita eos omnes liberavit, uti si forte ante decessissent quidam, ossa tamen eorum, illo defuncto, avitos in tumulos fermentur. Hujusmodi oppida sex fuere. Ajunt autem Talmudici, tria adhuc illis adjectum iri, cum in terras venerit maximus regum Messias. non enim frustra illud scriptum esse, וַיֹּסֶף לְזַהֲרָה שֵׁלֶשׁ עִירִים עַל הַשָּׁלָשׁ הַאַלְמָנָה Etiam regionem locumque determinant. Ajunt enim delectum ad eam rem iri tria oppida ex urbibus Kenisæorum, Cadmonæorum, & Cenæorum, quas isto fœdere promisit quidem Abramo Deus, sed nunquam dedit. quocirca referri illuc debere quod Moses inquit, *cum dilataverit Dominus Deus vester terminos vestros.* Hæc si quis nimis subtiliter & anxiè ab illis pervestigata dixerit, næ ille rectè existimat. sed tamen tanti erat observationes illorū indicavisse. Præter sex illas, quas diximus, urbes, etiam Levitarum oppidis, quæ quadraginta & duo erant, idem privilegium datum est, nisi quod Talmudici negant apud Levitas tutum locum fuisse iis, qui legis beneficium ignorarent. Cætera, quæ de jure harū urbium dici queunt, tum & quæ Iudæi commentantur de iis oppidis, quæ עִירִי הַכִּירְחוֹת dicta sunt, in

in quorum numero nec Ierosolymam,
nec urbes refugii posse poni adjunt, ideo
præteribimus, quod tractata decus
nullum aut nitorem habitura sint. De
quibus Rambam in Halacha Habodat Co-
chabin oumazzaloth, cap. 4.

C A P V T VIII.

*Quid Palæstina præ aliis regionibus ha-
buerit. Non potuisse rempublicam He-
braam in alias sedes transferri. Ex-
plicatum Maimonidæ dictum de Ba-
byloniensibus Iudeis. Amplæ res eo-
rum, & regnum ab illis Hyrcano ob-
latum. De sceptro Iudea quid existi-
mandum sit, contra Maimonidem af-
seritur. Respublica Iudea ad Palæsti-
nam alligata. Iudeorum scitum de
templo, quæ extra Ierosolymam à po-
pularibus condita.*

Respublica Hebræa tunc initium ha-
buit, cum in Palæstinorum beatas
sedes perductus est sacer populus. Nam
antea quidem, etsi in Arabum desertis
de religione atque ceremoniis vir divi-
nus Moses, deque judiciis & civium
jure saluberrimas tulit leges: tamea
earum omnis vis ad ea loca pertinuit,
in queis & singulæ tribus sua haberent
oppida, & urbs insuper constitueretur

una,

una, quæ imperii arx atque sacrorum custos foret. In Pentateuchi parte ultima sapientissimus legislator, cum summatim, quæ edixerat, repetit, non temerè illud identidem sanxit expressis verbis: *Hæc sunt præcepta, statuta, iudiciaque, quæ observabitis in terra, cuius possessio hereditaria mea dabitur vobis.* Enimvero habuit Palæstina præ aliis regionibus eximum quiddam, quod gentem sanctam atque rempubl. universi solo affixit. extra eas sedes si quis populum illum abduxisset, & iisdem legibus rempublicam instituisset eandem, non jam reipubl. sua sanctimonia, non populo sua majestas stetisset. Pertinere maximè ad rem hanc, de qua agimus, quoddam Maimonidæ dictum videtur, quod extat in libro decimo & quarto Misnæ, in Halacha Melachim, capite quinto. Id excutere nobis in transcursu libet. Est autem istiusmodi: *כִּשְׁמֶת שָׁאַסּוֹר לְצָאת מִהָּרֵץ לְחוֹצָה כִּי אַסּוֹר לְצָאת מִבְּנֵל לְשָׁאָר הָאָרוֹת;* quemadmodum nefas est Iudeis ex Palæstina sedes movere, ita iisdem migrare haud licet Babylone in alias regiones. Projecto, nisi semel hoc explicuerimus, necessarium erit sæpe eos incurrere in salebras quasdam, qui Hebræorum volumina manibus versant. Enimvero

Maimo-

Maimonides de Iudæis loquitur, non omnibus sane, sed illis modò, qui ab hoste trans Euphraten abducti, Babylone atque in vicinis locis habitaverunt. Horum pars quædam expletis septuaginta annis Palæstinam repetivit, cæteri beneficentia regum, sub quis vivebant, moti, sedes Babylone suas, atque suas colonias retinuere. quæ fuit sanè ingens multitudo, ac postremò in gentem excrevit. Increibile memoratu est, quām amplas illic res tenuerint exules. Nam & Hyrcano, qui ex Parthis ad Heroden properabat, penè insulam & diadema, hoc est, pontificatum atque regnum obtulere: & commissa iisdem erant Babylonici imperii arcana, quæ sacerdos Hebrœus custodiit in turri immensi operis, quæ extructa in Ecbatanis Medorum erat. His Iudæis summa conjunctio atque necessitudo cum Palæstinis fuit. non institutorum diversitas eos, non vita, non patrius sermo distinxit. omnia gemina & eadem fure. Quare, ut Babylone illis, procul à patriâ, habitare permisit Deus, quod contagio ibi nulla eos peregrini moris affaret: ita eosdem pergere ultra, atque aliò habitatum ire, nec fas nec iura fierunt. Hoc Maimonides sensit, cum illud

illud Ieremiæ dictum interpretatur,
בְּבָלָת יְבוֹא וְשִׁנְדֵּה יְהִי. *Babylonem ducentur, atque illuc erunt.* de quo dubitari jam haud potest. Perquam magnificum est, quod de Babyloniensibus senserunt quidam majorum gentium sapientes, quorum opinionem probat, sequiturque Maimonides. Visum illis est, postquam fato in pejus fluere & retrò sublabi res Hierosolymitanæ cœperunt, solos Babylonenses esse, ad quos translatum sit imperii decus, quod promiserat numinis vox in celeberrimo illo oraculo: *Non tolletur sceptrum de Iuda, neque dux de fæmore ejus, antequam venerit Silo.* Nos, qui Maimonidæ summas virtutes suspicimus, ejus reprehendere errores neutiquam dubitabimus. Certe hic quidem fugit hominem cordatissimum ratio, dum placitis favet popularium. Non ignoro Babylonenses Iudeos quandam velut rempublicam inter se agitavisse, ac jura dixisse cæteris de eâdem gente, qui extra Palæstinam essent. etiam illud meminimus, principatum ibi semper tenuisse quosdam proceres, qui genus suum impermixta serie ad Davide referrent. Sed non propterea efficitur, quod vult Rabbi Ben Maimon. Sceptrum enim, de quo proditum oraculum

culum fuit, nihil est aliud, quām res publica Iudæa, hoc est, regnum illud fæcerdotale, cuius non accessio hercle aut stabilimentum, sed anima atque spiritus, fuere religiones atque ceremoniæ. Porro ceremoniarum sacrorum que custos non omnis urbs, sed una quæpiam esse debuit, in qua sanctuarium esset, quod numinis præsentior vis, velut sedem suam suamque dominum incoleret. Ea urbs primum Silo, mox Ierosolyma fuit, in medio Palæstinæ. Quod si forte quidam segreges Iudæi templum aliis in terris aramve extruxerunt, reip. jura atque inviolabiles leges temeravere. Extat in historiarum monumentis epistola Oniæ ad Ptolemæum & Cleopatram, in qua ille populares accusat suos, quod sanctuaria in Phœnicum urbibus, atque alibi condidissent contra jus fasque. Sed ipse interim haud in minore culpa fuit, dum summi vatis Esaïæ oraculum ambitiosis cœptis suis prætexuit falsò, templumque in Heliopolitana præfectura ædificavit. Non enim hoc fieri salvis ceremoniis potuit. Fuit illud inter scita vetustissimorum Iudæorum, quod Rabbi Moses Ægyptius tradit in libro octavo, in Halacha Biath ham-mikdasch in capite ultimo,

ט עשרה

וועשה בית חוץ למكرוש להקריב בו קרבנו
לשם אינו כבירות עכום ואף על פי כן כל כהן
ששות בנית נזה לא ישמש בטקוש לעולם
וכן כלים שנשתמשו בהן שם לא ישתמשו
וכן כלים שנשתמשו בהן שם לא ינתנו:
*Si quis trans-
gressus legem sit, ademque extruxerit a-
liam praeter sanctuarium Hierosolymita-
num, non est ea quidem idolorum aedes ha-
benda, sed tamen sacerdos, qui illic sacris
operatus fuerit, nunquam sacra facere in
Dei sanctuario, quod Ierosolyma est, pote-
rit. Etiam vasa, queis usus ille est, nemo
quisquam ad veri sanctuarii adhibebit
ministeria, sed abscondenda erunt.*

CAPUT IX.

*Criminalia iudicia intra Palæstinam
stetisse, & Babyloniensibus Iudeis aliis-
que negata fuisse. Ad totius commen-
tationis hujus lucem ostensum quam
diu res publica fuerit omnium Hebraeo-
rum, & quando Iudaorum esse cœpe-
rit. Hinc sciri posse quidnam sit sce-
ptrum Iudee. Eusebii, & eorum, qui
secuti eum sunt, eruditæ & plausibilis
fententia confutatur. Quid sit maje-
stas imperii, & quorum sit.*

Est hoc, de sacra æde quod diximus,
permagni momenti ad confutan-
dum Maimonidem. sed proferenda
alia sunt, ex quibus constet rempubli-

D cam,

50 P. CUNAEI LIB. I.
cam, de qua annosus vates in extremo
vitæ locutus ad Iudam est, non alibi se-
dem, nisi in Palæstina, habuisse. Haud
longe eundum erit. Ipsum Maimoni-
den adversus se testē citabimus. Quām
crebrò ille nos monet, populum fan-
tum, si extra patriam sit, solutum es-
se legibus plerisque, quas maximus
Moses tulit? Præclara est ejus disserta-
tio in Halacha Sanhedrin, in qua ille
certis quibusdam finibus potestatem
judicum circumscribit, tam Palæstino-
rum hercle, quām Babylonienium.
Utique pro vero constat, legum Mosai-
carum maximam partem occupari ju-
diciis illis, quæ Rabbini דין קנסות, hoc
est, *criminalia* appellant. Hæc judicia,
inquit Maimonides, à Babylonieni-
bus exerceri nusquam terrarum po-
tuere, ne in Palæstina quidem. Palæ-
stini autem, quemadmodum ex lege
jura quælibet suis reddiderunt civibus
intra patriam, ita extra eam nihil sta-
tuerunt in populares suos, nisi hoc il-
lis aut Babylonienium permitterent
proceres, aut alii, qui exulantium lu-
dorum erant capita. Ex qua re illud
conficimus, pronuntiasse de criminib-
us Palæstinorū in patrio quidem solo
ex vi legis semper; extra illud verò
etiam interdum, sed precariò. at Ba-
bylo.

bylonienses de iisdem cognovisse nus-
quam, non in ditione sua , non in Pa-
læstina , non vi legum , ac ne precariò
quidem. Et hi erunt igitur illi, obsecrò,
queis datum sceptri Iudaici decus sit,
postquam fractæ Palæstinorum res e-
rant. Profectò aut nescivit summus
scriptor quænam esset hæc sceptri di-
gnitas, aut nimis bene sensit de strami-
neis proceribus aliquot , qui illic de
gente Davidis esse se gloriati sunt. Sed
non miramur tam levem hallucina-
tionem in Maimonide , cum cogita-
mus quæ interpretationum portenta
pepererint alii, ut ex divina Iacobi ora-
tione rectam sententiam eruerent. Me-
mini ego ante annum hac de relocu-
tum me esse cum viro amplissimo , A-
pollonio Scotto, supremi senatus asses-
sore , qua tempestate Hagæ jucundissi-
mo otio in ædibus ejus fruerer , & lu-
culentas Rabbi Maimonidæ commen-
tationes magno ardore percurserem,
qui bus ita afficiebar , pene ut omnia
transverso calamo delerem , quæ antè
de rebus Iudaicis notata à me erant.
Ibi senator ille , quæ est ejus eruditio
& summa ingenii vis, identidem signi-
ficavit, videri sibi, nullum esse in sacro
codice oraculum , quod magis solici-
tatum ab eruditis , & minus intelle-

etum sit. Gaudebam ego hercle, reper-
tum à me esse, qui mecum sentiret,
eum virum, cuius me autoritas & no-
minis existimatio compellere poterat
ad convellendas quaslibet aliorum o-
piniones. Quare, hortatu ejus, omni-
nò facturum me rectè atque ordine
puto, si in tanta conjectantium multi-
tudine etiam ego, quid judicii mei de
tam illustri oraculo sit, publicavero.
Digna enim res est, in qua vires suas
exerceat cuiusque indoles. Certè etū
in his libris de rebus tam Hebræorum,
quām Iudæorum communiter agi-
mus, ac pleraque exequimur sine dis-
crimine, tamen ne cui incertus error
illudat, semel illud ostendemus omni-
bus, rempublicam sacram, quæ numi-
nis iussu constituta à Mose est, semper
quidem eandem fuisse, atque iisdem
constitutis legibus, sed tamen non sem-
per fuisse eorundem. diu enim fuisse
eam Hebræorum: mox verò, circum-
volutis seculis, duntaxat Iudæorum
fuisse. atque adeò oraculum Iacobi,
quod de sceptro Iudæ est, haud perti-
nuisse nisi ad ea tempora, cum respu-
blica appellari de Iudæorum nomine
cœpit. Cujus rei ignoratione effectum
est, ut perperam hactenus intellecta
admirandi oraculi vis sit. Nolo ego

nunc

nunc memorare Origenis, Augustini, Epiphanii, atque aliorum miseras hallucinationes, qui existimarunt, Iacobi vaticinatione promitti Iudæis quamdam perpetuam regum ex eadem tribu, atque per idem genus successionem usque ad tempora Messiae. Quæ qui amplexi sunt, ii profectò in multas saebras inciderunt. nesciebant enim quid dicerent, aut quò se verterent, cum cernebant à Sedeciè quidem morte usq; ad Aristobuli tempora regnum Iudæorum nullum fuisse, postea autem usque ad Herodis tyrannidem solos Levitas Hasmonæos regnum tenuisse. Persecutus ea nuper in Exercitationibus Baronianis bene atque feliciter est vir seculi nostri eruditissimus Isaacus Casaubonus, cui placuit Eusebii præclara de hoc oraculo sententia, quæ extat in libro octavo Dei uonstrationis Euangelicæ, in prima demonstratione. Nos ea omnia, quæ tam ab Eusebio, quam à Casaubono, rectè dicta sunt, prætermittimus, ne actum agamus. Etiam illud fatemur, interpretationum omnium, quæ vulgatæ haetenus sunt, longè eam esse optimam, cuius autor Eusebius est. Sed quoniam nondum vel Eusebius, vel qui nuper secutus illum est, vir maximus, intellexisse

mihi videtur, quodnam illud sit sceptrum , aut quando datum Iudæis sit, de quo annosus vates in extremo vita locutus ad filium est , certè hoc jam expediendum nobis est, sed cum veniæ præfatione. Nam nec ab Eusebio dissentire voluptas nobis est , quem in maximis scriptoribus semper numeravimus , & virum , quem nominavimus , seculi nostri primarium , qui secutus Eusebium est , ita penitus veneramur , nemo ut nobis præ illo magnus sit. Est enim is profectò , cuius auspiciis hac ætate admirabilis cursus factus ad omnem doctrinæ excellētiā est. Sed nos ingenua simplicitas jubet, quid verum rectumque sit , sine affectu exquirere. Primum illud non sine errore censuit Eusebius , sceptrum esse Iudæ datum jam inde à tempore Mosis , propterea quod tribus hæc inter cæteras singulari dignitate semper excelluit, locumque tenuit honoratiōrem tam hercle in castris, quam in eorum ordine , qui munera in templo offerebant. Me verò illud argumentum non magis movet , quam si Romæ aut Athenis quispiam sceptri majestatem non apud populum Romanum aut Atheniensem, sed apud unam dicat tribum fuisse , quæ cæteris nobilior

hius florentiorque erat. Sanè enim ex constantissima veterum auctorum affirmatione illud constat, fuisse utriusque hujus populi multas diversasque tribus, quarum aliæ erant aliis dignitate, loco, atque ordine priores. Quid est igitur? Evidem ego sceptrum esse nihil aliud, nisi majestatem imperii opinor, eam nempe, quæ ipsi reipublicæ assidet. Quare quorum respublica est, eorum & sceptrum dici debet. Respublica autem Hebræa à Mosis seculo ad usque Roboami regnum, non Iudæorum, sed duodecim tribuum fuit. Ex quo efficitur, etiam sceptrum per ea tempora omnium fuisse Israëlitarum. Cæterum de hoc sceptro, quod diu commune duodecim tribuum fuit, non locutus est divinus patriarcha in celeberrimo oraculo. Seros enim annos, & ventura spectavit secula, cum tribus Iudæa, scisso in contrarias partes populo, suam sibi rempublicam habere seorsim ab Israëlitis cœpit, quam probavit dilexitque Deus, atque appellari de solo Iudæ nomine Iudaicam voluit, donec is mortalium datus cœtibus esset, cui imperium destinabatur non Iudæorum modò, sed gentium omnium. Atque hanc quidem sceptri majestatem, ex quo tem-

pore semel esse Iudæorum cœpit, man-
fisse eorundem dicimus, et si mutatus
interdum reipublicæ status sit, ac pe-
nes optimates modò pontificesque,
modò penes reges principesque sum-
ma fuerit imperii. Nimis ineptè faciunt
qui hic in arctum desiliunt, & nominis
hujus honorem haud pertinere nisi ad
reges autumant. Quicunque enim po-
pulus suâ quâdam republîcâ, suisque
legibus utitur, is rectè gloriari de impe-
rio, deque sceptro potest. Memoriæ
proditum est, Ierosolymæ, etiam eo
tempore cum populum non principes,
sed optimates regerent, in medio ma-
gni concilii, quod Sanhedrin vocant,
sceptrum pependisse. quæ res fuit pro-
fectò quoddam insigne illius majesta-
tis, quam ¹ Marcus Tullius esse magni-
tudinem quandam populi ait in eius po-
testate ac jure retinendo, quæ vertitur in
imperio atque omni populi dignitate. Non
reges, non principes Rempublicam
Romanam, sed consules atque senatus
agitavere, cum lex istæc fœderis da-
ta Aetolis est, quam Livius refert, ²
*eti majestatem populi Romani conserva-
rent sine dolo malo.* Atque hoc idem o-
mnibus fuisse liberis populis imperat-
rum,

¹ In Partit. Orat.

tum , qui fœdere aliquo , sed haud æquo , in amicitiam venirent Romanorum , testis est Proculus Iurisconsultus in l. 7. ff. de captiv. & postlim. reversis. Ne illud quidem nostrâ interef- se arbitramur , quâ de gente aut tribu fuerint , qui Iudaicas res moderati sint rexerintque. Etsi enim per annos sanè multos regnum tenuerint Levitæ Has- monæi , fuit tamen nihilominus res- publica Iudæi populi. Neroni Cæsa- ri illud sapientissimus magister ¹ di- xit , Non rempublicam principis esse , sed principem reipublicæ. Neque profectò alia fuit sententia Vlpiani Iurisconsul- ti. is enim majestatis crimen esse id de- dum ait , quod adversus populum Roma- num , vel adversus securitatem ejus com- mittitur. l. i. §. i. ff. ad legem Iul. ma- jest. Utique vixit iis temporibus Vlpia- nus , cum nec jussus amplius nec suffra- gia populi essent , sed imperium atque rerum summam Cæsares tenerent : & tamen , qui accuratissimè definire cun- ñata solet , majestatem esse populi ait.

C A P V T X.

Nunquam duodecim tribus Hebreos de-
nomine Indiaorum appellatas esse. De-
cem
D 5

¹ Senec. lib. i. de clementia.

cem illas tribus, quæ ante Nabuchodonozoris tempora auctoræ à Salmanassare sunt, nunquam in Palæstinam rediisse. duas duntaxat tribus, non plures, paruisse Romanis, usque ad Flavii Iosephi tempora. Passim Eusebii & aliorum error notatus.

Nondum satis confutasse Eusebium videmur, nisi palam fecerimus, in quos laqueos ipse se induerit imprudens scriptor. Extant illa verba ejus in libro quem citavimus¹, δέποτε Μωσέως χρέονταν καθεξῆς & διέλιπον μεριμνή μὲν σύνταν ἀρχοντες σὺν Διοφόρῳ Φυλῶν ἡγησάμδροι, καθόλας δὲ οἱ Γάγδας Φυλὴ παντὸς οὐρανοῦ εἴδυται. Iam inde à temporibus Moses, duces quidem Israëlitici, si particulatim eos intueare, ex diversis tribubus lecti imperarunt: at in universum toti genti præfuit Iudea tribus. Haec tenus sibi constat, neque pugnantia dicit. Quod autem subdit, ridiculum est: παρεδίγματι τὸν καταδέξη τὸ εἰρημένον. οὐδὲποτε τὸν αριστῶν δρόκον οἱ μῆτραι κατέβησαν τοι τῇ γένεσι, επαρχοί τε καὶ σπαζόπεδαί εχουσι, οἱ τε

πεδ-

¹ Lib. 8 Demonstrationis Euang. in demonstr. I.

πάνταν σένωται τῷ Βασιλεῖς, καὶ πάντες
 ἐκ τὸς Ρωμαίων δέ μῶνται πόλεως, καὶ δό-
 λπὸς Ρώμης καὶ Ρωμύλος πτορφῆς, οὐκαν-
 σκή μυρεῖσιν, αὐλῷ οὐκανοθεν, ἐθνῶν,
 ὅμως ἵστοι πάντες Βασιλεῖς τε, καὶ οἱ
 μετ' αὐτὸς ἀρχοῦτες ἐν γύγιδροις τῷ
 Ρωμαίων ἐπιγράφοι) περιγρεῖσιν,
 Ρωμαίων τε τὸ κράτος ἐπινόμουσιν,
 Εταύτης ἐξηπταμ τὸ ἐπινυμίας. οὐτα-
 σφέλτε καθ' Εὐρωπίστης γένη νοεῖν προφυ-
 μάτων· μιᾶς μὲν καθόλος τὸ Σύγδονος
 Φυλῆς καὶ τὸ παντὸς ἐθνυς ἐπιπεφυ-
 μεισμένης, τὸ δὲ καὶ μέρος τὴν γύγιδρενων
 τε καὶ βασιλέων σὺν Διοφόρῳ καθι-
 στατείνων Φυλῶν, καθόλος δὲ τῆς Σύγδονος
 πιμεισμένων περιγρεῖσι. Exemplo fa-
 cile percipies, quod diximus. Quemadmo-
 dum enim in Romano imperio gentium
 singularum moderatores rectoresque &
 praefides, castrorumque prefecti, qui que
 omnibus illis maiores sunt, reges, haud
 quidem omnes urbe Roma, neque Remi
 Romulique satu, sed ex innumeris alii
 aliunde gentibus orti sunt; & tamen tam
 reges profecto cuneti, quam qui post illos
 sunt, prefecti ducesque, appellati sunt Ro-
 mani, visque & potestas Romanorum di-
 citur, atque ex hoc nomine pendet: Ita de
 Hebraeorum rebus existimandum est, quasi
 una quidem tribus Iudea toti genti illustre
 suum nomen impertiverit, particulatim
 vero

verò duces ac reges creati ex diversis tribubus sint, qui tamen ex communi illa Iudeorum appellatione honorem acceperint. Vide quid non possit incogitantia. Planè enim contrarium efficit Eusebius, quam volebat.. Qui enim sceptrum fuisse penes Iudeos jam tum à tempore Mosis ait, argumentum ejus rei hoc adfert, quia respublica , imperium , atque totus populus , qui duodecim tribuum erat , appellationem habuere de nomine unius Iudeæ. Hoc arguento bis terve diversis in locis, magnifice se effert. neque ferme in tota illa differentiatione aliam rationem reperias , qua probare sententiam suam nititur. Atqui, pace Eusebii, hoc omne, quidquid est , futilissimum est. Non enim respublica , non imperium de Iudeæ nomine dici cœpit , nisi postquam secessionem major Israëlitarum pars fecisset Hieroboami auspiciis , qui statim Samaria regnum sibi quoddam munivit ceremoniarum atque religionum mutatione. Ego & Eusebium, & eos omnes, qui leviter sacram historiam cognoverunt , quavis sponsione provoco , n̄i hoc ita sit , uti dico. Sed quid illud est , quod toties & tam fidenter ait , duodecim tribus in universum fuisse Iudeorum nomine appellatas? Est hoc

Euse-

Eusebii delirium , quod ille incautis mortalibus obtrusit ; & reperti sunt quidam summa claritudine scriptores, qui defenderent. Nos id nunquam factum dicimus , sive tu tempora ista, quæ scissionem regni Israëlitici antecedunt, sive ea species, quæ insecura post fuere. Et Eusebius quidem , et si mentem suam aperte non explicat, tamen, si conjicere licet, sic sensit , accidisse illud inter initia nascentis imperii , cum res publica in Cananensium sedibus institueretur , ac de nomine ejus capienda consilia essent. Sed hoc colorem veri non habet. Quare vir maximus, quem Eusebii defensorem diximus , de tempore eum aliter sentientem facit, & quod sentire eum credidit , probat ipse sequiturque. Observasse enim Eusebium ait , duodecim tribus Israëliticas appellationem accepisse de nomine Iudæ, eamque appellationem tunc primum cœptam usurpari , cum regiam potestatem, quam in Sedecia tribus Iudæ amiserat , pontifices maximi in se transmovissent. hanc autem rem in primis admiratione dignam ait, quippe quæ accedit consilio numinis. Etenim, cum Polybius non sine gravi causa existimet evenisse ut Achæi , exiguis Græciæ populus , nomen aliquando da-

62 P. CUNAEI LIB. I.
darent universæ Græciæ , sanè etiam
hic aliquid sublimius grandiusque spe-
ctandum esse, cum post redditum à cap-
tivitate omnes omnium tribuum A-
brahamidæ vocati Iudæi sint. Hunc
nos errorem excusare nec possumus,
nec debemus. Enimverò , cum scissum
divisumque Israëlitarum regnum fuit,
duæ tribus, Levitæ & Benjaminitæ,
Iudæis se sociaverunt. Quia autem
pauciores tenuioresque erant , nihil
nisi accessio habitisunt. Itaque nec res-
publica ab illis appellationem accepit,
& ipsi pene nomen suum amisere. di-
cti enim tandem communiter Iudæi
sunt. Hæc vera rectaque fatemur. ne-
que aliter res habet. Sed quid ista , aut
quo pacto ad cæteras decem tribus
pertineant , viderint ii , quibus hoc
commentum placuit. Profectò, ex qua
tempestate semel decem illæ Israëliticæ
tribus abductæ à Salmanassare Assy-
rio, & dispersæ per Colchos , Parthos,
Indos atque Æthiopas sunt, nunquam
deinde in patrium solum redierunt
aut conjunctæ iterum Iudæis sunt : sed
inter barbararum gentium imperia,
etiam hodie, si qui adhuc ex illa collu-
vie supersint, improbæ defectionis gra-
veis pœnas exolvunt. Itaque in repu-
blica Iudæorum esse , aut nominis ho-
norem

norem ab illis accipere non potuere, qui cum Iudæis nullum usum nullamque consuetudinem habebant. procul enim diverso in orbe siti, aliud cælum, alia sydera intuebantur. Est apud Flavium Iosephum, inusitatæ diligentiaæ autorem, memorabilis locus¹, quem excusissime ingens pretium operæ erit. sic enim optimè rem expediverimus. Fecerat Flavius primum verba de iis, qui undique ex vicinis terris Babylonem confluxere, uticum Ezra Hierosolymā redirent. ii autem omnes erant Iudæi, & qui se Iudæis conjunxerant, Levitæ atque Benjaminitæ. At de Hebræis alliarum tribuum, ita subjicit; ὁ δὲ πᾶς λαὸς τοῦ Ισραὴλ οὐκέτι χωρεύει εἰναὶ διὸ καὶ δύο φυλαὶ εἰναὶ συμβίβηται επὶ τε τῆς Ασίας καὶ Ευρώπης Ρωμαῖοις υπάγγοις. αἱ δὲ δέκα φυλαὶ πέραν εἰσὶν Εὐφράτης ἐώς δύο ρο, μεγάδες αἴπεροι, καὶ δρόιθμοι γνωσθῆναι μηδυσέμματα. reliquis vero omnis populus Israelitarum in² sedibus suis remansit.. Quare iam in Asia, quam in Europa, duas duntaxat tribus in obsequio

Roma-

¹ Lib. xi, cap. v, Antiq. Iudaic. ² Loquitur Flavius de iis sedibus, in quas decem Israelitica tribus erant asportatae trans Euphraten à Salmanassare Assyrio.

Romanorum esse contigit. at reliquæ decem tribus, etiam hoc tempore, trans Euphraten adhuc degunt, quarum sunt infinitæ myriades, plane ut propter numerosam multitudinem nosci haud queant. Enimvero durioribus usi fatis sunt, quos Salmanassar abduxit captos, quam ii hercle, quos avexit postea Nabuchodonozor. Nam Israélitas quidem fluvius Euphrates, quem semel transierant, semper coërcuit. At Iudæi, qui eundem transvecti erant, tandem reversi aliquando in Palæstinam sunt: & cum aut angusta nimis, aut parum grata ipsa illa esset Palæstina, per Europam tandem Asiamque latè sedes suas posuere. Hæc causa est, cur Iosephus duas modò Hebræorum tribus ad obsequium actas à Romanis dixerit. Illa enim tempestate populus Romanus, et si omnia pene armis subegerat, & solem utrumque currere in imperio suo cernebat, nondum tamen movebat terminos trans Euphraten. Itaque decem Israéliticæ tribus, quas fluvius ille æterno carcere claudit, haut partuisse tunc Romanis, rectè proditum ab accuratissimo scriptore est.

CAPV T XI.

Hariolatio quorundam, qui sceptrum Iudaicum esse Davidi datum ajunt. admodum serò contigisse, quod dictum multò antè de Iudea sceptro erat. Quando ablatum Iudeis sceptrum sit.

Dixi ingenuè, quando datum Iudeis sceptrum existimem, de quo oraculum extat: dein, quos cives habuerit ea res publica, quæ ortum accepit ex plebis secessione. Quæ omnia Eusebius assicutus non est. qui tamen unus inter tot interpretes recte de illo oraculo ac pene divine judicavit. Quæ cæteri commenti sunt, non referam. Plerique tamen quod Eusebius esse factum jam inde à primordiis reipublicæ Hebrææ vult, id contigissè eo tempore ajunt, cum regia potestas delata ad Davidem est, quem tribu Iudea satum sacri annales loquuntur. Sed hos tam solide tamque feliciter confutavit Eusebius, nihil ut amplius addere cujusquam possit industria. Nam & Davidis posteris per tempus oppido exiguum, usque ad captivitatem Babyloniam, tenuisse regnum docet: &, quæ dicuntur identidem de æterno ejus folio, bene atque sapienter ad Messiam retu-

lit. Sed de his post Eusebium plura dicere, hominis sit frustra seduli. Ita enim ille defunctus hac cura est, uti otium omnibus fecerit. In fine restat ut illis sollicitudinem demamus, qui mirabuntur quid ita serò eventus exstiterit vaticinii, quod proditum de Iudea republika est. Diximus enim sub Roboamo demum cœpisse eam. Sed sciant illi, ne hoc quidem præter vatis mentem fuisse. Quippe filios suos moribundus senex extremum allocuturus, velle se illis significare ait, *qua eventura sint in diebus novissimis*. Dein & illud meminerint, in oraculis haud curiosè vestigar tempora oportere. Pleraque enim interpretanda latissimè sunt. Vel ecce in hoc ipso vaticinio, cum dicitur, *non sublatum iri sceptrum, priusquam venerit Silo*, putas illud significari, statim cum apparuerit mortalibus Messias, fore ut de manibus excutiatur sceptru genti isti. Quod planè secus accidit. Non enim amiserunt id decus Iudei, nisi postquam, excisa urbe, incensoque templo, rempubl. aliquam habere suam, seque suis regere legibus desiverunt. Neque propterea defuit oraculo infallibilis veritas. Etsi enim diu ante è terris exceperat rerum salus Messias, contigisse tamen hæc ejus ætate constat.

stat. Mihi quidem significasse illud publica voce visus semper ipse Messias est, cum de urbis templique eversione in hunc modum insit, μὴ παρέλθῃ θεὰ αὐτῇ, μέχεται γέ πάντα τῶν ταῦτα γένη). non transibit hæc ætas, priusquam facta sint hæc omnia. Hæc satis erunt bonis cordatisque omnibus. Ceteros non moramur, quibus hæsitandi causa ubique est. Evidem, qui viros maximos incertis hic fluctuare erroribus cernebam, ita paravi memet ipsum, uti quiddam certum tenerem, quod deinceps sine periculo tuerer constantissime. Persæpe enim ea res in hisce libris nostros impetus tardavisset.

C A P V T XII.

De dictatoribus, judicibusque. de senatu Sanhedrin. de initiatione senatorum. ἡ Χρονία. item solenne carmen. qui electi in id concilium, qualis iurisdictio eorum. de populi comitiis. de poculo Sutha. Iudaorum delirium de magia usu. de Eleazari incantamentis.

Ostensum à nobis est, rempublicam, de qua agimus, diu Hebreorum omnium, mox autem Iudæorum duntaxat fuisse. quod profectò semel definire, magni nostra intererat. Nunc

E 2 egressi

egressi ex molestissima disputatione, dicamus deinceps, qui sacræ genti imperitaverint, quidque de judiciis sit, & de senatu habendum. Non concederat Mosi numinis benignitas, uti rempublicam eam in Palæstina surgentem cerneret, cuius instituta publicaverat in Arabum desertis. Datum id decus Iosuæ est, qui, Mose defuncto, populi ductor cum imperio maximo fuit. Domini enim militiæque, quod jussisset, ius ratumque erat. Hunc pari potestate secuti sunt, qui præundo edicendoque prætores dici dictatoresque poterant, et si in sacris annalibus iudices appellantur, ratione haud multum diversa. At Flavius *μγράχας* vocavit. quod nomen etiam Syllæ, Cinnæ, Marioque, & aliis dictatoribus Romanis Græci dedere. Hos iudices, in magnis motibus, necessitas creavit: & compertum negotiis atque periculis est, in bello feliciter illis rem semper processisse, cum regum temeritatem persæpè fortuna destituerit. Fuit etiam cum iidem rebus civilibus intenti agerent, causasque audirent, sed graviores. Rarò enim pro tribunali sedebant. Iussus modò, imperiumque, & summa rei ad eos pertinuit. Ultimus eorum Samuel fuit is, quem reges excepere, qui, pote-

potestate & imperio non contenti, habitu insuper insignibusque & splendore fortunæ supra multitudinem se tulere. Cæterum, præter summos populi duces, iudicesque, atque eos, qui post appellati reges sunt, non pauci alii fuere, qui de republica consultarent, jusque dicerent, & negotiorum arbitri essent. Synedria enim quedam constituta erant, in quibus qui senatores fuerint, quæve res ad illos relatæ sint, ediscendum deinceps est. Ante omnia offert se nobis concilium magnum Sanhedrin, in quod adscripti assessores septuaginta erant. Id concilium, cum constitutum à Mose esset, semper deinde sub iudicibus, regibusque, & pontificibus usque ad extremam Iudææ desolationem fuit mansitque in ea urbe, quæ sanctuarii sedes atque reipublicæ arx esset. Sed quoniam prima tempora, proximaque illis, fermè obscura sunt, & de urbe Silo nihil præcipue scitu dignum sacer codex prodidit, nos, quale id synedrium in civitate principe Ierosolyma fuerit, postquam extratum illic templum est, ex Iudæorum observatione trademus. Mox de cæteris dicetur conciliis, quæ vel Ierosolymæ, vel in urbibus singulis fuere. Concilii magni sedes in ipso sanctuario

E 3 fuit.

fuit, ubi de divinis humanisque rebus
senatores septuaginta cognoscerent,
non hercle de plebe hominum lecti,
sed nobilissimi omnes, qui amplitudi-
nem majorum, ac prisca familiæ deco-
ra præferebant. Eam sedem illis sumi-
mus Moses assignaverat. Convenire
enim eos in locum jussit, quem elegis-
set Deus uti nomen illic suum adorare-
tur à populo. Ab his provocatio non
erat. Quicquid decidere cæteri magi-
stratus judicesque in Palæstinæ oppi-
dis atque in ipsa urbe Hierosolyma ne-
quibant, id omne ad horum jurisdi-
ctionem pertinuit. Qui autoritate &
honore præcellerent inter eos, duò
fuere. quorum unus totius synedrii ca-
put erat, & à Talmudicis נֶשְׁיָא בְּכָל מִקּוֹם di-
dictus est. alter huic proximus, sed mi-
nor fuit, quem אָב בֵּית הַדִּין patrem judi-
cii appellavere. Cæteri inter se æquales
fuerunt. Hæc senatoria dignitas, quo-
niam amplissima erat, nemini data sine
legitimo actu est. Manū enim imposi-
tione opus fuit, quam Iudæi כְּנִיחָה vo-
cant. At Græci Χριστοῖς dixerunt.
Ita Moses Iosuæ & septuaginta senato-
ribus manū imposuit. qua solennitate
peracta, statim delapsus ætheriis sedi-
bus

[¶] Id est, Princeps in omni loco.

bus spiritus pectora eorum implevit. Et hi porrò, in hunc modum initiati cum essent, alios eadem lege auctoraverunt. Non tamen potuit is ritus extra terram sanctam peragi, quia vis ejus omnis conclusa Palæstinæ finibus erat. Per insigne est, quod Rabbi Maimonides tradidit in Halacha Sanhedrin, in capite quarto. Cum enim olim solennem hunc actum pro arbitrio suo omnes ii celebrarent, quibus imposita semel manus fuerat, coarctatum id jus à sapientibus esse ait, constitutumque uti nemo deinceps illud usurparet, nisi cui id concessisset divinus senex Rabbi Hillel. Is autem magni concilii princeps erat, & alterum sub se præsidem habuit Sameam, hominem truculentum ambitiosumque, cuius sectatores, cum paulò post contra discipulos Hillelis insurrexissent, tantis studiis animos hominum concivere, pene uti totus populus perterritus in partes sit. Tandem hæc manuum impositio, quæ usitata diu fuerat, cessavit. Recitatum enim duntaxat carmen quoddam conceptis verbis est, quod Rabbi Maimonides fuisse ejusmodi ait: *הרי אתה כמוך ויש לך רשות רינוי קנסות :* Ecce, manus tibi imposta est, daturque potestas tibi iudi-

cia exercendi etiam criminalia. Præterea
 aliam quoque formulam Talmudistæ
 prodiderunt, quorum verba in Elen-
 cho Trihæresii vir illustris Iosephus
 Scaliger retulit, sed non rectè accepit.
 Quare nos illum locum huc transcri-
 bemus, &c, ut intelligi debet, interpre-
 tabimur. Dixerant Talmudistæ de Iu-
 da Babæ filio, qui vetera gentis suæ in-
 stituta tutatus acerrimè est. Penè enim
 actum erat de judiciis criminalibus,
 deque manuum impositione, ni ille
 Atlas res labentes fulsisset. Dehinc illa
 הַסְמִינָה לֹא דּוּקָא בַּיד כָּמוֹ : subjiciunt
 שָׁעֵשָׂה מּוֹשֶׁה לִיהוֹשָׁעַ אֶלָּא אֲפִילוֹ בְּרַבּוֹ
 בְּלֹבֶד דַי שִׁיאָמֶר אֲנִי סּוֹטֵךְ אֶתְחַזְקָה הַהִיא סְכוֹןָה :
 Nos horum verborum germanam
 sententiam hanc putamus: *Actus ille*
solemnis non tantum fit manu imposta,
quemadmodum Moses Iosua fecit, sed
etiam fit per formulam verborum dunta-
nat, cujusmodi hoc est, quod dicitur, Ego
impono tibi manum, & manus imposta
tibi esto. At summus Scaliger ex illis
 verbis collegit, esse à Iuda aliud quod-
 dam carmen repertum præter vetustis-
 simam formulam, quæ ibi concepta
 est. Quorum omnium nihil Talmudi-
 stis in mentem venit, neque vera sunt.
 Fefellit autem hoc virum maximum,
 quod existimavit esse בְּלֹבֶד præterquam,

cum

cum contra in Rabbinismo ferme sit
duntaxat & solum. Sed hoc grammati-
cæ pulpæ est, & relinquere aliis debet.
Nos hīc quædam graviora commen-
tamur. In concilium magnum non
modò cives primariæ nobilitatis, quod
jam diximus, sed Levitæ quoque sacer-
dotesque electi sunt. Etiam pontifi-
cem Maimonides ascitum ait אָמֶן הִירְאָה
רָאוּ בַּחֲכֹתָה *si cordatus, & capiendis con-*
siliis non ineptus esset. alioqui reprobare
eum fas fuit. Non enim suo jure in se-
natum ibat, sed admissus suffragiis est.
Cunctos autem assessores corpore esse
integro oportuit. Qui vitium aliquod
habebant, arcebantur. Sed nec pere-
grini exterive recepti in hunc ordinem
sunt, nisi matre saltem Iudæâ essent.
Hos enim excipit Maimonides. Et sanè
æquum erat, neque secus constitutum
jure Quiritium est. Ait Vlpianus IC. in
l. 1. §. 2. ff. *Ad municip.* si quis ex patre
Campano, matre Puteolanâ natus sit,
eum municipem Campanum esse. nisi
forte privilegio aliquo materna origo
censeatur. tunc enim filium mater-
nam originem sequi. quare Iliensibus
concessum esse, ut, qui matre Iliensi
est, sit eorum municeps. & Ponticis ex
beneficio Pompeii Magni competere,
ut, qui Ponticâ matre natus esset, Pon-

ticus esset. atque etiam Delphis hoc idem tributum & conservatum fuisse. Senatoribus Sanhedrin per omnem Iudeam ire, conventusque populi lustrare, in oppidis magistratus condere, cura fuit. Cumque Cabbala quædam, mysteriorumque doctrina jam inde ab initiis reipub. tradita per manus esset, hujus vis omnis, auctoritasque penes illos erat. Tum & statuta de rebus sacris condere, & modos quosdam comminisci, quibus lex exponeretur, illorum fuit. De qua re Maimonides accurate egit in Halacha in cap. primo. Extant apud Talmudistas multæ juris Iudaici cautiones de illo sapiente, quem ipsi מורה קוזן *senem refractarium contumacemque* appellant; qui juris sacri & Cabbalæ pridem consultus, ortâ mox hæsitatione aliquâ, probare illud & sequi recusaret quod communiter Senatores Sanhedrin statuebant. Is dein judicio magni syndrii capite damnabatur. Huc illa Maimonidæ spectant in eadem Halacha in cap. tertio, אמרו בთורה הוּא, חכם אחר מחכמי ישראל שיש בידיו קבלה זוּן ומורה ברברי תורה כמו שירוננו ויוורו כל חכמי ישראל שבאות לו מהלוקת ברין מן הדיניים עם בית רין הגדול ולא חזר לדבריהם אלא חלק עליהם והוא היה לעשות שלא כהוראתן

כחוֹרָאתְנִי גּוֹרָה עַלְיוֹ תּוֹרָה מִתְהָ: Quæ
 jam plana sunt. Porro etiam vatum
 causa, qui graviter delinquissent, non
 alibi, quām in hoc synedrio, discepta-
 batur. idque in animo habuit servator
 hominum Messias, cum in Lucæ Evan-
 gelio negat fieri posse, *uti propheta quis-
 piam pereat extra Ierosolymam.* Tum &,
 quod summæ potestatis est, regem
 quoque constituebant, ac de bello ge-
 rendo, déque hostibus profligandis, &
 de proferendo imperio deliberabant.
 Sed quoniam hæc ejusmodi erant, in
 quibus salus omnium & summa reipu-
 blicæ vertebatur, consultatum de his
 plerumque cum populo est. Indicta
 enim comitia sunt, in quibus solis po-
 pulus partem aliquam caperet regun-
 dæ reipublicæ. Et sanc aliam capere
 partem, aut aliter, non debuit. hono-
 res enim magistratusque singulis man-
 dantur. quare gerere eos plebs propter
 vacordiam imperitiamque nequit. At
 in comitiis sapit videtque aliquid.
 Quod enim subtilissime Aristoteles ju-
 dicavit, omnis ea multitudo sensum
 aliquem habet, conjuncta si sit; atque
 etiam publica commoda juvat, quia
 cordatores adsunt, ducuntque. at
 seorsim singuli sine delectu judicioque
 sunt. De rege igitur, déque bello, ut
 dixi,

dixi, decreta facta interdum populo auctore sunt. Cætera omnia senatores Sanhedrin per se expedivere. Neque poterant illi maximis rebus esse impares, quia delecti sunt, quibus ingenium usu sapientiaque validum esset. Sancte quidem summus Moses eos senes dixit, non aetate modo, sed cura experientiaque. Fatemur tamen interdum causas ejusmodi fuisse coram illis disceptatas, quas explorare vis humanæ industriæ nequit. Hujus generis faciunt Talmudistæ quæstionem, quæ in solo hoc synedrio habita in caput mulieris de adulterio est, cum testimonia non adessent. Surrexit enim sacerdotum unus, qui pars senatus esset. Is collegarum jussu diram execrationem obtestationemque composuit in ream, ac mox potionem ei porrexit, quæ nocentem rumperet è vestigio, infonti autem prodesset ad valetudinem. Iudei magistri id poculum *תְּמִימָה* appellant. Quia autem vis ejus occultior in lege horrendi carminis latet, creditum ab illis est, senatores hos cunctos fuisse magizæ peritos, eamque artem tantum esse, uti, qui nescirent eam, recepti in sumnum illum ordinem non sint. Hæc opinio etiam nunc verpos tenet; sed vanissima est. Iam enim diximus,

sacrum

sacrum quendam instinctum non defuisse septuaginta senibus, postquam solenni actu impositæ illis manus essent. Et ipse Deus in Pentateucho eundem spiritum illis promittit, qui in Mose esset. Quare profecto tam futilis scientiæ præsidio non indigebant, qui meliora certioraque edocti cœlitus erant. Nos hunc Iudæorum asinimum stuporem non traduceremus, nisi Flavius Iosephus quoque summus scriptor, popularium commentis deceptus, similia aut stultiora delirasset. Eleazarum enim quempiam majorum gentium sapientem memorat, qui coram Vespasiano incantamenta quædam fanaticis adhibuerit, quæ summus rex Salomo in hunc usum à geniis accepta transmisisset ad posteros. Multa ille ibi refert, quæ satis digne exhibari non possunt. Nos putamus Iosephum, quo die istæc scripsit, aliquod purgamentum calcavisse. Adeò infelicitè, & præter morem suum, locutus aliena est.

C A P V T X I I I .

De duobus aliis conciliis, quæ Ierosolymæ fuere prater senatum Sanhedrin. De senatu xxiii virorum, qui in singulis oppidis. De trium virorum collegio. Civitas

vitatum quis modus esse debeat. De quinqueviris cædis expiandæ causa creatus. De septemviris & triumviris, qui annis & mensibus intercalandis præerant. Tempora à Rabbi Hillele Babylonio ordinata. Vis concilii Sanhedrin à Gabinio callide imminuta.

DE senatu magno diximus, quæ in mentem inciderunt. Cætera concilia quæ fuerint, & cujusmodi, expediiri paucis potest. Iam primum duo alia fuisse in ipsa urbe Ierosolyma eruditissimus Maimonides prodit in Halacha Sanhedrin, capite primo. Eorum descriptio in opere Talmudico est, tam in Misna, quam in Gemara. In utroque viginti tres judices sedebant. Quemadmodū autem magnum concilium Sanhedrin in templi parte erat, quæ Gazith dicta est, ita è duobus his synedriis unum ad portam atrii fuit, alterum vero ad portam quæ aditum aperuit ad montem templi. Etiam dignitas utriusque dispar fuit. Qui enim judices ad portam montis sancti sedebant, magnificum sibi duxere, si in senatum ascriberentur, qui ad portam atrii erat. Et rursum ex hoc senatu in concilium Sanhedrin ascendere, honoris gradus fuit. Quæ omnia accura-

tè

rè Rabbi Maimonides distinxit. Porrò præter Ierosolymitanæ hæc concilia in singulis quoque Palæstinæ oppidis aliquis senatus juri dicundo, negotiisque publicis curandis constitutus est. Is erat viginti & trium virorum, qui de capite fortunisque civium judices sedebant, causasque omnes decidebant, exceptis paucis illis, quas ad consefum Sanhedrin relatas dixi suprà. Describit Maimonides etiam triumvirorum quoddam collegium, atque id fuisse in tali civitate ait, quæ centum & viginti incolas non haberet. Ego verò Aristoteli assentior, ne quidem esse eam civitatem. Quemadmodum enim navis non est, quæ aut palmi unius sit, aut duorum stadiorum: ita civitas nomen amittit, modus si desit. Nam & quæ parva nimis est, suis ipsa opibus non pollet, quod civitatis proprium est: & magnitudine nimia non civitas, sed gens fit. Sed non est tam anxiè hæc ratio cum Iudæo putanda. Triumvirorum fuit de injuriis, déque pecuniis & bonis mobilibus judicare. Qui capitulum criminum rei erant, apud alios, quos dixi, postulabatur. Addit Maimonides¹, res quasdam ejusmodi fuisse,

quæ

¹ In Hal. Sanhedrin, cap. 5.

quæ nec ad septuaginta senes, neque ad collegium viginti trium judicum, neq; ad triumviro pertinerent. opus enim ad eas peculiari quodam senatorum numero fuisse. Inter has cædem numerat, quæ patrata in oppidi cuiusdam finibus incerto autore erat. Eam expiari oportuisse per quinqueviro, vitulæ mactatione, ait. Plura id genus refert, quæ prudens prætereo. Non enim dictata reddimus. Illud mireris, temporum quoque ordinationem selectis judicibus esse commissam. Nam de anno intercalari septemviro, de mense autem statuisse triumviro ait¹. Sed hanc curam postea omnibus popularibus suis ademit homo sui seculi princeps, Hillel Babylonius, de quo viro honorifice illud testatur Rabbi Abraham Zacuth in libro Iuchasin:

ר' הילל הנשיא חקן העיבור לכל ישראל קורם שתתבטל הסטיכרה עד ימי המשיחו

Rabbi Hillel, magni concilii præses, composuit intercalationem toti Israeli usque ad tempora Messiae. idque factum ab illo est antequam manuum impositionis legitimus actus abrogaretur. Profectò ni Hillel iste tantis malis mature occurrisset, turbata tempora confusaque fuissent.

Non

¹ In eadem Hal. eod. cap.

Non enim multò pòst cessavit *χειροθεσίας* solennitas, sive qua septem viros trium virosque corrigendis fastis præfectos fuisse, negat Maimonides, cum ait *וְכָל־אֶלוֹ סִטּוּרִים* *omnibus illis impositas manus fuisse.* Sed desinimus aliquando, ne quis nos credat accuratum opus moliri, qui nihil hercle, nisi tumultuarias *commentationes*, extrudimus. Quicquid autem de conciliis dictum à nobis est, ad eam referri tempestatem cupimus, cum nondum Iudæa Romanum victorem acceperat. Multa enim ille postea mutavit refixitque, non libidine aut sævitia, sed retinendæ dominationis. In primis Gabinius, Syrix proconsul, cum stabilitas reipublicæ multò maxima in consellu Sanhedrin esset, dissipandam ejus vim plura per oppida existimavit. Quare pari potestate quinque Synedria Gadaris, Amathunte, Hierichunte & Sephoris constituit. quinta sedes Ierosolyma erat, quæ jam pars sui & accessio fuit. Sancè quæ in cæteris urbibus posita à Gabino concilia sunt, cum deteriora Hierosolymitano non essent, etiam diutissime post illud stetere. Mihi quidem de illis loqui Iustinianus Imperator videtur *in l. 17. C. de Iud. & Cæl.* cum canonem requirit à *primatibus*, qui in

utrisque Palæstina synedris dominabatur. Sed in hæc nos egressi non sumus. Rempublicam enim veterem, & intermerata gentis instituta spectavimus. Cætera exequi velle, quæ conversa identidem sunt, infelicis studii sit. Non enim de illis aliquid tradi certū potest.

C A P V T. XIV.

De regis creatione, & an placuerit ea numini. Cur initio rex malus à numine adscitus. Quas res in illo legendo spectaverit vates. Liber de regni jure in sanctuario positus. Quarum rerum portetas data regibus Hebrais sit. Qui homines illi à Pontif. maximo, à sacerdotibus atque à vatibus delatus. Locus Samuelis contra quosdam interpretes stabilitus. Sedendi jus in atrio sacerdotum soli regi datum, non ipsis sacerdotibus, nec aliis. Cujusmodi regibus paruerint primi homines, ex Aristot. Quidnam Hebrais regibus sanctitatem adjecerit. Non eam hinc esse, quia vates fuere. Solos reges & pontifices maximos unctione fuisse initiatos. Unguentum sacrum à Iosia defossum, nec post repertum usurpatum fuisse sub templo secundo. Reges Samariae an uncti fuerint.

Ait Rabbi Maimonides in parte postrema Misnæ, Israælitæ tria mandata

data accepisse à numine, quæ exequuntur cum Palæstinam tenerent. ē quibus primum erat, uti regem sibi constituerent; alterum, uti memoriam obliterarent Amalekitarum; tertium de templi ædificatione fuit. Mox hæc ostendit longo quidem intervallo, diversisque temporibus, sed illo tamen ordine, quo iusta erant, confecta esse. quippe creatum regem esse, priusquam bellum cum Amalekitis gereretur. templi autem structuram non cœptam esse, nisi cum invisiſſimæ istius gentis extremus dies venisset. Testimonia istius rei illustria Maimonides recitat, quæ huc transſcribere supervacuum est. In Deuteronomii capite decimo & septimo summus Deus, cum Iſraëlitas expetituros regem aliquem ait, causam adjungit, quæ veriſſima est, quod omnes in vicino gentes sub unius imperio vivebant. Ita enim est natura ingeniumque hominum, illam orbis partem qui habitant. pauci libertatem, pars magna justos dominos volunt. Nec vanè apud Tacitum Claudius Civilis ad Batavos suos ait, *Servire Syriam, Asiamque, & suetum regibus Orientem.* Hoc ita cum sit, permulti migrati sunt, cur indignè tulerit Deus, summam rei à Samuele ad regem ali-

84 P. CUNAEI LIB. I.
quem transferri, siquidem illud & pro-
baverat antea, & futurum pro indole
dixerat sacri populi. Sed illis eruditè
respondit Maimonides, atque indi-
gnationem numinis ex eo esse ortam
ait, שאלו בתרעומת ולא קיימ
המצוות אלא מפני שקצו בשטואל הנביא
שנאמר כי לא אותו מסכו כי אותן מסכו :
*quia regem concupivissent per ambiguum
querelas, seditionesque voces, non uti legi
præceptum peragerent, sed quod displice-
bat illis sanctissimus vates Samuel, ad
quem vox illa numinis extat,¹ Non te illi,
sed me fastidiverunt. Evidem ego sic
opinor, atque id assertere non dubito,
Deum immortalem non caritate, aut
reipub. curâ, imperium Sauli dedisse,
sed, quoniam arrogantiam sœvitiam
que ejus introspicerat, comparatione
deterrima gloriam Samuelem quæsivisse
ut tali successore desiderabilior illa
quandoque foret. Fortuita & externa
videtur, sed ingens momentum ha-
bent, quæ spectata à Samuele esse in te-
gis electione, proditum ter quaterque
in sacro codice est, decora facies, cor-
pus procerum, atque alia, quæ oculis
omnium animosque trahunt. Ha-
sunt, quæ summus vates in media con-
cionis*

* In lib. I. Sam. cap. 8. vers. 7.

cione commendavit , cum locutus in istac verba est. ¹ *Videtisne , quem elegit Deus , non esse ei similem in toto populo ?* Quare profectò non jam barbarorum illud duntaxat , sed hominum etiam excultissimorum est , majestatem corporis venerari , magnorumque operum illos capaces putare , quos eximia specie natura donavit. Aristotelis , maximi autoris , scitum est , si qui nascantur tantò aliis corpore excellentiores , quantò simulacris hominum antecellunt deorum imagines , dignos videri reliquos , qui his serviant. Quod si in corpore hoc verum est , multò rectius de animo id statui. sed non eadem facilitate animi pulchritudinem , atque corporis , cerni. Sed nos hæc aliorum commentationi relinquimus. Est in Biblico codice ² mentio voluminis cuiusdam , in quo sacrata regni jura scripsit Samuel , eaque sic literis tradita in tabernaculo deposuit. Sed quæ referruntur illic , haud recte assècutus Flavius Iosephus est. credidit enim comprehensa illo libro esse omnia mala , quæ metuenda ab iniquo rege prædixerat Deus populo. Nos contra existi-

F 3

ma-

¹ In lib. i. Sam. cap. 10. vers. 24. ² In lib. i. Sam. cap. 10. vers. 25.

mamus, fuisse in illo libro eas leges, quæ jubebant uti justitiam atque cœquitatem rex coleret, utque rem publicam bene atque ex utilitate civium moderaretur: tum ne stupris aut libidinibus principem ageret: postremò, uti in magna fortuna modestiam retineret, quæ nec summis mortalium aspernanda est, & à Deo æstimatur. Ea res his verbis tradita in Deuteronomio est: *constitue regem, quem Deus elegerit ex popularibus tuis. Ne alienigenam hominem regem facito, qui non sit de gente tua.* Cum autem fuerit constitutus, ne comparet sibi equos multos quicis confisus reducat populum in Ægyptum. edictum enim vobis est, ne amplius eam viam repetatis. Sed nec uxores habeat plurimas, quæ pelli- ciant animum ejus, neque argenti vel auri immensa pondera. Postquam autem sederit in solio, describat sibi exemplum legis hu- jus, ex illo volumine, quod penes sacerdo- tes Levitas est, habeatque illud secum, & legat omni vita sua, uti discat vereri Deum suum, ejusque sanctiones observare, atque ut animus ejus non efferatur su- perbia, contemnatur cæteros. Hæc legis verba nec obscura sunt, & summam continere ejus voluminis videntur, quod maximus vates in sanctuarium recondidit. Diximus antea, Iudeos

rem-

tempublicam ejusmodi habuisse, quæ
in Biblico codice regnum sacerdota-
le ¹ appellatur. Ex quo fit sanè, ut re-
ges eorum non res modò civicas do-
mi militiæque moderati sint, sed reli-
gionibus etiam, sacrificiisque, & ceremo-
niis præfuerint. erant enim personæ
λεγωνάρχας ², quibus numinis iussus, &
vatis vox, autoritatem, decus, atque
imperium dabat. Quamquam profe-
ctò, quemadmodum præfectura fa-
crorum, summaque potestas, & judi-
cium ad illos pertinuit; ita ministerium
curationemque earum rerum Levitæ,
hoc est, pontifex, sacerdotesque atque
adjutores eorum, suo jure, sibi vendi-
caverunt. Id enim illorum erat, vieti-
mas cædere, expiations facere, leges
divinas coram populo recitare, item
alia munia in templo obire. Præclarè
annotatum à Talmudicis est, quan-
tò major omnibus & prophetis &
pontificibus rex fuerit. Nos id obiter
ex Maimonide referemus, cuius hæc
verba sunt ³:

במשפט

F 4

¹ De quo supra, in cap. 8. pag. 48, &
in lib. Exod. cap. 19. vers. 6. ² Id est,
sacratae. ³ In Halacha Melachim, c. 2.

במשפט האורים : אפילו נביא עומר לפניו המלך משתחו ארצה שנאי הנה נתן הנביא ויבוא לפניו המלך וישתחו לפניו על אפיו ארצתו : Ea sententiam fermè habent ejusmodi : *Sancitum fuit, uti pontifex maximus regem veneraretur, & locum illi suum ad sedendum cederet, atque ipse staret, si quando veniret ad eum rex. At è contra, rex non stat præsente pontifice, nisi cum consulit solenni ritu oraculum Vrim.* Træterea tanta regis dignitas est, uti vel ipse vates, quoties ei adest, in terram humiliter se summittat. quippe scriptum est, *Nathanem prophetam venisse coram rege, & specie honoris prono ore procubuisse in humum.* Quid quod ipse David, quem pridem antea vates regem fecerat, adèò veritus non est summi pontificis deus usurpare, uti sacrum ejus amiculum, quod Ephod appellant, induerit sibi, ac mox quæsiverit ex numine, an auspicatò educturus copias in hostem esset ? Locus ille illustris extat in commentariis Samuélis, quem omnino perverterunt nuperi interpres, viri hercle eruditissimi, sed qui hîc dormitavisse, aut egisse aliud videntur. Iudices ego eos omnes fero, qui vel leviter has literas attigerunt. Ecce illa verba ^{ויניש}

² In lib. I. Sam. 30. vers. 7.

וַיָּגִישׁ אֲבִיתָר אֶת הַפּוֹד אֶל דָוִד sic redita ab illis sunt, applicavit sibi Ebiathar amiculum Davidis causā : cum planè illud significetur , quod nos diximus, Davidem, acceptā Ebiatharis sacra veste , oraculum consuluisse. Sed referamus porrò , quæ ex Rabbinorum scriptis sublegimus. Utique etiam in illo positus apex dignitatis fuit, quod Rabbi Maimonides tradit in capite secundo in Halacha Melachim , & in cap. septimo Hal. Beth Habbechira , שָׂאֵן , שִׁבְרֵה בְּעֹזֶרֶת אֶלְאָ לְמִלְבָד בֵּיתְךָ רֹוד בְּלֹכְדָ: nulli homini fas fuisse in toto templi atrio sedere , præterquam regi , qui ex familia Davidis esset. Quare & illud ibidem paulò antè ait , וַיְהִי נָכַנְסָ לְעֹזֶרֶת וְהַיָּה si intret atrium , & sit de familia Davidis, sessio ei est . Erat quidem illud atrium certis spatiis divisum , ut pars hæc sacerdotibus , illa populo es- set assignata: sed tamen ne præscriptos quidem terminos aliter sacerdotes , quam stantes , tenebant. Senatoribus Sanhedrin autem sedendi jus fuisse, sed : הַחֲזִירָה שֶׁל חָנָן in medio ejus loci , qui prophænum vulgus capiebat , autor Maimonides est in Hal. Beth Habbechira in cap. septimo. At sacratiora atrii spa- tia neminem sedentem, nisi regem, ad- spexere; ut hoc ille eximium præ sa-

cerdotibus habuerit, quasi Deum proprius contingere, & religionum major antistes esset. Utique, si ad alias gentes eatur, Aristoteles primos mortaliū ait fermè habuisse eundem & regem & sacerdotem. Id quod haud pravum videri potest, propterea quod illi naturam adhuc incorrupti sequebantur, & quantò propius ab ortu & divina progenie aberant, tantò melius, quæ erant recta, cernebant. Sed ut de Hebræorum regibus dicamus, magnopere ea res conditionem illorum sacravit, quod unctione initiati essent. Hoc enim illis, pontificibusque maximis proprium fuisse Talmudici tradunt. Ex sacerdotibus autem illud adjungit, qui **רְאֵבֶנְהָמָה** **רִאשׁוֹן** ab ipsis dictus est propterea quod auspiciorum causâ ungebatur, ut prospere res bellica succederet. Ea unctione celsitudinem quan- dam divinam regibus, maiestate inque addidit, sacrosancti in terris ut essent, & commercia cum numine haberent. Sanè, quod interdum illi eâ tempesta- te ceremonias, religionesque constituerunt, aut restaurarunt, nequaquam illud ex hac re factum est, quia vates fuerunt. perperam id existimatum à quibusdam est, neque probari hercle potest. Etenim, si Davidem unum, &

for.

fortasse etiam Saulem, exceperis, cæterorum nemo quisquam divino afflato futura prædixit. Sed omnino Salomo, & Iosaphatus, Ezechiasque, & Iosias, atque alii jus & potestatem in res divinas exercuerunt, quia vis sacri unguenti pervaserat ad eos. Hoc unguentum confidere Moses iuslūs est, ex illis aromatum generibus, quæ Maimonides describit in Halacha Cele Hammikdasch in capite primo. Ajunt autem Talmudici, adhibitum illud initiationi, consecrationique fuisse usque ad tempora Iosīt, qui illud in templo recondidit sub humum in loco abdito secretoque, quem diu ante summa cura rex Salomo paraverat, cum ex vatuum responsis didicisset futurum olim uti templum ab Assyriis solo æquaretur. In eodem specu Talmudici arcam quoque iēti fœderis testem, & Aronis baculum, tum lapides Vrim & Tummim cum residuo Mannæ posuisse Iosiam tradunt, eorumque omnium nihil quidquam Iudæis restitutum esse, cum reversi Babylone in patrias sedes templum secundum extruerent. Quare ex illa tempestate regibus, pontificibusque haud fuit ex initiationum mysteriis eadem majestas. Sed nec ceremoniis plerisque ac sacris tam præfens adfuit

adseruit numen, ut ante solebat. Iactant illa vulgo Iudæi, quæ in libro Iuchasin refert Rabbi Zacuth : אֲשֶׁר עַל הַמִּזְבֵּחַ רָוֶב בְּכָל בָּיִת שָׁחַרְוּ חַמְשָׁה דְּבָרִים בְּבֵית שְׁנִי וּבְבֵית רָאשֵׁון הִיה כָּרִיּוֹת Ignis super altare cubabat, tanquam canis, quia vis ejus extincta erat, postquam quinque res defecere in posteriore templo. At in priore erat ignis iste velut leo. Enimvero ait eruditissimus scriptor, illa quinque defecisse, quæ jam diximus sic occulta à rege Iosia esse, nunquam ut postea reperta à nepotibus sint. Ponam in extremo, quod pene me fugerat, quia leve est. Placuit Talmudicis, reges Israëlis, qui, secessione à Iudæis facta, sedem imperii Samariam tenebant, haud delibutos illo oleo fuisse, quod ex edito numinis confectum à Mose erat. quare Eliam non nisi balsamo vulgari usum esse, cum Iosaphati filium Iehu ungeret. Sed ipsi addunt id modo sic שָׁדָךְ זֶה פָּסֹור בַּיּוֹד הַחֲכָמִים: traditum à sapientibus esse. ut jam non magnopere laboremus, quām hoc verum sit.

C A P V T X V.

Quibus artibus Hieroboamus ad regnum obrepserit. Rerum publicarum inclinatio, conuersioque Scipionis prudensia

veret.

verecundiaque in lustro condendo. Carmen lustrale pro republica. Ingenium plebis quale. Cur urbem Sichenum tenuerit Hieroboamus. Religionum sacrorumque mutatio quoddam flagitiosa dominationis arcanum. Ex decem tribuum secessione quot mala extiterint. De Sesostris falsa Herodotin narratio. Regni Samaritici eversio. Transportatio gentium cur à victoribus facta. Iudeorum exilium. Ex Ierosolyma spoliis templum Beli, & Babylonis munitio, tum pensilia nemora, murique coctiles. Græcorum futilitas, ex Berofo. Reditus Iudeorum in Palæstinam. Imperium ad Levitas devolutum. Contentiones eorum de imperio.

Gentis Hebrææ unitas, & pulcherri-
mi imperii contextus in duas par-
tes dissiluit, Hieroboami, hominis
gnavissimi acerrimique, artibus, qui,
quod apud Aristotelem Thessalus ille
ait, esurire sibi visus fuit, ni imperita-
ret. Is, cum in bello tribui Iosephi præ-
eslet, atque à vate adductus in spem re-
gni esset, ratus, id quod res est, princi-
patum fato dari, animum vastum cu-
pidunque ad obtainendam domina-
tionem flexit. Iam primum fidem mi-
litum sollicitavit, eorumque studia à
Salo-

Salomone avertere ad se conatus est. Sed cum palam esse id consilium intellexerat, supplicium ut vitaret, in Agypto delituit. Mox defuncto Salomone, in patriam reversus, opportunos magnis conatibus reperit transitus rerum. Ibi tributorum onera, exactiōnumq; iniquitatem obtentui sumpsit ad commovendam plebem, omniaque late turbavit, & maximarum calamitatum, quæ Palæstinam mox invasere, autor fuit. Enimvero, est hoc ita natura comparatum, nullius ut magnæ civitatis diu eodem loco stet fortuna. Pervenerat tunc ad summum felicitatis Hebræa respublica. Tuta, tranquillaque res omnes, adfluentia opum incredibilis, reges principesque in vicino, atque etiam procul, amici erant. Neque jam ultra fuit, quo exurgeret ejus magnitudo. Quare, incrementis sumptis, restabat uti fati lege decresceret, iretque in pejus. Id quod profecto longe est in conditione rerum humanaarum miserrimum. Scipio Africanus, cum censor esset, & lustrum conderet, atque in sacrificio solenne carmen ei scriba præiret, quo dii immortales rogabantur, ut populi Romani res meliores amplioresque facerent, satis esse cas bonas ac magnas dixit. Itaque precatus

catus est , uti eas perpetuo incolumes servarent : ac protinus in publicis tabulis ad hunc modum emendari carmen jussit . Utique videbat vir cordatissimus , neutquam fieri , ut muneribus suis semper faveat cœlestis benignitas , aut propria ea cuiusquam populi faciat . Quare conversiones vicissitudinesque formidavit , atque omnino eas causas animo suo peregit , quæ ex ipsis rebus publicis enatæ , nullo extrinsecus impellente , turbant eas plerumque , vitiantque . Sane quidem Ierosolyma , florentissima urbium , cui David Salomoque , summa virtute atque prudentia duo reges , pacem altam & securam confecerant , haud diu quiescere potuit . Etenim , defuncto Salomone , et si hostem foris non habebat , domitamen reperit . Exortus est is , cuem dixi , Hieroboamus , inquietissimus mortalis , qui tentatum semel infelicititer facinus , mox meliore successu perfecit . Concione enim convocata , statum publicum , temporumque conditionem , & principis acta incusavit apud plebem , cui inesse semper malignum quiddam & querulum in imperantes sciret . Ipse interim libertatem , & alia id genus speciosa nomina prætexuit , cum nihil , nisi alienum servitum ,

rium, & dominationem sibi, concupisceret. Ibi magna populi pars, quod fieri solet, violentis his vocibus inflammata, deteriori accessit; seditionesque & motus civiles exstitere, quibus interire ferme aut mutari vetustissima regna, atque maximæ respuplicæ solent. Dehinc dux turbulentissimus illas ipsas decem tribus, quas ad rebellionem solicitaverat, procul à Ierosolymitanorum finibus detinuit, atque urbem Sichemum, imperii tutam sedem, sibi elegit, unde in omnia regimen foret. Cæterum, quo firmius cœptis insisteret, patria instituta multa immutavit, & diversum quendam numinis cultum, atque alia sacra commentus est. Vitulorum enim adoratione sancta, veterem superstitionem novo paxillo suspendit, populumque quem causæ bonitate retinere in officio nequivisset, religione, quæ rerum publicarum quoddam coagulum est, devinxit sibi. Quare ex illa tempestate profectò, decem Israëliticæ tribus, dulcedine sacrorum & nectar ebrææ, fidem societatemque cum Ierosolymitanis colere, & res cum illis communies habere, quasi numinis imperio, recusabant. & jam, ut quælibet alia causa hostilis odii abesset, summa tamen ratio

ratio videbatur, quæ pro religione faceret. Ita demum regnum constitutum est, quod Israëliticum dicebatur. à quo diversum deinceps fuit Iudæo-ruin regnum, cuius arx & caput Iero-solyma erat. Atque hæc igitur res omnium malorum causa Hebræis fuit. Defessi enim, exanguesque, nationibus exteris præda facti sunt, quos antea non orbis terrarum, neque cunctæ gentes congregabatæ movere aut contundere quibant. Statim Susacus Ægyptius sacram urbem, templumque expilavit, &c, ne contumelia deesset, columnas passim disposuit, in quæs, fœdum dictu, incisa mulierum verenda erant. Nam quod Herodotus factum id à Sesostri esse prodidit, error nominis est, uti rectè Flavius judicavit. Et erant hæc quidem aspera profectio. Sed quæ postea utesque populus, Iudæus Israëliticusque, multo tempore interjecto, perpellsus est, graviora fuerunt. Ac primò quidem destructum penitus, eversumque decem tribuum imperium à Salmanassare Assyrio est, traductaque in Mediam Persiamque tota illa gens vacuas sedes Chytæis reliquit, hominibus profanis, quos mox deinde Esar Caddon in Palæstinam ex Persia misit, Israelitarum ut terram ineo-

lerent; quemadmodum mos regibus fermè est, gentes pro libidine huc illuc transferre, pecudum in morem, quas pastores nunc in hibernos, nunc in æstivos saltus trajiciunt. Ita enim ingenia populorum emolliuntur, mutanturque; &, qui in suo solo quidlibet audent, placidi quietique in alieno sunt. Nunquam deinde Israëlitis in patriam remeare, aut deletam perditamque instaurare rem publicam contigit. Usque adeò enim sese nefario impietas criminis obstrinxerant, uti placare numinis iram longa dies, revolutusque seculorum ordo nequiverit. Postquam Israëlitæ in exilium abducti erant, restabat uti Iudei quoque meritam penam luerent. Id quod profectò factum est, sed sero admodum. Quia enim tempestate Sedecias illis imperitabat, Nabuchodonozor cum ingenti exercitu Aegyptum, Syriamque armis domuit, ac Ierosolymam, & templum, quod illuc erat immensa opulentia, in cineres rededit. Inter quæ ille, nuntiata Nabonassari morte, cum regni hereditatem adire magnis itineribus maturaret, negotium ducibus suis dedit, uti Iudeos Babylonem, & circum ea loea deducerent. Atque ibi mox sedes illis, agrosque assignavit, in queis novi colo-

colonî vitam agerent. Supersunt veneranda antiquitatis monumenta ex Berossi annalibus, in quæ scriptum est, Nabuchodonozorem ex spoliis, quæ inde reportavit, templum Belo extraxisse, urbemque Babylonem pro maiestate imperii auctam coctilibus cinxisse muris. ad hoc, hortos arios, & nemora pensilia fecisse, in gratiam uxoris, quæ in montanis Mediæ educata, sylvas spectare, in edito quæ essent, amabat. Ex quo fit, uti vanum & nihili sit, quod magno consensu Græci tradiderunt, admiranda ea opera extructa à Semiramide fuisse. Confutat enim eos apud Flavium autor omni exceptione major, Berossus Chaldaeus, quem & antiquissimum esse, & summa religione ac fide res populium suorum ad æternitatem consecrassæ, creditum ab omnibus est. Iudeis neque graveis pœnas summus Deus, neque nimis longas inflxit. In exilio enim miti, facilique, tanquam in patriis sedibus, vixeré. Ac dein, circumacto septuaginta annorum orbe, redditæ Palæstinæ sunt, & Ierosolymam templumque ædificarunt, constitutaque iterum res publica eorum est. Hic verò status rerum longè aliis, quam antè, fuit. Etenim imperium,

quod penes Davidis posteros quoniam fuerat, nunc Levitæ, vario quidem illi & diverso modo identidem, sed tamen Levitæ usurparunt. Si homines, summam potestatem naœti, rempublicam quidem ditissimam maximamque fecere, sed ipsi inter se, dum de imperio, honoribus, gloria certabant, divina atque humana promiscua habuere. Ita nihil ad pietatem modestiamque illis sanctissimum nomen religionis profuit, quos ex cæterorum civium communione selegerat sibi, se posueratque olim Deus, ut i inter sacra ceremoniasque, procul ambitione, aetatem agerent.

C A P V T XVI.

Reipublicæ regimen apud pontifices. Eorum flagitia, & improba machinationes. De Eliasibi filii. Templum Garizitanum qua impietate exstructum si. Onia detestabile scelus. Matthias Hafmonæus laudatissimus dux. Principatus Indæ Maccabai. de Alcimo nequissimo bipedum. Indæa iterum sub regibus. De Herode. de Idumæis, & nomine eorum Cosa. Samea vera divinatio. Qua iniquitate Herodes imperium exercuerit. Ut Indæorum leges temeraverit.

Ex

Ex Levitica gente, post templi urbis-
que restorationem, primum pon-
tifices rebus gerundis præfuerunt, nul-
lo principis aut regis nomine assump-
to. Apud hos omnis gratia, potentia,
divitiæ erant, aut ubi illi volebant, cæ-
teri vulgus erant, sine honore, sine au-
toritate. Itaque tanti muneric decus
non mediocribus consiliis appetive-
runt, qui Levitæ modò essent. quidam
per vim, plures fraudibus, fallaciisque,
at pauci vera via illuc nitebantur. Ni-
hil turpius cogitari potest, quam quod
post Eliasibi pontificis mortem duo fi-
lli fecere. Nam & Iesus summum sa-
cerdotium, ope Bagosis, ducis barba-
ri, per nefas fratri Ianni erectum ibat,
qui ritè illud, atque ex lege acceperat:
& Iannes, ut acceptum retineret, ma-
jus flagitium in se admisit. illum enim
ipsum Iesum, in templo numinis, at-
que inter religiones, manu sua obtun-
cavit, fratribusque sanguine respersit
aras. Ianni non multo post successit
Iaddus. Atque hujus pontificatum rur-
sus Manasses frater speravit. Sed is Ma-
nasses, cum contra legis edictum Sana-
balletæ filiam, mulierem peregrinam,
in matrimonio haberet, orta hinc po-
puli seditione, intellexit aut solven-
dam sibi affinitatem socii potentissi-

mi, aut hercle, quod secundum erat, amittendam spem esse summi sacerdotii. Hic cum diu anxiam mentem in partes varias egisset, tandem communicatis cum socero consiliis, facinus nobile concepit, quod omnis posteritas loquitur, sed nulla probat. Tempulum enim ædificare in Garizin, monte Samariæ altissimo, destinavit, ejusque rei potestatem mox ab Alexandre per Sanaballeten accepit. Ita, qui Ierosolymæ fungi amplissima dignitate, propter violatam legem nequibat, in adulterino templo, saltem quo poterat pacto, pontifex fuit. atque id assecutus, jam digito cœlum se putavit attingere. En cor nequissimi hominis, in quo tu dubites ambitio major, an impietas fuerit. Et tamen exile hoc videtur, præ ut alia sunt, quæ Onias quartus fecit, cupidine dominationis. Is, pontifex factus, cum imparem se Iasonis factioni cerneret, in gratiam Antiochi Epiphanis, quod illo defensore indigebat, leges Mosaicas ejuravit: pro quibus religiones & ritus suscepit Græcorum. tum &, ne circumcisionis notas in corpore gereret, præputium arte medicâ paravit, suisque omnibus, idem ut ficerent, author fuit. Demum Antiochi Epiphanis impietas, ministro

hoc pontifice, omnia Iudæorum instituta pervertit. Et jam nihil prisci integrique moris supererat, cum Matthias Hasmonæus , magnus rerum restaurator , armis sumptis , leges suas Iudæis reddidit , remque publicam principis nomine sub imperium accepit. Mortuo illo , principatum Iudas gessit , is, qui Macchabæus dictus est. Sed vis tamen magna , auctoritasque in pontifice fuit. Quare Antiochus Eupator postea Ierosolymam dolo ingressus , cum Onias diffideret , quod pendere ex illo populum & rerum momenta cernebat , pontificem in loco ejus Alcimum fecit. Sed is , sacrum honorem ubi adeptus eslet , longe pravior fuit. Statim enim ad Demetrium Seleuci filium transiit , principemque Iudæam , quem ferre imperitantem nequibat , criminatus apud regem est. Inquieta in se res impietas est. nunquam uno scelere contenta fuit. Igitur Bacchiden regium prefectum , cum armata manu , adversus patriam adduxit : reversaque illo , re infectâ , ad regem , copias militares , quas à Bacchide acceperat , concursu hominum sceleratorum attxit. Omnes undique parricidæ , sacrilegi , adulteri , quos flagitium conscius que animus exagitabat , ad Alcimum

venere. & ipse blanditiis, alloquiis, largitione, omnium officia provocabat. Ad extremum, præclarus hic pontifex muros etiam sanctuarii, qui à vatisbus atque ab Hasidæis erant ædificati, diruere paravit, ut hoc quoque ad ejus laudes accederet. Sed talia agentem atque meditantem mors occupavit, constitutusque in ejus loco pontifex à populo Iudas est, qui omnium primus summum sacerdotium unà cum principatu gessit. Hoc idem post eum Ionathas, Simon, & Iannes fecere, donec Aristobulus, posito principis nomine, regem se tulit. Ita tandem, post Sedeciam extinctum, reges iterum Iudea accepit, sed Levitas utique, quorum ultimus Antigonus fuit. Illo pulso occisoque regnum Herodes tenuit, quod ante à Romanis acceperat, homo non hercle regia stirpe, neque sacerdotali familia ortus, sed de Idumæorum gente, insitius Iudeus. Non enim Idumæi verè Iudei erant, sed habiti modò appellatique Iudei sunt, ex qua tempestate eos Hyrcanus religiones ceremoniasque suscipere veri numinis coëgit, cum antea Deum, necio quem, Cosan colerent, cuius sacra semper custodierat illustris in illa natione Costobarorum domus. Cele-

brata

brata est Sameæ vaticinatio, qui Herodem Iudæis regem datum iri, sed in pœnam pestemque, multò antè prædixerat. Neque profectò aliter cecidit. Statim enim Idumæus ille Aristobulum pontificem, admodum adolescentem; mox Hyrcanum ex Parthis alleatum; postremò quicquid de Hasmonætorum sanguine supererat, extinxit sustulitque. Neque melius actum cum septuaginta senibus est, qui asséiores magni concilii erant, quod Sanhedrin appellantant. Ita submotis omnibus, unde metus aut periculum erat, paulatim insurgere, atque ex magno imperio usurpare licentiam cœpit. Patria enim Iudæorum instituta mutavit, nova invexit, multa contra leges fecit. de quâ re sic loquentem audire Iosephum libet: ξενιηγίς ἐπιτηδεύμασιν
ὑποδιφθερετέων πάλαι κατόινσιν,
ἀπαρχευχειρον γόνιν· ἐξ αὐτούς μηδέ
Ἐπειδεὶς τὸν αὐτὸν χρόνον ἴδικητημένη,
ἀπεληγέντων ὅσα περὶ τοῦ επιτηδεύματος
οὐτεδιανῆγεταις ὄχλοις. peregrinis stu-
diis vejerem disciplinam labefactavit, in
qua nihil novi tentatum erat. Ex qua re
nostris his, quæ post insecura sunt, tempori-
bus, non mediocriter læsi sumus. Neglectui
enim habita ea omnia sunt, quæ antea
multitudinem ad pietatem perducebant.

CAPUT XVII.

*De Messia, Iudeorum atque gentium omnium rege. Mystica vocis scriptio in verbis Esiae. Bileami vaticinium ex Iudeorum interpretatione. Quid singulare in hoc regno. Rabbi Abrami animadversiones in Maimonidem. Ezechielis obscurissima oracula de templo, deque sacris in regno Messiae. Ni-
mis imprudenter in istac inquiri.*

ATQUE hunc quidem in modum, post redditum Iudeorum ex Babylone, imperium ii tenuere, quorum id minimè fuit, primùm pontifices, mox principes Hasmonæi Levitæ, dein reges ex eadem tribu, ac tandem Herodes Idumæus, is, sub quo natus Messias est, rex regum, ex familia Davidis ortus, ad quem unum referri demum illud oportet, quod promiserat Davidi Deus, æternum fore solium ejus, confessuramque in illo prolem ejus. Non enim profectò de Salomone illud, neque de nepotibus ejus dictum est, si quidem illi regnum semel amisum nunquam post exilium Babylonicense receperunt. & omnino vana falsaque fuisset numinis promissio. quod cogitare summa impietas sit. Quare ita ha-
ben-

bendum est, prolem eam esse Messiam,
libertatis nostræ vindicem asserto-
remque, de quo angelus istud pronun-
tiavit, quod scriptum apud Divum Lu-
cam extat, *τὸν διαστήματος αὐτῷ σύνε-*
γει τέλος. regnum illius sine fine erit.
Ea verba traduxit angelus ex Esaiæ ca-
pite nono, ubi Rabbi Iarchi notavit,
דָּרְךָ דַּרְשָׁנִים שְׁתֵּטֶם פָּגֹן בְּתוּךְ הַטְּלָה:
subtili quodam disceptationis modo quasi-
tum olim à scribis esse, cur in medio vocis,
contra quam fieri solet, positum à vate □
clausum sit. Utique haud de nihilo fuit
tam anxia hæsitatio. & visum Talmu-
dicis est, significari ea re mysterium
quoddam ingens, quod non promis-
cuè, nec omnibus pateret, sed redu-
ctum, & in interiore sacrario clausum
esset. Cum permulta extent in sacro
codice oracula de rege maximo Mes-
sia, nullum æquè Iudæi dignum admira-
tione existimant, quàm illud, quod
numinis instinctu effatur. Bileamus in
Numerorum capite vicefimo & quar-
to. Sed iidem, cum sensa vatis penitus
introspicerent, sagaciter deprehende-
runt, non istæc de uno rege dici om-
nia. quare ita dividendum esse oracu-
lum, pars ut ejus ad Davidem, qui ex
Iudæâ stirpe primus regnū tenuit, cæ-
sera ad Messiam pertineant, ultimum
quidem

quidem ex eâdem stirpe regem , sed majorem cæteris , potentioremque. Quæ persecutus accuratissimè Maimonides est in fine Misnæ. Ibidem etiam maximus magister eos refellit, qui alium naturæ vultum , & rerum perpetuò euntium novum cursum in regno Messiæ exspectant. Non enim intellexisse eos Esaiæ verba ait , quæ sunt in capite undecimo: esse enim illuc ænigmata quædam , quibus significatum est , quietem piis bonisque omnibus fore inter nefarios & sceleratos , nihil ut metuendum ab illis sit. Nam quod Rabbi Abraham , Davidis filius , Maimonidem h̄ic reprehendit , & ex legum Mosaicarum libris illud recitat , מחרץ רעה היה השבתי penitus diversum est , & ad tempora Messiæ non pertinet. Sed profectò persæpè solet acris ille & diligens vitiorum Maimonidæ animadversor quædam ejusmodi sublegere , quæ speciem magis solidæ rationis , quam vim habent , & excusâ evanescunt. Quoties sacra , ceremoniasque & religionum solennia perlustro , quæ in extrema parte libri sui sanctissimus vates Ezechiel descripsit , subit animum meum cogitatio , quid ea velint , aut quò referenda sint . adeo diversa sunt ab iis , quæ Moses præce-

præcepit, neque unquam usurpata à Iudæis sunt. id quod ipsi confitentur. Sed quid de illis habendum sit, constitutum in Talmud est, in tractatu, quem Menachoth appellant. Breviter autem rem complexus Maimonides est in Misna, libro octavo, cap. 2. Neque nos pigebit verba ejus h̄ic referre.

כל שיעורי הננס נשים האמוריות בספר יחזקאל ומפני אותן הקרבנות וסודיו העכוזה הכתוגיות שם נולט מילוי חן ואין כוהגין לדורות אלה הנביא צורה ופייש כיצד יהיה מקריבין המילויים עט חנוכת המזבח ביתו המלך המשיח בשיבנה בית שלישי:

Omnes modi libaminum, de quibus agitur in libro Ezechielis, & quacunque illic scripta extant de numero oblationum, deque ordine divini cultus, nihil sunt nisi sacrificia pacifica, qua mortalium seculis usurpata non sunt, neque in morem popularem transivere. Iubet autem exponitque vates, quo pacto peragere debeant sacra pacifica in dedicatione novæ aræ, temporibus Messiae, cum extruetur templum tertium. Non est hoc somnium Iudicum, neque Talmudicorum commentum. vera certaque res est. aliud templum, quod in Messiae regno foret, aliaque sacra descripsit vates: atque etiam structuram templi, atria, portas, cæteraque ad legem operis accuratam

rata m̄ exegit. Quare Iudæi ajunt, formam ejus non planè intelligi: Ezram autem, cum ædem secundam, ad instar ædis Salomonicæ, conderet, etiam illa secutum esse, quæ de tertio templo Ezechiel præcipit, sed non ultrà, quām captus hominis sanctissimi fuit in re obscura implicataque. Hoc illud est, quod significavit summus Rabbinus iis verbis, quæ subjecimus ex cap. primo, Halacha Beth Habbechira:
 נניין שנינה שלמה כבר טהור במלכים : וכן נניין העתיד להכנות אף על פי שהוא כתוב כי חזקאל אינו מפורש וمبואר ואנשי ביתו שני משבכו בימי עזועה בנויה כבניין שלמה ומעין דבריהם המפורשים ביחסו:
 Est tamen Iudæorum hallucinatio in eo non levius, quod extructum iri à Messia ædem ejusmodi sperant, quæ adspici, adiri, & pedibus calcari poterit. Quod secus esse, nos profectò, qui in Messia regno nati sumus, intelligimus. Omnia ea, quæ de modo ædificii, deque partibus ejus dicta illuc sunt, occultiorem sensum habent. singula autem quid significent, aut quo pacto sint explicanda, difficile dictu est. Ego hercle, quod Xenophanes Colophonius apud Marcus Terentium Varronem ait, id omnibus h̄ic suadeo, uti quid putet quisque, non quid contendat, ponat. homini enim

enim est hæc opinari, Dei scire. Utique Iudæi, cum יְהוָה appellent quasdam Biblici codicis partes, quarum interdicta lectio adolescentibus, juvenibusque est, in earum numero illa ponunt, quæ vaticinatus in fine libri sui Ezechiel est. Neque id injuriâ illos statuisse existimo. Est enim omnis sermo ille numero Platonis obscurior. Aduenti industriam suam omnes, qui se divinæ sapientiæ consultos videri postulant. Sudabunt satis, ante quam minimum quiddam earum rerum, illuc quæ reconditæ sunt, aperiant.

Bene qui conjicit, vatem hunc perhibeo optimum.

Sed multa conjectanti, opinor, nihil procedet. Pro certo constat, hæc & alia hujus generis quædam esse, quæ adiri humanis animis summus Deus noluit. Etsi enim in hac Euangelii luce ingens progressio facta ad cognitionem, scientiamque sit, aliquid tamen relictum admirationi est. Quare in his oraculorum arcanis ultra id tendere, quod in expedito spiritus sacer posuit, stolidæ audaciæ sit.

C A P V T X V I I I .

*Status Iudaorum post Messiae adventum.
De restitutione Iudaorum, qua adhuc exspe-*

exspectatur. Quæ sit dignitas etiam hodie illius gentis. Quantum Iudaïs nostra debeat religio. An sacri libri ab illis interpolati aut corrupti? de Masoritarum diligentia & fide.

Ivdæos sacerdotium regium, genusque hominum electum dici, & sacra sua religionesque ab illis solis suscipi tantisper voluit immortalis Deus, donec ille dies illuxisset, qui Messiam terrarum orbi repræsentaret. Ex eo tempore, Dei filius beneficia cœlestia, quæ diu propria uni genti fuerant, communia esse omnium voluit, idque per dissimilissimos populos nuntiatum solis profuit credentibus. Atque h̄ic verò demum admiranda quædam fuit rerum conversio. Summum enim salutis auspicem, qui cœlestia regna reliquerat, uti rebus hominum lapsis succurreret, cum gaudio & veneratione receperunt profanæ nationes. At Iudæi, quem constituto tempore & loco venturum significaverat olim non unus vates, eum venisse jam & adesse præsentem non intellexerunt. Tanta vecordiæ vis eos pervaserat. Cæci erant oculi, cum animus alias res ageret, & videre illa recusaret, quæ posita in medio erant. Hinc abdicatis pretique à numine sunt, atque etiam nunc hodie

hodie lentem edunt, & amissam deflent primogenitoram. Delictum eorum in durissimo adamante scriptum esse, Iermias vates ait. Neque sanè poenam ipsi suam deprecati sunt, cum illud dicerent, *sanguis ejus super nos sit, & super filios nostros.* Admodum notabile est illud, quod Romanis prodidit Divus Paulus in ea epistola, quæ scripta ad illos est. Ibi ¹ sic infit: *nolo vos ignorare hoc mysterium, obdurationem, qua est ex parte, evenisse Israeli tantisper, dum plenitudo gentium introierit.* Profecto aderit tempus, cum ludæi in rectam semitam reducentur, qui nunc errant misere ignorantia viæ. Nondum omnium dierum soles occiderunt. Fulgebit illis quoque iterum sua lux. Cecidisse eos, non excidisse, certum est. Publicavit de eadem re etiam Ezechiel quædam oracula, quæ extant in cap. xxxvi. Ait enim futurum vates, uti cœlitus cor novum illis detur, rectioresque sensus in eorum pectore habent. Tunc tolletur velamen illud, quod vultui suo Moses imposuerat. convertent enim se ad Deum, qui vivere eos in tenebris & summarum rerum infelicia sivit, uti tandem aliquan-

H do

¹ In epist. ad Roman. cap. 11. v. 25.

do occasione uteretur notæ clemencie. Atque in hunc quidem modum nos commode interpretamur Divi Pauli verba, ^{τὸν ἔργον τοῦ θεοῦ εἰπεῖν} Φρεσκὸν τοῦ κόσμου, περιπέτατον τὸν αὐλυρεμα ^{τὸν}, qui locus multis obscurissimus visus est, & quorundam exercuit industriam. Res hæc, de qua loquimur, magna est, & planè ejusmodi, uti meritò non possimus in posterum Iudæos, velut victimas publici odii, penitus aversari, cum adhuc illis tantarum rerum supersit spes. Et profetò D. Paulus veneratur eos, & laudibus magnifice effert etiam sic errantes. Ait enim, *Quorum est adoptio & gloria, & fædera, & legis constitutio, & cultus divinus, & promissiones: quorum sunt patres, & ex quibus Christus est, quod ad carnem attinet. Quæ poterat esse major nobilitas? Tot patriarchas, vatesque, & reges in avis proavisque numerant, denique tot excelsos & divinâ virtute viros, quorum sunt nomina cœlo consecrata. Sunt quidem, fateor, hodie vernili atque illiberali ingenio*

cun-

¹ Locus extat in 2. epist. ad Cor. cap. 3. vers. 16. ² Id est, *cum autem ad dominum se verterit Israël, auferetur velamen.*

cuncti Iudei; neque, si vitam eorum aut studia intueare, quicquam magnopere reperias, quod sit magnis atque erectis animis dignum: sed nos ejus rei causam non miramur. habent enim hæc quoque quendam velut orbem: ut, quemadmodum temporum vices, ita & morum vertantur. Profetò, qui dies illis candidam libertatis lucem abstulit, imperiumque de eorum excusso manibus, idem ille ingenuos quoque spiritus eorum perdonavit, nihil ut amplius habeant nunc vividi vigoris. Apud Homer. optimus Eumeus regi suo Ulyssi illud divine ait,

ημιου τὸ δρεπῆς Διονίου σύρου πατέρος

αὐτῷ Θεῷ, δέ τ' αὐτοὺς καὶ δέλιον ἡμαρτέληστο.

Quemadmodum arcuæ, in quibus nani fasciis constricti à mangonibus aluntur, corpusculorum incrementa non prohibent modò, sed minuunt quoque, atque contrahunt: ita qualibet servitus compedes quasdam etiam ipsis animis injicit, & generosam suffocat indolem. Quid possunt sublime spirare, qui per tot annos, per totum orbem tantis fatigati contumeliis sunt? quos pueri jam olim laciniâ, viri barbâ traxeré? denique in quos om-

H 2 nium

nium Cæsarum detumuit furor? Tiberius juventutem eorum per speciem sacramenti, in provincias gravioris cœli distribuit. Erat insigniter pestilens Sardinia. In hanc missa quatuor milia sunt, uti male interirent. Haud multo pauciores Titus bestiis objecit, cum Berysti, atque Cæsareæ spectacula ederet. Ipse Trajanus, qui omnium fuit principum lenissimus, decrevit ne legē legerent, quod ab aliis quoque imperatoribus crebro factum postea est. Ea fuit maxima afflictio, & à Rabbi Zacuth inter שבדות persecutiones numeratur, cum ait, גוזו שמר שלא יקראו בתורה decreverunt persecutionem, ne Iudei legem lexitarent. Sed hæc à paganis facta sunt. Nos, qui arctiore vinculo cum illis sociamur, amemus inter nos, & hoc habeamus commune, quod justa audimus ejusdem numinis. Divus quidem Paulus pro illis caput suum devovere cupit. adeò impense amat gentem. Etiam illud ait, si primitiae sunt sanctæ, sanctæ etiam est massa: & si radix sancta est, etiam sunt rami. Non ego nunc ambiose eorum laudes celebrabo. quippe à nulla re magis, quam ab inepriis, abhorremus. Sed tamen ad hæc sera tempora quod attinet, sane, si benè rationem putamus, haud exiguum est, quod

quod illi genti nostra debet religio. Quinam sunt enim illi, qui nobis Biblica volumina sarta tecta servavere, nisi Iudæi? Quot menda scriptionis in sacrum codicem inrepsissent, si illius custodia solis Lactantiis, Augustinis, Gregoriis, Chrysostomis, viris sanctissimis, sed imperitis Hebraisini, mandata fuisset? Inter Græcos omnes Latinosque, qui veterem Ecclesiam rexere, unus Origenes cum Hieronymo Hebraicè scivit. & ferme nimium dixerat nec elementa quidem didicerant. Quare, si quid collapsum incurri librariorum esset, non tali auxilio, nec defensoribus istis tempora tunc egebant. At Iudæis unum studium, unaque omnibus cura fuit, libros Mosis, vatumque, & ea quæ Hagiographa appellantur, à temporum injuriis vindicare. Hæc laus eorum propria est. Nulla alia gens in illius gloriæ societatem se offert. In libro Iuchasin, quem scripsit Rabbi Abraham Salmanticensis, admodum illustris est locus, ex quo discimus, omnia Biblica exemplaria fuisse emendata ad quendam venerandæ antiquitatis codicem, quem sua manu olim conscripserat Rabbi Hillel, suminus Iudæorum præfus, qui Babylone in Syriam venerat sexaginta annis

nis antequam Deus dominusque noster Christus nasceretur. Verba ejus dignissima sunt, quæ hic recitentur,
 בטלכורה ליאון חזיאנו ספר הארכעה ועשרה
 אשר נרא הביבלייא שכתב אותו ר' היל
 ומשם היו מגיהים כל הספרים ואני ראייה
 חלק מהם שנמכרו באפריקה ונזכרני היה
 ט' מאות שנה טכתבו והקמחי אמר בחלק
 הרקוד כפסוק לטען תזכיר שרחותש היה
 בטולטולא. In regno Leon eruerunt librum
 Arba Veesrim, qui vocatur Biblia, quem
 exaravit Rabbi Hillel, atque ex ejus fide
 emendarunt omnia exemplaria. cæterum
 ego vidi partem eius, quæ venalis erat in
 Africa, eratque tunc meo avo ante Dcccce
 annos scriptus. Ait Kimchi in sua Gram-
 matica in Pasuk, לטען תזכיר, quod Pen-
 tateuchum fuit in urbe Taleta. Erat igitur
 illa tempestate penes Iudeos arbi-
 trium & vis ac norma emendandi Bi-
 blicum contextum. Profectò, quam
 facile illis fuisset, interpolare ea loca,
 quæ redarguere eorum delicia vide-
 bantur, cum vix tria verba Hebraicè
 intelligerent Christiani? sed obstabat
 pietas, vetabatque moveri, quæ sacra
 essent. Et tamen fuere, qui existima-
 rent, malâ fide eos descripsisse multa
 quibus hominibus luculenter respon-
 dit Origenes in octavo volumine ex-
 planationum Esaiæ. Evidem ego, quo-
 ties Masoritarum indefessam diligen-
 piam

tiam considero, pene obstupesco. Omnes enim Hebrei codicis parteis accurate recognitas & collatas, notis quibusdam impressis obsignaverunt. Id factum est post templi secundi excidium anno plus minus quadringentesimo tricesimo & sexto. Observatum ab illis est, non modo quot commata & verba, sed etiam quot literas continerent libri singuli. Quare, quod postea, cum summa barbaries orbi incubuisse, nullus apex de præstantissimo illo scripto perierit, illorum beneficium est. Non sine causa illud à Rabbinis est dictum, *תורה מסורת סיגת חתונה*, *Masora est velut paries & sepimentum legis.* Apud Rabbi Zacuth, quem jam modò testem laudavi, sunt ineptiæ Iudaicæ, quibus (si Deo placet) colligitur, accentus atque puncta tempore Ezrae extitisse. Quod ideo retuli, uti hoc quoque adjicerent ad reliqua sua nugacissima argumenta ii homines, qui hodie negant esse hoc Masoritarum inventum. Sed moneamus illud quoque, in ejusdem Rabbini libro, eadem probatione ad Ezrae seculum referri Targum Onkelos. quod etsi futile est, & facile ostendit, quanti sit prior conjectura, reperiet tamen defensores suos, vel ob hanc saltem causam, ne alterum illud

cadat. Agit jam pridem multos tam
pervicax studium, uti, dum ad senten-
tiæ suæ præsidium arripiant aliquid,
quo modo aut quid arripiant, sua in-
teresse haud poterit. Nos, quod sacræ
scripturæ lectio in incerto non sit, &
mutari jam haud amplius possit, illis
Iudæis acceptum ferimus, qui serò &
post templi secundi excidium vixere.
Etenim, cum jam rebus magnis opu-
lentisque excidissent, cura illis esse cœ-
pit, uti in summa calamitate hanc sal-
tem ex naufragio reservarent tabulam
cujus esset pretium inæstimabile. At-
que hoc profecto unum in illis ama-
mus. Cætera miserationem merentur.
Apices enim, literasque, & libros ver-
sant, sed versant tantum. Sacros vero si-
que sensus nec inspiciunt, nec qua-
runt. Itaque quadrat hoc in illos, quod
ipsi vernacula lingua sua ajunt, שׁעַ
רְקָרְבָּן וְהַבָּנָה Quod fundamen-
tum rei est, accessionem faciunt: quod ac-
cessio est, fundamentum. Atque hoc est
peñimum. infantiam ipsi suam insci-
tiamque non sentiunt. Etenim, cum
infelicitas eorum omnis posita in di-
vinæ legis ignorantie sit, illi amissas
patrias sedes, exceptumque regnum, &
alia hujusmodi causantur, quorum ne-
que possessio quenquam beatum, &

verè

verè miserum neminem jaētura facit. Harpasten, uxoris fatuam, Seneca memorat, quæ subitò desit videre. *nesciebat esse se cæcam, & subinde paedagogum suum rogabat, uti migraret. ajebat domum suam tenebrosam esse.* Idem illis quoque accidit. Circumferunt ipsi in pectore mali sui causam. Quod si quis numinis favor illos Cananæx redde-ret, cœlum utique, non animum, mu-tarent. Comitatur eos, quocunque se verterint, sua nox, neque prius deme-tur, quam vecordiæ suæ, obstinatio-nisque dederint graveis pœnas.

H. 5. PETRI

P E T R I C V N A E I
 De Republica
 H E B R A E O R U M ,
 LIBER SECUNDUS.

C A P V T I .

Familia Pontificalis. De Alcimo male existimatum. Pontificis constitutio penes quos. Chalcidensium regi quid beneficii à Claudio datum. Pontificis munia. Quando nobile officium suum Pontifex obierit. Quem habitum tunc gesserit. Flavii Iosephi error, ex proprantia natus, qui omnes hactenus decepit. Ejus confutatio. Maimonida recta sententia.

Roximus regiae dignitati honos in summis sacerdotibus fulsit: estque Rabbinorum vetus verbum, tribus rebus Israëlem, tanquam coronis, fuisse decoratum, regno, pontificatu, atque lege. Nos, quoniam de regibus ea, quæ in mentem incidebant, diximus, cætera eodem patto, hoc est, incuriose, & sine delectu execquemur. Cum sacerdotales familie olim

olim à Mose duodecim , mox autem à Davide essent viginti & quatuor constitutæ, una modò pontificalis fuit, cuius erat præ cæteris excellens nobilitas. Apud Flavium Onias, Oniæ tertii filius , pontificali genere juvenis , per indignationem in Ægyptum aufugit, uti templum illîc conderet, propterea quod pontificatum libidine Antiochi transferri ad Alcimum videbat, hominem sacerdotali quidem familiâ ortum, sed non ex successione pontificatus. Hallucinatur enim eruditissimus Sigonius, qui ¹ eum ex posteris Levi, sed non Eleazari , aut Ithamari , fuisse prodidit. Estque is error manifestus ex Flavii verbis , quæ de hoc Alcimo extant in Antiquitatum libro vicesimo, in capite octavo. Post Alcimum etiam Iudas Maccabæus pontificatum , extraneus alienusque , nullo successionis jure accepit , et si sane de gente sacerdotum fuit. ut jam constet , ad hanc dignationem non omnes Aronis nepotes , sed duntaxat paucos quosdam pervenire per legitimos tramites potuisse. Pontifex is fuit , qui omnibus prefectus erat sacerdotibus. eamque dignitatem illi universus confessus septuaginta

¹ In lib. 5. cap. 2.

tuaginta senum conferebat, in quo-
rum judicio atque potestate totum
hoc, quantumcunque erat, positum
fuit. Ita enim traditum rectissime à
Maimonide est, in Halacha Cele Ham-
mikdasch, in capite quarto. Sed Herod-
es, cum pauca ex honesto & bono,
pleraque autem contra leges & mores
majorum gereret, creare pontifices,
amovereque, utierat libitum, instituit.
Ac tandem electio summi sacerdotis
concessa Agrippæ Herodi Chalciden-
sium regi à Claudio est. idque jus re-
tentum successoribus ejus fuit, usque
ad extrema belli Iudaici. Ac sacerdo-
tum quidem cæterorum divisa fun-
ctio erat, nemo ut adolere aris hono-
res, vel victimas cædere, nisi factâ sor-
titio, posset. Soli autem pontifici
omnia sacra, & omni tempore, obire
jus fasque fuit¹. Non enim in ordi-
nem cogebatur, neque vices stationes
ve observabat. Munus pontificis no-
bile atque primarium fuit, templi ady-
ta intrare, quæ Sancta Sanctorum He-
brei appellant. idque semel in anno,
non amplius, fiebat, solenni expiatio-
num die, atque eâ horâ tantum, quæ
dicata

¹ R. Maimon. in cap. 5. Hal. Cele Ham-
mikdasch.

dicata piaculari sacro erat. Sed de eâ re mox plura dicendi locus erit. Quali habitu pontifex fuerit, cum venerabile illud loci secretum celeberrimo die adiret, hactenus disceptatum à nemine est. Magnâ enim securitate crediderunt omnes, indutum eum illo tempore fuisse duobus amiculis illis, quorum unum fuit Humerale & Ephod appellatum, alterum verò dicebatur Coschen sive Rationale, propterea quod cordis rationisque sedem, hoc est, ipsum pectus, eingeret. Non nos hic de artificiosissimo opere utriusque vestimenti differemus. Ex auro enim, & purpura, coccoque, atque gemmis confectum fuisse, certum est, plane in eum modum, uti edicitur in Exodi capite vicesimo & octavo. Sed illud jam dicimus, nunquam iis amiculis usum fuisse pontificem in templi adytis. Quare convellenda nobis opinio est, quæ jam pridem summis nixa autoribus, nunc & omnium est, & quotidie crescit. Atque utinam saltem à Iosepho nobis recedendum non esset, quem virum genere ortum sacerdotali, summisque honoribus in urbe Hierosolyma perfundit, ea transmisisse ad memoriam posterorum scimus, quæ viderat oculis suis, & comperta habebat.

bat. Sed quis tam consummatæ dili-
gentiæ est, cui non somnus interdum
in longâ commentary obrepatur?
aut quid non potest festinatio & inco-
gitantia, quæ in rebus etiam obviis
improvida est & cæca? Igitur non pos-
sumus illud ferre, quod in capite deci-
mo & quinto libri quinti ἀλώσεως ait
de veste Ephod, deq, amiculo Coschen.
ταῦτα τὰ εἰδῆ τοῦ δρυπερδίου τὸ
ἄνθον χρόνον, λιτέραν δὲ αὐτού-
βανεν, οπότε δὲ εἰσιούεις τὸ ἄδυτον
εἰσιν δὲ αἴματα καὶ σκλητὸν μάρνον εἰ-
νὲ γνούσου ἐθέλοντες πάντας τὸ
τεῦ. Hunc vestitum pontifex non quolibet
alio tempore habebat, (viliorem quippe
sumpsit) sed tunc, cum intrabat in ady-
tum. intrabat autem semel duntaxat quo-
tannis, illo die, cum mos patrius omni
jejunio colere Deum iussit. Contra hæc
nemo hiscere ausus est. tanto consensu
accepta ab omnibus sunt. Sed enim
vero meminisse debebat scriptor ma-
ximus, id quod in vetustissimis Iudeo-
rum scitis est, fuisse vestimenta qua-
tuor peculiaria, eaque alba, & ex lino
tantum contexta, quibus solis usus
pontifex est, cum piaculare sacrum in
adytis, semel in anno, faceret. Ex quo
accidit ut proprio nomine לְבָנִים,
vestes laban, id est, alba, à Iudeis dice-
rentur.

rentur. de quibus ita insit Maimonides in capite octavo, in Halacha Cele Hammikdasch , ex tractatu Talmudico , qui Massachta Ioma vocatur,
 בגדו לבן הם ארבעה כלים ששפט בהן כהן גדול ביום הקפורים וארבתן לבנים ומין הפשטן לבדו הן : כתנות ומכנסים ואבנט ומצנפת :
Vestes laban fuere indumenta quatuor, quibus induitus pontifex sacra faciebat, die jejunii. Erant autem ea albi coloris, atque ex lino tantum : nimirum tunica, brachæ, cingulum, & infula. Dies jejunii, est dies decimus mensis Tisri, cum in Sancta Sanctorum pontifex ibat.
Hæc primi Talmudistæ odorati sunt, quibus nos sine periculo hic fidem habemus. atque adeo miramur, qua officiantia neque Flavius Iosephus, neque quisquam aliis animum advertebit ad luculenta verba, quæ in Levitici capite decimo & sexto extant ; ex quibus hoc, quod diximus, evincitur. Non abs re erit locum eum descripsisse. Ita enim ibi præcipit Mosi Deus de jejunii & expiationum die : Dic Aharoni, fratri tuo , ne quovis tempore ingrediar in sanctuarium intra velum , ut non moriatur. Cum his autem rebus ingrediar in sanctuarium , cum juvenco subrumo, qui sit pro peccato , & cum ariete, qui sit in holocaustum. Tunicam lineam sanctam

sanc*tam induito*; & brach*a linea* sunt
super carnem ejus; & baltheo linea accin-
gitor; & infula linea tegitor. Ea vestes
sacrae sunt. Mox in extremo capitis ad-
dit, Expiationem sacerdos faciet, & in-
duet vestes lineas, vestes sacras. De cæte-
ris amiculis, quæ extra templi adyta
pontifex gessit, non jam difficile est di-
cere. Ea Talmudici בגדין *vestimenta*
aurea vocant, non hercle quod in-
textum omnibus aurum esset, sed
quod ornatiora essent. Fuere autem
hujus generis indumenta octo, è qui-
bis quatuor quidem erant commu-
nia pontifici cū cæteris sacerdotibus,
תוניכת ומכנסים ואבנכת ומכבעות, tunica
talaris, brach*a*, baltheus, & infula:
quatuor autem propria pontificis e-
rant, מעיל ואפור וחושן וציצים, pallium
hyacinthinum cum tintinnabulis &
malis Punicis; item amiculum humi-
rale sive Ephod; tum Tectorale sive
Coschen; & postremo lamina aurea,
quæ infulæ apponebatur. Neque vero
dicat aliquis, ex octo istis indumentis,
priora quatuor videri eadem esse cum
illis, quorum usum antè diximus fuisse
peculiarem in Sancto Sanctorum.
Nam & ex pretiosiore lino erant, quæ
pontifex extra adytum gerebat, &
baltheus fuit opere Phrygiano. Quæ
mani-

manifestè cernet, qui contulerit quæ leguntur in Exodi capite vicesimo octavo, & quæ extant in Levitici capite decimo sexto. Nam etsi linea sunt, quæ describuntur utrobique, tam en **לְבָבֶךָ** vulgare *linum* est, cum **בְּשָׂרָב** *bys-*
sus exquisitissimi generis sit. Sed nec illud repugnat opinioni nostræ, quod iu Exodi capite vicesimo octavo, ver-
 su xxix. & xxxv. jubetur Aharon
 cum veste Ephod, & amiculo Coschen,
 & cum tunica hyacinthina ingredi in
 sanctuarium. Sane enim pro vero con-
 stat, sanctuarii partes insigniores duas
 fuisse, quarum fuit una exterior, quæ
 Sanctum ubique dicitur, altera vero
 interior erat, quæ Sanctum Sancto-
 rum in sacro codice, non semper qui-
 dem, sed plerumque tamen, appella-
 tur. Hæc nescire, summæ imperitiæ
 foret. Porro de vestibus *laban*, seu al-
 bis, quod diximus pontificem eas ge-
 rere, nisi in adyto, non potuisse, usque
 adeo verum est, ut illo ipso die decimo
 mensis Tisri, cum ex more adytum
 ingrediebatur, ad ea tamen sacra per-
 agenda, quæ etiam extra adytum
 tunc fiebant, induere כְּנָדִיב *vestes au-*
reas necesse habuerit. Atque hoc recte
 proditum in Talmud est, in Massechta
 loma, in capite tertio.

C A P V T II.

Tontificis sacra vestis modo à Romanis,
modo à Iudeis asservata. De Tontificis
galero. De sacerdotum pileis. Lapidis
Urim & Tummim, in quibus vis ora-
culi fuit. Quando ii amissi sint. Cur
alii facti, & adhibiti postea sint, cum
eorum nulla vis amplius esset. Qui
fuerit modus consulendi oraculū Urim
& Tummim. Quibus de rebus respon-
derit Pontifex.

QVAM pulchro & admirando ope-
re fuerint indumenta, quibus ad-
ornatus pontifex extra adytum erat,
ex illo manifestum est, quod Flavius
refert τὴν ἱερὴν ἐδῆται sacram ponti-
fici vestem magna cura servatam in
turri fortissima fuisse, quam in parte
templi Septentrionali olim ab Hasmo-
næis conditam, Herodes tandem An-
toniam de Marci Antonii nomine ap-
pellaverat. Utique pergloriosum fuit
illam vestem custodire. Quare eum
honorem identidem Romani sibi ven-
dicaverunt: ac rursus Iudeis eum, sed
beneficii loco concessere. Diximus ex
octo regiminibus, quæ aurea Talmudi-
ci vocant, quatuor fuisse, quæ com-
munia Pontifici cum reliquis sacerdo-
tibus erant. Inter illa galerus, seu insu-
la fuit.

la fuit. Pontificibus enim , sacerdotiis
busque nudo capite sacra curare fas
non erat. quemadmodum nec flami-
nibus Romanorum id licuit. Pontifi-
cis galerum non penitus similem fuisset
sacerdotum pileis, Iudæi tradunt. Mai-
monides fascias quasdam ait Pontifi-
cis capiti ita circumdatas fuisset, quem-
admodum membrum contritum aut
fractum obvolvitur; sacerdotum au-
tem pileos velut galeas fuisset. unde &
מִגְבָּרוֹת eos dici , quod instar collum
exsurerent. Ab hoc dissentit Rabbi
Abraham Ben David, cuius מִגְבָּרוֹת ani-
madversiones extant in Maimoniden.
Ait enim ille, pileos quidem sacerdota-
les, quasi galeas fuisset, at pontificum
infulas longè altiores fuisset, fasciis in
orbem sic circumactis, ut sunt hodie
Arabum tiaræ. Hoc idem ait accuratis-
simus author Rabbi Joseph , cuius
commentationes, quæ מִשְׁנָה קָבָד coro-
na Misnæ inscribuntur, inestimabiles
sunt. Lapidés Vrim & Tummim , qui
vestimento pontificis indebantur, abs-
conditos à Iosia in templo priore fuis-
se, neque postea repertos in templo se-
cundo esse, dictum à nobis supra est.
Facti tamen alii lapides , & inditi in
amiculum Chofchen sunt, non quod
jam corum epe amplius oracula pon-

tifex ederet , sed ut consummatus ea-
rum rerum numerus esset , quas maxi-
mus Moses ad pontificem rite ornan-
dum præscripserat . Nam si quid vel
minimum forte deerat , utique ponti-
fex נזחס בגדים defectus vestibus diceba-
tur , & sacris operari non magis pote-
rat , quam si de prophana plebe unus
esset , quem talia conantem lex divina
capitis damnat ¹ . Sed quid illud est ,
cur nec consuleretur in templo secun-
do pontifex , nec responsa redderet ?
Disputarunt de ea re Iudeorum cor-
datissimi , & visum illis est , id adeo ex
haec causa esse , quod spiritus sanctus
numinisque præsentior vis illinc ab-
cessisset . mentem autem humanam
fati & futuræ sortis nesciam esse , nisi
instinctus divinus afflatusque accesser-
it . Quo nihil existimari rectius potest .
Refert haec omnia Maimonides in Ha-
lacha Cele Hammikdasch , capite de-
cimo : ubi morem etiam edisserit , quo
oraculum illud consulebatur antea .
Stabat enim pontifex , & vultum com-
ponebat arcam versus . erat autem à
tergo , qui responsum petebat . is , cum
scisci-

³ Rabbi Maimon . in Hal . Beth Habbe-
chira , cap . 4 . & in Hal . Cele Hammik-
dasch , cap . 10 .

sciscitatus de successu rei eslet, quam apud animum suum proposuerat, ibi pontifex statim, spiritu cœlesti concitus, amiculum Coschen inspexit, atque ex literis mirâ vi illic protuberantibus, quid futurum esset, didicit, responditque. Ea consulendi ratio non privatis, aut de plebe hominibus, sed regibus duntaxat, summisque judicibus, aut iis, qui publicè missi à populo essent, usurpata fuit. Quoties enim res magna agebatur, itum illuc est. Privatorum negotia votis precibusque relicta sunt, ne oraculi sanctitas evilesceret.

C A P V T III.

Vestimenti laceratio quatenus Pontifici permissa. Item quatenus sacerdotibus.

De Caipha. Lex conjugii alia pontifici, alia sacerdotibus posita. Matrimonium virginis, vidua, vitiata, & per diuortium dimissa. Polygamia. Habitatio Pontificis. De Augusto Cæsare.

Nunc referamus alia quædam summi Pontificis jura. Inter quæ illud est, quod ei vestem lacerare in animi dolore fas haud fuit. Quod præcepit tamen Talmudici ad lacerationis modum restringunt, ut Pontifici disruptere vestem quidem, sed infra

tantum circum pedes licuerit; supra
 vero, & ad sinum pectoris, vetitum sit.
 at cæteris sacerdotibus jus esse lace-
 randi à summâ parte deorsum ajunt.
 Ita diffinitum in fine ejus tractatus est,
 quem Massechta Horaioth appellant.
 Quæ si vera sunt, nullo necessario ar-
 gumento colligitur, id quod interpre-
 tes volunt, Caipham contra legem
 fecisse, cum ad Messiæ augustam vo-
 cem ipse togam sibi per impatientiam
 discinderet, uti proditum à Divo Mat-
 thæo est in capite vicesimo & sexto.
 Hæc ultrà exquirere, nostrum non est.
 Cum enim diligentissimè in his ope-
 ram posuerimus, restabit, ut nobis met
 irascamus, qui pedibus simum scal-
 pturimus, unde nullum granum erui-
 tur. In Levitici capite vicesimo & pri-
 mo edicitur pontifici maximo, uti vir-
 ginem duntaxat in matrimonium pe-
 sat. Quod profecto non sine mysterio
 est. Non enim sacerdotibus posita ea-
 dem lex fuit. quippe viduam illi uxo-
 rem rite duxerunt, dum modò ab iis
 abstinerent, quæ corpore quæstum fa-
 ciebant, aut per divortium expulsæ à
 marito erant, quibusve oblatum vi-
 tium fuit. In Talmud, in Massechta Io-
 ma, in capite primo, traditur, nefas
 Pontifici fuisse uxores duas simul in
 matri.

matrimonio habere. quod si haberet, utique cum altera faciundum illi divorcium fuisse ante diem decimum mensis Tisri. ni id fecisset, obire eum piaculare sacrum solenni illo die in templi adytis nequivisse. Enimvero hoc singulare fuit. Nam cæteris hercle Iudeis plures uxores ducere per legem licuit. idque infra ostendemus, cum res ipsa feret. In Massechta Middoth scriptum extat, ædiculam fuisse Pontifici in templo extructam, in qua ille interdiu mansitavit ferme, eamque *רָוַשׁ כְּתָן נָוֵל* *conclave Pontificis* esse dictam. De domo vero, quæ extra sanctuarium illi erat, ita Maimonides tradit, debuisse eam Ierosolymæ, atque in ipsa urbe, non alibi, esse. At Romanorum legibus cautum fuit, uti Pontifex maximus in domo publica habitaret. Quare Octavius hercle, M. Lepido mortuo, cum tanti nominis honorem adeptus esset, & domum publicam accipere à senatu per modiciam recusaret, suarum ædium partem ipse publicam esse jussit, quo satis factum legi esset.

C A P V T IV.

Contra Divum Augustinum, atque contra Carolum Sigonium disceptatur de

Pontificis ingressu in Sancta Sanctorum. Locus in epistola ad Hebreos male à Sigonio intellectus. Altare suffituum non fuisse in Sancto Sanctorum, contrà quām Divus Augustinus sensit.

Ilibet postliminio ad id redire, quod intermissum à nobis est. Diximus enim Pontificem in templi adyta introisse solenni expiationum festo, quod die decimo mensis Tisri celebratum quotannis est. Ita Iudæi omnes, & qui Græcorum Latinorumque eruditissimi sunt, magno consensu tradidere. Neque nos profecto aliter statuimus. Non enim alio tempore, neque aliam ob causam visere ei secretissimum locum fas fuit. Et tamen in illa ipsa erudita antiquitate unus extitit Augustinus, summa sanctitate atque eruditione vir, cui ita visum est, pontificem quotidie Sancta Sanctorum ingressum esse, uti thura adoleret. quod autem semel duntaxat introivisse dicatur, id ad anniversariam expiationem retulit, quæ sanguine purificacionis fiebat. Huic sententiæ Carolus Sagonius, cum applauderet, aliud insuper præsidium addidit, existimavitque, Pontificem quotidie quidem adyta esse ingressum, sed sacerdotum comita-

ta

tu stipatum; semel autem in anno solo, id est, sine fidelibus. Profecto non est committendum nobis, ut tam crassum errorem non refellisse videamur. Ac Sigonius quidem, ut de illo prius dicamus, manifesto sophismate aut deludere nos voluit, aut hercle imprudenter delusus ipse est. Sine dubio enim verba Apostoli in animo habuit, quæ in epistola ad Hebreos extant in cap. ix. εἰς τὸν δούτερον οὐκέτι ἀπαγγέλλειν τὸν μέγιστον δόξαντος εἰρήνην καὶ χωρίς αἴματος. secundum tabernaculum semel quotannis solus pontifex ingressus est non sine sanguine. Enimvero illa verba sententiam ejusmodi habent, Pontifici semel in anno duntaxat, & quidem soli, adyta introire fas fuisset. Sigonius autem in aliam mentem hæc distorsit, scilicet quasi semel quidem quotannis solus, at quotidie cum aliis intraverit. Quia quidem interpretatione nihil excogitari futilius potest. Omitto Talmudicorum omnium Rabbinorumque gravissima judicia, quæ semper apud omnes cordatos permagnum pondus habuere, quoties de patriis ritibus eorum, ceremoniisque orta disceptatio est. ex quorum sensu illud est, quod Maimonides ait in Halacha Beth Habbechira, in ca-

ביז' קדש הכהנים מקודש מוקודש
 פיטרomo. טהראן נוכנש לשם אלא כהן גדול
 בין ההיכל טהראן נוכנש בשעת הענווה:
Sanctum Sanctorum est sacrarius reliqua parte templi, quia nemo illud adit, nisi Pontifex, die Expiationum, ipsa sacrificii hora.
 Nihil nunc opus est à Iudeis testimoniū e blandiri tam manifestæ rei. Ajo nullum sacri codicis locum esse, ex quo colligi probabiliter possit, quemquam hominem ritè illud loci arcanum adiisse, uno pontifice excepto.
 At ipse pontifex quam s̄aþe adyta intraverit, ex illo discimus, quod in Levitici capite decimo & sexto scriptum est: *Dic Aharoni, ne quovis tempore ingrediatur in sanctuarium, quod est intra velum ante operculum propitiatorium, quod est super arcam, ut non moriatur.*
Nam in nube apparebo super operculum illud. Sed cum his rebus ingrediatur Aharon in sanctuarium, cum vitulo & arietem in holocaustum. Ac ceteru autem Israelitarum accipiat duos hircos in peccatum, & arietem in holocaustum. cumque obtulerit vitulum, & oraverit pro se, ac domo sua, duos hircos constituat coram Domino, in ostio tabernaculi testimonii, & mittat super utrumque hircum sortes, sortem unam Domino, alteram capro emissari. Ecce, sanctuarium, quod intra velum esse

esse dicit, nihil aliud est, quam Sanctum Sanctorum, ubi & arca fuit cum operculo propitiatorio. Quæ autem fieri illic præcipit summus Deus, omnia ejusmodi sunt, quæ duntaxat decimo die mensis Tisri agebantur, celebri expiationum festo. Ex quo consequitur, nunquam pontificem, nisi quo die ista fierent, adyta intravisse. Id enim plane edicitur. Quare facessat Siganii hariolatio. non enim est pro indeole tanti viri, quem alibi nos sæpe admirati sumus. Sane enim, quod sperare improbum erat, bene ille atque feliciter in summa Hebraismi ignoratione res Iudæorum composuit. Sed quid Augustino respondebimus, qui aram incensi fuisse in adytis existimat, ad quam pontifex thura adoleverit quotidie? Enimvero in Magno errore versatus homo sagacissimus est, neque subtile illud & peracre judicium suum hic adhibuit. Omnipotens enim locus ille, in quo erat altare incensi, separatus velo ab ipsis adytis fuit. Quare cum in Levitici capite xvi sanctuarium, quod intra velum est, appelletur ipsum adytum, contra de incensi & suffituum ara dicitur in Exodi capite tricesimo, fuisse eam ante velum illud: plane ut in medio oppansum velum inter adyta

ta aramque suffituum esset. Recitabimus verba ex capite tricesimo Exodi, ne lectorem suspensum teneamus. Ita enim ibi dicitur, *Fac aram incensi e lignis Schittim, atque eam auro obduc, pariterque latera ejus & cornua. Tone autem eam ante velum, quod ante arcam testimonii, atque ante operculum propitiatorum est, ut adoleat super illud Aharon suffitum aromatum unoquoque mane.* Profecto, nisi stupor aut pituita sensus nostros tardat, illud intelligimus, aram incensi ante velum, at velum ipsum ante arcam testimonii fuisse; ut aram incensi ab arca testimonii, atque ab operculo propitiatorio distinxerit veli interjectio. Evidem fateor in quadragesimo Exodi capite, versu sexto, edici, *ut ara incensi aurea coram arca testimonii collocetur: sed, quod ibi de medio velo expressum non est, mox paucis interjectis additur, aram auream in tentorio conventus ante velum esse positam.* Quare ista ratio hercle apud me nauci non est.

C A P V T . V.

Thilonis Iudai quadam loca excussa, & explicata. Lapsus Thilonis. item ejus, qui librum I. Maccabaorum scripsit. Test reditum Iudaorum ex Babylone, legem

legem non planè servatam fuisse in templi adificatione. Argumenta quādam dissentientium rejecta. Quid Moysi prae Pontificibus concessum fuerit.

Nimis indiligenter hic sumus, qui Philonis Iudæi illustrem locum nondum produximus, qui, cum Signii oculos non fugerit, admonere illum poterat, quam sit inconsulta Augustini hæsitatio. Ait scriptor gravissimus in libro, qui *τοῖς θυόνταν* extat; Οὐόμεος περὶ ταῦτης δύο καθηκόντων ασθέων βωμῶν οὐ ταῖς ψιλαῖς, οὐ ταῖς τόποις, ἐπειδὴς οὐ γέρεντος. Οὐ μὲν γέρεντος λογίδων αἰτιώντων αἰνιγδόμενται, οὐ δὲ σταύρῳ παρεψάντων τῷ νεῳ περὶ ταῦτα στρατεύεσθαι οὐδενται, οὐ γέρεντος λογίαν τὴν τῷ συνάρμαντι. Οὐ γέρεντος μεν κατεκόβασαι, οὐδενται δὲ σταύρῳ εἴσω τῷ περὶ ταῦτα πατετίσματι, οὐδὲν τῷ σταύρῳ εἴσιν οργατὸς οὐτι μὴ τοῖς αἰγνόσκοτι τῷ ιερέων οὐ γέρεντος λογίαν τὴν τῷ θυμιαμάτων. Lex duas ponit aras iusit, qua materia, loco, atque usu different. quippe una ex lapidibus selectis, sed impolitis tamen, extruita est, atque sub dio sita est, prope templi vestibulum, eusque usus positus in victimarum immolatione est. altera vero aurea, intra primum velum, in loco

inaccesso est , quam videre nemini mortaliū licet , nisi sacerdotibus , cum in casto sunt . facta autem est in usum suffituum . Omnino ait aram hanc intra primum velum fuisse , quod oppansum Sancto erat ; plane ut diversum fuisse ab illo velum secundum significet , quod Sanctum Sanctorum à Sancto separabat . Vtique , quemadmodum Sanctum Sanctorum sacerdotes non recepit , sed Pontificem duntaxat : ita Sanctum , in quo suffitumorum ara erat , plebem arcebat , sacerdotes autem solos una cum Pontifice admisit . Apud Divum Lucam quidem Zacharias , qui sacerdotis , non Pontificis erat dignitate praeditus , ad hanc ipsam suffituum aram odoramenta flammis ustulat . At de plebe ita scriptum extat , ¹ πᾶν τὸ
ωλῆσθε τῷ λαῷ λῦ ἀργοσθύχόμενον
τίξω , τῇ ὠρᾷ τῷ θυμιάματό . tota
multitudo populi foris precabatur , tempo-
re suffituum . Et mox rursum ² , ἦ οἱ λαοὶ
ἀργοσθύκων τῷ Ζαχαρίᾳ . καὶ ἐδινήγε-
ζον εὐ τῷ χρονίζειν αὐτόν . Exspecta-
bat Zachariam populus , miratusque est
eum diutius morari . Quoniam jam ci-
tare Philonem testem cœpimus , libet
alia quædam ex illius commentationi-

bus

¹ Lyc. c. i. vers. 10. ² Ibidem v. 21.

bus adferre. Enimvero , qui in Sanctum , quod intra primum velum est, non introivisse nisi solos sacerdotes dixit, is alibi disertis verbis Sanctum Sanctorum, quod intra secundum velum est, non à sacerdotibus, sed à Pontifice adiri , & quidem semel duntaxat in anno, ait. Verba ejus de hac re in libro secundo *τελείωσις μοναρχίας* hæc extant, quæ itidem Sigonius , cum vidit, officere proposito suo non intellexit.

*οὐνως πάντος λόγος κρίσων, οὐς
οὐ τελείωσις μοναρχίας εστι τεκμηριώσθω
τοι γδ̄ σύντος αὐτοῦ πάντι τῷ, τολμή
εντι τῷ δόχιερει. templum omni prædica-
tione est pulcrius, ut quidem ex iis, qua
apparent, colligi potest. nam quod ad ea
pertinet, quæ in penetralibus sunt, ea ne-
mini visuntur, nisi uni, hoc est, Pontifici
maximo. Nunquam Sigonius effugiet.
ita manifestè tenetur. Addit illud ibi-
dem Philo de Pontifice : *καὶ τοῖς τῷ μέν
τοι δὲ ἔτεσσεντεροφυμόν αὐτοῖς εἰσ-
ικαὶ πάντες εστιν οργανοί. atque huic ta-
men omnia cernere licet, cum quotannis &
semel duntaxat intrare fas sit. Oratio
medius fidius languida & clumbis,
quæ corrigere aliquid velle eorum,
quæ dicta sunt, videtur, cum nihil mi-
nus efficit. Quid enim diversum hic,
aut contrarium supra dictis est? Non
magnus**

magnus labor est, sententiae vim suam
reddere, atque ita locum constituere,
*καὶ τότε μόνοι δι' ἐτοις ἐπιτετραμ-
βύον αὐταῖς εἰσίεναι, πάντες δὲ εἰς
οὐρανούς.* Sanè hoc longe aliud est. Post-
quam enim dixerat, pontificem unum
solumque adyta templi videre, mox
revocans ipse se, *Aiqui huic ipsi, inquit,*
*cum quotannis duntaxat semel intrare fas
sit, non tamen omnia cernere licet.* Dehinc
ejus rei ratio sequitur, quæ sane nota-
bilis est; *πυρεῖον γένεν γένεν αὐτοφύκων
τολμῆσεν οὐδεποτέ εἰσικομεῖσθαι.*
*πολλὸς δὲ αὐτοδομόμηνς, οἷς εἶχος,
αὐτοῦδε, κατέχεται τοῦτον κύκλον
πάντας οὐδεποτέ εἰσικομεῖσθαι*, οὐδε
αὐτοῦτον οὐδεποτέ εἰσικομεῖσθαι.
*Etenim iheribulum ignitus carbonibus
odoramentis plenum illuc infert. omnia
autem circumcirca tenentur multo fumo,
qui, ut consentaneum est, excitatur. tum
vero & visus quoque obtenebratur, inhi-
beturque, neque longius sese ferre quit.
Hoc igitur illud est, quare Pontificis
ipsius oculis non omnia lustrari posse
ait, quæ in adytis sunt. Atque haec tenus
luculenter ista Philo, atque etiam divi-
ne. Quanquam illud non sine errore
dixit, quod antea ex libro ejus
Ὕποταγή recitavimus, aram alteram,
quæ prope vestibulum templi sub dio-
posita*

posita sanguinem victimasque accepit,
 constructam *lapidibus integris*, *impolitiisque fuisse*, *ex legis editto*. Contra
 enim, lignea ut sit, atque ære obduca-
 tur, numinis placitum est in Exodi ca-
 pite xxvii. quod & Moses exequitur
 mox in capite xxxviii. & diu post ma-
 ximus rex Salomo, cum templum
 conderet, non neglexit, ut est in libro
 i. Chronicorum, capite iv. & in li-
 bro i Regum, cap. viii, vers. lxiv.
 Quod vero de ara ex cespite aut saxis
 facienda edicitur in Exodi capite xx,
 id ad ea tempora pertinet, cum popu-
 lus sacer, per vasta terrarum spatia &
 hostili solo circumerrans, sedem reli-
 gionibus stabilem, & domicilium cer-
 tum non haberet. Scio ego, qua tem-
 pestate templum secundum stetit,
 aram hanc quoque ex lapidibus fuisse.
 sed quam multa id genus alia enume-
 rare possum, in quibus servata tunc
 veterum legum præscriptio non est?
 Sanè atroci & formidoloso reipublicæ
 tempore, cum incerta sæpe omnia me-
 tu hostium, & dissensionibus civicis
 essent, in ædificanda æde seuti dunta-
 xat legem aliquatenus sunt homines
 sanctissimi. Nam quod in primo libro
 Maccabæorum, in cap. iv. dicitur, *Ac-*
ceptis lapidibus integris secundum legem,

ædificatum esse altare novum ad formam ejus, quod fuerat prius: oppidò leve est. Nos enim eum authorem, quisquis fuit, non magis veremur erroris reum facere, quam Philonem Iudæum. Vtique verbis illis deceptus est, quæ in Exodi capite xx extare diximus. Sed in hæc divertere, nihil necesse erat. De ara suffituum agere desinemus, si id dixerimus, in quo maximum momentum est. Iubet in Exodi capite xxx immortalis Deus cornua hujus aræ semel quotannis vituli sanguine rigari, illo die, qui constitutus jejuniis & expiationi erat. Sed eum sanguinem prius in Sancta Sanctorum inferri, ac mox exire illinc Pontificem, & conspergere aræ cornua necesse fuit. Ita enim sanctum in Levitici decimo & sexto capite est. Quare jam rem confemus, nihil ut opus argumentis amplius sit. Etenim profecto, si exire ex adytis Pontifex ad riganda aræ cornua debuit, aram eam in adytis non fuisse certum est. Hæc contra Divum Augustinum, &, qui assensit illi, Carolum Sigionum, excutienda erant, ut illud omnibus persuasum esset, quod Hebræi veteres, Græcorumque & Latinorum cordatissimi prodidere, Pontificem semel duntaxat quotannis se-

cretum

cretum sanctissimi loci adiisse. Ajunt quidem Talmudici , id quod supra retulimus , Pontificem , cum oraculum ex gemmis Vrim & Tummim peteret , facie ad arcam obversa stetisse. sed id fieri in qualibet templi parte potuit : ne jam forte credat quispiam , toties cum adyta intravisse. Atque hic est ille consulendi oraculi modus , de quo scriptum est in libro Iudicum , cap. i , & capite xx. tum & in priore Samuelis commentario , in cap. x. De Mose alter habendum est. quippe is ad arcam testimonii , prope ipsos Cherubinos , & ad operculum propitiatorium , verba vocesque commutavit cum numine. quod ex cap. xxv. Exodi , vers. xxii , atque ex Numer. cap. vii , vers. ult. neutquam obscurum est. Verum quæ dementia esset , Aharoni cæterisque pontificibus transscribere , quæ uni Moysi contigere ? Sanè enim eum virum ex communi mortalium conditione Deus exemerat , postquam loqui coram , & una esse cum illo , atque ab illo aspici etiam dignatus est. Quæ omnia esse negata aliis , annotatum in sacro codice est. Sed jam non amplius verbum addimus. Qui enim pauca delibare de multis constitueramus , pene præ studio omnia exhausimus.

CAPUT VI.

*Vicarius Pontificis sub decimum diem
mensis Tisri constitutus. Quot gradus
dignitatum inter pontificalum & sa-
cerdotium interpositi fuerint. Iusju-
randum solenne quotannis Pontifici
delatum sub templo secundo. & causa
eius. Hæresis orta de suffitu in adytus
adolendo. Hircus in desertum missus.
Mons Hazazel. Iudaorum scita que-
dam super eare.*

Quoniam Pontificis nobile munus
in iis esse rebus positum diximus,
quæ die decimo mensis Tisri ageban-
tur, idoneum visum est plura exequi
quæ huc pertinent. Scribit Maimoni-
des in Halacha Habodat Iom Haccip-
purim, in capite primo, solum Ponti-
ficem omnia sacra obiisse, quæ illo die
fiebant, ne illis quidem exceptis, quæ
propria illius festi non erant. quare illa
quoq; , quæ quotidie sacerdotes etiam
curabant, commissa tunc Pontifici
fuisse. Ait præterea, quo tempore fe-
stum hoc instabat, septem continuos
dies custoditum eum publice magna
cura fuisse, ne qua res fortuita eum
contaminaret, prohiberetque solenni
sacro. Quæ traducta ex initio tractatus
Talmudici sunt, quem Massechta Io-
ma

ma vocant. Tum & illud prodit ibidem maximus Rabbinus, quod relatu dignum est, de Pontificis vicario, qui quotannis creatus sub diem jejunii est: בתקין לו כת גдол אחר שאט יארע בזה פיסול יעבוד האחר תחתיו. בין שאירע בו פיסול קודם תמיד של שחר בין שאירע בו פיסול אחר שהקריב קרבנות זה שנכנס תחתיו אינו צריך חיכוך. עברו יום הכהנים תחתיו הראשון חזר לעבדותיו והשני עונדר. ואמ מות הראשון זה שני מהמני תחתיו: Nos sententiam, non verba exprime-
mus. Possum in more fuit, inquit, ut Pontifici constituerent quandam alterum Pontificem. Nam si quid ei contigisset, quo impuratus videretur, alter ille vice e-
jus rem sacram faciebat. Ceterum vicario huic, qui pro illo in adyta ibat, non opus initiatione fuit, sive contaminari Pontifi-
cem ante iuge sacrificium matutinum, sive post oblationes peractas contigisset. Quam primum autem dies expiationum prateriisset, prior ille redibat ad munia sua: vicarius autem se abdicabat. Quod si prior moriebatur, alter ille in ejus locum substitutus est. Non multum ab his ab-
ludit, quod traditum à Flavio est in li-
bro decimo septimo Antiquitatum, in
capite VIII. Is enim quandam Iose-
phum Ellemo prognatum refert, qui
in unum diem functus pontificatu sit,
cum summus sacerdotum Matthias.

immundo visu personum se inquinasset, illa ipsa nocte, quæ expiationis festum antecessit. Hujusmodi vicarium Maimonides נס appellat in Halacha Cele Hammikdasch, in capite iv, aitque sub imperio ejus cunctos sacerdotes esse. ex quibus tamen duo sunt, quos vicario eandem operam præstare ait, quam Pontifici ipse præstat, eosque קת' קולין appellat. ac rursus quendam ordinem illis inferiorem facit, in quem sacrificulos septem adscribit, qui אטרבלין dicti sunt, & claves atrii custodiebant, nemo eorum ut aperire illud posset, ni una omnes adessent. Rursum his subesse tres גזברין, id est, thesaurarios, sive sacro ærario præfatos, ait. quos sequitur המטהר ראה, qui custodiis templi præest. tum is, qui שרא ביה אב dicitur. ac tandem proximus ab his dignitatis locum tenere cæteram sacerdotum plebem ait. Hoc ferme paet sacerdotum gradus distincti à Talmudicis sunt. nisi quod iidem inter Pontificem maximum, atque inter vicarium ejus constituunt quendam diversi generis sacerdotem, quem מונח משון. hoc est, *prælii causa unum* appellant. Sed de hoc infrà dicemus. Nunc de expiationum festo, quæ in promptu sunt, addamus. Apud

Mai

Maimonidem¹, legati à senatu missi, juramentum quotannis solenni more à Pontifice exigunt, pridie quam per agendum piaculare sacrum erat. Id adeò fieri ex hac causa consuevit, quod sub templo secundo caput extulisset hæreticus quidam, à quo progata Saducæorum secta est. Is odoramenta, queis suffumigandum adytum erat, imponi ignibus primùm, ac mox inferri in adytum voluit, quum Iudeis per manus traditum jam inde à Mosis covo esset, accendi demū ea in ipsis adytiis oportere. idque profectò legis sententia etiam arguit in Levitici capite XVI. versu XII. & XIII. Sed novatorem illum ea verba movebant, quæ extant in ejusdem capitinis initio: בְּעֵד נָא כַּפֶּר בְּנֵי in nube apparebo super propitiatorium. Quæ certè adeò nullum præsidium ad ipsius causam adferunt, ut plane id stabiliant, quod in versu XII & XIII expressum esse diximus. Et tamen nihilominus crescebat quotidie tam improbabilis opinio, lateque animos hominum pervaaserat. Quare, cum metus ingens esset, ne in illum errorem sese Pontifex quoq; transferret,

¹ In cap. i. Hal. Habodai lom Ha-cippurim.

institutum fuit , ut pridie decimum
diem Tisri sollenniter eum legati jure-
jurando obstringeret. cuius formulam
Maimonides in hæc verba conceptam
refert . טשביעין אנו עליך במי ששכן את
שטו בבירות הויה שלא תשנה דבר מכל דבר
- שאמרנו לך : *Nos te jurare jubemus per*
eum , cuius nomen in hac æde habitat , ne
quid immutes eorum , quæ dixerimus tibi .
Dein cætera subjecere , de quibus cau-
tum esse intererat omnium . Ad cele-
britatem hujus festi maximè pertinuit
religiosa fortitio illa , quâ ex duobus
hircis unus destinatus aris fuit , alter
verò in vicinum desertum ad mon-
tem quendam Hazazel dimittebatur ,
ut illinc præceps rueret . Tradunt Iu-
dæi eum hircum magno molimine in
desertum ab alienigena quoipiam de-
ductum , ac mox de summo monte
detrusum ad ima esse . De tabernacu-
lis quoque ab urbe ierosolyma usque
ad desertum dispositis , nescio quid , lo-
quuntur , in queis confederunt , qui hir-
cum identidem escâ reficerent . Tum
& funiculum , cuius pars altera corni-
bus hirci , altera diligata ad scopulum
fuit , atque etiam colore in funiculi , &
id genus multa alia describunt , quæ
profectò mecum ignorant . Quare nos
hæc in medio relinquimus , propterea
quod

quod rationibus conjecturisque melioribus destituta, vim haud capiunt ex ipsa frugalitate.

C A P V T. VII.

*Initatio Pontificis duplex, & qualis.
Quando altera cessaverit. Quando
Pontifex ab iuveni mattatione, quam
lex prescripsit, immunis fuerit.*

Consecratio Pontificis duas res precepit habuit, vestitum unctionemque. Sancitum enim à numine fuit, uti, qui summum sacerdotium gesturus esset, tunicis amiculisque sacris per septem dies indueretur, atque oleo lineretur, quod confeatum ad eam rem ratione quadam singulari erat. Talem Pontificem Talmudici מהרבה בגדים anctum inauguratumque amictu, & מהרבה בגדים anctum atque initiatum unctione dixerunt. Ipse autem actus solennis dictus ab illis est ריבוי בגדים ומשאות accessione maiestatis ex amiculis & unctione. Sed enim verò, postquam sacram oleum periit, quod in priore templo conditum esse ab Iosia in speu quodam, & nunquam postea repertum ab Ezra aliisve in posteriore templo diximus, ab illa tempestate hercle Pontificum initatio peracta si-

ne unctione est. Satis enim fuit, solo vestitu eos inaugurari. Vestiendi autem modus ejusmodi fuit, qualem Talmudici descripsere in tractatu, qui Massechta Ionia dicitur, in capite primo. Amicula octo erant, quibus Pontifex per dies septem continuos mane quidem induebatur, vesperi autem exuebatur; totidemque per dies fieri unctionio solita fuit, antequam amissum sacrum oleum esset. In Massechta Horaiot, in capite ultimo, traditum est, nullam fuisse differentiam inter pontificem, cuius consecratio unctione fiebat, atque inter eum, qui solo amictu initiatus erat, nisi quod is, qui unctionus esset, mactare numini juvencum lege jubebatur, si ita deliquisset, ut unius culpa peccatum ab omnibus esset. Hac necessitate solutus fuit, qui sine unguento erat vestibus inauguratus. cæteris autem rebus omnibus ambo pares fuere. De juvenci mactatione quod observarunt Talmudici, erutum est ex Levitici capite iv. Summam vero eorum omnium, quæ ad initiationem pertinere diximus, complexus est illis verbis maximus Rabinus Aegyptius in capite iv. in Halacha Cele Hammikdasch. כהן גדול הוא ראש מפקין כל הכהנים ופושתין אותו בשטן המשחרר פלביישין

DE REPVB. HEBR.

ומלכישין אותו בגדיו כהונה גroleה : ואמ אין
שם שמן המשחה מרבין אותו בגדיו כהונה
గroleה בלבת. כשם שתרבה בשמן המשחה
כך מתרבה בבנרים : כיצד מרבים אותו
בבנדים. לובש שמנה בגדיים ופושטן וחזרו
ולובשן לאחר שבעת ימים יוס אחר יום
ונכם שריכבו בגויים שבעה כך משיח
ונכם-Sequitur dein illud, paucis interjectis אין בין כהן ,
משוח בשמן המשחה לטרונה בגדיי אלא
פר שטביה כהן המשוח אם שוג באחן מן
-Non libet nobis, hæc vertendo, tempus atque ope-
ram conterere, propterea quod eo-
rum sententia jam relata à nobis ab-
unde supra est.

C A P V T VIII.

Sacerdotum stationes, & ἐφημερίας.

*Qui judicaverint de vitiis sacer-
dotum. Damnati sacerdotes qua con-
ditione fuerint. Lignile. Antigoni in
Hyrcanum facinus.*

C Vm hactenus de Pontifice maxi-
mo, qui sacerdotum princeps erat,
dixerimus, plane fieri in tantâ rerum
vicinitate nequiit, quin multa attin-
geremus quoque, quæ ad ipsos sacer-
dotes, atque ad munia eorum perti-
nent. Quæ profectò iterare nunc pro-
positum nobis non est. Fuere sacerdo-
tes

tes ex Levitis selecti, uti oblationes & sacrificia facerent. eorumque erant viii stationes à Mose constitutæ: equibus quatuor ab Eleazare, totidemque ab Ithamaro gentem suam deduxere. Postea summus rex David stationes hujusmodi viginti & quatuor fecit, ut ex Eleazari posteritate sexdecim, ex Ithamari octo essent: quas omnes Flavius Iosephus incolumes usque ad Ierosolymæ eversionem fuisse prodit, nunquam ut permixta earum successio sit. Quod tamen verum est, si ab Encæniis Maccabæi per insequentia tempora retrò descenderis. Atque id profectò vel sic etiam incredibile ferme est in tanta rerum Iudaicarum sursum ac deorsum euntium mutatione. Sed penes autorem fides esto. Istæ viginti quatuor classes per vices suas singulæ Ierosolymam veniebant, & in templo hebdomadam unam sacris operabantur. Itaque post centesimum & sexagesimum octavum diem cuique stationi suus ordo rebibat: nisi quod per tria celeberrima festa, quæ Iudei נִגְלִים appellant, fas fuit omnibus stationibus simul in templo sacra obire, illâ præscriptione, ut votivas spontaneasque hostias, & jugia sacrificia iliduntaxat curarent, quorum functio

tunc

tunc in orbem recurrebat. Hæ sunt stationes illæ, quas D. Lucas, de Zacharia cum loquitur, ἐφημερίας appellat. Quæ omnia divinè pertractavit vir illustris Iosephus Scaliger in Isagogicis Canonibus, quos in Eusebium publicavit. Itaque in his operam non ponemus. Multò enim satius nobis est illa exequi potissimum, quæ prætermissa ab aliis, aut certè tradita incruore sunt. idque jam secuti ab initio sumus. In tractatu Talmudico, quem Massechta Middoth appellant, traditum est, potestatem & jurisdictionem senatorum, qui adscripti in magnum synedrium erant, sitam præcipue in hoc fuisse, quod in parte templi, quæ Gazith dicta est, judices de sacerdotibus sedebant, quibus familiæ & generis mota controversia est. qui, siquidem causâ cecidissent, vestibus induiti nigris, atque exauctorati, cum ignominia ex atrio excessere. si n. vicissent, albati per hominum ora se extulerunt, atque è vestigio munus sacrum cum collegis administrarunt. In capite secundo ejusdem tractatus Talmudici scriptum est, cognovisse etiam eosdem senatorum de vitiis, morbisque, queis adfecti sacerdotes, tanquam mali omnibus res, ex legis edito reprobabantur.

Hi damnati, deinceps in parte templi
degebant, quæ **לשכת העזים** dicta est,
quasi tu *lignile* appelles; atque illuc lig-
na findebant, quæ in altari strueren-
tur. Etsi autem multatati sacerdotio
erant, tamen nihilominus illis jus fuit
cum sacerdotibus ejus stationis, in quâ
ipsi fuerant, adhuc de sacris epulari.
Atque id proditum etiam à Flavio Io-
sepho est, in libro v **ἀλώσεως**, in ca-
pite xv. Porro, quæ ex Talmud ^{jam}
diximus, relata etiam à Maimoni-
de sunt iis verbis, quæ subjecimus.
נין דין הגרול והוא ישבין בלשכה הנזיר
עיקר מעשיהם התודיר שהו ישבין ודניין
את הכהונה ובודקין הכהנים ביווחcin ובמטומיטס:
ול כהן שנמצא פסול ביווחס לובש שחוריים
אתעתפ שחוריים ויוואה מן העזרה: וכל מי
שנמצא שלם וכשר לובש לבנים ונכנים
ופשטש עט אחיו הכהנים: מי שנמצא
כשר ביווחס ונמצא בו מום ישב בלשכה
העדים ומTELע עצים למכרכה וחולק
בקדושים עט אנשי בית אב שלו ואוכלו
rum sententia plana ex supradictis est,
ut opus versione non sit. Neque vero
sacerdotes solos, sed etiam pontifices
corpo esse integerrimo lex jussit. V-
tique apud Flavium Antigonus Hyr-
canum captum utrisque auribus trun-
cat. Ita provisum abunde fuit, ne fun-
gi in

³ In Hal. Biath Hammikdash, ca. 6.

gi in posterum sacratissimo honore posset. atque id monere eum amici non destiterunt, cum ex Parthia Iudæam stolido consilio repebat, ut illic Herodis ope pristinum teneret statum dignitatis. Res poscere videbatur, ut diceremus, quæ jura connubiorum posita sacerdotibus sint, deque sortitione, quæ singulis munia functionis suæ quotidie, vicesque assignabat: tum, quibus gradibus distincti fuerint, ut alii אַמְרָכְלִין נָפָךְ, pars pars, quidam נָבְרִין cæteri autem numerus & plebs essent. sed hæc, cum de Pontifice ageremus, indicata à nobis in transcurfu sunt. Atque etiam illuc de indumentis quatuor diximus, quæ communia illis cum Pontifice maximo erant. Propria enim non habuere. Quare hæc omittimus.

CAPVT IX.

Sacerdotes Levitasque fuisse partem quandam magni concilii Sanhedrin. Negotia regia atque civilia publice Levitis commissa. Virtutum insignis imago in illis. Accessisse eos ad meliorem partem, atque ad equiorem causam, cum scissa olim divisaq; Hebraorum respublica fuit. Quantopere degeneraverint mox à recta indele, atque
à recte.

à veteri integritate. Summum reipu-
blica regimen occupatum ab illis, at-
que immodeste usurpatum.

AIt Maimonides in Halacha Sanhe-
drin, in capite primo, Levitas sa-
cerdotesque in eum senatum lectos
fuisse, qui Ierosolymæ supremus erat,
& lxxi viris constitutus, in quem ad-
scripti etiam primores cæterorum
Israëlitarum erant. Ex quo fit profecto
ut non sacra duntaxat curasse, sed ju-
dicia exercuisse etiam civilia, & cum
principe, aut summo populi ductore
consultavisse de summâ republicâ
quosdam Levitarum sacerdotumque
appareat. Magnum enim senatum
Sanhedrin rex indicebat, princepsve,
aut quocunque alio nomine appellan-
dus fuit, qui statum publicum tueba-
tur. Atque hoc est, quod inter Mosis
instituta Flavius Iosephus posuit,
*πρεστέων ἡ μηδὲν οὗτοι λόγος δέ γαρ
δρόχερέως οὐ τὸ τέρπεται τούτον γνά-
ψεις. Nihil agat rex, nisi de Pontificis &
senatorum sententia. Neque id nos mira-
mur in illo regno, quod ipse Deus, ut
sæpe diximus, sacerdotale appellat.
Sanè in secundo Chronicorum libro,
in capite xix, Iosaphatus rex, cum Ze-
badiam iis negotiis præficit, quæ ad re-
gem,*

gem, atque ad populum Iudæ pertinebant, etiam satrapas Levitas ei adjungit, qui in partem curarum veniant. Et multò ante illum maximus David Hasabiam, ejusque agnatos mille & septingentos præcessè Benjaminitis, & Simeonitis, Iudæisque, ac res gubernare tam divinas, quam regias, jussit. Idemque imperium, ac planè geminam potestatem Ieriæ, agnatisque ejus bis mille & septingentis rex ille in Rubenitas, Gaditasque, & in dimidiam tribum Menassitarum dedit. cuius rei testimonium extat in primo Chronicorum libro, in capite xxvi. Atqui profectò Hasabia, & Ieria, & eorum agnati, quos Chronicorum author summos honores gessisse in republica, & fuisse ad quater mille & quadringtones ait, Levitæ erant, & nomen suum professi in ea tribu sunt, quæ sacrorum omnium custos fuit. Accedit, quod legum omnium, & rerum humanarum, divinarumque summam scientiam suo quodam sibi jure Levitæ vindicarunt, quam in synagogis per Iudææ oppida populo tradidere: ut non immeritò omnis ingenii, eruditioisque, & bonarum artium patres atque autores habiti sint. Igitur ab his pietatis virtutisq; exempla petita sunt.

L

Etenim,

Etenim, cum pars ceremoniis sacrificiis ministrarent, alii in disciplinas incumberent, plurimi muneribus officiisque civilibus intenti reipublicæ consulerent, omnes tamen sine cupiditate vitam agitabant. Dissensione vero tribuum orta, cum à Iudæis divortium cætera gens Israëlitarum fecisset, relictis urbibus, quas inter Israëlitas habebant, eam partem amplexi sunt, quæ patro more integra & incorrupta religionum solennia tenuit. Sed, ut nihil perpetuum est, tandem post Babylonicense exilium, cum extructum templum secundum esset, temporum iniquitas bellorumque æstus quadam fati lege causam depositus ad aliud schema. Primò enim pontificatum maximum gerere ii ex Levitis ausi sunt, quibus per legem illud affectare non licuit. Ea quasi materies omnium malorum fuit. Fecit enim avidos nimia felicitas: nec tam temperata cupiditates fuere, ut in eo, quod contingat, desinerent. Gradus à magnis ad majora factus est, &, qui insperata acceperant, spe improbiore assediti principatum sunt. Ac tandem vero, quasi æstum adhuc nihil esset, regio nomine assumpto diadema capiti imposuere. Hinc insidiæ inter eos, doli, artesque patri-

patritiæ , & nulla modestia votorum. Ex qua enim tempestate sibi pulcrum duxerunt supra rempublicam stare, qua via illuc pervenirent , dum pervenirent modò, nihil pensi habebant. Ita, qui rarissimam laudem, & nulli adhuc ordini concessam concupiverant olim , innocentiam , postremò mutatis studiis omnia divina humanaque promiscua habuerunt , unius arrogantiae superbiæque dominio. Sed de hoc etiam antè diximus.

C A P V T X.

Qui fuerint Anschæ Hammaamad. Quæli legatione functi sint. Sacrificia pro populo peracta. Legatos hos etiam extra Ierosolymam munus suum in synagogis obiisse. De jejuniis eorum. Cur pridie & postridie Sabbati non jejunaverint.

IN Talmudis tractatu , qui Massechta Tahanajot dictus est, de iis agitur, qui à populo , aut ab universitate missi legationem publicam obibant sacrorum causa. Cujus rei observatio , quoniam sane singularis est, neutiquam silentio prætereunda nobis videtur. Enimverò illud sanctum lege erat, ut , qui numini victimam donumve offerret , sacris

præsens adstaret. Quoniam vero oblationes quædam etiam totius populi nomine fiebant, utique immensa illa civium multitudo, quæ locis urbibusque diversa habitabat, adesse ad sacram ædem nequiiit. Igitur institutum à præcis variis est, uti ex Israëlitis quidam summa integritate & religione viri diligenterunt, qui legati universitatis forent, & ad oblationes, vice populi, aderent. Atque hos Talmudici appellant, quasi crassius paulo *viros stationarios* dicas. Fuere autem classes eorum viginti quatuor descriptæ, plane ut de sacerdotibus quoque, deque Levitis diximus. ductabatque singulas antecessor quispiam, quem *המשטר stationis principem* vocaverunt. Lex porrò posita legatis universitatis hæc fuit, ut qua septimana statio cujusque in orbem redibat, nemo quisquam tam solenne munus defugeret. Atque hercle eos quidem, qui Ierosolymæ, aut in propinquuo habitabant, convenire in templum necesse fuit unâ cum Levitarum sacerdotumque geminis classibus, quarum vices in eam hebdomadam inciderant. Quod si verò procul aliqui à sanctissima urbe in remotis oppidis degebant, his adempta longi itineris molestia est. Satis enim erat

in synagogam istius loci convenisile
eos una , atque animos cogitationes-
que ad ædem transmisissè , quæ Ieroso-
lymæ erat. Ita publicam sacerorum
causam absentes quidem , sed eadem
hora tamen , atque etiam publicè , pro-
secuti sunt. Legatis his , dum hebdo-
madale munus peragebant , jejuna-
dum quater fuit , & quidem certo tem-
pore. Constitutus enim ad id dies Lu-
næ , Martisque , & Mercurii , ac Iovis
est. Neque refert , Ierosolymæ in tem-
plo , an in oppidorum synagogis con-
venerint. Pariter enim jejunii necessi-
tas eos tenuit. Datum tamen sabbatho
id honoris est , ut pridie essent lege hac
soluti. quemadmodum profectò nec
postridie se macerabant , אַל שְׁבָת לְצֹוּם :
*ne sabbathi letitiam mœror
exciperet jejuniorum.* Ac de his quidem
satis dictum est. Cætera , quæ de preci-
bus legatorum universitatis , deque le-
gis recitatione tradunt Talmudici , ab
ipsis petantur.

C A P V T XI.

*De Levitis illis , quorum ministerio sacer-
dotes utebantur. classes eorum , & di-
versa munia. Nethinai. Lex annaria
de Levitu lata quando cessaverit. Le-
vitæ non itidem , ut sacerdotes , repro-*

batos fuisse. Quantum nefas fuerit, confundi eorum ministeria.

Sequitur ut præterea de Levitis quædam dicamus, quorum appellatio duplarem rationem habet. modò enim sic dicti communiter omnes ii sunt, qui de tribu Levitica essent, ad quos in universum ea pertinent, quæ suprà diximus in hujus libri capite ix. Intendum verò hoc nomine vocantur, qui in urbe Ierosolyma per vices sacrum ministerium subibant, quod erat longè à sacerdotum functionibus diversum. De qua re breviter dicendum nobis hîc est, ne eam partem non attigisse videamur. Igitur Levitarum horum munus fuit sacerdotibus ministrale, eaque obire, quæ ignobilioris operæ erant. Planè enim, quod Romanis inter sacra atque in templis vietimarii, popæque, & æditui, ac præciæ, tibicinesque præstitere, id iudeorum mos, lexque Levitis demandaverat, non omnibus hercle, sed iis duntaxat, qui progenitore Levi sati, genus tamens suum ab Aharone non traxerunt. Et si enim profecto Aharon quoque eodem satu editus fuit, tamen, quia in ejus familia & posteritate dignitas stetit sacerdotii, non ita frequenter in sa-

cro codice Levitarum nomen datum
nepotibus ejus est. Ac initio quidem,
ex Mosis instituto, Levitæ sacerdoti-
bus duntaxat operam navabant, ar-
camque humeris portabant, & vasa
sacra curabant. Ejusque generis mox
classes viginti & quatuor David fecit,
quæ singulæ per vices suas hebdoma-
dam unam in templo essent: planè
quemadmodum etiam sacerdotum
divisæ stationes erant. Cæterum idem
ille rex David eadem lege totidem
quoque familias alias instituit Levita-
rum, quorum pars voce, alii organis
nabliisque inter sacra canerent. Ac
rursum eodem auctore viginti & qua-
tuor stationes ædituorum factæ sunt.
Postremo, quemadmodum Levitæ sa-
cerdotibus ministrabant, ita ipsis Le-
vitis dati alii sunt, qui lignatum aqua-
tumque mitterentur. Ii primum Gi-
beonitæ erant, quos maximus populi
duktor Iosua in bello servaverat. mox
Davidis Salomonisque tempore alii ex
victis gentibus accessere, atque uno
nomine omnes appellati Nethinæi
sunt, quasi dedititios aut adscriptitios
dixeris. Verum hæc Cornelius Bertra-
mus, Carolusq; Sigonius, eruditissimis
ambo commentationibus, tam dili-
genter persecuti sunt, nihil ut addi à

nobis possit. Quare alia quædam circumspiciamus. In tractatu Talmudico, quem Masséchta Cholin appellant, in fine capituli primi, annotatum est, legem eam numinis, quæ Levitis quinquaginta annos natis missionem dat, haud perpetuam esse, sed eo tempore duntaxat valuisse, cum transferendum identidem sacrum tabernaculum esset. mox enim, cum religionum ceremoniarumque sedes stabilis in æde Hierosolymitana esset, nunquam eos solenni ministerio sese abdicavisse, qui quinquagenariis majores erant. In extremo ejusdem capituli traditum quoque est, non fuisse in Levitis id spectatum, an corpore integro essent. nullum enim vitium fuisse, quod sacro munere eos prohiberet. Quare profètò, quod de sacerdotibus, deque Pontifice diximus, ad hos non pertinet. Vocem tamen ibidem Talmudici excipiunt, quæ, grandi ætate cum deficeret, vitium in cantoribus fecit. Scribit Maimonides, crimen capitale fuisse, si Levita sacerdotis curas caperret, aut ex ipsis Leviticis muniis aliquod ejusmodi obiret, quod assignatum illi non esset: puta, si ædituus cantoris vice fungeretur. quod si sacerdos Levitæ ministerium subiret, non illum capite

pæ-

DE R E P V B . H E B R . 169
pœnas luisse, sed tamen בְּשַׁעַן נָלֶה contra numinis interdictum fecisse.

C A P V T XII.

Templum Ierosolymitanum, Cur intus illic tanta vis auri. De templis veterum, in quæ aurum non inferebatur. non esse id Iudaorum institutis contrarium. Confutatus quorundam error. Talmudicorum scitum de iis, qui sacram adem adeunt. Quid sint τὸ οὐδέν in Messia edicto. Salomonis industria in templi extirctione. Quam celeriter consummata ea operis moles. Diana Ephesia ades quibus impensis & quam lente adficata. cur in palustri solo ea posita. Iudaorum commentum de monte Moria.

Nihil rerum Iudaicarum pulcruis, magnificientiusque fuit, nec quod magis celebratum monumentis omnium sit, quam illud immensæ opulentia templum, quod in urbe Ierosolymâ extactum, dedicatumque à Salomone est. Ejus descriptio luculenta apud Flavium Iosephum extat in octavo Antiquitatum libro. Quare nos, quæ de magnitudine, deque arte & modo operis dici possunt, non exceptemur. Utique, quod hujus ædis in-

terius sacrarium auro magni ponde-
ris obductum erat, quodque vasa in-
numera ex puro puto auro conflata
funt, non regis effusa quædam libera-
litas in summâ opum affluentia videri
debet, sed iussus editumque numinis
fuit. Non estimat quidem donorum
pretia, neque terrenis indiget opibus
summus Deus, cuius est hoc omne,
quod videmus, & non videmus: sed ta-
men grata illi mortalium pietas est, id
offerentium quod amant ipsi vehe-
menter, rerumque humanarum maxi-
mum putant. Ait Plutarchus in Poli-
ticis præceptis, templa quædam olim
fuisse, in quæ ingredi nefas fuerit, nisi
auro ante fores posito. Ex quo viri
quidam incomparabiles collegerunt,
antiquitatem, cuius judicium incor-
ruptissimum fuit, delubra damnasse,
quæ donariis magnificis, & multo au-
ro radiarent. In quo certè eos ratio
fugit. neque id Plutarchus voluit, qui
è vestigio ibidem illud addit, etiam fer-
rum eos deposuisse, ædem qui intrare
vellent. & in promptu esse causa u-
triusque nobis videtur. nam & sine
auro nummisque, aut ornatu opero-
siore adstare debuerunt, qui diis sup-
plices in loco augustissimo erant: &
rursum, magis sibi openi omnem esse

in nomine positam intellexere, qui ferro armisque se nudaverant. Ego vero Plutarchum, ista cum scriberet, cogitasse de veteri Ierosolymitana aede opinor. Penè enim eadem sunt, quæ traduntur in Talmudis tractatu, quem Masschita Ievamot appellant, in capite primo: ex quo ista transcripsit Maimonides, quæ in Halacha Beth Habechira leguntur, in capite VII. לא יכנס אומת להר הבית במקלו או במנעל שברגלו אָבַפּוֹנְדָהוּ וְבִמְעֻוָת הַצְרוּן לֹא בְסִדְינָנוּ: *Nemo in montem templi veniat cum baculo, aut calceamentis pedum, neque cum mantica aut pecunijis linteo involutis.* Apud Divum Marcum in Euangeli cap. XI, servator hominum Messias, cum reducere priscum ac fugitivum morem vult, edicit ἵνα μή οὐδείγκη αὐτῷ οὐδὲ τῷ Ιησῷ, ne quis per templum eat vasis ullis, instrumentisve, aut impedimentis onustus. Ita enim id, quod αὐτῷ dicit, accipimus, ut ad loculos etiam, & ascoperas, atque ad ea omnia pertineat, quæ oneri exuberant. Certe ille idem Messias, cum propter excellentem seculi perversitatem vetus hoc institutum exolevisset, nummularios, atque eos, qui intenti distrahendis mercibus erant, procul à sacro limine abegit. Templi admiranda moles ut-
bem

bem ex alto despectavit. Posita enim in montis crepidine fuit , cuius spatiū rex Salomo ampliavit , aggesta in profundissimam vallem humo ad altitudinem quadringentorum circiter cubitorum. Consummata autem tanti operis constructio intra septem annos est. Quod pene incredibile dixeris. Sane tardior in ædificando Græcia fuit, quæ Dianæ Ephesiacæ templum ducentesimo & vicesimo anno vix absolverat , et si adjuta totius Asiacæ opibus est. sed cœpti difficultas ex natura loci fuit. quippe condidam ædem in palustri solo placuit, ne terræmotibus quateretur. Vanissimum est , & exhibilari debet , quod Rabbi Eliezer in capitulis suis ex communi Iudæorum opinione prodidit , montem , in quo ædes Ierosolymitana stetit , hunc ipsum esse , in quo primus hominum parens Adamus sacra fecit : atque ibidem mox Abelum , Cainumque munera sua numini obtulisse. rursus vero & Noachum illic altare posuisse, cum ex arca egredieretur : & Abramum cœlestibus monitis hic profectum fuisse , uti filium maestaret. Ejusdem generis est , quod in Bereschit Rabba , in Pasuk זיר , & in Talmudis Hierosolymitanis tractatu, qui ניר inscriptus est , in capite

pite xxiii legitur, Adamum ex pulvere illius montis esse conditum, atque recte dictum à sapientibus veteri verbo esse, שְׁנָבָרָא מִמְקֹם כְּפַרְחֹו *creacionem ejus in illo loco contigisse*, ubi peracta ejus expiatio est. Nemo nostrum tam bardus est, qui hæc credat. Et tamen ipsis vetus commentum placet. Sed hæc deliria pluribus persequi, id vero nostrum non est.

CAPVT XIII.

Admiranda quadam de templo, deque sacrificiorum & sacerdotum multitudine. De festo Paschatis singulare quid, & penè supra fidem. Lignorum tres strues in altari. De aternis ignibus. Corban Hahitsin, oblatio lignorum, & dies festi ad hanc rem. Talmudicorum & Flavii Iosephi disceptantia. Supersticio eorum, qui intraverint templum, quiique exiverint ex illo.

Difficile esset dicere, quot sacrificiorum oblationumque genera & causas Iudaica religio habuerit. Sane, cum Flavius ¹ dicat, in singulis classibus, quæ hebdomadam unam per vires in templo sacris operabantur, fuisse

¹ In *Apolog. adversus Apionem.*

se plus quam quinque millia sacerdotum; omnino opus ingenti victimarum numero quotidie fuit, ne tot manus otiosæ essent. Notat idem scriptor² uno die Paschatis ducenties quinquages quinques millena & sexcena animalia immolata esse. Diximus autem, solenni Paschatis die, & præterea duobus aliis festis, omnes sacerdotum classes Ierosolymam venisse, & junctis operis sacra simul fecisse. ut jam necesse sit, eodem tempore, atque die uno, centum & viginti millia sacerdotum munus suum obiisse. Quod si jam è numero victimarum, quas cecidisse Flavius in illo festo prodit, maestatas à sacerdotibus singulis binas cogites, superunt quindecies millenæ, & sexcenæ, quæ adhuc querunt, cujus manus pereant. Porro harum omniū immolatio facta in uno altari est, in quo quotidie tres lignorum strues compositas fuisset, Rabbi Moses Aegyptius ait. de quibus singulatim illud prodit, in Halacha Temidin & Musaphin, in capite secundo:
 ואשונה מערכה גוולה שעליה טרייבין התמיד עם שאר הקרבנות: שנייה נזרה קטנה שממנה לוקחין אש במחתה להקטיר גורות בכל יום: שלישית אין עליה כלום אלא לקיים מצוות האש שנאמר אש תמיד תוקד:

² Lib. 6. ἀλώσ. cap. 45.

τοῦ Τρίμα στρεψεν, inquit, magna erat, in qua iuge sacrificium, ceteraque, quæ offerebantur, apponebant. Secunda, ad latius ejus, minor fuit: de qua ignem exceptabant acerra, ut suffimenta in altero altari adolerent, quod prope Sanctum Sanctorum erat positum. Tertia illud duntaxat habuit, quod ratam faceret legis divinae præceptionem, quæ de igne extat ejusmodi, Accendes ignem perpetuum. Scribit Flavius in libro secundo ἀλωσεως, in capite tricesimo & primo, fuisse Ierosolymæ diem festum quendam, quem τὸν ξυλοφόρον ipse appellat propterea quod Iudei tunc omnes ex sylvis magnam lignorum vim in templum comportabant ad alendos sacros ignes, quos esse æternos, & nunquam extingui lex divina jussérat. Hic verò leviter à Flavio Talmudici discrepant. Ajunt enim, non id uno tempore factum ab omnibus simul esse, sed familiis singulis ad hanc rem fuisse certos dies constitutos. quod nos ita accipimus, ut status quisque dies plures familias, puta viginti aut triginta, hujus officii causa sociaverit, non Iudeorum hercle per reliquam Palæstinam habitantium, sed Ierosolymitanorum duntaxat. Ad dunt Talmudici, eas familias, queis lignationum vices in orbem redierant,

holo-

holocaustum spontaneum obtulisse,
 quod קרבן העזים dictum fuit , quo-
 niam superadditum lignationi est. fas
 autem illis non fuisset ea tempestate in
 luctu & squalore esse , aut jejunio se
 macerare. Talmudicorum sententiam
 Maimonides illis verbis complexus
 est,in Halacha Cele Hammikdasch, in
 capite sexto : **כִּי קְבֹועַ הַיָּד לְמִשְׁפָחוֹי** :
לְצָאתָה לְעָרִים לְהַבֵּיא עֲזִים לְטַעַרְכִּי : **וַיּוּמֶ**
שִׁגְנִיעַ לְכָנִי מִשְׁפָחָה זוֹ לְהַבֵּיא הַעֲזִים הַיּוֹ
מְקֻרְבֵּין עַלְוֹתָה נְדָבָה וְזֹהוּ קְרָבֵן הַעֲזִים
וְהַיְהָ לָהֶם כְּתוּבָה יּוֹם טוֹב : Porro , ut in
 animis major veneratio in esset sacræ
 ædis, introductum illud non lege Mo-
 saicâ , sed vetustissimis Iudeorum in-
 stitutis est, ut quisquis templum intra-
 bat , gressum ad dextram obverteret ,
 ac sic circumiret , eaque viâ egredere-
 tur , quæ ad sinistram erat. Contra au-
 tem , qui in luctu fuere , quive ejecti ex
 Iudeorum communione erant , eo
 submotionis genere , quod נִידּוּ appellatur , iis circuitio facienda à sinistra
 dextrorsum fuit. Quin ipsi sacerdotes ,
 cum rem sacram fecissent , recessim ad
 portam atrii cedebant , penè ut nepæ
 solent , sed paululum tamen obliquato
 latere. Hæc , & id genus plura in libris
 Talmudicis traduntur , & referenda ad
 illud tempus sunt , cum jam in animos
 homi-

hominum, res insana, superstitione invasisset.

CAPUT XIV.

Addita religionibus majestas. Talmudicorum sententia de muro, qui adyta separabat. & cur is in templo secundo non restitutus. De custodiis templi. An recte eas Maimonides esse ex lege tradiderit? Morbi crebri sacerdotum unde fuerint?

Fuit illud à sapientissimo Salomone, non ab seris nepotibus ejus, institutum, ut discreta sacerdotum, Israelitarumque, & mulierum atria essent. Ita provisum recte est, ne religionem commixtio fœdaret. Nam quod ipsis sacerdotibus non penetrare in templi intimâ licuit, sane verò etiam id augendæ majestatis fuit, cuius major est ex occulto admiratio. Atque ante quidem, cum inter Sanctum & Sanctum Sanctorum murus quidam unius cubiti latitudine stetisset, post cum ædem secundam ii extruerent, qui reversi Babylone erant, dubitatum est qua proportione, quove pacto spatum ejus muri immisum in Sancta, inque Sanctum Sanctorum fuisset: & cum decidi ea res nequiret, vice muri duo

M

vela

vela oppansa sunt, inter quæ spatium cubiti interfuit. nam antea hercle duntaxat unum pепenderat. Traditionum id à Rabbi Mose Aegyptio est, in capite iv, in Halacha Beth Habbechira. Atque ex eo constat, quam scrupulosa corum hominum religio fuerit. Sed ejus rei etiam alia documenta sunt. Ait ille idem magnus Rabbinus, semper Levitarum sacerdotumque vicensas quaternas stationes excubias nocturnas in æde sacra, & circum illam iniisse, non quod ab hoste grassatoribusve metus fuerit, sed uti honos religionibus esset. Leges autem illis præscriptæ ejusmodi fuere, ut sacerdotes intus, Levitæ foris custodirent; & illorum quidem tres, horum verò essent xxii stationes. Denique Levitæ totas noctes pervigilabant. at sacerdotibus somnum capere haud nefas fuit. Non culcitræ tamen, non tomenta mollem requiem illis fecerunt. dormiendum humi in solo erat; ut hoc illis commune fuerit cum Delphici Apollinis sacrificulis, qui à Callimacho perquam eleganter dicti sunt

γηλεχέες θεριποντες αστυγήριο λέγηται.

Nos hæc, quæ de custodiis diximus, fero admodum, & labante republica,
esse

esse instituta putamus, quo tempore multa alia sunt inventa, quorum ne vestigium antea, nec vola extiterat. Nam quod summus Rabbinus Ægyptius testimonia quædam ex Pentateucho recitat, utique mendose facit. Quæ enim cunque in Numerorum capite secundo & tertio edicta sunt de castrorum metatione, quam circum tabernaculum fieri in deserto oportuit, ea verò ad urbem Ierosolymam traducere, ubi sacris ceremoniisque tutæ sedes fuit, magna imprudentia est. Quid quod post Babylonicense exiliū quindecim munera in templo administrata sunt, de queis Iudeorum reges antea, qui de Davidis familia fuere, nunquam cogitaverant? Ea memorantur in Talmudis tractatu, qui Massechta Schekalin dicitur, in capite v. interque hæc fuit, cura temporum solennium, aquarum, sortium, custodiarum, vestium, panum Propositionis, cortinarum, suffimenti conficiundi, & aliarum rerum, quas recensere pretium operæ non est. Fuit autem singulis præfectus quidam impositus, quem מִנְחָה appellabant: eratque sub nutu ejus ingens ministerium multitudo. Ait Maimonides multis morbis obnoxios sacerdotes fuisse,

propterea quod carnibus fere vescebantur, & leviter vestiti inter rem divinam amiculis lineis erant, quæ exuere toties, & sumere necesse habuere, quoties aut operationem intermittebant, aut redibant ad eam. tum & in pavimento stabant semper, neque sedere illis in toto atrio, in quo sacra fiebant, fas fuit. Hinc languor, venarumque inflatio, & mille mala. Haud illud inscitè dictum à Iuvale est in causa plane simili,

--- *varicosus fiet aruspex.*

Igitur delecti sunt, qui publice sacerdotum curarent valetudinem. quibus præerat is, quem נָטוֹנָה עַל הַחֲוִילִים appellant. Sed de his haecenus. Cætera, quæ de templo præclare Talmudici tradiderunt, iis relinquimus, qui fortassis post nos aliquando hujus messis reliquias persequentur. Duntaxat enim alioruni excitare ingenia voluimus. Et jam illud à nobis, opinor, effectum est, omnes ut intelligent, permulta esse, quæ de rebus Iudaicis adhuc dici post eruditissimorum aliquot hominum commentationes possint.

C A P V T . X V ,

De Ierosolyma & templi excidio. Quid Romanos ad rem atrocissimi exempli soli-

solicitaverit. Casus quidam admirabiles à Iudais notati de excidio templi prioris & posterioris. Titi miseratio & lacryma. De tertio templo, quod adhuc exspectant Iudei. Aelia Capitolina in ruinis Ierosolyma condita, & additum à Cæsare Hadriano ludibrium.

IAM ad alia divertamus. Fuit ab omni aëvo magnis quasiata tempestatibus urbs Ierosolyma, in qua ædes sacra, & religionum domicilium erat. quippe Assyriorum primò, Babyloniorumque, mox Antiochi Epiphianis, aliorumque regum, ac postremo Romanorum quoque sensit arma. Captives, diruta mœnia, vasta omnia mœstaque fuere. Vetus templum incenderat Nabuchodonosor, instauraverat autem denuo Zorobabel. Sed deerant ad priscam altitudinem sexaginta cubita. Quare Herodes multò post, opibus & omni rerum copia affuens, reddidit illi eximum decus. Et jam erat hæc ædes inter orbis miracula. Nulla fuit tam seposita aut barbara gens, ex qua spectator in Syriam non veniret. Sed fati ea lex est, nunquam datum ut sit rebus summis, state diu. Decreverat tantarum rerum cunctum diruere Deus: &, quia vim suam

ingruentem frangi non volebat, passus est temeritate paucorum quorundam ad defectionem solicitari populum. Paruit ducibus suis imprudens multitudo, & reverentiam excusit Romani principis. Ita error in culpam transiit; & cum causa atque origo omnis furoris apud autores esset, pœna omnium fuit. Obsedit Hierosolymam vastavitque Titus, ac ne templo quidem pepercit, quod manserat antea tot cladibus incolume. Res admiranda est, & singularis quedam divini iudicii nota id, quod Rabbini observaverunt, quibus studium est vetera & recentiora contendere, atque omnia scrutari subtilissime. Recitabo verba Hebræa ex Chronico, quod Seder Olam vocant: היה ר' יוסי אומר מגילין

זכות ליום זכות וחובה ליום חוכה שנמצאות אופר כשרוב הבירות בראשונה אותו היום פוצאי שבת היה ופוצאי שביעי היהתו ומשטרתו של יהויריב היהת ותשעה באב היהו וכן שנייה ונזהה הלוים עומדים על רוכנן ואומרים שירה וישב עליהם את אונם: Eorum est talis sententia, sed paulò liberius à nobis reddita: *Rabbi Iose dixit: Quemadmodum meriti remuneratio, etiam post longum tempus, recidit ac revolvitur in eundem diem, ita & peccati. siique id experimento compertum est.*

nam

nam cum antea vastaretur templum, erat extre^mum sabbati: & rursus extre^mum septimi anni erat. præterea erat septima¹ stationis Ioarib, & nonus dies mensis Ab era¹. Et ita fuere quoq_z hæc omnia in secun- do excidio. In utroq_z autem Levitæ stabant in cathedra, recitabantque oden hanc: Retribuet illis iniuriam suam. Apud Iosephum accurata est excidii descrip^tio. Sanè ait ille tam tristem tunc re- rum faciem fuisse, uti miseratus eam hostis quoque sit. etenim Titum, cum eversa omnia, dirutaque cerneret, ingemuisse cum dolore, & defectionis succensuiss^e autoribus, quorum ex- crando scelere acceleratum urbis fa- tum erat. nam illum, non nisi invi- tum, tam aspero remedio admovisse manum. Et sanè non erat illi viro ani- mus ferox, insatiabile gentium ma- lum. Deliciæ enim amorque non Ro- manorum, sed humani generis, dictus habitusque est. Verūm, quid ageret? Reipublicæ causâ adhibenda severitas fuit, & crudelem medicum intempe- rans æger fecit. Periit urbs, quam peri- re etiam pereuntium intererat. lace- bat dirutum, flammisque exustum

M 4 tem-

¹ Ita appellat Iudeus magister θεο- Θηρετικῶν, sive Φυλακῶν.

templum, quod per XLVI annos vix extruxerant reversi exules: denique quod refecerat tandem, & ad invidiā ornaverat Herodes, nihil ut jam inimici in eo, nisi pulchritudinem culparent. Verissimus vates apud Divum Matthæum Messias est, cum ita insit, $\text{ε} \mu\eta \alpha\phi\epsilon\theta\eta \omega\delta\epsilon \lambda\iota\theta\Theta\epsilon\pi\eta \lambda\iota\theta\eta \omega$ $\text{ε} \mu\eta \eta\alpha\zeta\lambda\iota\theta\eta\sigma\epsilon\tau\eta$. Non relinetur hic lapis super lapidem, qui non dissolvatur. Inter summam magnificentiam, & deformes reliquias momentum intercessit. Ita vertuntur subito cuncta. & omnino natura, quæ ad originem rerum parcè utitur viribus suis, ad ruinam toto impetu venit. Exspectant adhuc Iudæi tertium templum, ajuntque tribus Patriarchis, Abrahamo, Isaco, & Iacobo suam cuique deberi ædem. Id erutum ab illis ex sacri codicis quibusdam locis est, quæ non intellexere. Ita se miseri sua spe solantur, & cum Sabinis somniant quod volunt. Templi urbisque vix vestigia restabant, cum Hadrianus Cæsar, multis post Titum annis, in eodem solo Aeliam suam, & pro templo veri numinis quoddam extruxit templum Iovis Capitolini. Ad hoc, in fronte portæ, qua Bethleem iter erat, suem posuit marmori insculptam, ut iudæos male uiceret intuitu

tuitu exosissimi animalis. Hoc memoriæ proditum ab eruditissimo Eusebio est.

C A P V T. XVI.

De templo Samaritanorum, quod in monte Garizin. Qui fuerint Chutæi. Vnde adiecti in Samariæ sedes sint. Quanto deteriore conditione fuerint quam Iudæi. De religione eorum quædam. Fuisse eos primum idololatras: mox, abdicatorum cultu, lapsos in hæresin esse.

ATque ædes quidem Ierosolymitana, de qua jam diximus, à solis culta Iudæis fuit. Samaritanorum autem aliud quoddam templum in monte Garizin erat, quod Sanaballites, magni Alexandri permisso, extruxerat, uti generum suum Manassien pontificatu ornaret. Quare profecto, cum pridem antea Iudæi Samaritanique per æmulationem diversa sacra habuissent, recenti hac ædificatione mirum in modum vetera odia exarsere: quæ mitigari nec tunc quidem contigit, cum, ducentis post annis, dirutum id templum ab Hyrcano est. De Samaritanis, quos sæpe rerum Iudaicarum scriptores loquuntur, pauca in transitu dixisse satis erit. Non erant illi vera Israëlitarum propago, sed incondita

M S colo-

colonorum multitudo, quam ex Chutæorum, Babyloniensiumque, & Chammathæorum, ac Sepharvaimitarum, Chavæorumque sedibus collectam rex Assyriæ in Samariam transvexerat, postquam Israëlitæ omnes, qui secessionem à Iudæis fecerant, abducti in longa exilia, dispersique per Colchos, Parthos, atque Æthiopes sunt, nunquam ut ex illa tempestate in Palæstinanam redierint. Quare jam Samaritani, qui in vacuam eorum regionem missi sunt, nihil nisi retrimenta hominum & mendicabula fuere, plane ut sunt illi apud Siculum vatem

---Ἐγε τε λόγῳ πνὸς ἀξίοι, οὐτ' οὐθεντοῖ,

δύσανος μεμφῆς ἀπιμοτάτη τούτη
μογίρα.

Sanè quanti pretii fuerint, monet nos *vetus Iudæorum verbum*, quod Rabbi Elias refert, רוד המלך דותה : לטה היה רוד המלך על חפחים cui rex David similis fuit ? Chutæo ostiatim stipem petenti. quod nos de maximo rege dicatum putamus, qui apud Acischum illuvie sordibusque se se fædaverat, ut contemptu tutus foret, ubi in jure parum præsidii esset. Apud Romanos quidem, profligatis penitus Palæstinarum rebus cum victoris arbitrio jura

omnia amitterent retinerentve tam Samaritani, quàm Iudæi, longè dete-
riore conditione Samaritani fuere. Interdictus enim illis omnis legitimus
actus fuit: ac duntaxat testamentaria
testimonia, quæque in ultimis elogiis,
vel in contractibus consistunt, pro-
pter utilitatem publicam permissa illis
sunt, nē probationum facultas angu-
staretur. Iudæis vero testimonii qui-
dem dictio contra orthodoxos in ju-
diciis non fuit. at inter se, ubi litigan-
dum existimassent, fœdus permixtum
habuere, & dignos litigatoribus etiam
testes introducebant. Quæ constituta
in hunc modum à Iustiniano sunt in
l. xxii. C. de *Hæreticis & Manichæis.*
Idem porro Iustinianus in Novel.
cxxix, *Samaritas pridem atroces, elatos-*
que contra Christianos, & in omnium ve-
lut novissimam superbiam excedentes ait:
ut mirari nemo amplius debeat, cur
in Novel. cxliv. cautum sit, ne majo-
res natu, qui eam superstitionem co-
luissent, ad sacrum lavacrum admit-
terentur, antequam Christianissimi ele-
mentis initiati per duos annos essent.
De religione eorum simplex esse sermo
nequit. variata enim identidem tem-
poribus est. Ac initio quidem Israëli-
tæ, qui à Iudæis per civiles discordias
segre-

segregati Samariam incolebant, idolorum cultores fuere, vitulosque aureos venerati sunt ad Ægyptiorum imitationem, quibus summum numen Apis erat. Mox, qui in vacuas sedes eorum adducti populi sunt, gentilia singuli sacra habuere. Chamathri enim Aschimam, Chutæi Nergalem, Babylonenses Succot Benot, Havæi Nibchanem & Tartacum, Sepharvaimitæ Adramelechum atque Hanamelechum adoraverunt. Ea enim arte usus Esar Chaddon Assyriorum rex est, cum novos colonos in Samariæ agros deduceret. Nihil sibi forte adversus subditos utilius credidit, quam si in commune consulere eos religionum non fineret diversitas. Quanquam postmodum, cum nova malorum cohors terris illis incumberet, legatorum, qui missi ab illis sunt, precibus idem rex permotus, sacerdoti Israëlitico gratiam exilii fecit, ut propere profectus sacra patria eos edoceret, placaretque iratum numen. Ita veterum indigenatum ceremonias receperunt, sed fixata tamen in animis omnium mansit gentilis supersticio. Tandem autem, sero quidem admodum, sed aliquando tamen ante Sanaballetæ tempora, penitus omnem idolorum cultum abdi-

cavere,

angli

cavere, secutique eas religiones sunt, quas divinus Moses præscripserat. Hic vero notanda insignis eorum hæresis est. Etenim, cum Iudæi tria volumina sacri codicis suscepint, Pentateuchum, Hagiographa, & vatum effata, in quibus singulis divinitatem spirare, atque inesse quiddam sacrosanctum credunt, ipsis visum est solum Pentateuchum retinere; cætera, tanquam leviora, atque ab hominum ingenii profecta, aspernari.

C A P V T XVII.

De Hæresibus sectisque Iudaorum. Quando eæ ortæ sint; & vera causa earum. Cur ante exilium Babyloniense in idolatriam, post illud exilium vero in hæreses inciderint Iudæi. Quare difficile sit ab idolatria ad hæresin desciscere. De Bano, deque Gaulonitis, & Zelotis, item de impostoribus quibusdam, qui in Iudea religionum prætextu graffati ad res novas sunt.

Samaritanorum prava de Hagiographis opinatio, quam percrebuisse diximus, tunc orta demum est, cum à paganorum superstitione recellerant: ut non ante facti hæretici sint, quam esse idololatræ desisterent. Sane etiam Iudæis

Iudæis plane in eum modum respro-
cessit. de quorum sectis ut deinceps
aliquid dicamus, nunc bona occasio
est. Illud hercle constat, non semel Iu-
dæos à recto numinis cultu ad sacra
peregrina , atque ad falsos deos sese
convertisse. unde tot vatum acerbæ
conclaves in eam gentem fuere , quas
etiam nunc hodie amplissimis litera-
rum monumentis consecratae viritim
terit publicus usus. Sed rursus illud
observavimus, sub posteriore templo
Iudæos, cum ab omni idolatria alie-
nissimi erant , diverso genere vitiosos
fuisset. Etenim ex illo tempore variis
interpretationibus sacri codicis , dis-
fensionibusque de religione , de quere-
bus divinis inter se pugnaverunt. Qua-
re aliud malum, non leve profecto, or-
tum tunc est, sectæ hæresesque. In par-
tes enim se divisere varias homines
male curiosi : atque uno ex errore infi-
niti , diversi omnes , & contrarii nati
sunt. Iam primum Saducæorum vespa-
nia opinio permultos tenuit , esse ani-
mas, ut corpora, mortales, neque post
vitam præmia aut pœnas bonos ma-
losve sequi. Et rursus Pharisei , homi-
nes supra modum factiosi, commentis
suis legem divinam multo latius, quam
summus Moses voluit , extenderunt.

Ex

Ex quibus dehinc Essæi tertium genus orti, religionum sanctimoniam omnem paulo magis scrupulatim ad anxias quasdam superstitiones exegerrunt. Hæc dissensionum atque sectarum nomina tunc reperta demum sunt, cum vates sacri sub templo posteriore nulli essent, & idolorum cultum nesciret amplius Iudæa natio. At ante, cum prophetarum vox Palæstinam sub priore templo personaret, idolatriam quidem secula viderunt, hæreses autem, perversæque & pugnantes de religione sententiæ nusquam erant. Cujus rei ratio per quam probabilis edi potest. Enimvero qua tempestate vates verba cum numine commutabant, aut alio pacto cœlitus ea accipiebant quæ publicanda mortalium generi erant, nullæ disceptationes controversiæque oriri de sacrorum curatione, deque legibus & præceptionibus divinis poterant, propterea quod erant in medio, qui mortalium ineptas hæsitationes, & disputandi intemperiem refecarent. Autoritate enim plus quam humana armati vates, legum sacrarum atque ipsius numinis voluntatem proloquebantur. Quare, qui illis auscultare recusabant, profecto quoniam infirmitate judicii, aut errore vel ignoran-

norantia labi in pravos sensus nequibant, necesse fuit, ut refractarii contumacesque fierent, & excusia pietate ad idolorum cultum desciscerent. Nihil medium erat. Capessunda vacua imperia erant, aut ponenda numinis reverentia fuit. At sub templo posteriore, cum prophetas major vis, affatusque divinus non ageret, omnia hæc secus fuere. Quoniam enim jam nusquam erant sacrarum legum, cœlestiumque arcanorum consulti, in quorum verbis inesset plena fides, continuo dehinc mortales, non contenti scire, quæ ab illis acceperant, ardorem mentium ultra ad rimandum omnia tulere, & suis se tenebris involvit humana imbecillitas. Quare controversias & quæstiones ex sacris literis eruerre, morbus esse cœpit deterioris ævi. Talmudicorum illud est, octodecim res esse, de quibus contentio fuit inter familiam Hillelis & Sammæi, quas nec Elias quidem expedire possit. Profecto hoc est ad desperationem desipere. Adeo enim nodosa atque intricata commenti sunt duo illi dissidentium sectarum duces, ut nec vatem quidem, aut cœleste oraculum ferre opem potuisse autumet. Accedit quod sub priori templo lex recitata duntaxat à Levitis

vitis populo est , aut etiam domi à singulis legebatur. interpretatio magistrorum, commentatioque nulla erat. At sub posteriore oraculis cestantibus, receptum paulatim more publico est, ut verba Biblici contextus, sensaque explicarentur. Ad quam rem eruditii ingenium suum advocavere. Ex quo natæ disputationes, sententiæque contrariæ sunt. & cum pertinax studium, pravaque ambitio accederet , sectæ atque hæreses extiterunt. Scio equidem, ante Babyloniense exilium fuisse quosdam , qui Naziræi, Kenæique , & Rechabitæ dicerentur: sed ii certa quadam vitæ disciplina , non opinionibus sententiisque, diversi à reliquo populo erant. Quare id profecto ad rem , de qua nunc agimus , nequaquam pertinet. Porro jam promptum est divinare , cur sub posteriore æde , cum ortæ hæreses sunt , idololatria locum apud Iudæos non habuerit. Ita enim comparatum natura est. Constantissime motales eas ceremonias religionesque tenent , quas commentis suis atque fictionibus adornant interpolantque. Amat enim quisque hoc , quod repertum à se est , & ingenio suo applaudit. Nulla mater filiolam suam æque exosculatur , ut isti sectarum patres in-

venta sua. Quare Iudæi profectò hac
mercede postremis temporibus Mo-
saicam religionem coluerunt, dum de
suo adderent quipiam. Quod quia
per vates non licuit antea, sëpe deser-
tores facti sunt, & ad idola sese con-
verterunt. Diximus principes sectas
tres fuisse, Phariseorum, Saducœo-
rum, Essæorumque. Eas Flavius Iose-
phus se perambulasse, tentasseque sin-
gulas ait, uti quid in quaque proban-
dum maxime esset, exquireret. Mox,
cum studio sapientiæ flagrantem ani-
mum coërcere nondum posset, per
totos tres annos apud Banum quen-
dam se fuisse scribit, qui in deserto cor-
ticibus arborum vestitus, cibos dun-
taxat sponte natos sumebat, corpus
que nocte & die frigidis undis merge-
bat, quo vitam castius ageret. Sunt
apud eundem Flavium plures aliæ se-
ctæ, de quibus differere longa mora
esset. Ex his quædam, quia religionis
obtentu & honestis vocabulis summa
reipublicæ atque ea, quæ imperii erant,
tentabant, factiones potius, conjura-
tionesque, quam sectæ fuere. Utique
Gaulonitæ pervicacissimæ pietatis ho-
mines, ut Cæsarem de cervicibus suis
depellerent, solum Deum tenere ter-
rarum regna jactabant. Et in Zelota-

zum

rum motibus, qui omnem pene Iudeam turbaverunt, nihil perinde obfuit, atque mos jam exortus, ut speciosa præscriptione homines quidam turbulenti spei suæ, cupiditatique velificarentur. Iam illa quoque non instau divino, sed dominationis libidine evenerunt. Theudas impostor quidam sub Cuspio Fado, ingenti Iudeorum multitudini persuaserat, ut bona convasarent, seque ad Iordanem sequerentur. Vatem enim esse se professus est, promisitque se flumen istud siccis pedibus transiturum. Nec minore vesania Ægyptius quispiam populum ad Olivarum montem, quasi numinis imperio, vocabat, iturus hinc Ierosolymam, atque una voce muros urbis subversurus, ut per ruinas aperatum iter tutumque omnibus foret. In universum vero Flavius, cum Iudeæ statum publicum, qui sub Felice erat, exsequitur, pene indignabundus illud in hunc modum ait³, λύσης οὐ καρπούσις τολμή, οὐ γέντων αὐθρώπων, οἱ τὸ χλοῦ ἀπάτων. Latronibus tota regio & quibusdam magis aique fascinoribus repleta est, qui multitudinem seduxere. Et mox de iisdem ita subjicit.

N 2

det-

³ In lib. 20. Antiq. cap. 6.

δειξιν ἐφαλαν σιναργη τέρατα καὶ σημεῖα καὶ τὰς δὲ Θεῖς περιστοικαν θυμόμα. Εἰ πολλοὶ παθέντες, τὸν αὐτοφεγγίνεται πυωεῖας ψυχήν. Αἰεβάντες manifesta prodigia atque portenta se edituros, quae Dei cura providentiaque evenirent. Et plurimi, cum fidem illis habarent, dementia sua stoliditatisque pœnas per tulerunt. Usque adeo nihil in speciem fallacius est, quam fanaticorum quorundam insidiosa hujusmodi religio, pietasque. Statim enim plebs, ubi Dei numen magnis ausibus prætenditur, facilem se ad omnia præbet, & melius vatibus suis, quam ducibus regibusque paret.

C A P V T XVIII.

Virtus bellica Iudeorum. Quantum ea fuerit apud exterros reges. Verba Chærili à Flavio Iosepho male accepta. Quis sint Solymorum montium habitatores in Chærili carmine. Tonsuræ modus Iudeis vetitus. Quid hoc sit, quod de Phœnicum sermone Chærilus ait.

DE rebus Iudeorum dicenti, pertractanda quoque ea sunt, quæ ad militiam eorum spectant, quippe omnino posita omnia sunt latentque in tute la atque in præsidio bellicæ virtutis.

Sed

Sed profecto veterum Rabbinorum industria adeo incuriosè hanc partem reipublicæ Hebrææ peruestigavit, pene ut nihil h̄c sit, quod proditum commentationibus eorum meminimus. Fortitudinem quidem militarem in hac gente summam fuisse illud argumento est, quod homines exules, atque Agypto profugi, quos longus error, & quadraginta annorum calamitas imparatos à rebus omnibus in Arabum desertis attriverat, Cananæam omnem bellicosissimis populis habitatam, brevi tempore subegerunt. Flavius verò ubique, quoties de indole Iudæorum naturaque loquitur, durum à stirpe genus describit, periculorum atque mortis securum, laborisque & inediæ patiens penè ad pertinaciæ infamiam. Quapropter reges exterí quoque, cum auxiliares copias aliunde adsciscerent, persæpe usi hoc milite sunt. & compertum egregiis experimentis est, virtute eorum atque operes esse maximas patratas. Certè Alexander Magnus, dum gentes multitudine infinitas, terrarumque spatiis longe dissitas, parva militum manu vinceret, Iudæos partem exercitus sui fecerat, ut gloriam domiti orbis etiam illis acceptam ferret. Tum, quod Flavius

vius aduersus Apionem notat, "α αὐτὸς εργάζεται τοῖς πατέρωις ἐθεσιν ἐμπίστησε, οὐ καὶ ταῦτα ζῶντας. potestatē illis fecit, ut mores patrios, priscaq; instituta in militando servarent, ac secundum cōviverent. Quod profecto honori eorum datum est, & apprime tunc inusitatū fuit. Existimat quoque Flavius, Xerxem, cum nobilissimam illam expeditiōnem aduersus Græcos suscep̄ret, Iudæos inter auxilia atq; inter socios habuisse. Et in fidem ejus rei, testimoniū Chærili recitat: de quo paullisper agendum nobis est, quia nunquam credere potuimus. Flavium re. Etē sententiā percepisse vetustissimi vatis. Verba Chærili, quæ Flavius Apioni objicit, istaec sunt,

Τῷ δὲ ὀπίστεν διέβαλε γῆς Θεού
μαρτόν ιδέας,

Γλῶσσαν μὲν Φοίνικαν δέποτε μαρτί-
των οὐφιέυτες.

Ωἶκες δὲ τὸν Σολύμοντος ὁρεας πλαστὴν
τὸν λίμνην.

Αὐχμαλέοις ηρευθας, τερψχοκάει-
δες· αὐτοὺς ὑπερβάντες.

Γ' ππων δαρπὰ περσωπ' ἐφόργη
ἐσκληπιότα κακιών.

Hæc in hunc fermè modum reddita
sunt ab interpretibus:

Exin miranda specie gens castra secuta est,

Thaenicum ignoto qua voces ederet ore.

Hac Solymos habitans montes, stagnum prope vastum,

Circumtonsa comis, squalenti vertice, equini

Exuvias capitis duratas igne gerebat.

Hic vero Flavius Solymos montes esse eos ait, quos in Palæstina Iudæi incolunt, & Asphaltiten lacum significari putat, qui omnium in Syria latissimus maximusque est. Sed hoc, quantumcunque est, nihili est. Quid enim causa dicet, aut, quam rationem nobis Flavius ostendet, cur Iudæos Chærilus τριγχονεύεις, hoc est, *in orbem circumtonos* dixerit? Sane pro certo est, id tonsuræ genus invisum Iudæis omnibus & pene execrabile fuisse. quippe interdictum illis severissima lege fuit, וְאַתָּה תְּמִימָה קֹדֶשׁ נְהַלֵּשׁ ne angulum capitis circumtonderent. De qua re extant verba numinis in Levitici capite xix. Iam verò, quod de Solymis montibus, deque lacu adjacente ex Chærili celeberrimo carmine adfert ille, id vero diluere non difficile est. Alios enim montes Solymos, procul à Palæstina sitos,

Homerus celebravit, cum de Vlyssē nā.
vigante ita insit in Odyss. ε:

Tὸν δὲ ἐξ Αἰθιόπων αὐτῶν κρέας
Ἐνοσίχθων

Τηλόφεν τὸν Σολύμεων ὄρέων ἴδεν
εἴτερος γάρ οἱ

Πόντους ἐπιτιθείων.

Atque hos Pisidarum esse, atque ab illis incoli, traditum à maximis vetustissimisque auctoribus est, qui etiam stagnum quoddam in vicino ponunt, planè ut omnia Chœrili verbis consonent. De Phœnicum autem lingua, qua locutos montium istorum incolas Chœrilius ait, ita existimandum est, latissimè usum ejus idiomatis patuisse, ut omnes penè, qui circum circa erant, populi quasdam veluti dialectos usurpaverint ex Phœnicum sermone. Quare profectò ad solos Iudeos hoc pertinere, nihil necesse est.

C A P V T X I X .

De bello, quod lege indictum fuit, deque eo, quod sponse susceptum ab Hebreis est. Quales pacis leges oblatæ hostibus sint. Quid illud sit, quod Talmudici de septem præceptis tradunt, quæ servanda omnibus gentibus fuere. Quām citò post orbem conditum, & quām latè animos mortalium peruerserit ido-

lula-

DE REPVB. HEBR. 202
lolatria. Hebraorum notabilis senten-
tia de Abramo: & quando is rectum
numinis cultum suscepit.

Sed, omissis istis, expediamus porrò
quæ de militia Iudeorū in mentem
nobis veniunt. Duplicis generis bella
Talmudici constituunt, quæ gesta à
sacro populo fuere. nam &
מלחמות מצות ea bella appellant, *qua jussu nu-*
minis, legisque suscepta sunt: & rursus
מלחמות הרשות ea esse ajunt, *qua pro*
imperio, atque ad ampliandam rempubli-
cam gessere. De priore genere ita Mai-
monides insit in Halacha Melachim,
in cap. v. **מלחמות מצות** *Cidur Shana Ulizan:*
שבעה עתמים ומלחמות עמלק ועוזרת ישראל
Bellum, quod lege in-
dictum dicitur, illud est, quod cum sep-
tem populis, atque cum Amalekitis fuit:
aut si suspectas ferri necesse fuit cuidam
Israëlitica tribui, quam hostis invaderet.
Septem illi populi, de queis loquitur,
fuerunt Chittæi, Girgasæi, Emoræi,
Cananæi, Chivæi, Perizæi, & Iebuzæi,
quorum sedes armis invadere Israelitas
jubet Deus in Exodi capite xxiv, & in
Deuteronomii capite vii. De memo-
ria autem Amalekitarum obliteranda
illustre est numinis edictum in Deute-
ronomii capite xxv. Ad posterius bel-
lorum

lorum genus ea pertinent, quæ subjicit ibidem Maimonides, מלחמת הרשות שילחן הפלך עם שאר העם היא מלחמתה שלחן הפלך עם שאר העם להרחבת גבול ישראל ולהרבות גודלו ושם עמו Bellum, quod pro imperio suscepit appellant, illud est, quod ceteris populis rex intulit, ad proferendos Israëlitarum fines, atque ad augendam magnitudinem famamque eorum. In eadem Halacha in capite vi persequitur Maimonides quasdam cautiones, quas in utroque bello servari summus Deus voluit, quæ in Deuteronomii capite xx scriptæ in hanc ferme sententiam sunt. Cum veneris ad aliquam urbem, ut oppugnes eam, primum invita eam ad pacem. Si responderint se pacem colere velle, portasque aperuerint, sint tibi tributarii, serviantque tibi omnes, qui in ea urbe sunt. Quod si non ineant pacem tecum, sed bello & armis experiri tecum malint, obside urbem, cumque tradiderit eam Deus in manum tuam, percute omnes masculos acie gladii, foeminas vero puerosque, & iumenta, denique quicquid erit in urbe, & omnia spolia ejus, auferes tibi, fruerisque præda hostium tuorum, quam dederit tibi Deus. Atque hoc quidem pacto vidoriam exercebis duntaxat in iis urbibus, qua procul à te aliis in terris sita sunt. At cum iis urbibus, quas tibi Deus thui habitandas ple-

no habet

no hereditatus jure dat, aliter agendum est. Cave enim, ne illic vitam cuiquam homini relinquas. Hic quod summus legislator parcendum illis gentibus ait, quæ oblatam pacem acceperant, ita intelligendum Talmudici ex vetustissima majorum traditione ajunt, ut insuper necesse habuerint eæ gentes suscipere septem præcepta, quæ filiis Noachi data ante beatum Abrami seculum sunt. alioquin vitam illis relinquendam haud fuisse, quibus religio nulla numinisque observantia esset. Enimvero Iudeorum sapientissimi ita ajunt, sex res fuisse, de quibus edictum numinis acceperit primus hominum parens. nam & cœlitus didicisse eum, celebrandam divini nominis majestatem esse, atque jura dici mortalibus debere: & rursus, interdictum illi fuisse, ne sanguinem humanum funderet, neve idola coleret, aut rapinas exerceret, cum ne multiplicato mox hominum genere, incestis se nuptiis fœdaret. Atque hanc quidem esse Cabbalicam quandam doctrinam, quæ tradita posteris per manus sit ab usque Mosis seculo: ceterum, ex tacito sensu cujusque, atque in universum ex verbis Pentateuchi manifestum esse, hæc præcepta in hunc modum data primo homini

mini fuisse. Tandem vero Noachium
cœlesti voce admonitum esse, ne mem-
brum vivi animalis comederet. Scri-
ptum enim in Genesi esse, *carnem cum
anima ejus, quæ est sanguis ejus, non ede-
tur*. Ita septem præcepta confici ajunt,
quibus tantisper gens mortalium re-
gebatur, donec Abramo positalex de-
circumcisione fuit. Talmudicorum
sententiam, quæ exposita à nobis est,
eruditissimus Maimonides illis verbis
recitat, quæ extant in Halacha Mela-
chim , in capite ix. על ששה ובריות
נוצווה אדם הראשון על עכומּ ועל ברכות
השם ועל שפיכות רטים ועל גילוי עריוות
ועל הנול ועל הוינים : אף על פי שכולן הָזֶה
קבלה בינו ממשה ובינו והדעת נוטה
להן כלל דברי תורה יואה שעל אלו
נוצווה : והוא לא נח אשר כז חci שנאטש
אך בשר בנטשו דמו לא תאכלו: נמאו שבעה
מצוות : וכן היה הדבר בכל העולים עד
אנוריהם בא אבורה נוצווה יתר על אלו בטילה:
Antequam à diverticulo ad rem re-
deamus, libet nobis exponere quid il-
lud sit, quod ex Talmudicorum sen-
tentia diximus, inter septem præcepta,
quæ primis mortalibus data sunt,
etiam hanc sanctionem numinis fuis-
se, qua interdictus illis idolorum cul-
tus est. Utique Maimonides in Hala-
cha Habodat Cochabin & Mazzaloth,
luculenter ostendit, vitiosam religio-
nem

nem inter ipsa mundi initia inolevisse. etenim jam tum Enoschi tempore ex hominum quadam superstitione sidera planetasque in magno honore esse cœpisse, licet à vero numine nondum penitus descisceretur. mox, ut est fœcunda res errori, templū atque simulacra stellis consecrata esse, donec tandem, spredo plane numine divinam religionem omnem planetis duntaxat tribuerunt. Excipit tamen maximus Rabbinus paucos quodam, Chanochum, Methuscelachum, Noachum, Semum, atque Heberum, qui Deum unum, eundemque vere optimum atque maximum semper pura, integra, incorrupta & mente & voce venerati sunt. De errore enim, qui mortale genus tenuit, deque seculi vitio loquitur. Ipsum Abramum sero admodum, cum jam quadraginta annos natus esset, agnoscisse ait Deum conditorem suum. fuisse enim eum in Vre Chaldaeorum tenebris & caligine mentis demersum, inter homines superstitiones, idololatrasque, atque una cum illis eandem insaniam insanivisse. tandem vero, cum meliora edocetus à numine esset, studuisse eum inscitiam veri Chaldaicis eximere: sed quoniam infidiliis à rege petebatur, in Charanenum

sium sedes eum concessisse, atque hinc
in Canaanam venisse, ubi cœlestem
doctrinam tam feliciter ad suos pro-
pagavit, ut jure eum Maimonides
מִזְרָחַ שֶׁל עֲוֹנוֹת columnen atque stabilimen-
rum seculi appelleat. Hæc summo judi-
cio animadvertisit author cordatissi-
mus. Neque nos ea referre piguit, quia
illustrare Talmudicorum scitum pote-
rant, quod de septem illis præceptis
retulimus, quæ Noachi posteros ita
obligabant, ut, si forte populi quidam
inter pacis leges suscipere eorum ob-
servationem recusassent, eos Iudæi ex-
scindere penitus, tanquam barbaric at-
que immanitate efferratos, jussi sint.

C A P V X X .

*Feciales pacis offerenda causa missos esse
etiam ad septem Canaanæ populos, con-
tra quam vulgo existimatum est. Cur
Gibeonitis dolo atque astu opus fuerit
ad petendam pacem. Cur septem Cana-
nae populi ad internacionem occisi. Cur
Ammonitis & Moabitis oblata pax
non sit. De sacerdote, qui prælii causa
ungebatur.*

Nunc porrò alia exequamur, quæ
Maimonides ad interpretationem
illorum verborum attulit, quæ nos
paulò

paulò ante ex Deuteronomii capite
 vicesimo adscriptissimus. Sanè quod le-
 gatos de pace prius mitti summus
 Deus ad eas nationes jubet, in quas
 Iudæi arma parabant, id Aegyptius ille
 certissimo documento pertinere etiam
 ad septem populos evincit, quorum
 fortunatas sedes Israëlitis Deus pro-
 miserat. Quod quidem contra opinio-
 nem eorum est, qui sine discrimine, &
 nulla exceptionis lege factam à numi-
 ne proscriptionem earum gentium
 ajunt. Sed refellit eos insigne testimo-
 nium, quod Maimonides noster citat
 ex libro Iosuæ, ex capite xi. ubi sic ferè
 scriptum est : *Nulla fuit civitas, qua*
pacem fecerit cum Israelitis, praeter Chi-
vaos Gibeonitas. Ceteri omnes bello capti
sunt. Induraverat enim animos eorum
Deus ad pugnam cum Israelitis conseren-
dam, ut internecione occideret eos, nec fie-
ret illis gratia. Enimvero illud hinc ef-
 ficitur, deletas propterea eas gentes
 esse, quia belli fortunam tentare, quam
 confiscere pacem in Israëlitarum leges
 maluerunt. Quod si fezialibus auscul-
 tassent, utique jam salus earum neuti-
 quam in dubio fuisset. Quærit dehinc
 Maimonides, quid igitur causæ sit, cur
 Gibeonitæ astu doloque petendam pa-
 cem censuerint, seque gentem procul

in

in aliis terris sitam finixerint, cum hercle certum illud sit, vera via pervenire eos ad hoc, quod cupiebant, potuisse? Sed respondet princeps Rabbinorum, antea legatos ad Gibeonitas quoque, sicut ad reliquas sex nationes, missos fuisse; eosque ab illis spretos esse. quare ex ea tempestate legem numinis adversus eos valuisse, quæ de internecione septem gentium lata erat. Gibeonitas autem, cum eam legem postea resciscerent, copiasque Israelitarum latè victrices pertimescerent, venienti malo cavisse: & quia post spretam semel pacem vera remedia consumperant, fallaciis atque arte usos esse. Hæc in hunc modum ferè decisa à Maimonide sunt. Porrò, quod in septem gentes illas victoria aliter exercita, quam in cæteras, fuit, ita ut illuc quidem excindi viros fœminasque atque infantes etiam, huc verò sufficere expiationi solam virorum cladem lex voluerit, ea disparitas ab hac adeò causa est, quod septem illi populi vulgo & passim in sece flagitia quædam fœdiora admisere, à quibus recta ratio naturæ hominum communis refugit atque abhorret. Quare profectò summus Deus eos, veluti terræ odium onusque fuisse significat, cum in Leyitici capite

XVIII, enumeratis id genus vitiis, postremò ita fatur, Polluta est terra, & iniquitatem ejus ego visitavi adversus eam, & evomuit terra habitatores sios. De Ammonitis & Moabitis edictum singulare exstat in Deuteronomii capite xxiii, quo cautum fuit, ne eos unquam Israelitæ ad pacem solicitarent. & causa ibidem editur ejusmodi, quia commeatum Israelitis non adverxerant ex Aegypto venientibus. tum &, quod Bilhamum vatem magna mercede conduxerant, qui omnia infausta eis auguraretur. Subjicit autem quandam cautionem Maimonides, quæ huc transscribenda est, אַפָּל פִּי שָׁאֵן שְׁוֹאֲלִים בְּשְׁלֹום אֶת הַשְּׁלִימָוּ מַעֲצָמָם תְּהִלָּה טְקַלִּין אָוֹתָן : *Et si, inquit, legatos de pace non mittebant ad eos, tamen si sponte sua initio eam cuperent, non repellebant eos.* In Halacha Melachim, quam identidem memoravimus, in capite vii, multa prodit Aegyptius noster de sacerdote quopiam, qui prælii causa consecratus publicè fuit. de quo ita infit : אחר מלחמות הרשות ואחר מלחמות המצויה מנין כהן לדבר אל העם בשעת המלחמה ומושחין אותו בשם המשחה וזה הנקרא משוח המלחמה : *In bello, tam quod gerebatur pro imperio, quam quod lege divina indictum fuit, sa-*

cerdotem creabant, qui exercitum alloqueretur sub tempus prælii, ungebantque eum oleo sacro. Atque hic ille est, qui **מִלְחָמָה תַּוְשֵׁחַ** hoc est, prælii causa unus dicesatur. Oratio ejus, qua ad populum usus est, recitatur in Deuteronomii capite xx, fuitque ejusmodi: *Eia, audite Israelitæ. Vos proceditis hodie in prælium contra hostes vestros. Ne mollescat cor vestrum, neu trepidate aut expavescite metu eorum. Progreditur enim vobiscum in expeditione Deus vester, pugnatque cum hostibus vestris, uti servet vos.* Refert Maimonides etiam alia verba, quæ sacerdos ille ex tabula aut libro publice pronuntiavit, non sub ipsam pugnam hercle, sed tunc, cum ad bellum exiret populus. Sed nos tenuissimas particulæ, atque omnia minima mansa huc non inferemus.

C A P V T XXI.

Qui fuerint immunes militiâ. Saulis se veritas in cogendo milite. Tænæ in eos sanctæ, qui sacramentum detrectarent. Vnde Flavius scripsit, deos peregrinos in bello non violandos Iudei. Laudabilis Iudeorum religio, cum Beli ædes refecta ab Alexandre est.

IN Deuteronomio privilegia quorundam recensentur, quibus vacatio mili-

militia concessa ad breve tempus fuit: inter quos fuere, qui recens vineam plantassent, qui exstruxissent novam domum, tum qui sponsi aut novi mariti essent. Ex quo certe constat, munia militiae non eos duntaxat subiisse, qui ultro nomen dabant, sed quoscunque rex, populi ductor ad sacramentum adegit: ut jam hoc totum necessitatis fuerit, non arbitrii. Utique Saul quidem, cum arma capessere omnes vellet, membra duorum boum frustillatim concisa per duodecim Israelitarum tribus circummisit, interminatus hoc idem se facturum armentis eorum, qui sequi se ad bellum recusassen. Quare profecto jam non sine exemplo est Romanorum severitas, in quorum institutis olim erat, ut, qui ad delectum non respondissent, tanquam proditores libertatis in servitutem redigerentur: qui vero filium suum militiae subtraxisset, in pace fustibus cæderetur, belli tempore exilio & bonorum parte multaretur. Quæ sic relata ex Carrii Menandri libris sunt in l. 4. §. 10. & 11. ff. de re militari. Divus quidem Augustus equitem Romanum, quod duobus filiis adolescentibus causa detrectandi sacramenti pollices amputasset, ipsum bonaque sub-

jecit hastæ. & præceptum Divi Trajanî fuit, ut hujusmodi parentes deportarentur. Non uno edicto maximus legislator Moses Israelitis præeoperat, ut terram hostilem armis ingressi, simulacra omnia, templaque, & altaria Deorum diruerent, quos cæteræ nationes per errorem coluissent. Ait tamen Flavius¹, lege Mosaica constitutum fuisse, μήτε χλωνάζειν, μήτε βλασφημεῖν τὸς νομοῦ οὐρανούς θεόν παρέπερις αὐτῆς ἐνεκώντας εἰς τὸν Ιησοῦν. ne quis eos derideret, quos gentium aliarum opinio Deos confinxit, neve quisquam male illis diceret, saltem enim prodeesse illis honorem tanti nominis debere. Nos ex qua Pentateuhi parte illud Flavius in sua scripta transtulerit, divinare non possumus. Quin existimamus potius, hallucinatum eum esse, neque intellexisse verba ea, quæ in Exodi capite xxii scripta in hunc modum sunt, לֹא תְּאַלְּהֵם non execraberis deos. quæ profecto in eam sententiam accipienda sunt, ut significetur, facrosanctos esse rerum publicarum moderatores, qui in terris vice numinis funguntur. Illud vero, quod in eadem dissertatione Flavius adversus Apionem

¹ In Apolog. adversus Apionem.

pionem adducit, magis ex vero est, & militum Iudeorum summam constantiam in retinendis patriis legibus arguit. Ex Hecataei enim, maximi scriptoris, commentariis prodit, qua tempestate olim Alexander Babylone erat, & ad instaurandum Beli templum, quod corruerat, cunctos milites aggere terram jubebat, solos Iudeos imperia ejus detrectasse, & verbera multa tulisse, atque graviter multatos esse, donec tandem illis & ignovit rex, & securitatem praestitit.

CAPUT XXII.

Sabbatorum observatio Iudeis saepe noxia in bello. Ea supersticio animis hominum exempta per Matthiam Hassamanum. Stratonicae febriculosa pietas. Auspiciorum atque omnium vis à Mosollamo, acerrimo milite Iudeo, elusa. Ostenta & omina esse in potestate mortalium. Lex divina de sexuum distincto habitu non intellecta à Flavio. Adulterarum toga apud Romanos. Charonda miles stolatus. Medorum Persarumque mollities.

DVm in his sumus, non prætermittendum est, quod Maimonides motavit, שארין על עיירות נאותם בשברן ועושין

וְעַמּוֹת פָּלָחֶת בְּשִׁבְרָה Indaos pagorum urbes, cum sabbatum est, obside-re, atque etiam prælium cum illis conso-rere. Sed hoc non semper profecto re-ceptum ab illis fuit. Etenim Matthias Hassamonæus, fortissimus imperator, cuius fuit virtus toti Iudææ salutaris, primus popularibus suis persuasit, non esse hoc divinæ legi contrarium. nam antea hercle execrabilis opinio omnes tenebat, malis auspiciis & irato numi-ne geri, quæ tali die pro se quisque, aut pro republica tentaret. Agatharchides quidem apud Flavium, dum Stratoni-cam deridet, quæ capta à Seleuco, oc-cisaque est, quod in fugam se dare ob-somnii cuiusdam Iudibrium ausa non esset, geminam Iudæorum & germa-nam dementiam adjungit. Captam enim Ierosolymam esse à Ptolemæo Lagi filio ait, propterea quod cives cunctos sabbatorum observatio de-fensione urbis prohiberet. Ac Matthias quidem Hasmonæus, uti dixi-mus, hoc errore suos liberavit. Cæte-rum incessere rursus animis hominum eandem superstitione contigit. Pom-peium enim diu postea potitus urbe scimus, cunctis per sabbata desidenti-bus. Evidem ego Matthiam istum cel-sa indole virum, atque judicio rectissi-

mo fuisse existimo, qui fieri quibusdam casibus posse intellexerit, ut omissa ceremoniarum anxia observatio vel laudem ferat. Vtique nullæ leges positæ necessitati sunt, quæ semper magnum humanæ imbecillitatis patrocinium fuit, & quicquid coegit, defendit. Adeo, viri illud & ducis esse, non deesse fortunæ præbenti se, & oblata casu flectere ad consilium. idque valere in omnibus rebus humanis, sed maximè in bellicis, quæ ex pactis conventis non procedunt, sed ipse ex se multa objiciunt nec opinantibus, quæ extre-
mum discrimen pariunt ex mora. Iam miraculi instar nobis est, Iudæum re-
periisse, quem incepta urgere & favori
numinis instare non vetuit scrupulosa
pietas. Longe diversi generis est, quod
Hecatæus de milite quopiam ejusdem
nationis prodidit : quod referemus
tamen, quia in pectore Iudæi insignem
superstitionis fuisse contemptum pro-
bat. Ait ille scriptor, se in expeditione
Alexandri fuisse, contendisseque ad ru-
brum mare cum Iudæis aliquot equi-
tibus, qui sese comites addiderant : in-
terque eos fuisse Mosollatum, homi-
nem animosissimum, qui jaculandi
peritia omnes & Græcos & barbaros
anteiret. ibi, cum properantem exer-

citum augur quispiam sisteret, prop-
terea quod alitem sedentem videbat,
ex cuius volatu captare omen itineris
parabat, è vestigio Mosollatum, cor-
repta ingenti sagitta, confixissè alitem,
atque insuper amarulento joco stulti-
tiam eorum incusasse, qui miseram
avem alieni consciam fati crederent,
cum ignara sui esset, neque enim scivis-
se eam, quantum periculi à Mosollamo
Iudeo imminceret. Enimvero istud est
sapere, non ex hariolorum responsis,
nec è cantu sinistro oscinis, aut è tri-
pudiis solistimis pendere, sed agendo
vigilandoque vana ostentorum ludi-
bria antecapere. Sane quidem C. Pli-
nius, diligens harum rerum observa-
tor, in ipsa augurum disciplina consta-
re ait,¹ neque diras, neque ulla auspicia
pertinere ad eos, qui quamque rem ingre-
dientes observasse se ea negaverint. Quo
munere divinæ indulgentiæ nullum
esse majus fatetur. Cætera, quæ dici de
re bellica queunt, vix annotare libet.
Ait Flavius, inter disciplinæ militaris
præcepta & illud fuisse, ne in bello aut
mulier virili, aut vir muliebri habitu
uteretur. Enimvero quæ in Deutero-
nomii capite vicefimo & secundo ex-
tant,

¹ In lib. 28. cap. 2.

tant, paulo ille liberius audaciusque interpretatus in hunc modum est: Φυλάσσετε μανίστα την τοῦ μάγος, ὅπερ πέντε γυναικαὶ ἀνδρικῆ σκύνη χρήσθωσι, μῆτε ἀνδρεῖς τολῇ γυναικεῖω. Sed profecto male accepit verba numinis, quæ in Deuteronomio extare diximus. Habet enim divina ista lex non tam in militia locum, quam domi & in pace, atque in omni reliqua vita. Nolebat enim sexus utrūque apparatus cultumque perverti aut confundi immortalis Deus, propterea quod maxime contrarium id honestatierat, ad quam nos fecit ille, formavitque. Quare profecto nec usurpatum hoc aliis gentibus unquam fuit, nisi per ignominiam, & pœnæ loco. Utique apud Romanos quo pacto ornatæ profisi virtutibus fœminæ ambulaverint, quæ convictæ adulterii erant, proditum multis autorum jocis est. ex quibus insigne est illud Martialis,

Thelin viderat in toga spadonem.

Damnatam Numa dixit esse mœcham. Apud Græcos vero Charondas, severissimus imperator, milites suos, qui ordinem in acie deseruerint, per triduum pro concione stolatos destituit. Scio ego Medos olim stola ad talos demissa, mulierum in morem, incessuisse;

& Persas quoque, id quod Xenophon
in octavo Pædiæ ait, ad horum se imi-
tationem composuisse: sed ii populi,
quoniam hercle ad mundi tempore
jacebant, evirati ipso terræ cælo & so-
lo erant. Quare infamis eorum molli-
ties apud cæteros fuit, & posita in vi-
tio semper est.

C A P V T XXIII.

*De Iudeis, qui extra Palæstinam in aliis
regnis habitavere. Gentium plurium
migrationes, & voluntaria exilia. De
Iudeis Asiaticis, deque Babylonien-
bus, tum de Aegyptiis & Alexandri-
nis. Pecunia ab illis Ierosolymam mis-
sa. Quanta opes in sepulcro Davidis.
Darius à Semiramide elusus. Indeo-
rum Hellenistarum, & Palæstinorum
infensa amulatio. Quo jure, quaue
conditione apud Romanos Iudei fue-
rint post eversam sacram urbem. De
polygamia.*

Marcus Annæus Seneca in consola-
tione, quam ad Helviam scripsit,
populos quosdam enumerat, qui pa-
trio solo relicto sedes suas commuta-
rint, & transtulerint domicilia. Nam
& in mediis barbarorum regionibus
Græcas urbes esse, & inter Indos Per-
sasque Macedonicum audiri sermo-
nem,

nem, tum civitates Achaiæ Ponticis esse impositas litoribus, & Tyrios in Africa habitare, Pœnos Hispaniam incolere ait. Quæ quidem omnia ille nihil aliud nisi publica exilia vocat, in quæ alios domestica seditio, alios excidium urbium suarum, quosdam magnandi libido, alios alia causa emisit. Sed profecto hujus rei nusquam illustrius documentum est, quam in Iudæis, qui per Ægyptum, Græciamque, perque omnem Asiam & Africam late sedes suas procul à Palæstina posuere, & res illic amplas, uberesque habuerunt: regum autem principumque tantis affecti beneficiis sunt, ut inter exterorū vitam exigere, quam in patriæ beato solo religiones, templumque venerari ex propinquo mallent. Atque Asiaticorum quidem dignissimi, nobilissimique erant Babylonenses, de quibus in libro primo, in cap. viii diximus. Inter Hellenistas autem quos non Ægyptus duntaxat, sed omnis Græcia acceperat, primatum quendam Alexandrini tenebant. Vtique Ptolemæus Lagi filius, cum Iudæorum fidem & virtutem summam perspexisset, omnia Ægypti propugnacula & præsidia ipsis commisit: &, ut Cyrenam cæterasque Libyæ urbes firma ditione

tione teneret, multas eorum colonias
 in ea loca deduxit. Mox Philadelphus
 adeo deditus Iudæis fuit, qui sub im-
 perio ipsius erant, ut leges eorum, &
 sacratissima jura verti Græce, atque in
 omnium esse manibus voluerit. Po-
 stremo Philometor, & uxor ejus Cleo-
 patra curam tutelamque totius regni
 Ægyptiensibus his Iudæis dedere: co-
 piisque illis, ex quibus rerum momen-
 ta pendebant, Dositheum & Oniam,
 homines itidem Iudæos, præfecere. Li-
 bertate autem omnes in illis ipsis sedi-
 bus tanta uisi sunt, ut templum quo-
 que in Heliopolitana præfectura ha-
 buerint, quod magna religione adi-
 rent. Neque fuit id profecto tumultua-
 rium opus, quod casus, aut desperata
 exulum temeritas excitaverat. nam &
 Ptolemæi regis permisso construendum
 erat, & per annos trecentos ac qua-
 draginta incolume stetit: ac tandem
 vero sub Vespasiano demum clausum
 prophanatumque est. Mansit tamen
 inhæsitque tam Hellenistis profecto &
 Ægyptiensibus, quam cæteris omni-
 bus, qui extra Palæstinam degebant,
 amor affectusque in ædem Hierosoly-
 mitanam. Quippe pecuniae ab illis sta-
 to tempore illuc mittebantur: & do-
 maria eorum amplissima erant. Reci-
 tat

et Flavius Iosephus¹ literas Octavii Augusti, Agrippæque, & Norbani Flacci, atque Iulii Antonii ad Cyrenenses, Ephesios, Sardos, atque ad alios missas, in quæis scriptum erat, ne Iudæi, qui apud illos habitabant, dona pecuniasque in usum templi & sacrorum mittere Ierosolymam prohiberentur. Sanè quidem ii, quos Mesopotamia & Babyloniam acceperat, urbes duas natura pariter atque opere munitionissimas, Neerdam & Nisibin, habuere, in quibus, tanquam in ærario quodam, sibi omnes thesauri erant, quos in Palæstinam identidem, cum tempus esset, infinita hominum multitudo devehebat, ne formidandæ Parthorum rapinæ forent. Et fuit tunc profectò in summum culmen evecta Ierosolymitanorum opulentia, cum ad eos tanta vis auri à popularibus mitteretur, qui variis locis sparsi sedes incolebant disiunctissimas. Quāquam & antea mirum in modum amplæ eorundem divitię erant, ante quam Israëliticæ decem tribus per discordias civiles secessionem à Iudæis fecissent. Davidem quidem gazas incredibiles possedisse constat, nemo ut re-

gum

¹ In lib. 16. Antiq. cap. 10.

gum Hebræorum, exterorumve con-
ferri cum illo potuerit. Quare etiam
sepulchrum ejus, ossaque, & cineres fi-
lius superstes circumfluere opibus vo-
luit, quæ in cellulis pluribus erant re-
conditæ. Earum autem quæ summa
fuerit, facile divinabit, qui cogitaverit.
Hyrcanum post mille & trecentos an-
nos, cum ab Antiocho Pio esset obse-
sus, conditorum illud adiisse, atque ex
illo ter millena talenta exemisse. ac
rursus, multo tempore interjecto, He-
roden, cum alias cellulas recluderet,
reperisse illuc quantum satis erat maxi-
mis impensis faciundis. Iusserat haud
dubiè divitias eas sumimus rex recon-
di illuc secum, ut velut inaccessæ, & lo-
ci religione tutæ essent. Hac enim cau-
sa permotos etiam alios sæpe fuisse,
idem ut facerent, proditum memoriarum
est. & Darius verò risum, jocumque
omnibus excitauit, cum Semiramidis
monumentum intraret, cuius inscrip-
tio ingentes thesauros promittebat,
cum nihil intus, nisi tabella esset, quæ
homini sacrilego malam rem preca-
batur, propterea quod mortuorum
loculos temeravisset execrando scele-
re. Sed enim verò de opibus sacri po-
puli dicebamus, quæ ante tribuum
asportationem Ierosolymæ erant. Ex
autem,

autem, quum Davidis tempore admodum ingentes essent, longè majores tamen sub Salomone, qui huic successit, fuerunt. Advexit enim ei tertius quisque annus quæ in Oriente pretiosissima erant. & principum, qui proprie habitabant, liberalitas potentiam augebat sapientissimi regis. Quare Flavius Iosephus rotundo ore illud effatur, quod sæpe mirati fuimus, ὅτι τὸν δρυεῖς τοτε τὸν ἐποίησε πλῆθος τὸν Ιεροσολύμων ὁ βασιλεὺς, δονοῦ ἦν καὶ λέπτων. effecisse regem, uti tantum pecunia in urbe Ierosolyma esset, quantum erat lapidum. Quæ profectò ejusmodi sunt, ut jam venisse ad summum fortunæ rex ille videretur. Non finit nos incepti lex pluribus hæc exequi. Redendum enim ad illos Iudeos est, quos sub exteris regibus vixisse diximus. Horum porrò non unum genus fuit, neque de omnibus similiter existimandum est. Nam Babylonenses quidem nihil præter jus fasque fecere, cum extra terram sanctam habita- rent. idque singulare privilegium fuit. de quo antè diximus. At verò qui ante transportationem gentis Iudaicæ, aut post eam Palæstinorum sedes reliquēre, ut alias terras, quæ in vicino erant, incolerent, eorum infamia posteris

tra-

tradita est, judicatumque ab omnibus fuit, esse eos terræ sanctæ contemp-tores. Recitant Talmudici severissi-ma numinis edicta, queis cautum fuit, ne Iudæus quispiam migrandi libi-dine patrium solum verteret. Estque eorum scitum quoddam hujusmodi,
 בְּלֹ הָרֶ בְּחִזְקָה לְאָרֶץ כְּאַילֵּוּ עֲוֹבֵד עֲכוֹםִ
Qui peregre extra terram sanctam degit,
velut syderum planetarumque cultor ha-
bendus est. Atque ejus rei fidem faciunt ex dicto Davidis ad Saulem, quod ita relatum à Samuele est: *Si te homines incitaverunt contra me, maledicti sint coram Iehova. quippe expellunt me hodie, ne pars mihi sit in ea terra, quæ hereditas Ie-hovæ est, dicuntque, Abi, cole deos alienos.* Vna modò causa fuit, quæ migrantes gravi culpa liberaret. Ea autem vis ma-jorerat: cuiusmodi est fames, sterili-tasque, atque alia id genus, quæ in iram numinis, velut ultima malorum, ver-tunt. Non prætereundum est, quod in Halacha Melachim, in capite quinto, eruditissimus Maimonides prodit. E-tenim postquam quosdam hujusmodi atroces casus exposuit, ob quos Iudæis fas interdum fuerit domicilia in exte-ris regnis ponere, solam Aegyptum ex-cipit, quam ne quis habitandi animo adiret, tribus interdictis vetitum esse
 à nu-

à numine ait. Nulla necessitas, neque occasio aut causa ulla excusare quenquam potuit. Supervacuum fore testimonia recitare. penes autorem fidet esto. Rationem quidem ipse adderet, quæ in promptu maximè fuit,
 פָנִי שְׁמַעֲשֵׂיהֶ מְקוֹלְקְלִים יְתַר טַכְלַה אֲרוֹאָת
quoniam facta ejus gentis deteriora, quam aliarum gentium, sunt. Addit Rabbi Maimonides, quod singulare est, בְּכָל הַאִיסוֹן אֶל-כְּפָנָיו etiam *Alexandriam summa interdicti esse comprehensam.* Enimvero quoniam Aegyptiensium Iudæorum nobilissimi florentissimique erant, qui Alexandriam incolebant, meritò hos quoque in ordinem cum cæteris cogit eruditissimus scriptor. pariter enim contra legis præscriptum fecerant. Hi autem illi sunt, quos Alexandri humanitas volentes & sponte procul ab Hierosolymâ abduxit, & cum parte Macedonum in ea urbe locavit, quam de nomine suo condebat rex ille. *Mox* etiam ingens turba illuc per Syriæ motus exundavit. ac tandem non pauciores Ptolemaëum Lagi filium comitati sunt, inter quos summus quoque Pontifex Ezechias fuit. Ita per omnem Aegyptum latè sedes suas posuere. Venerunt quidem illi Hierosolymam quotannis, aut

mittebant eò quosdam ad solennia fessa: sed in contemptu apud Palæstinos erant, & desertores habiti sunt. Utique donaria, quæ in usum templi & sacrorum afferebant, magna ac penae immensa erant. Sed tamen efficere ea res non potuit, uti communes cum illis habere synagogas cæteri vellent. Auxit odii causas patriæ linguæ neglegitus, quam plerique ne intelligebant quidem. Quare Hellenistæ dicti sunt, tam qui Aegyptum incolebant, quam qui ab illis profecti, Græciam & vicina tenuère. quippe propagati ab Aegyptiis fermè cæteri erant. Horum nihil dici de Babyloniensibus potest, quos Palæstini, tanquam fratres germanos, atque ut incorruptam majorum suorum sobolem summo in honore habuerunt. Quanquam tamen illud hercle omnino in omnibus Iudeis, qui extra Palæstinam habitarunt, peræque laudandum est, quod patria instituta religiosissimè semper servaverunt inter prophanas gentes. Non enim Babylonensium propriâ hæc gloria est, sed communis ea etiam illis fuit, qui Aegyptum jam tum ab Alexandri temporibus incoluère. Et mox verò ii ipsi, qui per Romanum orbem variis locis sub Cæsarum imperio vivebant,

vebant, in quadam accurata observa-
tione earum legum, quas divinus Mo-
ses præscripsérat, perstiterunt. Quod
profectò haud difficile illis fuit, quo-
niam benigne, leniterque, atque ho-
norifice habiti ab iis sunt, quorum re-
cepti sedibus fuerunt. Cæterum post
templi urbisque eversionem deterior
longè conditio eorum apud exteror
fuit, & privilegia eorum ubique mul-
tifariam imminuta sunt. Utique con-
stitutiones imperatoriæ in iis solis sine
molestia eos esse jussere, per qua cultus eo-
rum inquinari videretur. l. 15. §. 6. ff. de
Excusat. Cautum verò fuit, ne syna-
gogas novas extruere, aut cruces in
celebri festo Purim exurere ad pœnæ
quondam recordationem possent. l.
ult. C. de Iud. & Cœl. l. 11. C. eod. De-
nique addita sanctio quoque est, ne
moveat suum in conjunctionibus retine-
rent, neve juxta legem suam nuptias for-
tirentur, aut in diversa sub uno tempore
conjugia convenirent. l. 7. C. eod. At-
que ex hoc postremo colligitur her-
cle, licuisse illis per legem antea plures
simul fœminas in matrimonio habe-
re. quod nos supra diximus, cum de
Pontifice maximo ageremus, cui scilicet
hoc interdictū fuisse Talmudici ajunt,
quod cæteris jura permittebant. Sanè

tum¹ Davidem regem summus Deus
Nathanis voce affatur, esse illi datas à
se ait Saulis conjuges. Et in Levitici
capite xviii edictum numinis extat,
quo Iudæi duas sorores eodem tem-
pore habere uxores vetantur, non ob
aliam causam profecto, quām quod
ardentissima esse inter has æmulatio
in tali coniunctione solet; cum cœte-
ræ omnino, quæ ea consanguinitate
non sunt, æquiore animo sub eodem
marito ætatem unà agant. Scimus
equidem primis humani generis pa-
rentibus jus planè contrarium fuisse
latum, quod reduxit tandem, & ex in-
tegro nobis sanxit Deus Dominusque
noster Messias: certum tamen est lu-
dæorum eam in republ. Mosaica li-
bertatem ex legis permissu fuisse. At-
que hunc quidem morem vetustissi-
mum usitatissimumque Iudæi ii, qui
nondum Messiae reverentiam suscep-
rant, diu sub principibus Romanis co-
luerunt: donec tandem Theodosius,
Arcadiusque, & Honorius nihil dis-
crepare hac re à Romanis eos volue-
runt. qua tempestate etiam pleraque
alia, quæ observata illis fuerant, exo-
leverunt. Ius quidem ipsum, quo de-
inceps

* In lib. 2. Sam. cap. 12.

incepit usi sunt, communiue cum Romanis fuit: adibantque solenni more iudicia, cunctasque Romanis legibus conferabant & excipiebant actiones, in his causis, quæ tam ad superstitionem eorum, quam ad forum & leges ac jura pertinebant. l. 8. C. de Iud. & Cæl. Quare obruta tunc sepultaque eorum libertas fuit, vix ut umbra ejus superesset. Nam quod communi pactione ad similitudinem arbitrorum litigare apud populares suos, & sortiri eorum judicium jure publico poterant, d. l. 8. C. eod. sanè id oppidò exile est. quippe & in civili duntaxat negotio factum id fuit, & eorum sententiam judices quidem, sed Romani, exequabantur. d. l. 8. In ipsis tamen avitis sedibus illorum paulo plus privilegii fuisse illis concessum videtur. Etenim in l. 17. C. eod. imperatores Theodosius & Valentinianus quoddam Iudeorum primates fuisse significant, qui in utrinque Palestina synedriis dominabantur. Sed eorum potestatem jurisdictionemque pene in rebus nihili fuisse sitam arbitramur.

C A P V T XXIV.

De lege, quam Iudaïs Moses scripsit. Opinio veterum quorundam de sabbato confutata. De anno Sabbatico qua-

Plinius, Rabbi Maimon, & Flavius Iosephus retulere, excussa. Cur magis suibus, quam ceteris animantibus abstineant Iudai? Plutarchi rationes rejecta. De Ægyptiorum morbus. Iudeos non fuisse Bacchi cultores, contra quam Plutarchus & alii Romani scriptores senserunt.

Intra sacra gentis præcipua honestamenta, Lex fuit, quæ à Mose scripta cunctarum gentium institutis legibusque major, certeque dignior est, quia Deum autorem habet. Ea autem quinque libros implet. est enim multiplex, & copiosa, ac saepè repetita. Summatamen ejus decem comprehensa capitibus est: quorum pars prior ad res divinas pertinet: posterior continet ea, quæ Marcus Tullius appellat hominum munia & officia. Omnis, qui numeri exhibetur, honos aut sensu aut cultu constat. Sensus est reverens & recta de Deo existimatio. de qua re plura dicere supervacaneum est, quoniam ea nunc spectamus maxime, quæ sunt historiæ affinia. Cultus est in ceremoniis ritibusque positus. Ceremoniarum unus in decalogo & simplex præcipitur modus, sabbati solennitas, quæ à primo mundi ortu instituta, &

à san-

à sanctis hominibus observata semper, novissime tandem, cum Lex ferebatur, sancta ex integro est. Causam sabbati veram expressit numinis vox in formula decalogi. Sed Iudei rationem hujus rei mysticam petunt ex illo celebri dicto Rabbi Eliæ, quod extat in libris Talmudicis. Ille enim tribus illustribus periodis, quæ æquali spatio inter se distarent, mundi tempora distinxit, ita ut expletis sex annorum millibus nova rerum facies, novusque ordo surgeret, & fessa jam pridem gens hominum, melioribus deinceps auspiciis caperet beatam quandam quietem. Cornelius Tacitus Sabbati originem aliunde eruit. Saturno enim eum honorem ab Hebræis haberi existimat: *seu principia religionis*, inquit, tradentibus Idæis, quos cum Saturno pulsos, & conditores gentis accepimus: *seu, quod è septem syderibus, queis mortales reguntur, altissimo orbe, & præcipua potentia stella Saturni fertur: ac pleraque cœlestium vim suam & cursum septimos per numeros confiant.* Neque hæc vero unus Tacitus dixit. Rabbi Aben Ezra recitat sapientis cuiusdam argutias, qui novem Legis capita totidem cœlestibus orbibus ex adverso locat; & ne septimo die otium existimetur sine

causa indictum, maligna ait esse Satur-
ni & Martis sydera. quo enim die illa
dominatum tenent, iofeliciter cuncta
tentari. Ego istum magistrum, quis-
quis fuit, inter discipulorum cathedras
plotare jubeo. Nimium ingeniosus
fuit, ubi nihil opus erat. At nos mino-
rum gentium homunciones sumus, &
ad obvia confugimus. Sabbatorum re-
cta obſervatio posita fuit in dictorum
omnium factorumque sanctitate, at-
que in cultu divino, precibusque Rab-
bi Aben Ezra author est, tunc etiam
oracula fuisse consulta. Sunamit id
quidem ait maritus, de Eliaſeo loquens,
*Quid est, cur cum hodie adeas, cum nec
calenda sint, nec sabbatum?* Cæterum,
ne rebus divinis profanæ miscerentur,
cuncti eo die omittere sueta opera ju-
bebantur. qui aliter fecisset, capital ad-
mittebat. Enimvero id docebatur po-
pulus, haud esse in transcurso sacris
operandum. Totam sese mens in con-
templatione ponat necesse est, cum
Deum, mentem purissimam, colit. Hoc
nec Pythagoras, nec Numa ignoravit.
& recte olim in Romanorum sacris à
præcone solennibus verbis clamatum
est, *Hoc age.* At Iudæi, quorum mos est
omnia sanctissima instituta perverte-
re, multa ad Legis edictum adjecere.

de quibus Moses nihil diffinivit. Itaque sacratissimæ diei celebratio in anxiam superstitionem abiit, & interdum illis exitio fuit. Pergendum nunc ultra est. Sabbati sacrum otium videtur ipsa natura, optima rerum mater, approbavisse, si fidem Plinio habemus, qui in Iudæa rivum quendam ait sabbatis omnibus siccari. Sed ignoscat nobis Plinius. Nunquam hoc credere potui.

— *Sum paulo infirmior, unus*

Multorum. —

Quid tamen Romanum scriptorem deceperit, expediam. Iudæi jam olim somniarunt, reliquas decem tribus Israelitarum captivas detineri prope fluvium, quem ipsi Sambationem appellant. Hunc per totam septimanam adeo rapidis vorticibus ferri ajunt, nemou ut transire possit: at sabbatis quiete, & pedibus pervium esse: hancque pœnam Israelitis esse positam, ut, quo tempore undarum impetus constitit, sabbati eos veneratio inhibeat, & movere vetet pedem. Ita ad libertatem via illis ante oculos posita est, sed uti pejus crucientur. Vident enim eam, & visa ac relieta, intabescunt. Non potuit magis traducere se Plinius, quam cum tam futile Iudæorum commentum arripuit tam avide, Pictori-

bus poetisque quidlibet audendi potestatem esse, Flaccus dixit. Reete hercle. Sed Iudeos addi volo, qui non ex decoro, neque pudenter, sed sola animi libidine mentiuntur quæ diffonna & ridicula sunt, hanc unam ob causam, ut mentiantur. Neque movet me, quod R. Moses Ben Maimon, quem merito laudibus in cœlo locavimus, fluvium hunc esse Gozan ait. Nos & illum delirasse assertimus, & una Iosephum quoque in ordinem redigimus, qui in libro vii αλώσεως, in cap. xiii, quædam contraria quidem supradictis sed tamen æque portentosa refert. Sane quidem Plinio non semel sic decipi ab aliis contigit. Pleraque enim, quæ in eodem capite memorat de fontibus, fluviisque, & de aquis, ejusdem levitatis sunt. Rerum incredibilium atque inusitatuarum narrationem in Iulio Obsequente, non in Plinio, summo historiarum scriptore, toleramus. Ratio solitum modum egreditur natura. Miracula creduntur facilius, quam fiunt. Sed enim vero tenet plerosque amabilis insaniam, & favet sibi atque plaudit imprudens temeritas. Aniles ineptias tradimus in vicem accipimusque, non incauti hercle, sed scientes, & inter seria. De sabbato diximus plus quam

quam satis sit. Cætera persequi, quæ ad decalogum pertinent, non est patientiæ nostræ. Postquam leges duarum tabularum latæ fuerunt, in quæs editum inerat de sabbato, data est ex hinc Mosi fusior earundem legum interpretatione : addiditque Deus cæremonias ritusque : & quibus victimis sacrificisque, ac quo modo coli vellet, populo significavit. Cujus rei causa haud in obscuro est. Non sufficiebat simplex numinis cultus, qui decalogi sanctione jubebatur. Quippe facile se cuncti ad Aegyptiorum idola convertissent. Itaque planè opus fuit rebus multis externis, quæ sensus quoque eorum in recta religione detinerent. Sane oppidò difficile est mortalibus, Deum invisibilem solo animo colere. Nisi aliquid sit, quod oculi usurpent, nimium hercle citò incautis obrepit non intellecta impietas. Quanquam profectò etiam cum antea, primo seculo, sacrorum extitisse quasdam sanctiones, cæremoniæque, certum est. Nam & animantium mundorum immundorumque discrimen divinitus didicerat Noachus : & idem ille vesci sanguine vetabatur minaci interdictione. Sed lex, quæ à Mose lata est, magis accuratè hæc cuncta suis finibus terminavit. V-

tique

tique in capite undecimo Levitici, longa extat numeratio eorum animalium, quarum esu tactuve polluerentur Hebrei. Multa illic in censu impurorum posita sunt, non naturæ aut rationis dictamine, sed incertâ numinis voluntate. Itaque causas earum rerum exquirere, anceps est; nec ideo assequare. Quis nostrum tam arrogantia fiducia est, uti se possè ea explicare omnia existimet, quæ posita vel in iprorum hominum institutis sunt? Olim Lacedæmonum legibus vtabantur Ephori statim, ut magistratum inierant, barbæ alas pascere. & Solonis sanctio eum, qui seditionem & motus civicos quietus spectavisset, ignominia notabat. Non dubitat Plutarchus, quin utrumque optimo consilio factum ab illis sit; sed tamen, mens, inquit, *authorum ignoratur*. Et nos igitur idem in his contingere patemus, quæ summus legislator Deus jussit. Doceat me quispiam, cur editio numinis impuræ sint quadrupedes, quarum filii ungulæ non sunt? Nam cuniculos quidem leporesque inter cibos habere apud cunctas hercle nationes fas & jura sinunt. at solis Hebreis haud licitum est. Quoniam vero etiam de suis in eodem Levitici capite ex-

tar

tat legis edictum, exspatiandum paulisper nobis est, quærendumque, cur hoc animal magis anxiè vitaverint semper Iudæi, quæm cætera omnia, quorum odium pariter fugamque lex indixit, Memoratu digna sunt, quæ Plutarchus adfert. Suem enim Iudæis haud sanè inter res execrables haberi, sed summo in honore apud eos esse autumat, quippe quam venerantur ut arationis magistrum. Id eos primum in Ægypto didicisse ait. quippe illic agros nunquam aratro verti, sed, simulac Nilus post solitam exundationem in alveum se recepit, è vestigio sues ab incolis propelli in agros, ut uberem glebam rostro fodiant, & semina occulant terra. quare vomeré quoq; Græcis ~~usq;~~ dici, originatione optima. Et quid mirum, inquit, tam fœdum animal a superstitione gente coli, cum Ægyptii quoque felem, gryphem, crocodilum adorent? Denique, si abominantur, scire causam se negat, cur invissimam bestiarum interficere nemo audeat. Nam magos quidem, quibus à Zoroastre origo est, nihil pulchrius sibi, nihil gloriiosius ducere, quam si multos occiderint mures aquaticos, quos religione quadam ridicule cuncti odere. Hæc confutare non magnus est labos.

labos. Quæcunque animantia Ægyptii coluere, ea tangere manibus nulla religio illos vetuit. Porrum & cæpe mortu frangere, nefas ingens erat. Et Flaccus jocose, tanquam de impia cæde, dixit;

Si porrum & cæpe trucidas.

Alius quispiam etiam indignatur & clamat,

*O sanctæ gentes, quibus hæc nascuntur
in horis.*

Numina!

Et tamen hos ipsos deos manibus suis è terra eximebant, recondebantque in cellis armariisque ad alios usus vitæ necessarios. At iudæi porcorum vel solo tactu polluebantur. Quod neutiquam ita esset, si superstitionis causa fuisset ex cultu & veneratione. Hinc porro, cum attingere haud dignarentur, etiam occidere nolebant. Itaque de nihilo est, quidquid ait Plutarchus. Neq; pluris æstimari debet, quod Petronius venustissimo epigrammate lusit,
Iudeus, licet & porcinum numen adoret,

Et cæli summas advocet auriculas, &c.

Sunt hæc ex communi Romanorum errore, in quorum animis hæc opinio insederat. Simul & nos sententiam mu-

mutamus, qui Petronii verba sic emenda censuimus quondam,

— *Et porcinum nomen abhorret.*

Male divinavimus. Quod si tamen ita dixisset, tum vero demum recte dixisset. nunc, quia aliter dixit, hariolatus est. Sed libet nobis, potius erravisse Petronium, quam nos feliciter conjectare. Enimvero optima ratione tunc permoti, eam comminiscebamus emendationem, quam nunc spernimus. Ita enim res habet. Iudæi ipsum nomen hujus animantis inter res scævas & mali ominis numerant. Quoties enim loquuntur de illo, non nominant illud, sed recepto quodam more, uti malam scævam avertant, patro sermone זכר ajunt. Romani id feliciter exprimere nequeunt. Nam si dixeris, *Res alia*, verbum quidem verbo reddes; sed sensum dicti non assequeris. At Græce esset, περὶ γυμνοῦ ἀλόγου, sane perquam significanter. Cæterum, ob eandem causam etiam in festo paschatis solicite carent, ne vocem τοῦ panis, inter loquendum usurpent. Ita enim existimant, piaculum immane cum admisisse, qui per eos dies in causa fuerit, uti alter quisquam de fermento vel leviter cogitet. Sed quid cessamus causam adferre, cur præcæteris

ceteris animantibus hoc unum fūgiant Iudæi? Fuit olim populus Israëliticus mire obnoxius iis morbis, qui Syros ut plurimum atque Agyptios infestabant. Vitiligines enim, psorase, & tetra ulcera jam olim illis gentibus, velut proprias pestes, adscripse-
re summi medicorum. Hos autem, & similes pene morbos uno nomine complexus Moses est, & lepram vocavit. Porro in suibus scabies & immun-
dities, non vitium, sed natura est. Quare ne ad corporum pravam affe-
ctionem contagio quoque accederet, aliqua ex esu contactuve, paulo super-
sticiosius aversati suem sunt, quam aut lex numinis fortasse juellerat, aut pos-
tum in gentiū aliarum institutis erat. Quanquam, qui potuit nimis cauta-
corum hominum videri formido, si-
quidem nullum vitium æque, ut le-
pram, execrata lex sit? Referuntur in
Levitico severa Dei edicta de lepra non
hominum modo, sed vestium quoque
& domorum. Cujusmodi autem id
vitium in rebus fuerit inanimatis, Syri
fortasse & Agyptii tunc intellexe-
runt. nos hercle ignoramus. Et Plu-
tarillus quidem, postquam multa su-
per Iudæorum superstitione conjecta-
vit, diversissima pleraque, & quædam
contra-

contraria , in hoc uno hallucinatus non est , quod postremo de lepra diximus ex illius sententia. Cætera , quæ de Baccho , qui fuerit idem cum Adonide , tum quæ de imperfectore ejus apro addidit , non sunt nauci. Quemadmodum & illud spernimus , quod Hebræorum sacris mysteriisque coli ipsum illum Bacchum , temulentissimum numen , existimet. Nam & per festos quosdam dies , inquit , sub tabernaculis desident , eaque palmitibus atque ederis inumbrant : & est tempus , cum ramos ac thyrfos gestant. Accedit tubarum clangor , inquit : & sabbati celebritas , quæ post septimum quemque diem redit , appellationem à Liberi sacris habet. Sabi enim vox in orgiis passim auditur. Tum & sabbatis bibunt largiter. & Pontifex maximus festis diebus cum mitra cothurnisque , & hinnuli pelle , ac veste ad talos demissa incedit , pendentque in ora tunicæ tintinnabula. in sacrificiis quoque æra pulsantur , & mellis usus in illis nullus est. cumque multa pœnarum genera apud illos sint , hæc maxime probrofa censetur , cum interdicitur damnatis vino. Hæc non unius Plutarchi , sed aliorum quoque fuit sententia , quam improbabit tamen Cornelius

Q

nelius

nclius Tacitus. Nos eam summatim retulimus, non quo confutaremus operose singula, sed uti palam esset, quām ingeniose pagani Iudaicam traduxerint religionem. Alia enim ex illis omnino falsa sunt. quēdam vera, sed in deterrimam partem accepta ab homine sane eruditissimo, sed qui causas ignoravit primi cujusque instituti. Cur enim aut tabernaculorum festum jussit celebrari Deus, aut mel & ceram arcuerit à sacris suis, aut *κοιδωνας* & *ποικηλες*¹, esse in Pontificis fimbriis voluerit, justa ratio fuit, quam Græcus scriptor quæsivit fortasse, sed assicutus non est. Nam quod sabbatis potant Iudæi, atque helluantur, vitium ipsorum est, qui labente seculo rem sanctissimam infamavere. atque id crebro in sacris voluminibus illi genti exprobant divini vates. Non potuit Iudæos magis invisos cunctis facere Plutarchus, quām cum edita in vulgus hæc opinio est, esse eos Bacchi cultores. Appud Titum Livium, cum senatus decrevit quæstionem de Bacchi sacrī, Marcus Cato, vir gravissimus, cui ea res extra ordinem mandata erat, ad popu-

¹ Id est, *tintinnabula*, & *corymbos annulos*, qui *Tunicis malis similes erant*.

populum in hæc verba loquitur: Nunquam tantum malum in republica fuit, nee ad plures, nec ad plura pertinens. Quidquid his annis libidine, quidquid fraude, quidquid scelere peccatum est, ex illo uno sacrario seitote ortum esse.

Flavius Iosephus in apolog. adversus Apionem, de Græcis historicis, qui res aliarum gentium scripserunt:

AΙ'πον αὐτοῖς Σερβὸς μὴ γνώσκει τὰ ληφθέα, τὸ λίαν ἀνεπίμικτον. Σὲ γεγένεθεν ψευδῆ, τὸ βάλεως δοκεῖν τὸ πλέον τὸ αἴλλων ισορεῖν.

Q 2

PRO-

PROLEGOMENA

in LIB. III.

Amplissimo viro

FRANCONI DUYCKIO
Consuli Leidensi primario

P. CUNÆUS S. D.

MEMINI ego, vir amplissime, qua tempestate animalium meum ad graviora quædam disciplinarum studia adiicerem, in primis illud mihi propositum fuisse, uti in evolvendis omnis ævi scriptoribus nihil a que sectarer, quam documenta quædam illustria earum rerum, quæ ad civilem doctrinam pertinarent. Existimabam enim profecto, id quod res est, pulcherrimis eos curis, cogitationibusque fatigari, qui rerum publicarum incrementa conversionesque, & imperiorum præcipites casus, ex historiarum monumentis eruerent, ut inde sibi quisque, suaque civitati quod imitandum esset, caperet, inde fædum inceptu, fædum exitu, quod vitaret. Quare jam pridem antea in Suetonii Tranquilli, atque in Caii Cornelii Taciti

Taciti quibusdam libris lustrandis ita operam posuimus, ut in rerum Romanarum peruestigatione pleraque etiam attingeremus, qua in universum omnibus civitatibus atque rebus publicis convenirent. Quæ ubi editioni quondam matura erunt, ad te judicem, atque ad eos, qui tui similes sunt, hoc est, ad homines eruditos, prudenterque, & rerum gnaros, pertinebunt. At in his de republica Hebræa, quos nunc edimus, libris, haud idem fecimus. Duntaxat enim de sacro populo diximus. cæteræ gentes quam recte constitutas respuplicas aut secus habuerint, quibus sue legibus eas aut institutis rexerint, haud traditum hic à nobis est, propterea, quod divina Mosis politia exemplo caret, atque omnino incomparabilis est. Sane quidem cæterorum legislatorum, quos tantopere admirata omnis vetustas est; sanctiones multæ Mosaicis similes fuere. permagna enim civibus virtutis, fortitudinisque exercenda imposta necessitas ab illis fuit. sed, quæ de sacris, deque cultu divino constituta ab illis sunt, haud ita penitus animos mortalium religione obstrinxerunt. Moses enim utique Deum unum atque aeternum, rerum potentem, cogitationum humanarum, consiliorumque omnium arbitrum, atque judicem, nullius satu editum, immutabilis, atque oculis inaccessum tradidit, cu-

jus formam nulla ars neque opificis exprimere manus possit. Ita, cum vitam hominum, divino numine invisi docuisset, plane omnibus, id quod res est, persuasit, nullius bonum malumve facinus pro nihilo haberi. omninoque effectum est, ut jam non famam, aut aliorum conscientiam, sed se quisque testem formidaret. At de ceteris vero, qui vivendi praecepta atque leger olim gentibus dictavere, ita sentit Flavius, haud nescivisse quidem eos purum illud unicumque, & verum numen, sed tamen apud populum superstitione & prejudicatis opinionibus corruptum, omnino eos hanc rem dissimulasse, οπι τινὶ ἀληθεῖαι δογματικοῖς εἰδενεγκέντιαν εἴπομεν. propterea quod veritatem dogmatis proferre non audebant. Ipse Plato apud eundem Flavium fatetur, esse isthac arcana quadam, quae in vulgus odere periculosum sit. Quod profecto longe secus est. Nulla enim res Mosaicam rem publ. aque continuit, quam religionum illa doctrina, qua nullis fabulis, aut inespiciarum pigmentis incrustata, multo altius in Hebraorum pectora, quam quisquam Graculus ratus esset, descendit. Propositum nobis fuerat, legum Mosaiacarum vim, sententiamque, atque etiam causas ex abdito eruere, atque omnia ea, qua hujus generis essent, cum institutis & sanctio-

sanctionibus aliarum nationum conferre.
 sed conantes nos talia atque meditantes
 magnitudo operis tardavit, ut hoc, quod
 diximus, perducere ad exitum nondum
 potuerimus. Non tamen semper suspensam
 expectationem eorum tenebimus, qui saepe
 id à nobis serio efflagitarunt. Etenim pro-
 fecto, quoniam per otium subinde, & suc-
 ciso tempore commentarios adornamus
 in universa opera FLAVII JOSEPHI,
 qui scriptor luculenter in libro IV Anti-
 quitatum, & rursus in secunda Apologia
 adversus Apionem, totam eam rem per-
 tractavit, neutquam nobis illic deesse hu-
 jusmodi dissertationum poterit occasio.
 Nos, summe DVYCKI, quemadmodum
 illud argumentum, ubi exultum à nobis
 erit, fore multis non inutile speramus, ita
 plane confidimus, hæc, quæ nunc edimus,
 ejusmodi esse, ut præteriri à nobis non po-
 tuisse videantur. Tleraque enim ne atti-
 gerunt quidem ii, quibus hoc aeo de repu-
 blica veterum Hebraeorum aliquid scribe-
 re cura fuit. Interdum vero etiam com-
 mentationis materiem nobis dedit error
 aliorum & hallucinatio. omninoque ne-
 cessè nobis fuit confutare quosdam, quos
 pridem eruditio sua, & consentiens homi-
 num existimatio in excelso collocavit.
 Quod tamen ipsum semper invii faci-
 mus, pene ut nosmetipso nostri pudent.

Proditum à Caio Cæsare est, eos, quibus inter officia antelucana obvius fuisset Marcus Cato, cum caput ebrii retexissent, erubuisse, planeque esse ita existimatū, non ab illis Catonem, sed illos à Catone deprehensos. Idem nobis hic evenire confitemur. non enim honori eorum quidquam detraximus, sed ipsi nostræ modestiæ vim fecimus, atque ita illos reprehendimus, ut laudemus. Vtinam vero aduersus nos eadem aquitate utantur, qui fortassis animadversiones nostras olim ruspabunt. bene profecto cum nobis atque præclare actum esse existimabimus. Non sumus tam superbæ impotentisque arrogantiae, ut in tanta communis naturæ imbecillitate solos nos superesse existinemus, quibus interdum opus venia non sit. Hallucinamur omnes, alii gravia, alii leviora. nec est quisquam, qui tam bene animum suum disciplinis affirmavit, ut nihil fugere eum possit amplius, aut fallere. Adde quod interdum vitii loco est, nusquam peccavisse. quod de Apollonio Rhodio Dionysius Longinus pronuntiavit, cum significare vellet artem & diligentiam in eo summam fuisse, at ingenii vim negatam illi esse. Spernit anxiam curam animus, simul ac illum implavit rei majestas. Miserum est ferme & jejunum, quicquid ab illis speratur, qui sese intra limites quosdam & præscripta spatio

spatio claudunt : qui sensa sua torquent,
 & de singulis rebus in consilium eunt: quo-
 rum hic exitus est, ut, quum toto anno, per
 omnes dies, magno molimine unum li-
 brum extuderint, vitavisse potius repre-
 hensionem, quam meruisse laudem videan-
 tur. Quare idem ille acerrimi vir judicii
 Longinus maximos homines ab omni avo,
 cum luculentissima quæque dicerent scri-
 berentque, errores interdum in minimis us-
 que adeo non effugisse ait, uti in quosdam
 etiam sponte delati sint. Nimirum angusta res
 est, non errare. quod cui contigit, us solicite
 quidem cuncta ad normam exegit, sed ta-
 men extra culpam duntaxat est. At vero,
 qui per generosos lapsus omnia soluto im-
 petu peruidit, hic & hominem esse se, ca-
 dendo docet, &, quia nihil mediocre con-
 cupiscit, proximus tenenti summa est. Est
 aliqua laus, magnis excidisse ausibus. Sed
 nos nunc profecto nihil tam grande agita-
 mus. Fuit tamen ex hac scriptione nobis
 perquam suavis voluptas. Recolebamus
 enim ea studia, quibus in adolescentia
 quondam mire dediti fuimus. Iuvabat
 identidem cogitare, quantopere animum
 nostrum delectavisset Hebraeus, cum
 Biblica volumina, Rabbinorum commen-
 tarios, atque alia multa, quæ erudite à
 Iudeis scripta sunt, evolveremus. Cujus
 sane opera nunquam nos pænituit. Etsi

enim postea aliis curis in publico munere
distringebamur, tamen quantum tempo-
ris tribuunt alii amicorum salutationi-
bus, quantum aleæ, quantum cateris otii
oblectamentis, tantum egomet mihi ad eas
artes celebrandas sumpsi, quarum fructus
in omnem vitam videbatur utilissimus.
Enimvero, cum sacri codicis lectio non
Theologis modo, sed omnibus bonis viris, &
præsertim eruditis, esse debebat jucundissima:
quid aliud magis serio agendum nobis est,
qui in hoc honesto otio vivimus, nisi
ut quam optime nobis cognitus intellectus
que sit is sermo, quo olim usus ipse Deus
fuit, cum priscos Ecclesiæ rectores suo di-
gnatus alloquio est? Dicendum aperie
est. Valde supine atque oscitanter vivimus.
Hispanorum, Gallorumque, & Italum
verba atque voces discimus: & postquam
classes nostræ alium orbem petivere, etiam
cum Indis loquimur barbare. Tam inge-
niosi cum simus, unam illam non intelli-
gimus linguam, quam profecto unam di-
dicisse, opera erat pretium. Quod si qui
sint, qui animum suum ad pulcherrimum
hoc applicant studium, admodum id fit
plerumque perfunctorie. Major enim pars
ad fores Hebraismi accedit. quod facilli-
mum est. interiora autem sacraria, Syria-
num atque Rabbinismum, ne voto qui-
dem penetrant. Atqui in Hebraismo, quo

&

& quanti sint thesauri, non est eorum judicare, qui sola verba contextus Biblici scire contenti, satis se se doctos putant, ut etiam alios docere velint. Errant illi, meo quidem animo. Pergendum ultra est, dissipendumque quid Iudei, vernaculi Bibliorum interpretes, jam olim aut recte, aut secus dixerint. Hoc qui facit, ei jus fasque est de iis rebus libere dissertare, quarum notitia non aliunde erui, nisi ex sacro codice potest. Neque enim profecto putandum est, ad isthac transcendere illicitum esse iis, quos suus ordo locusque in aliis quoque munib[us] detinet. Ignorare mihi divinam animorum suorum præstantiam videntur, qui ad unius rei misellam scientiam velut adstricti alligatiique, ultra hanc aliquid tentare, haud esse hominis putant. Omnia erecta menti pervia sunt. semper se se versat illa, concutitque, & quietis impatiens est. quidquid pulchrum, & grande, ac scitu dignum videt, id omne esse suum scit: & , qua sibi imperat, pleraque obtinet. Atque hoc quidem etsi ita est, versantur tamen nihilo minus adhuc ante oculos nostros irritati animi eorum, quibus nondum satis sic expiavit atrocissimi facinoris invidiam videbimus. Rem enim indignam, atque intolerandam clamabunt, invadi à nobis Theologia fines, quos esse sibi solis ita relitos autumant, us domina-

dominatum ibi quendam, & plenam iuris-
dictionem teneant. Sed ita homines, quo-
niam sunt oppido pauci, sed iniquissimi,
non aliud responsum à nobis ferent, quam
quod ex ipso sacro codice maxime nobis in
promptu nunc est, incedere publice per ho-
minum ora rerum dominam, divinam
sapientiam, atque in trivis, & in compi-
tis etiam adstare, omnino uti ad se invitet
non flamines hercle duntaxat, sacerdotes-
que, & sacrorum antistites, sed plebem
quoque, & pullatam turbam. Neminem
illa aversatur, neminem à limine suo ar-
cet, qui bonam spem non ejuravit. Quare
exurgat quisque, & animos sumat, ac se
quoque dignum fingat Deo. Non tam præ-
clare hodie rem gerunt quidam sacra sa-
pientia consulti, ut ex eorum ore atque
verbis penitus pendere debeat is, qui recta
conscientia fiducia, atque morum & vita
sanctitate integrum incorruptumque ci-
vem se præstare summo numini cupiat.
Nos, cum certamina eorum, contentiones-
que plus quam theologicas cernimus, piis
votis precibusque causam publicam juva-
mus, & quod unum nobis jucundissi-
mum est, procul ab insaniente multitudi-
ne nobiscum soli sumus, atque inter civilis
doctrina & jurisprudentia curas, etiam
per otium subinde theologiam quandam
tractamus, non illam parti alicui aut ma-

gistro

gistro obnoxiam, sed hanc liberam, & so-
briam, frugalemque, quæ literulis nostris
Gracis, Hebraisque, & Latinis subnixa
estuantiam aliorum, & litigandi intem-
periem contemnit. Reperies quidem in hoc
tertio libro, Amplissime D Y C K I, qua-
stiones quasdam de Melchisedeco, & Ca-
bala, de fide veterum Hebraorum, tum
alias id genus plures, quas paulo secus,
quam vulgo fieri solet, expedivimus: sed
eas cum perleges, memineris, obsecro, esse
nos paratos, simulac monuerit quis me-
liora, sententiam mutare. Pertinaciam
enim pro opinione induere, haud est no-
strum. Ipsi nos, si quando errores quosdam
nostrros odorati fuerimus, sponte hanc gra-
tiam à nobis inibimus, & primi eos indi-
cabimus, ne quis forte studio nostri aut
amore deceptus, vitia nostra cæcis oculis
prætereat. Sed hujuscemodi lectors, opinor,
admodum paucos nanciscemur. Plures
enim ea, quæ neutiquam reprehensione
digna sunt, insectabuntur. aut, si nihil in-
cident, frigide tamen de illis judicabunt
hercle. Quorum quidem hominum fasti-
diosam querimoniam expugnare nos non
laborabimus. Magna enim esse eloquen-
tia debet, quæ invitis placeat. Caterum
longe maxima pars eorum erit, qui hac ne
inspicient quidem, propterea quod insita
quadam animi vesania grande dedecus
existit.

existimabunt, aliquid in Hebraismo à nobis didicisse. Non sum falsus vates. Omnia hæc ita, uti dixi, evenient. Sed profecto quicquid hujs erit, nihil morabor. Neque ideo à recto bonoque recedam. Ex iudicis quorum liber letitia dolorisve causas capere, id vero est, ambitioni sacramentum dixisse. quod nunquam nos fecimus. Apud Flaccum, argutissima mulierum, Arbuscula, cum explosa à multitudine in theatro esset, satis esse dixit, equites sibi plaudere. Idem ego aio, amplissime D V Y C K I. Paucis lectoribus, sed eruditiss, gaudeo. Inter eos autem tu es, cuius judicium acerrimis studiis, atque multa doctrina excultum, jure semper scio me fecisse maximi. Sed nimis operose præfatis sumus. Quare illud, quod propositum nobis est, ordiamur.

PETRI

PETRI CVNÆI
 De Republica
 HEBRÆORUM,
 LIBER TERTIUS.

CAPUT I.

Initia Ecclesie, & incrementa, Satana stratagemata. Locus in 1. cap. Genes. explicatus de serpente. Quid sit caput libri. Error Hieronymi. Liber Enochis commentarius.



Mnis de gente Iudeorum commentatio posita duabus in rebus est. nam & de Republica eorum agendum est, quæ præcæteris eximium quiddam habuit: & insuper investigari illud debet, qualis corum fuerit Ecclesia. Etsi enim ambæ istæ esse sic conjunctæ videntur, uti pariter incedant, & divelli haud possint: est tamen eorum magna diversitas, & inspicienda utriusque indoles seorsim est. Quare nos, qui priorem partem duobus libris ita pertractavimus, ut sæpe alteram hanc,

hanc, quod omnino sic necesse fuit, attingeremus; nunc, quod bene atque feliciter vertat, singulatim ea percurremus, quæ ad Ecclesiam pertinent. Sed h̄ic paulò magis ex alto arcessenda nobis sermonis initia erunt. Etenim, cum antea reipublicæ sacræ institutio relata à nobis ad Mosen authorem sit, nunc vetustiora etiam secula lustrare, atque hinc ad Mosaicum ævum, & ad ea, quæ insecura sunt, tempora descendere decrevimus. Ac origines quidem ipsæ, proximaque originibus, quoniam simplicissimè in sacris libris traduntur, non præbebunt nobis materiem notabilium observationum. At mox, ubi ex illis evaferimus, res persequemur luculentiores. Divus Petrus, qui rectè olim à quibusdam signifer fuit appellatus Novi Testamenti, Ecclesiam ait esse regium sacerdotium quoddam, & genus hominum electum. Ipse Deus Mosi dixit, gentium se quidem omnium, terrarumque esse dominum: sed addit, paucos dunat quosdam esse, quos ex hominum communitate segregatos, velut thesaurum & peculium seposuit sibi: iisque regnum tribuit, sed sacerdotale. Hoc regnum sanctum & inviolabile atque æternum est. Maximiis quibusque

que imperiis crescendi modum natura posuit. licet enim nulla vis extrinsecus lacescat, tamen fatorum lege omnia magna in se ruunt, & cedit oneri suo fortuna. Vnum hoc regnum, de quo in sacris voluminibus sermo est, tempore ipso in majus solidiusque procedit, & à senio suo capit vires. Ecclesiæ prima incunabula mundus vidiit recensnatus, cum in quatuor capitibus staret humanum genus. Confestim enim impurus genius, cui ex malis nostris jucunda voluptas est, Cainum à recta pietatis semita transvorsum egit in omne nefas. Itaque tunc Ecclesia orta est, cum improbos primum à piis sejungere, & suos sibi habere cœpit Deus. Gregem oppidò exiguum, hoc est, quatuor oves in tantâ mundi vastitate agebat magnus ille pastor. unā ex his lupus hic abstulit. Ea fuit prima illius victoria de humanagente, quam gravi peccato lapsam antea erexerat jam Deus, ut ad salutem perduceret. Haud ita multo post evénit, ut sacra Deo facerent duo fratres. Quod dum fit, haud obscuris indiciis significavit Deus, esse sibi Caini munera ingrata. Cujus rei causa in promptu est. quippe in Caino indoles inerat pravi ingenii. puras autem Deus, non plenas aspicit

R manus;

manus: & mens integra ac recta pulcherrimus numinis cultus est. Ceterum Flavius Iosephus , autor omni laude dignus, & cui post facrorum voluminum scriptores prima esse debet fides , haud satis consideratè hac de re verba facere mihi videtur. ait enim dis plicuisse Deo laboriosam operā, quam in colenda terra sumpserat vir ille. In quo profectò fugit eum ratio. agrum enim primus hominum sator Adamus verterat, jussu ipsius Dei: & patrem secutus filius erat optimo exemplo. Sed procul dubio Rabbinos secutus est, uti solet interdum. Enim verò Iosephus, et si gravitate supra cunctos Iudeos eminet, tamen haud ubique à deliramentis abhorret popularium suorum. Id apparet vel ex frigido illo mysterio, quod latitare credidit in voce יְהוָה qua est Genes. cap. i. Nam ratio , quam in alio scripto se editurum ait, cur Moses unus diem, non primum, dixerit, Rabbinica fuit. Extat liber Iudaicus, quem מֶלֶל יְהוָה appellant. In eo sententia hæc Rabbi Mosis Ben Ezra refertur, אמר אחד לפ' שהאחד הוא סימן להתחלה אשר אין חילה קורמת לו Dixit, Vnus, quia unus est nota principii , ante quod principium est nullum. Aut hoc profectò , aut simile quiddam Iosephus prodidisset in libro

libro αἰτιολογιῶν, qui non est nunc in manibus hominum. Periisse quidem eum, etiam illius interest, qui scripsit. Quid enim aliud, nisi autorem suum traduxissent tam putidæ argutiæ? Sed redeat ad Adamum, unde digressa est, oratio. Is, inter hæc initia, filium vidit suum indignâ peremptum cæde à quo minime decuit: & , dum unius lueret mortem, magis tamen alterius tristatus scelere est. Hic ego existimo, prope fuisse, uti Satanæ dolis rursus apertum latus daret, rueretque. Sed firmavit eum vis major. Plus enim fuit, quod sperabat, quam quod videbat. Vetus opinio est, eaque omnium eruditorum firmata consensu, Messiam humani generis servatorem promitti primis parentibus nostris, cum circumscriptorem colubrum in hunc modum alloquitur Deus, in capite tertio Geneseos, *Inimicitas seram inter te, interque mulierem: inter semen tuum, & illius. quippe semen ejus conteret tibi caput, & tu conteres ejus calcaneum.* Vtique hoc verissimum est. Concepit animo Adamus spem cœlestis atque æternæ vitæ. Quoniam tamen rationem rerum cunctarum esse dominam cupimus, sæpe mirati sumus, hoc ab illis, quorum scripta quidem vidimus, magis

gis affirmari pro certo, quām ostendit.
 Quare visum nobis est ejusmodi testimoniūm quærere, quod esset inexpugnabile. Enim verò ad veritatis plenam fidem haud satis est concors iudicium, & opinio multorum. Nulla mysteria ex verbis contextus Biblici eruenda sunt, nisi quæ alibi spiritus Messiæ, optimus sui interpres, digito monstrat. Clausus enim, obsignatusque est sacræ Scripturæ liber, cuius signacula solvit Ieo ille ex tribu Iudeæ. Ac nobis quidem detota re seriè cogitantibus occurrebat illustris locus, qui est in Apocalypsi Divi Ioannis. is est istiusmodi. γυνὴ ἀπόστολος ἐκρηγγεῖται ὡδίνων. Εἰ βασιντζούμη τεκεῖν οὐκ ἐτεκεν ψὸν αὐτῆν, ὃς μέλαι ποιμαίνει πάντα τὸν ἔρην τὸν ὁδοῦ σπηλαῖ. mulier prægnans clamabat parturiens, & cruciabatur uti pareret. peperit autem filium masculum, qui reget omnes gentes virga ferrea. Ecce Ecclesia, & Messias. His dein draco insidiatur, de quo subiicit Apostolus: Εἴθεντος ὁ δράκων ὁ μέγας, ὁ φρις ὁ δρόχας, ὁ κυλόμητρ, Δράκοντος οὐκ ὁ σατανᾶς, ὁ τλαυῶν τὸν οἰνοπεύλον ὄλκον, εἴθεντος εἰς τὸν γῆν. Et projectus est draco ille magnus, serpens ille antiquus, qui vocatur Diabolus & Satanás, qui seducit totum terrarum ob-

bem:

bern: projectus, inquam, est in terram.
 Vetus serpens ille, idem est, cuius verti-
 cem soboles mulieris frangit. Quid-
 quid alii dixerint, nullum præterea
 idoneum autorem, me judice, ista ha-
 bebit interpretatio. Satis tamen est in-
 nus ille, qui enim hunc sequitur, mag-
 no se atque nobili nomine tuetur. Po-
 sem etiam quadam argumentorum
 collectione & per ambages huc trahere
 verba Divi Pauli, quæ sunt in prima
 epistola ad Timoth. capite 2. ι γυν
 αποληθεῖσαι τὸν παρεγκάσαντα γένε-
 σαντίσεται ἐξ ἀλγῆς τὸ τεκνογόνιον, εἰδὼν
 ἐπιμείνων τὸν πιστὸν Εἰς αἰγάλην. mu-
 lier, cum seduceretur, causa prævarica-
 tionis fuit. servabitur tamen liberorum
 partu, si in fide & charitate permanserint.
 nam et si aliud ibi agit, respiceret tamen
 videtur ad pollicitationem Evæ fa-
 tam. Hæc illa sunt, quibus stabiliri
 communis illa, & pridem ab omnibus
 recepta sententia debet. Cetera, quæ
 afferuntur, speciem veri habent, ut si
 proprius intueâre, nauci non sunt. No-
 bis haud ferendum est, utires, quæ per
 se certissima est, præsidio nitatur fri-
 gidæ probationis. Pulcrè ait Mosè
 Deus, Exue calceos de pedibus tuis. lacus
 enim, in quo sit terra sancta est. Hoc co-
 gitent illi, qui contextunt Biblicum

pervestigant. nudâ mente sint, & pe-
 ñus gerant ab opinione præjudicata
 vacuum. qui verum optimè excusse-
 rit, rex esto. Certe Hieronymi incogi-
 tantiam excusare non possumus, qui,
 cum vera argumenta præteriret, usus
 est falsis. In egistola ad Hebræos, in
 capite decimo, exponitur Davidisva-
 ticingium de Messia, *ἰδοὺ ἡ κωνσταντία τοῦ οὐρανοῦ*.
Φαλιδίς βιβλίον γέγραπται ὅτι ἐμός.
 Ecce venio. in capite libri scriptum est de
 me. Id vaticinium David recitat ex li-
 bro secundo Legis Mosaicæ. Quod sa-
 nè notum omnibus est. At divinus
 Hieronymus magna fiducia asserit,
 verba illa vatis esse ad Geneseos prin-
 cipium referenda. *Caput libri, est Gene-*
seos principium, inquit. Non ego nunc
 quaero, utrum vocem liminarem
תְּשַׁׁחַת, an vero pollicitationem, quæ
 de prole mulieris est, in animo habue-
 rit ille. est enim ubi utrumque specta-
 vit. Illud satis est, esse eum falso testi-
 monio usum ad probandum quod
 volebat. Nobis constat, Hieronymum
 omnium, qui olim interpretati sacras
 literas sunt, fuisse eruditissimum. ad-
 eo penitus perdidicerat Hebraismum.
 Itaque quoniam fieri haud potuit, uti
 tantus vir temere & sine gravi causa
 sic erraverit, age, dicamus quæ ex re sit
nata

nata isthæc hallucinatio. Rationem quidem sententiæ suæ ipse prodit non semel, *Quia omnis scriptura unus est liber.* Evidem haud dubito, quin vir maximus scitum vetus Iudæorum se- cutus sit, quibus placet, universa Bi- blia fuisse olim *תּוֹרַה פָּסָקָה.* id est, *unum versum*, ita ut nullis sectionibus nullis capitulis, neque notis distincta fuerint volumina sacra. Memini ego amicum quendam nostrum exemplar cario- sum vidisse, quod Iudæorum manu in hunc modum esset olim exaratum. Etiam illud non animadverterat Hieronymus, quid sit hoc, quod Aposto- lus *κεφαλίδα βιβλίον* appellat. Nihil enim aliud *κεφαλίδες* sunt, nisi ea, quæ Iudæi, & præsertim Talmudici, vocant *פְּרִקְמִים*, hoc est, *membra & par- tes librorum.* Quare Apostolus, Iudæus ipse, & ad populares suos Iudæos cum scriberet, percommode usus tali voce est. Nam quod dicebam modo haud divisum distinctumque fuisse Biblicalum contextum, sane vero id ad scriptoris modum & continuatū tenorem perti- net. At nulla tamen hinc confusio fuit. Nomina enim, titulosque, & sectionem cuiusque partis diligenter didicerant homines usque ad derisum supersti- tiosi, in quorum manibus, ceu pingua-

succina, attritos vidisses libros sacros. Satis jam manifestum est, quare deceptus Hieronymus sit. Nunc illud addimus, vaticinium illud, quod de Messia proditur in principio Genesios, haud potuisse à primis parentibus nostris intelligi, nisi ex interpretatione Dei, qui arcanos hos abditosque sensus quadam animi miseratione illis retexit. Nam si id modo sequimur, quod verba sonant, tota res optime in serpentem quadrat. Qui aliter existimarent, næ nos in illis magnopere hic judiciū desideramus. Enimvero, quid reperias omnium veterum, etiam gentilium, scriptis tam vulgatum, quam hominum naturale in serpentes odiū? Hanc pœnam isti animali posuit Deus, cum antea esset mortalium generi amicissimum. Apud Artemidorum, in libro secundo, serpens inimicitiarum symbolum est. & in Theocriti *Aōdōvāz̄s̄ Cais* ait muliercula,

I'ππον γ̄ τ̄ ψυχεὸν ὁ φύτε μάλι-
τηνοὶ σὺ δέδειγα.

Ecce, anguem rem cunctis maxime formidabilem esse ait. Falisci olim Tarquinienensesque, teste Livio, M. Fabium Ambustum prima acie fuderunt, cum facerdotes eorum, anguibus prælatis, incessu furiali militem Romanum in-

fueta

fūeta turbarent specie. Quod autem
 pedibus amissis reptile factum sit id
 animal, sane neutiquam Satanæ con-
 gruit. Aristoteles, quia veram causam
 ignorabat, rationem ejus rei mire in-
 geniosam ex ipsa attulit natura. Nos
 meliore usi magistro, esse istud scimus
 ab irato numine. Neque vero res inau-
 dita est, brutum animans excepisse vo-
 ces & reddidisse. nam & de Bileami
 asina palam est; & alibi balænam af-
 fatur ipse Deus. Pœnam quoque haud
 immerito tulit coluber. quippe mini-
 sterium impuro genio commodaverat
 ad immane flagitium. De contritione
 capitis quod subditur, aptissimum est.
 Etenim hac parte qualiscunque læsio
 anguibus lethalis est. itaque quoties
 periculum imminet, admiranda indu-
 stria in spiram se colligunt, & caput
 reliquo operiunt corpore. cuius rei lu-
 culentus est testis Hieronymus. Sed
 non est his diutius immorandum. Li-
 bet Ecclesiæ nascentis initia persequi,
 in quibus mira divinæ sapientiæ vis il-
 luxit. neque per tempora, sed per spe-
 cies, singula, ut quidque observatu est
 dignissimum, notabimus. Non enim
 historia nobis contextitur. Sæpe inte-
 grum seculum transiliemus. De Caini
 posteris pauca memorantur. nō enim

de gente Dei electa erant. At Sethi filios, nepotesque, & totam ab origine gentem solicite tradit scriptura. ex hac enim stirpe patriarchæ & Messias fueræ. Sethus natus est centenis plus minus annis post Abeli cædem, cum Caini progenies prophana late suas sedes posuisset, & regnum teneret impietas. At Sethus Dei metuens erat. Itaque statim, ut de illo loqui cœpit scriptor Geneseos, subjicit illud, *tunc cœptum est invocari nomen divinum*. Non intellexit hoc Rabbi Schelemo Iarchi, qui tunc ait cœpisse *עובדת זורע* idolatriam; & addit, *בשנו של הקבר* ad eam rem abusos esse nomine veri Dei. Quæ inepta sunt. idolorum enim cultum illa mundi infantia ignorabat. & tamē excepta est à plerisque hæc interpretatio cum plausu. In Sethi nepotibus aliquandiu sopia fuisse virtus videtur. aut, si aliqua in illis viguit, paulum distat sepultæ inertiar. celatur enim. At Enochum, qui sextus ab illo fuit, insignis nobilitat pietas. Eum virum Deus mori vexit. viventem enim ad beatas sedes traduxit corpore integro. Iudæi satis inepte ajunt, *טשבעה בני ארם שקפלו*, ארת העולם כלו ואלו הן אום הראשון מתחשלח שם ויעקב ועטרם ואחדת השילוני ועדין והוא קיימן *Septem esse vi-*

ros, qui omne mundi avum volvunt. esse autem hos, Adamum primum, Methusalem, Semum, Iacobum, Amramum, Abraham Siloniten, & postremo Eliam, qui adhuc superest. Utique stultissimum id est. Pari enim ratione dixerit quispiam, non septem, sed duos tantum esse, Adamum, & Enochum, qui post Adamum LVI annos in terris fuit, eumque sepeliit. Quanquam certè opinantur Iudæi, & inter hos præcipue Rabbi Aben Ezra, fuisse Enochum, communi lege, fato funatum. Nos Divo Paulo credimus, qui obiisse illum negat. Et profectò, quod Enochus contigit, id cunctis datum fuisset hominibus, si in vitæ integritate perstiterent. Nunc noster nos error, gravisque noxa, mortalitate damnavit, quam per languores & mille corporis mala exemplus. Non est dubium quin severa increpatione Enochus improbitatem castigaverit hominum sui ævi. Atque hæc res quosdam nugatores excitavit, quia stulta persuasione syderati, speravere se posse seræ posteritati illudere. quippe inglorio studio, & jejuna opera librum olim in vulgus extrusserunt, quem ipsi, si Deo placet, ab Enochus scriptum ajebant. Profectò is liber aut è diluvii undis integer evasit, cum perirent

irent ferè omnia: aut postea ex cœlo delapsus est. quod est anile. Quanquam quid non audebit asserere imperiorum recordia , cum etiam Iudæi dicant Eliam, septimo anno postquam raptus fuit, literas ad Ioramum regem dedisse ex cœlo , & addant, ועכשו הוא כתוב מעשי כל הדורות נולם *adhuc hodie illic omnium temporum fastos ab illo componi.* Et illorum quidem hallucinatio veniani meretur. non enim intellexere verba , quæ extant in libro secundo Paralipomenūm, in capite vicefimo & primo. Cæterūm Enochī commentitia oracula ita sprevit cordatior antiquitas , uti Hieronymus Iudæ epistolam, quæ de septem Catholicis una est, ob hanc causam à plerisque è catalogo sacerorum voluminum dicat expunctam, quia testimonium ibi citatur ex hoc futili scripto.

C A P V T. II.

Ecclesia identidem admiranda numinis iudicio intra unam familiam coarcta ta. Id exemplis ostensum.

P Oſtquam Enochus terras reliquit, illa ipsa Sethi familia , quam sibi selegerat Deus, afflata seculi veneno est. Qui enim antea folicitè matrimonii

con-

conditiones quæsiverant in ea gente, intra quam Ecclesia arctabatur, nunc sanos affectus amplius non tenuere. Mens eorum vanas accepit imagines. Pluris esse formam, quam morum sanctitatem, vitio ipsa suo favens credidit libido. Haec res contagionem dedit, quæ ab impiorum filiabus profeta, manavit latius. Protinus in ævum erupit omne nefas. Perierat jus, integritas, fides, &c, qui semel dimissus nunquam redit in gratiam, pudor. Nullum scelus exemplo caruit. nec vacabat cuiquam vetus odiſſe crimen, cum quotidie oriretur novum. Tam immedicabile malum aspero remedio indiguit. Non poterat improbitas extirpari, nisi cum hominibus. Perdendum fuit mortale genus. Supererat adhuc unus Noachus, vir scelerum purus; quem D. Petrus præconem appellat justitiæ, quia voce illius usus est Deus, uti ad sanam mentem flechteret nefarios. Datum illis est spatium centum & viginti annorum, intra quod resipiscerent. Omnino sic accipiendum est id, quod dicitur in sexto capite Genesios. Nam Flavius quidem Iosephus perperam hæc verba in aliud sensum detor sit. Nec verò obstat, quod temporum, quæ secuta sunt, calculus haud fatis

satis cum serie congruit narrationis. Viderunt hoc eruditissimi Rabbino-
zum, Aben Ezra, & Salomo Iarchi. sed
addunt iidem, quod diligentibus dignum
observatione est, אין טוקום וטוחר בתורה in libris Mosaicarum legum non tradi-
quid sit prius aut posteriorius gestum. Cum
frustra datum ad pœnitentiam tem-
pus esset, concitis undique fluminibus,
& immissa pluviarum vi orbis terræ
effusus in undas est. De tot modò mil-
libus pauci supererant, quos Deus reli-
querat in semen, uti humani generis
jacturam nova sobole repararet. Mox
instauravit rectum numinis cultum
Noachus: &, ne diluvium alterum
formidaret, intueri iridem, atque huic
fidere sacramento jussus fuit. Erat Ec-
clesia tunc paucorum hominum. Et
tamen displicuit Deo indiscreta mul-
titudo. Iterum in minorem numerum
contractio fit. Etenim, cum Noachus
tres filios, Semum, Chamum, & Iephe-
tum genuisset, in unius Semi stirpe Ec-
clesia hæsit. Chamum natu minimum
fuisse quidam perperam colligunt ex
verbis Mosis, quæ ad Chami filium
potius referri decet. nam ipse Chamus
quidem anno uno Semum antecessit,
uti rectè divinavit Rabbi Zacuth. Cer-
tè Hieronymus eandem secutus sen-
tentiam

tentiam est. atque etiam mysterium
in hac re latêre ait, quod, si verum
non est, at est tamen ingeniosum. nu-
datum patrem, inquit, irrisit major fi-
lius, minor texit: & Deum crucifixum
illuserunt Iudai, & honoraverunt genti-
les. Verba extant in disceptatione il-
lius adversus Luciferianos. Post Se-
mum aliquot annis pauca memora-
tu digna evenere: nisi cui libeat de
turri Babylonica tragicè ampullari,
aut genealogiis volumina implere. à
quo mirum in modum mea semper
ratio naturaque abhorruit. Demum
Abramus, qui de Semi nepotibus erat,
inter vetusti seculi heroas illustre ex-
tulit caput: sub quo juventa quædam
Ecclesiæ, & velut robustior maturi-
tas fuit. Enimvero hic est ille justus,
quem ab Oriente excitum ait elo-
quentissimus vatum Esaias. Terram
enim Chaldæam, quæ prima nascen-
tem exceperat, patriosque lareis, &
cætera omnia, quæ longè mortalibus
jucundissima sunt, deseruit, uti igno-
tam adiret regionem, in qua, pedem
ubi poneret, non habebat. Sed paren-
dum Deo fuit, cuius auspiciis voca-
batur ad majora. Excelsa generosa-
quæ res est animus sapientis. nunquam
iisdem spatiis, quibus hæc contine-
tur

tur vita , cogitationes suas terminat. quæ multis post seculis eventura sunt, ad se quoque pertinere credit. Intellexerat vir divinus regnum Cananææ fato posteris suis deberi. hoc solatio ille præsentem mœrorem edulcabat. Cæterum spem eam , quam de posteritate habebat, multa morabantur. ipse senex erat , & per ætatem defluxerant vires. uxor vetula, quæ nec floribus annis peperat prolem. & tamen , quoniam cœlitus ingentia promissa animum ejus firmabant , creditit Dei immensa virtute fieri id posse, quod negabat naturæ infirmitas. Itaque jure parens credentium dictus habitusque est. primus enim eas res, quæ nec erant usquam , & esse non poterant, animi cogitatione præsentes sibi fecit , intuitusque est. Atque hoc proprium est fidei, quam pulcrè sacer codex ὑπόστασιν appellat τὴν ὄντων. Natus deinde Isacus est: is nempe , ex cuius familia olim Messias orioretur. Hic iterum numinis consilia, haud iniqua certè, sed arcana tamen, mirari libet. Ex Agare Ismaëlem suscepérat Abramus , à quo Saraceni Arabesque traxere originem. & rursus Cetura illi enixa erat non unam prolem. Tot liberorum pater erat religiosissimus senex;

nex. cæterū ex omnibus unus modò extitit, cui præcipue suam addiceret benevolentiam summus rerum arbiter Deus. Ab unā Isaci gente coli, ab hac una religionē, sacraque, & cæmonias suas suscipi voluit. Sæpe jam habitus hujusmodi delectus fuit. neque enim verebor identidem id iterare, quod scitu est perquam necessarium. Ex Adami liberis tantum Sethus, ex hujus stirpe Noachus, ex Noachi filiis Semus, ex illius posteritate Abramus, ac postremò ex numerosa Abrami sobole unus Isacus placuit electusque est, cujus familia Ecclesiæ nomen atque dignitatem ineffabili ratione, velut per successionem, sibi vindicaret. Cæteræ gentes, tanquam prophanæ, spretæ à numine, posthabitæque sunt, donec Messias terrarum orbem ingressus, intergerinum disjecit parietem, effecitque, quod dum Abramo promisum fuerat, uti per sobolem ejus cunctis nationibus sine discrimine daretur sperata salus.

S C A-

C A P V T III.

*Sententia nostra de Melchisedeco contra
communem receptamque opinionem
confirmata. vis præsidiumque ingens
additur epistola ad Hebreos.*

QVæ cum ita sint, monet me ani-
mus quædam de Melchisedeco di-
cere. Etenim res inopinata, & mira-
culi similis est, illo tempore cum Eccle-
sia unius familiæ hæreditas esset, exti-
tisse in impia Cananæorum gente eum
virum, qui non modo rectum teneret
numinis cultum, sed Abramo quoque,
summo Ecclesiæ præfuli, & recens in
eas terræ oras advecto, cœlestia bona
precatus, impertitusque sit. Evidem
scio ego quæ sit aliorum de Melchise-
deco sententia. sed mihi religio non
erit ab ea recedere. non enim cuius-
quam præscriptum sequimur. neque
id siverit genius noster, uti in aliena
juremus verba. Inæstimabilis res liber-
tas est: quam esse judicii animam qui
crediderit, is sententiæ suæ adscribat
meam. Luculenta est Hieronymi epi-
stola ad Euagrium, in qua ille ex Græ-
corum docet voluminibus, fuisse Mel-
chisedecum hominem mortalem, Ca-
nanæ incolam, Salemensium re-
gulum,

gulum, & summi numinis sacerdotem, qui velut imagine quadam & figura Iesum Christum, maximum itidem regem atque pontificem, mortaliū seculis repræsentavit. Dein explicat verba Apostoli, quæ sunt super hac re in epistola ad Hebræos. Magna maiestas eorum est, quos authores nominat, Irenæi, Hippolyti, Eusebii Cæsariensis, & Emiseni: tum & Apollinarii quoque, & Eustathii, quem primum vedit Episcopum Ecclesia Antiochena. Horum judicium magno consensu sequuntur hodie cuncti eruditi. Etsi enim suas singuli rationes produnt, tamen diversis argumentationibus conveniunt in unum. Non est, fateor, convellendum temere, quod à pluribus constanter statutum est. quippe, ubi hoc fit, periculum est, ne omnia pervertat innovandilibido. Cæterum, quoniam receptæ opinioni adversari ipsa ratio mihi videtur, valentior esse omni authoritate debet veritas. Ego sic existimo, Melchisedecum, non hominem utique ex hominibus genitum, sed divinioris naturæ fuisse, majoremque homine, ac digniorem certe, qui tanto benedixit patriarchæ. Miserat ad Hieronymum Euagrius librum incerti authoris, qui hoc, quod diximus

S 2 nos,

nos, affereret. Sed rejectus spretusque ab Hieronymo est, plane, ut mihi videtur, praeter meritum. Etenim, quoties epistolam, quæ scripta ad Hebreos est, inspicere soleo, toties in eam adductus sententiam fui, ut existimarem aut plane intelligi eam epistolam non posse, aut certe rectum, verumque illud videri, quod nos contra opinionem Hieronymi, cæterorumque omnium asterrimus. De Melchisedeco nusquam est mentio in libris veteris testamenti, nisi duobus locis; videlicet in cap. xiv. Genes. & in Psal. cx. Ex illis petitum est, quidquid sublimi oratione dissertavit Apostolus in ea epistola, quam ad Hebreos scripsit. Tanto citius profectò rem confecerimus. Scilicet valido argumento sese niti arbitrantur, qui urbem, in qua imperium rex iste tenuit, fuisse Salem ajunt, quæ sita in Cananæa fuerit: ut non possit hoc regnum rectè, nisi hominis, intelligi. Sed quæro ex ipsis, quo cuius editio non licebit nobis potius Apostolo, quam ipsis, credere? Ecce, ait diserte πέπτον μηδ' ἐργαλεύσομεν Θεός βασιλεὺς δικαιοσύνης, ἐπεὶ τούτη βασιλεὺς σολῆν, οὐτε βασιλεὺς εἰρήνης, qui primum quidem ex interpretatione dicitur Rex iustitiae, deinde vero etiam

Ren

Rex salem, quod est; rex pacis. Duo nomina tribuuntur huic summo regi in Genesi. prius est *Melchisedec*, alterum *Melech salem*. non enim illud magis, quam hoc, existimari nomen proprium decet. Vox *melech* Hebræis *regem*, *sedec justitiam*, *salem pacem* notat. idque tironibus in Hebraismo haud est ignotum. Itaque *salem* non est hic nomen urbis, quemadmodum neque *sedec*. aut eant, qui veteribus erroribus novos superstruunt, & in regno Cananæ imaginariam urbem aliquā *Sedec* collocent. par enim ratio ejus erit cum stramentitio illo *salem*. Sed hoc leve est. Nos profectò, nisi solidis argumentis agimus, imprudenter tot eruditissimorum hominum, totque seculorum labefactare consensum aggressi sumus. Sed bene speramus. Procedant in numerum cætera, quæ idem nobis Apostolus subministrat. Is magna epistolæ parte docet, excellentius majusque fuisse Messiæ sacerdotium, quam Aaronis aut Levitarum. quippe Levitarum munus fuisse tempora-

¹ Fuit quidem Salem oppidum Canaanæ, sed hic pro appellativo accipitur, & pax vertitur ab ipso Apostolo. Hoc multi non satis perpenderunt.

neum, quia dignitatem sacerdotii quisque cum vita amittebat, & in locum demortui subibat alius. At Christi, inquit, sacerdotium, pariter ut Melchisedeci, aeternum est. & verò, ne fides dictis desit, Davidis vaticinium de Messia recitat ex psalmo centesimo & decimo. *Tu es sacerdos in aeternum, sicut Melchisedecus.* In Græco est, καὶ τάξιν, secundum ordinem. Sed David, cuius mentem magis, quam verba secutus est Apostolus, ait, בְּרוּכָתִי מֶלֶךְ־צֹדֵק, quod eruditissimus Rabbinus Aben Ezra rectè explicat כתנהג מֶלֶךְ־צֹדֵק in morem Melchisedeci, vel, quemadmodum Melchisedec. Neque aliud profectò verba Hebræa sonant. Enimverò ita res est. Profligaverat prælio reges impios Abrahamus, & victrices reducebat copias. Forte tunc in itinere obvium se illi tulit filius Dei, specie humana, habitu sacerdotis regisque indutus, ejusque animum faustis vocibus ad omnia ingentia erexit. Etiam panem vinumque fesso dedit, ne quid hac quoque parte desideraret ille principum debellator. Statim Abramus esse hoc majus quidam celsiusque sensit. Itaque quod sub imagine latebat, mente coluit, & Messiae, summo regi sacerdotique, quem mortalibus olim datum iri intelligebat, presenti praesens munera decimasque obvalis,

culit. Et quid causæ, obsecro, est, cur
 hunc justitiæ & pacis regem non creda-
 mus fuisse eundem illum filium Dei, qui
 postea, ad quercum Mamre, duobus co-
 mitatus sociis, Abrahamo apparuit, ci-
 bum cum illo sumpsit, adfuit unà in u-
 nis ædibus, ac denique collocutus cum
 illo est? Mihi sanè majus certiusque ar-
 gumentum divinæ cœlestisque naturæ
 videtur, homini in media via derepente,
 velut è machina, supervenire, ei que be-
 nedicere, & alimenta potumque dare,
 quam hominis teatrum subire, hospitio
 ejus excipi, epulis accumbere, sermo-
 nes cum illo ferere. Vnum modò discri-
 men est, quod in capite xviii Geneseos
 expresse tandem dicitur, Deum fuisse,
 qui Abramum adierit: de Melchisedeco
 autem illud non ait quidem scriptor Ge-
 neseos, sed mysterium hoc relinquit ex-
 plicandum Davidi & Paulo, qui nos de
 illo dubitare amplius non sinunt. Nec
 verò obstat, quod rex ille sacerdosque æ-
 ternus quadam propria appellatione Me-
 lechsalem & Melchisedec vocatur. Sæ-
 pe enim sacer codex Deo nomina hu-
 jusmodi ex re nata aptat, quorum om-
 nis posita vis in significatione rei est, de
 qua forte tunc agitur. Itaque alibi *Ebie*
ascher ehie dictus est, & *Emmanuel*; pla-
 ne ut nunc *Melech salem* & *Melchi se-*
dition

dec. Nemo miretur multis nominibus
cum appellari, qui unus est omnia. Tot
sunt nomina ejus, quot spectamus vir-
tutes atque opera. Virtutes autem ejus
quis fando enumeret? cum multas
percensueris, longe erunt plures, quas
omittes. Ne illud quidem scrupulum
iniicere cuiquam debet, quod in Gene-
si scriptum est, *Erat sacerdos Dei altissi-
mi*. Hoc enim ~~atque~~ id ~~quod~~ ~~est~~ ~~est~~ ~~est~~
sive ad habitum sacerdotum pertinet, que
induerat Dei filius. Et profecto fuit
cum etiam alias sumeret personas. cu-
jus rei exempla in illustri posita sunt.
Ajunt præstantissimi theologorū, quo-
tiescunque Deus immortalis homini-
bus apparuit, apparuisse personam se-
cundam, id est, filium. Quod sane ab il-
lis recte existimatū est. Vtique cum
Apostolus ait, *Sæpe Deum antea per
Prophetas, novissime autem locutum
fuisse persilium*, non ille negat visum
antea in terris Messiam esse, sed haud
obisse eum concionandi illud munus
significat, quod olim à vatibus sem-
per, ac tandem verò suscepimus ab ipso
est. Etiam nos existimatus, filium Dei,
cum in via Abramo occurseret, eum
vultum, eumque habitum corporis
sibi finxisse, quem postea gessit in tet-
ris, atque hoc illud esse, quod Apo-
stolus

stolus ait, ἀφωπογνωμένος τὸν υἱόν του
 Γερά. Assimilatus filio Dei. Non poterat ipsum illud corpus induere, quod
 in terris postea intuiti sunt, & contine-
 etavere mortales. Id enim sero admo-
 dum genitum formatumque est, ne-
 que ante existit. quare imagine in-
 dumentata illius representavit Abramo,
 sed plane eandem, quam inter homi-
 nes habuit. Neque alio pertinere mihi
 videtur, quod scriptum à Ioanne est,
 Abram gestiit videre diem meum, & vi-
 dit, gavisusque est. Id enim uni Abra-
 mo contigit, & singulare quiddā fuit:
 cum de cæteris illud dicatur, Multi
 prophetæ & justi cupiverunt videre, qua-
 videtis, & non viderunt. Sed neque hoc
 sententia nostræ repugnat, quod justi-
 tia ille pacisque rex αἰνάτωρ οὐ αἰνά-
 τωρ, sine patre, ac sine matre fuisse dici-
 tur. non enim profectò Divus Paulus
 mysterium illud duplicitis naturæ spe-
 ctavit, quod ejusmodi est, uti Messiae
 quidem divinitas patrem, mortalitas
 vero matrem, at scorsim neutra u-
 trumque parentem agnoscat. Perti-
 nere illud ad ea tempora non potuit,
 cum nondum hominem induisset
 humani generis servator. Sed hoc
 utique sensit potius Apostolus, non
 esse eum communi lege ex patre

atque matre, neque ex libidine aut con-
junctione viri fœminæque satum, sed æ-
ternum eum esse, & (quod Esaias vates
in capite LIII ait) *nihil posse dici de ge-
neratione ejus*. Sane vero ii ipsi, qui Mel-
chisedecum Salemensis regulum, ho-
minemque mortalem fuisse volunt, fate-
ri coguntur ea omnia, quæ de illo Apo-
stolus dixit, etiam Messiae convenire.
Quod cum ita sit, profectò non aliter
Messiam ἀπέτρεψε καὶ απέτρεψε, pa-
tris matrisque exortem cogitare possu-
mus, quam eo pacto, uti jam nos signi-
ficavimus. Evidem ego animadverto
quoque, Melchisedeci sacerdotium à
Divo Paulo perpetuum atque infinitum
constitui. ita quippe ait, μήτε δόχιμον
ημερῶν, μήτε τῶν τέλος εἰσαντεῖσθαι, μήδι-
σερδος εἰς τὸ δινεκές. neque initium
dierum, neque vita finem habens, manet
sacerdos jugiter. Ex quo colligitur, si
Messiam atque Melchisedecum non esse
unum eundemque, sed duos credimus,
etiam hinc duos jam effici sacerdotes,
quorum functio nullis circumscripta an-
norum spatiis in omne ævum durat.
Quod certè nemo veterum antea, neque è
recentioribus quisquam hactenus vel per
sonnum dixit. Nunc tandem illud di-
camus, quod rerum omnium primum
maximisque nobis est. Haud dubium
est,

est, quin Iudeos genius aliquis male ad-
vocatus in eum detruserit errorem, uti
existimarent, id quod hodie in scriptis
eorum legitur, *Melchisedecum fuisse fi-
lium Noachi, Semum, qui ad tempora
usque Abrami Isacique superstes fuerit.*
Hacfutili opinione imbutos Iudeos A-
postolus ad sublimiorem vocat contem-
plationem: &c, de hoc ipso Melchisede-
co, qui non Semo tantum, sed cunctis
major esset hominibus, verba facturus,
hac præfatione utitur, *καὶ ὁ πόλυς ἡ-
μεῖνος λόγος, καὶ δυσερπύλως λέ-
γειν.* *De quo nobis multa sunt dicenda,*
eaque difficultia explicatu. Ecce, stupet ad
magnitudinem personæ, & ineffabilem
confitetur. quod nunquam facit, cum de
aliis umbris typisque loquitur, quibus
fuerat olim regnum Messiae figuratum.
Dein subjicit, *χωρὶς πάντων ἀντιλογίας*
*τὸ εἰλατίον ὃν τὸ Χρείτον οὐλο-
γεῖται.* *Sine ulla controversia, non be-
nedicit nisi major minori.* Hoc vult, di-
vinioris cuiusdam naturæ eum fuisse, nec
in hominibus numerandum: quia, 'qui
tanto benedixit patriarchæ, certè major
illo digniorque esse debuit. Etiam com-
parat illum cum Levitis, ¹ *καὶ ὡδὲ μὲν*
δεηγίτας ἀποθνήσκοντες αὐτρωποι
λαμ-

¹ Ad Hebr. cap. 7. vers. 8.

λαρετούς, ἡρέτους, μαρτυράμενον
οὐ πέπη. Atque hic quidem homines, qui
moriuntur, decimas accipiunt; illic au-
tem is, de quo testatum est, quod vivit.
Duo notat; primum, quod Levitæ,
quibus decimæ dabantur, homines
erant: dein quod morerentur. at hunc
sacerdotem, cui Abramus decimas de-
dit, non hominem, non mortalem ait
fuisse, sed eum, de cuius vita & aeterni-
tate, inquit, testimonium habemus omni
exceptione majus. Quodnam autem il-
lad est? nempe hoc Davidis, quod ci-
tat¹; Tu es sacerdos in aeternum, sicut Mel-
chisedec. Quasi dicat, Tu es ille justitia
pacisque rex, ille, inquam, sacerdos, qui
vivus aeternusque es; quem vidit Abra-
mus, decimisque & manoribus veneratus
est, & Melchisedecum appellavit, cum
appellare eum majore atque ampliore no-
mine haud poterat. Etiam illud scriptum
extat, vers. 15. & 16. καὶ τίς αὔτη
οὖτις Μελχισεδεκ οὐδιστήτης
ἐπεργός, οὐδὲ καὶ νόμον εἰποῦς
οὐδὲ γέγονεν, οὐδὲ καὶ δύναμιν ζωῆς
οὐδὲ φλεψ. Ad instar Melchisedeci exo-
ritur sacerdos alius, diversusque à Levi-
tis, qui non ex lege, cuius mandatum sit
carnale, sacerdos est, sed ex vi indissolubi-
lis

¹ Ibid. vers. 17.

*is vita. Nimirum, quod in Levitis suis
se negat, id in Messia & Melchisedeco
ponit, vim indissolubilis vita. Paulo ante
dixit, v. 11; Si consummatio per Leviticis
sacerdotium erat, quid amplius erat opus
alium exoriri sacerdotem, secundum or-
dinem Melchisedeci? Utique hoc om-
nino significare vult, nullam consumi-
mationem earum rerum, quæ promis-
sa quondam erant, fieri potuisse per
Leviticum sacerdotium. itaque opus
fuisse sacerdotio perfectiore, cuiusmo-
di fuit Messiae illud, sive Melchisedeci.
at si Melchisedecus mortalis homo
fuit & Salemensium regulus, sacerdos-
que, ut isti ajunt; sane ineptum sit ma-
jorem perfectionem hujus sacerdotio,
quam Levitarum, adscribere. Salemen-
ses enim siti in media erant Cananæa,
quæ regio nondum sacra suscepereat
rectæ religionis, quoniam recens in
eos terræ fines advenerat Abrahamus.
Sed esto, fuerit apud eos summi nu-
minis reverentia. quis tam rerum om-
nium ignarus est, uti nesciat cultum
religionis, etiam in ipsis patriarcha-
rum familiis, rudem duntaxat infor-
memque fuisse, donec lege lata socie-
tatem atque ordinem Levitarum in-
stituit ipse Deus, præcepitque quibus
ceremoniis sacrificisque coli deinceps
vellet,*

vellet, cum id antea haud usquequaque factum esset debitis ritibus? Si omnia argumenta convectare velim, justo volumine opus sit. Satis diu jam hoc saxum volvo. liberari cupio. Dicendum tamen in extremo est, quid veteres recentioresque commenti sint ad locum Apostoli interpretandum. Videbant rem obscuram & difficilem esse. Magnum aliquid audendum fuit. In re crepera & ancipiti præceps capienda via est. Igitur illud, *ἀπάτης, αἰμάτως, ἀγνεαλόγητος*, sine patre, sine matre, sine genealogia, haud ideo dicatum putant, quia parentes non habuit Melchisedecus, sed quia nec ante, nec postea eorum nomina adscripsit Moses. Et rursus, *μήτε δοχὴν ἡμερῶν, μήτε ζωῆς τέλοντος εἰς τὸ διληκέσθαι*. nec initium dierum, neque vita finem habens, manet sacerdos in aeternum. Nempe, natus quidem est, inquit, mortuusque; sed quoniam ejus rei mentio non fit, fuisse aeternus existimat: Et Messiae divinam naturam velut typus representavit. Profecto, hoc non est mysteria, sed rerum ludibria conjectari. Quotenim possem Levitas sacerdotes, quot alios sanctos illustresque heroës ex sacris libris recensere, de quorum matalibus & morte altum silentium est?

est? Igitur, quod felix faustumque sit, jam totidem figuræ Messiaæ habebimus. Iudæi credunt Iacobum non obiisse, quia in Genesi non dicitur, *Et mortuus est Jacob*, sed, *expiravit*. Iam istud alii ad juvandam firmandamque vulgarem de Melchisedeco opinionem pròdiderunt, quo autore, incertum est, sed authore tamen Iudæo. Ego quidem certe in scriptis Rabbi Schelemonis Iarchi id me legisse memini, sed purum putum existimavi delirium esse, neque magis excusari debere, quam hoc, quod de Melchisedeco vane creditum est. Qui tale præsidium ad sententiæ suæ probationem adferunt, næ illi nugas nugis propugnant. Nihil tam facile reperitur, quam ineptiendi occasio. Et quid tandem non fiet? Iam etiam metuo, ne Tobiæ canem aliquis sine cauda fuisse putet. quippe nihil de ea scriptum est. Sed omnes futilitatis numeros implevit Athanasius, qui Melchisedecum quendam fingit, cuius imprecationibus effectum sit, ut terra ima dehisceret, patremque illius & cunctos absorberet consanguineos. atque hanc causam esse ait, cur eum Apostolus fuisse sine parentibus, & sine genere dicat. Nemo ægrotus quidquam somniat tam

in.

infandum, quod non aliquis affirmet sapiens. Nihil vane hariolatus est Marcus Terentius Varro. Quotidie magis magisque hoc verum raperio. Sed mittamus iudicium. Si nihil aliud dixisset Apostolus, quam *αὐτοὶ οὐδὲν ἔχουσιν οὐκ εἰπῶν*, pente τέλος ζωῆς εἶχον, πέντε ἵεροις εἰς τὸ δικαιονότης. nec initium diem, nec vita finem habens, manet sacerdos in perpetuum. Utique non quid Moses dixerit, tacueritve, sed quid res sit, & quid sibi videtur, ait. Quidquid tribuit illi Apostolus, fultum est non Mosis reticentia, sed Davidis affirmatione. Quod hactenus non observaverunt interpretes, non enim ait², *cujus mors reticetur à Mose*, sed contra, de quo Davidis testimonium exstat, quod vivit. ὁ μαρτυρούμενος ὅτι ζῆι. Quod profecto longe aliud est. Potest is obiisse, cuius obitus tacetur: potest & in vivis esse. quod enim silentio transmittis, in incerto est. nihil quippe affirmas. at, de quo dicitur, ὅτι ζῆι, quod vivit, & quidem cum emphasi, ad differentiam Levitarum, qui in eodem commate appellantur

¹ In cap. 7. vers. 3. ² Ibid. vers. 8.

lantur ^τ αὐτῷ πνεύματος διδυνόσκοντες, ho-
 mines mortales; is, inquam, de quo
 tam evidenter hoc afferitur, non po-
 test mortalis fuisse. aut, si fuit, profe-
 &to jam non hominum, sed angeloi-
 rum lingua locutus est Apostolus. eam
 autem linguam an alii per insomnium
 aut revelationem didicerint, nescio.
 ego quidem homuncio ad istum sa-
 pientiae gradum non perveni. Cæte-
 rum, qualis sit hæc vita, quam Melchi-
 sedeco tribuit Apostolus, nemini ob-
 scurum esse potest. Ait David, Tu es
 sacerdos in æternum, sicut Melchisedec.
 nempe sacerdotium æternum Melchi-
 sedeco adscribit vates: & ad exem-
 plum illius, etiam Christo. Hoc Davi-
 dis testimonium citat Apostolus, ver-
 bis quidem aliis, sed eodem sensu,
 ὁ μαρτυρέμενος ὃν ζῆ. quod perin-
 de est, ac si diceret, is, qui teste Davide
 in æternum vivit, sacerdosque est. Hæc
 est vera & genuina sententia verbo-
 rum Pauli. aut, si aliter existimamus,
 actum est de facili interpretatione epi-
 stolæ, quæ scripta ad Hebreos est. E-
 quidem ego diu miratus apud ani-
 mum meum sum, repertos fuisse quo-
 dam, quibus hæc epistola displiceret

T

qui-

^r Ibid. vers. 8.

quidem, quia favere Novatii erroribus videbatur, quod temere tamen & falso creditum fuit: at neminem vero deprehendisse perplexa illa ænigmata, quæ in his de Melchisedeco verbis latenterent, siquidem ex communi interpretum opinione explicarentur. Agant se versentque in omnes partes ii, quos & præsens & prior ætas tulit. Nihil nisi nubes atque inania prensabunt nequicquam, & suis se tenebris involvent. Non utar circuitione. Ego initio, cum operam darem, ut quam minimo negotio deciderem cum tantis incommodis, de epistola quidem hac, quin merito olim à Latinis Ecclesiis spreta esset, nullus dubitabam. cæterum Davidis verba, quæ de Melchisedeco sunt, non ad Messiam, sed aliovorum sum trahebam. Enimvero Iudeos magistros sequebar, quorum est per sepe in Biblico contextu interpretando admiranda industria. Rabbi Aben Ezra ait, psalmi istius authorem esse non Davidem, sed quendam המשוררים è cantoribus. Itaque cum statim initio dicitur, *Dixit Deus Domino meo, sede ad dextram meam, donec inimicos tuos feceris scabellum pedum tuorum, &c.* verba hæc sunt non Davidis de Messia, sed, ut ipse vult, cantoris de Davide, ut hic sic

fit sensus, *Locutus est Deus Domino meo Davidi: esto rerum omnium securus. hostes enim tuos Pelistæos sic omnes fundam, ut eorum capitibus insultes.* Postquam plura in eandem sententiam dixit psalmi, tandem adiicit, *juravit Deus, & non pœnitabit: tu es sacerdos in perpetuum, ut Melchisedec.* Persæpe spiritus divinus reges principesque & ductores populi, sacerdotes appellat, quia cærimoniarum ad eos, religionumque cura & tutela pertinet. Itaque, *Eris sacerdos, mutatis verbis esset, regnabis, eritque tibi summum imperium in cives tuos.* Illud vero, *In seculum,* putat Rabbi Kimchi dictum ob hanc causam, quia Saulis fuerat execrabilis & brevis potestas. at David inter res lætas florentes que consenuit. Sequitur, *sicut Melchisedec.* Hic non idem sentiunt Iudei. Rabbi Abraham ait, *הַמְעָד שִׁירָאֵל לְחַמּוֹן וְאֶתְתָּה תְּרִנְמָעֵשָׂר כַּאֲשֶׁר לְקֹחַ מְלָכִי* mens verborum est, *pugnabit Israel, & tu decimas præda accipies, ut Melchisedec accepit ab Abraham.* Rabbi Moses ne ad historiam quidem hæc retulit, sed Chaldeum secutus Targumistam est, cuius est hæc interpretatio, *דָּאנְתָּ מַתְמָנִי לְרַבָּא לְעַלְמָא רְאֵתִי בְּגִין זְכוֹתָא דְהִוִּתָּא מֶלֶךְ זְבוּבָא: constitueris dux princepsque annis consequi-*

quentibus, idque propter justitiam. quia
es rex *justus*. ita enim accipio verba
Chaldaica, quæ alii secus intellexeré.
Ut ad pauca redeam, memorat plures
id genus psalmos Aben Ezra, in quibus
non David, sed cantor, quisquis fuit il-
le, de Davide loquitur. Inter eos est
psalmus vicesimus, *exaudiat te Deus in*
die angustia. Tum & is, qui sequitur,
domine in fortitudine tua latabitur rex.
item septuagesimus secundus. Hæc
cum hunc in modum cogitaré, com-
modum obtulit se oculis nostris lucu-
lentus locus divi Matthæi, qui est in
capite vicesimo & secundo. Ibi Phari-
sæos interrogatione illaqueat ipse
Christus, πῶς Δαῦιδ τυδεῖ μὴ λέγειν καὶ
εἰπον μηλεῖ χριστὸν; λέγων, εἴπει ὁ κύ-
ρος τῷ κυρίῳ με, μάθε τὸν δεξιῶν
με, ἐώς δὲν &c. Quomodo David spiri-
tu divino actus, appellat Christum Do-
minum? dicens, *fede ad dextram meam,*
usque dum &c. Non alio argumento
nobis opus est ad confutandam vani-
tatem delirii, quod penè nobis impru-
dentibus obtruserant Rabbini. Per to-
tum illum psalmum non cantor de
Davide, ut ipsis placet, sed David de
Messia loquitur. Id Pharisaos in Euan-
gelii libro docet supremus, maximus
que magister, penes quem fides esto.

Erravit

Erravit Aben Ezra, Rabbi Moses, & Kimchi, atque Chaldæus Targumista, & quantum uspiam est verporum. Manet manebitque veritas mysterii, quod de Melchisedeco effatus est David, quem secutus est Apostolus, cuius epistola ad Hebræos sacrosancta est, & nihil nisi Deum spirat. Nescio equidem an post Euangelium Ioannis ullus sit novi testamenti liber, in quo plus profundæ reconditæque sit theologia. Quare non sine causa antea cruciabat me conscientia aversi genii mei, cum unius loci non intellecta vis judicium tardaret meum de tam illustri scripto, quod cæteris sui partibus omnia prodebat magna & excelsa. Non temere poteram divino spiritu dictatum credere, in quo tam inconcinna cernerem: & tamen, sicut magnorum fluminum capita admiramur, & in sylvis quibusdam secretum umbræ, atque arborum proceritas fidem numinis facit; ita, cum oculos ad ea conjicerem, quæ in eodem illo autoris monumento supra hominum essent mediocritatem, decreveram cum animo meo tantisper isthac venerari, donec cætera quoque, quæ non capiebam, tandem assequerer aliquando. Et profecto non pessime res successit. Nam

quæ de Melchisedeco diximus, si non omnino certa, at verisimilia tamen sunt. Filius Dei fuit, cui Abrahamus decimas dedit. Neque aliter quæstionem hanc, quæ mere historica est, decidimus. Evidem nescio quibus sit documentis usus scriptor *avavvum*, quem tam cupide damnat Hieronymus. argumentationes enim illius nec recenset, nec confutat. Fortassis ille imperite defenderat causam optimam. quod fit interdum. Sententia quidem ejus recta veraque est. Quanquam illud tamen improbamus, quod putavit Spiritum Sanctum apparuisse Abramo. quippe satius est, uti jam ostendimus, filium Dei eum fuisse. Cæterorum disceptationes referre, super vacuum est. Magni tamen nostra interesset, extare Origenis homilias, in quibus multa ille de Melchisedeco disputavit, teste Hieronymo, ac tandem illuc perduxit rem, uti *angelum* fuisse eum diceret. Quæ opinio, et si nobis non admodum placet, quia incommodi quiddam habet, tamen laudanda est præ ista, quam Hieronymus & cæteri sunt amplexi veteres recentioresque. Quod manifestum faceremus, si opus esset. Certe magno fuit vir ingenio, atque excellenti eruditione Origenes:

genes: uti non immerito scientiam illius optaverit Hieronymus, etiam cum invidia nominis. Fuit ille quidem perniciosorum quorundam dogmatum author: sed tamen, quia præstans-
tissimus erat sacræ scripturæ interpres,
ita spernendi errores ejus fuere, uti ni-
hil derogaretur summis ejus virtuti-
bus. Falli & hallucinari humanum est.
solitudinem quærat oportet, qui vult
cum perfectis vivere. Pensanda vitiis
bona cujusque sunt, &c, qua major pars
ingenii stetit, ea judicandum de homi-
ne est.

C A P V T I V .

*Ecclesiæ fata ab Abrami temporibus us-
que ad regni Israëlitici scissionem, quæ
post Salomonis mortem contigit. Di-
vinandi vis in morituris. Israelitarum
idololatria in Ægypto. Superstitioni-
bus Ægyptiorum sape postea obnoxii
Israelita in Palestina. Apis. Serapis.
Vitulorum, & serpentis veneratio. An
Indæi asinum coluerint? Cur Ægyp-
tii asinum execrati sint? Cophinus fa-
numque Iudaorum, qui Romæ erant.
Res legesque Iudaicae intactæ Gracis
Romanisque scriptoribus, & quare. De
Theopompo & Theodecte. Iudaorum*

*adversus exterorū odium. Mendacia de
Iudaicis.*

Postquam ex his scopulis enavigavimus, pertexendum jam est, quod antea exorsi sumus. Perduximus ad Abrahami tempora Ecclesiam: in qua feligenda hoc maxime spectavit Deus, uti in una familia, & interdum penes unum esset. Abrahamo unus Isacus successit. ad cæteros ejus liberos non est devoluta tantæ rei hæreditas. Rursum, cum ille ex Rebecca gemellos, Esaüm & Iacobum, suscepisset, singulare fatum Iacobi fuit. idque multo ante ex oraculo intellexit mater adhuc grava. Secuta divinam prædictiōnem patris auguratio est. Sæpe heroicis temporibus patriarchæ, sanctissimi mortales, conceptis verbis res futuras significavere liberis suis, paulo ante quam illis natura finem vitæ faceret. Nimirum erat in animis eorum quidam præsentiens atque divinans, cum illud instabat tempus, quo onerosi corporis vinculis exoluti, ad cœlum suum, & speratas beatorum sedes migrarent. jam tum enim, etiam in terris adhuc, frui divinitate sua incipiebant, & majore vi agebantur. Idem Isaco accidit. Oculos ejus caligo pepulit;

lit: menti lux accessit: & , cum in vi-
cino mors erat , vatem egit. Longum
esset dissenserere, per quas rerum difficul-
tates eluctatus Iacobus sit , dum insi-
dias illi tenderet frater , vir haud ad-
modum numinis observans , sed qui
progeniem post se reliquit longè ne-
quiorem. Atque h̄ic insignis jam re-
rum mutatio incessit. Etenim ex Iaco-
bi duodecim filiis ortus est is populus,
quem Israēlem appellat sacer spiritus.
Itaque cum haētenus identidem alia
atque alia familia , sed plerumque una
duntaxat , sacrorum religionumque
fuisset custos , tandem nunc id decus
datum cunctis Israēlitis est ; quibus
certe solis licet consecrare origines
suas , & ad Deum referre authorem.
H̄ec gens incredibile memoratu est
quantis incrementis auēta sit brevi
tempore. Sed quæ vita , qui mores
fuerint , per quos viros , quibus arti-
bus potentiam adepti sint , abunde in
iis dictum est libris , quos de Republica
eorum scripsimus. Nunc libet alia per-
sequi. Sanctum populum statim initio
longa sterilitas & agrorum ingratitu-
tudo alias in terras expulit. Sedes illi
præbuit Aegyptus , quæ regio mirè se-
getibus semper exuberat , & Nili sui in-
undationibus lēta nihil cælo imbrī-

T 5 busque

busque debet. Illic dum fuere, per multos annos patriis ritibus eorum & avitis sacris incorruptus honos stetit. Sed tandem, ut nihil perpetuum est, in superstitionem delapsi sunt, quæ jam olim per Aegyptiam gentem fusa, tunc quoque illorum imbecillitatem occupavit. Certè Israëlitis objicitur in capite vicesimo Ezechielis, quod in Aegypto idola & stercoreos deos honoraverint. Nihil illa oratione, quæ ibi extat, luculentius est. At in capite vicesimo & tertio, paulo obscurior sermo est; sed idem tamen dicitur: *Fili hominis, duæ mulieres, unius matris filia, fuerunt, quæ fornicatae sunt in Aegypto. Ibi pressa sunt ubera earum. major Aholia dicta est, & soror ejus Aholiba. meæ, inquam, fuerunt, & filios filiasque peperrunt.* Fictis nominibus Israëlem designat & Iudam. Diu Iudæis idolatriæ adhæsit contagio, quam ab insolenti & ventosa natione traxerant. Etenim quod serpens æneus, quem in paucos dies, & ob aliam causam Moses erexit, thure postea & sacrificiorum libamentis usque ad tempora Hiskiæ cultus sit, id verò totum ab Aegyptiorum profectum vanitate est, qui, ut Marcus Tullius ait, *quamlibet carnificinam prius subierint, quam aspidem aut ibin violent.*

Ipsum

Ipsum Serapidem draco repræsentabat, eminuitque id animal præcipue inter fercula Isiacæ pompa, de qua Ovidius in hunc modum loquitur,

Tigraque labatur circum donaria serpens,

Et comes in pompa corniger Apis eat.

Percommode Apis nobis in mentem vocat Naso. quippe is fuit sanctus bos, & summum numen Aegyptiorum. Eos imitatus Hieroboamus Israëlitarum rex est, aureamque bovis imaginem in Bethel & Dan erexit, uti hac re populum sibi retineret, firmaretque, Aegyptiacæ superstitionis memorem. Quid multa? quotiescumque Iudæi, spreta Mosis lege, animalia quædam, effigiesque venerati sunt, ad Aegyptiorum se exempla composuerunt. Itaque mirari satis nequeo, quid Plutarcho, aliisque maximis autoribus in mentem venerit, cum Iudæos asinum divinis coluisse honoribus tradiderunt. Futilia hæc sunt & nugatoria. nam nec legibus eorum istud sancitur, quæ adhuc integræ in manibus hominum sunt: & rursus ab Aegyptiis esse ejus rei origo nequit, quoniā profectò nullum animal magis invisum huic genti est. Typhonem enim quendam Osiridis interfectorum omnibus contumeliis mortuum inse-

taban-

Etabantur : & , quia is fulvo crine fuerat, cunctos asinos , ob similitudinem coloris , de saxo præcipites dare, mos eorum fuit. Nemo quisquam ruffus reperiebatur, qui non publicè ludibrio esset. Etiam Busiritas ac Lycopitas ait Plutarchus tubis non usos, quod sonus earum quiddam clangere asinum visus est. Supra omnem festivitatem est, quod de Ocho Persarum rege produnt. Eum Aegyptii identidem asinum appellaverant, incredibilem hoc ignoriam rati. quibus ille, ὁ μέτωπος τοῦ θεοῦ ἀπόδημος ἦν καὶ βοῦς. atqui , inquit , iste asinus vestrum bovem comedet. Apin autem designabat. Falsum est igitur, quod de Iudeis magno consensu memorant tot scriptores. Et tamen adeò blandita est iis hominibus commenti dulcedo, ut reperti sint, qui septimo quoque anno hominem peregrinum huic fuisse asino immolatum affirment. Nos hæc omnia in odium sacræ gentis conficta arbitramur. neque id insolens fuit Romanis Græcisque. Ingeniosa est ad mentendum impietas , & favet ipsa industriæ suæ. Sed tempus est ab his faceffere. Ad Israélitas redeo, quos in Aegypto sedes posuisse jam retuli. Nihil rerum mortaliū tam instabile ac fluxum est,

quām

quam aliorum quod beneficio tenes. magna enim mobilitate sunt animi hominum. quisquis alterius rebus consulit, suam ipse fortunam habet in consilio. ubi res postulat, fides & pacta posthabentur. Enimvero Aegyptii beneficium suum rati, quod Hebræi in rebus bonis essent, postquam metus jam erat, ne advenæ in partem regni acciti contra omnes valescerent, animum mutavere, &, quos diu benigne prosecuti erant, repente velut fatigati destituunt. Placuit eos dura servitute oppressum ire. Hoc factum ea tempestate ait Moses, cum Ioseph & cuncti fratres ejus fato functi essent. Non magni est, quod Rabbini notant:
 אין לך בכל השבטים שקצר ימים פאות מיטכף ואין לך בכל השבטים שהאריך ימים יותר טליי וכל זטן שהיה לוי קיים לא נשתעכוו ישראל לטוריים ומשמרות לוי התחילו המצריים לשעבדם: מכאן אמרו אחר טן האחים שמות וdagno כל האחים אחר מן האבירה שמות תרג all sententia est, Josephum minime diu vixisse, diutissime autem Levi. quo extincto, oppressos Israelitas esse. Atque hinc natum esse Hebreorum illud adagium, unius fratri obitus ceteros omnes affigi, & uno socio ablato, in luctu esse totam societatem. En acumen Iudaicum. Evidem ego sic semper existimavi, pleraque Hebreorum adagia

gia insulsa esse & frigida. Valde lentis maxillis edunt, quibus istæ deliciæ sapiunt. Non sunt nauci, si admirabilem vim & felicitatem cogites, quæ in Græcis Latinisque est. Sed hæc præter rem sunt. Quam miseris modis sanctam gentem prophana afflictaverit natio, traditum in iis libris est, quibus Moysicæ continentur leges. instabant duri operum exætores. in cæstantium terga sævitum fustibus est. ibat cælo clamor virorum. Alii lateres condendis urbibus coquere: quidam stipulas convectare, pars stercora egerere: postremo, cuncti servilibus officiis intenti æstatem agere. Iudæis in hujus rei memoriam etiam hodie in cœna Paschali puls quædam comeditur, quam peculiari nomine ἡγεμονία appellant. Neque profecto alia causa est, cur Iuvenalis Iudæos Romæ semper cophinum fœnumque habuisse dicat in supellestili.

— *Cophino fænoque relicto*

Arcanam Iudea tremens mendicat in aurem,

Interpres legum Solymarum, & magna sacerdos

Arboris.

& antea quoque,

Nunc sacri fontis nemus & delubra lo-
cantur

Iudeus,

DE REPVB. HEBR. 30;
*Indais, quorum cophinus fœnumque
supellex.*

Enimvero cophinum fœnumque gestabant, cum quod fiscellis stercora lutumque portaverant in Ægypto, tum quia stipulis fœnoque usi erant ad fingendos lateres. Intererat eorum, per hęc monumenta cunctos docere mortales, quam aspera olim & fœda pertulissent. Nemo illa poëtæ verba recte explanavit, præterquam Philippus Berroaldus, inter Italos quondam appriime eruditus vir. Satis gravem testem citavimus, Iuvenalem. Sed tamen procedat etiam alter, cuius sermones haud cinerem quæritant. Venustum est Martialis epigramma in Gelliam; quæ, cum honestissimas conditiones respuisset saepe, tandem superbiæ pœnas dedit, & Iudeo nupsit, contemptissimo bipedum.

*Dum proavos, atavosque refers, &
nomina magna,*

*Dum tibi noster eques sordida condi-
tio est,*

*Dum te posse negas, nisi lato, Gellia,
clavo*

Nubere, nupsisti, Gellia, cistifero.

Mendicabulum hominis, Iudeum, vocat cistiferum, qui cum fœno copinoque perambulabat urbem. Nemo.

mo facile magnæ calamitatis obliviscitur. Manebat alta mente repositum inclemens Ægyptiorum imperium. Cæterum, dixerat Abrahamo Deus fore, uti per quadringentos annos Ægyptiis servirent Hebræi. quod secus cecidit. consilia enim in melius retulit, haud dubie misertus eorum. Ad hanc rem pertinet quod Chaldæus Targumistæ scriptum reliquit : *Abbreviatum est tempus præfinitum propter merita patrum, qui comparati sunt montibus. Et deminuit de tempore servitutis centum et nonaginta annos propter justitiam matrum, qua comparata sunt collibus.* Habebat ea ætas divinum virum Mosen, cuius auspiciis ex Ægypto evasit populus Hebræus, ingressusque iter longum est per desertissimas solitudines. Non fuit exeundi autor Hierosolymus aliquis aut Iudas ; neque conquisitum collectumque vulgus, tanquam invisum diis, alias in terras, monitu Hammonis, avexit Bocchoris rex. hariolatus est Cornelius Tacitus, atque ii omnes, qui hæc illum docuerunt. Sed nihil mirum est tam falsa prodidisse de Iudæis eos scriptores, qui sacra volumina nunquam inspexere. Odit profanum genus damnaturque tenebris Deus : neque passus est profecto, uti sancti populi res cognoscerent

secerent etiam ab ea parte , quæ publica est. Extant apud Flavium Iosephum verba Demetrii : qui , mirante Ptolemaio , eur Mosaicarum legum nec historici ulli , nec poëtæ meminissent , causam ejus rei contulit in magnitudinem negotii , quam angustiæ pectoris illorum non caperent . Ad hoc , dicitinus pœnas dedisse ait , qui eas sollicitassent , Theopompum atque Theodecten . quippe illum mente , hunc visu esse orbatum . Quod si qui sint inter eos , qui de illis aliquid scripsere , pluribus modis labefactata ab illis veritas est . Nemo illorum quisquam est incorruptam fidem profesus . Etenim , ut quædam vera sunt , ita singulis ferme aspersum mendaciolum est , & quidem malignum . Quocunque oculos conjeceris , tale quiddam deprehendes etiam in præstantissimis authoribus . Vel Iuvenalis , ecce , quam aliena effutavit , cum de Iudæorum loqueretur superstitione ?

*Romanas autem soliti cōtemnere leges ,
Iudaicum ediscunt , & servant , ac mentiunt jus ,*

Tradidit arcano quodcunque volumine Moses :

Non monstrare vias , eadem nisi sacra solenti ,

*Quasitum ad fontem solos deducere
verpos.*

Vera falsis miscuit, plane uti confusa
res sit. Sane vero non fuit tanta amen-
tia Moses, ut hoc tam barbarum jus
introduceret. Quid fuisset aliud de ho-
mene in ferum animal transfire, si non
hoc fuisset? Præclare ab Ennio di-
ctum est,

*Homo, qui erranti comiter monstrat
viam,*

*Quasi lumen de suo lumine accendat,
facit.*

*Nihilo minus ipsi lucet, cum illi accen-
derit.*

Natura ad humanitatem nos forma-
vit. hujus imperio petere & dare jube-
mur quæ posita in communi sunt.
Quidnam est igitur? injurii in Mosem
sunt, qui hoc illi affinxere. Diu post
tempora illius, cœpit hoc esse Iudeo-
rum primo vitium, dein mos quoque:
ut recte Hieronymus dixerit, *pejores esse*
eos nunc, quam olim. Fuit illis hinc ad-
versus omnes gentes hostile odium.
separati epulis, discreti cubilibus, alie-
nigenas, ut purgamentum, vitabant.
in summa mendicitate superbire, Dei
se gentem dicere, patriam religionem
& antiqua nomina jactare, denique
nihil

nihil moderati neque pensi habere. Profecto, insigniter invidos & zelotas oportet fuisse, qui decretum istud Hyrcani & Aristobuli tempore fecere, quod Rabbi Zacuth memorat in libro luchasin, אָרוֹר מִ שַׁילְמָר לְבָנָו הַכְתָּה יְנוּנִית, Maledictus sit, qui filium suum Græcorum instruxerit disciplinis. Ab eadem malevolentia fuit, quod tantopere indignati sint, legem Mosis fuisse Alexandriæ in profanum sermonem conversam, Philadelphi, optimi regis, ius su. dolorem quidem certe suum quotannis solenni jejunio ad viii Teyeth fassi sunt. Hæc mera ærugo erat, hic nigræ loliginis succus, qui animos eorum venenaverat. Sed non opus est tantas moles convectare ad refellendum, quod Tacitus falso dixit de Iudæorum exitu ex Ægypto. Faces lat Romanus scriptor, ubi vir divinus loquitur Moses, οὐκ τὸ Διὸς δέλτων γάρ ὁ μαγεύτης. quippe is testis est ex Iouis tabulis. Postquam in Arabum deserta ex Ægypto evaserant Israëlitæ, mire illis adfuit semper numinis clementia. Adjunt Rabbini tres fuisse insigni pieta te homines, quibus tria maxima beneficia tulit accepta populus Israël. פֵן בְּזָכוֹת מֹשֶׁה עַמּוֹד עַנֵּן בְּזָכוֹת אַהֲרֹן בָּאָרֶב בְּזָכוֹת מְרִים טָמֵה מְרִים נִסְתַּלְקָה הַבָּאָר וְחַזְוָה להן

להן בזוכות משה ואהרן מחת אהרן וכסטלק
עטוד הענץ חור להן בזוכות משה מחת משה
CASTELLO שלשן ולא חזרו שניית שנאמר
ואכחיד את שלשת הרועים בירח אחד:
*Manna illis contigit ob merita Mosis, co-
lumna nubis propter Aaronem, puteus
propter Miriam. Moriente Miriam, per-
iit puteus. sed restitutus est propter Mo-
sem & Aaronem. Obiit Aaron, evanuit-
que columna nubis. redditam tamen est pro-
pter Mosem. At Mose extincto, sublata
funt simul tria hæc. Scriptum enim extat,
exscindam tres pastores mense uno. Verba,
quæ citantur, Zachariæ sunt. Sequitur
autem Rabbinicā interpretationem,
uti ego opinor, Hieronymus: atque
insuper causam addit, cur uno mense
obiisse eos dixerit vates, qui, ubi accu-
rate rem exigis, potius uno ceciderunt
anno. Ut ut hæc sunt, præpotens nu-
minis vis fuit, quæ populum exulem
& omnium rerum egenum, in asper-
rimis locis tam diu sustentavit. Quod
si jam illa intueare, quæ paulo post
evenerunt, cum Canaanam ingressus
Israel est; ibi vero, quot res gestæ, tot
miracula occurrunt. maximæ ho-
stium copiæ parva manu fusæ: per al-
tissimos fluvios siccis pedibus, velut
continenti, pervium iter. oppidorum
mœnia, nullo impellente, subversa.
Quæ omnia ejusmodi sunt, uti vim
eludant*

eludant humani ingenii. Illud vero
multo maximum est, quod etiam So-
lis cursum voce sua tardaverit per in-
tegrum diem summus populi ductor
Iosue. Chaldæus Targumista Cantici
Canticorum ait, Iosuen tunc cecinisse
hymnum illum, qui ex decem, quos
numerant, quintus est. Quid causæ sit,
cur Iudei, autoritate cuiusdam Rabbi
Iose permoti, tradiderint hoc factum
esse בירח של ניסן *Kalendas mensis Nisan*,
atque in eam diem, præter solitum,
incidisse æquinoctium; nos divinare
non possumus: nisi quod profecto fa-
talis delirandi libido subegerit eos mi-
raculi extenuare magnitudinem. Sa-
tius fuisset, ad venerabile rei myste-
rium stupere. Sed tandem habeat fi-
nem aliquando hæc dissertatio. Post-
quam igitur Cananensiū potiti Israëli-
tæ sunt, diu Ecclesia communis fuit
duodecim tribuum. nec ante mutatio
incepsit, quam Salomonis decessus in-
ter dominandi avidos certamen in-
gens excitaslet de regno. Ibi scissus in
contraria studia sacer populus est, cum
pars hæc Roboamum Salomonis fi-
lium, pars illa sequeretur Effraimitam
Hieroboamum Nabatho genitum. A
Roboamo Iudas & Benjamin stetit: ab
Hieroboamo reliquæ decem tribus.

ille Hierosolymam & finitima loca,
hic Sichemum tenuit. Ita duo regna
exitere: quorum alterum Iudaicum,
alterum est Israëliticum dictum. Ne-
que vero mansit intemerata religio.
quippe ad idolorum cultum tribus
suas averterat Hieroboamus, ut sa-
crorum dissimilitudo dissidium quo-
que augeret infensarum partium. Qua-
re ex illa tempestate ad solos Iudeos
redacta Ecclesia est; quorum nomine
etiam Benjaminitæ propter summam,
quæ fuit inter eos, conjunctionem, ap-
pellantur. In libro quidem Esteris, Mar-
dochæus dictus Iudeus est, cum esset
de nepotibus Benjamini. id quod Rab-
bi Elias publicavit. Hæc est illa tanto-
pere celebrata Ecclesia Iudaica. cuius
quæ fata, quæve mutationes fuerint,
paucis sic dixisse, ingens operæ pre-
tium fuit. Nunc ad alia pergimus.

C A P V T V.

*De circumcisione. Quæ gentes olim fue-
rint circumcisæ. De Ægyptiis, Æ-
thiopibus, & Colchis. Verba Ieremia
de Ægyptiis à quorundam interpre-
tatione vendicata. Pauli locus de iis,
qui præputia reducunt, perperam ab
Hieronymo intellectus. Immodicus a-
stus Hieronymi in libris adversus Iovi-
nianum.*

nianum. Hallucinatio ejusdem in verbis Iosua de repetita circumcisione. Cur circumcisio octavo die celebrata.

Perdidit sane populus sanctus reliquas inter gentes nulla diversitate notabilis fuit. Noscebat suos, quos delegat Deus; & ab his noscebatur. insignia & notæ aberant, quæ usurpari oculis possent. Primus Abrahamus, cui facta rerum maximarum spes erat, sacramentum accepit, cuius videtur futurorum eventu esset certus. Iussus est circumcidere suorum præputia, ejusque rei exemplum transmittere ad posteros; quibus eadem posita lex fuit. Nihil tam religiose observatum ab illis est. Sed imitatae tamen morem hunc etiam aliæ gentes sunt. quæ res accuratissimos scriptores in errorem impulit. haud enim sciverunt ex qua sit origine hoc datum. Herodotus ait solos omnium mortalium Ægyptios, Colchosque, & Æthiopes id fecisse. Syros vero, qui in Palæstina sunt, hoc est, Iudeos, ab Aegyptiis didicisse. neque vero dubitandum esse, cum hoc confiteantur illi ipsi Syri. Sed enim vero danda est errori huic venia. obscura enim propter vetustatem sunt rerum initia. Nos Abramum circumci-

sionis authorem cunctis Iudeis frisse,
 non opinamur hercle, sed certò sci-
 mus. In hoc uno tamen Herodotum
 sua non fecellit divinatio, quod Ae-
 thiopes potius ab Aegyptiis, quām hos
 ab illis accepisse morē existimat. Quip-
 pe primi Aegyptii Hebræos, quos sedi-
 bus suis exceperant, imitati sunt. Exin-
 de res manavit ad finitos, Colchos,
 Aethiopesque. Quoniam de propha-
 narum gentium circumcisione dixi-
 mus, confutandus nobis est eruditissi-
 mus Rabbinus, cuius extat liber in
 manibus hominum, qui Aruch dici-
 tur. Magnum atque memorabile faci-
 nus incepit, qui in animum induxit
 ruspando ventilare quicquid errorum
 est in Rabinicis scriptis. Homines enim
 Hebræi, egregia eruditione, sagacique
 ingenio, cum sacri codicis sensa patro
 sermone evoluta nobis darent, multa
 feliciter repererunt, quæ aliorum nun-
 quam assecuta esset industria. Sed iis-
 dem rursus aut confidentia interduem
 aut ambitio interpretamenta que-
 dam dictavit, quorum falsitatem in-
 cogitantibus deprehendere haud faci-
 le est, quia veris proxima sunt. Non
 ego nunc de allegoriis, mysteriisque,
 neque de fabulis loquor, quibus sua ip-
 si scripta miserum in modum infama-
 verunt.

verunt. monstra enim hæc sunt , in quæ si Hercules incidisset, putasset sibi tertium decimum laborem venisse. Sed eas dico interpretationes , quibus **וַיֹּשֶׁבּ**, ut ipsi vocant , hoc est , *simplex verborum sententia explicatur.* Hac enim parte soli Iudæi , ingratiiis omniū gentium , tenent quendam principatum. Et nobis quidem de Judaicarum interpretationum virtutibus vitiisque alio loco abunde dicetur. Nunc lere- miæ recitabimus verba , ex quibus au- thor libri Aruch olim commentum fabricatus est, quod probavere ample- xique sunt hac ætate viri etuditissimi. Ait apud vatem Deus in capite nono: *Ecce, prope adsunt dies, cum animadver- tam in omnes, qui circumcisi sunt cum præputio.* & addit, in quos animadver- surus sit; *In Ægyptios, & in Iudeos, in Edomitas, & in Ammonitas, Moabitas- que.* Circumcisi cum præputio, ii sunt, inquit autor libri Aruch, qui postquam circumcisi essent, præputium attraxerē. Tales autem erant Aegyptii, in- quit; quia circumcisi quidem erant, quo tempore vivebat Ioseph: at, illo mortuo, adduxerunt sibi præputium. Nempe hoc sentit Rabbinus , odio Israelitarum Aegyptios, ut obiit Io- seph , omisisse circumcisionis ritum,

quem olim, vivente illo, ab ipsis didicere-
rant. quin & ad hanc rem arte usos
esse ait, quæ abscissam cutem reparare.
noluisse enim eos quidquam com-
mune habere cum ea gente, quam per
se pridem pastoritio vitæ genere invi-
sam, ob unius tamen Iosephi merita
haec tenus, sed ægrè hærere in parte regi-
ni siverant. Hæc est sententia præstan-
tissimi Rabbini, qui putat Aegyptios
non fuisse circumcisos, ex qua tempe-
state, relictis eorum finibus, in Palæsti-
nam concessere Israëlitæ. Sed non ita
est profectò. Etenim suo adhuc ævo
recutitam prisco more fuisse eam gen-
tem, Herodotus atque Strabo, &c, qui
diu post illos vixeré, Hieronymus Am-
brosiusque memorant. Enim verò per-
peram intellexit scriptor Hebræus ver-
ba Ieremiæ, quorum interpretatio mihi
ea videtur optima, quæ est pervul-
gata. Scio equique cum autore libri
Aruch etiam sentire V. C. Ioannem
Drusum, quo sumus magistro quon-
dam usi. Sed ille, quâ fuit animi æqui-
tate, dedisset ingenuo candori nostro
veniam. Etenim incorruptam liberta-
tem professi, sine amore, sine odio,
quid rectissimè dicatur, exquirimus.
Profactò, quoniam spiritus sacer *cir-*
cumcisos cum præputio appellat pri-
mum

mùm Aegyptios, dein Iudæos; interpretamentum istud de omissâ spretâque circumcisione, si ad Aegyptios refertur, falsum quidem est, ut jam ostendi, sed tamen colorem veri habet. at ubi Iudæos spectas, de quibus ibidem sermo est, jam nequaquam procedit commentum. Etenim is populus, etsi ad impietatem identidem prolapsus est, & Deum negligere, sacra prophanaque omnia polluere didicit, circumcisionis ritum tamen retinuit constâtissimè, eaque re gloriatus semper est usque ad ineptias, & cum derisu. Sed omissâ hac disceptatione, redeamus ad primam sanctissimi instituti causam, quam diximus hanc fuisse, uti populus Israëliticus aliqua diversitate nosceretur. Libet & alteram huic addere, quæ gravior certè, majorque est. Inter eas res, quæ Messiæ sacrificium figuraverunt, etiam sanguis ille fuit, qui præputiorum circumcisione fundebatur. Quoniam autem rerum soliditas inania pellit umbrarum, æquum fuit, ut, postquam Messiæ vultus terrarum orbi affulisset, eæ imagines tollerentur, in quibus fuerat olim mysterii hujus occulta quædam significatio. Quare illâ tempestate vim suam circumcisio perdidit. Nam neque ii, qui ex prophaniis

phanis gentibus venerati Messia sunt, præputia ponere necesse habuerunt, uti Ecclesiæ sacris initiarentur; & rufsum Iudæis, si qui adorare eundem voluere, nihil quidquam officiebat, quod recutiti essent. Est super hac re luculentus divi Pauli sermo ad Corinthios, in capite septimo primæ epistolæ.

μετεπελαύνει της ἡλικίας; μη επιστρέψω. καὶ αὐτοῦ στοιχεῖα της ἡλικίας; μη πάτερεινέσθω. οὐδὲ πατέριν γένενται, οὐδὲ πατέριας γένενται, οὐδὲ πατέρων γένενται. Circumcisus aliquis vocatus est? ne attrahat præputium. in præputio aliquis vocatus est? ne circumcidatur. Circumcisio nihil est, sed observatio mandatorum Dei.

Erimvero erant illo cœvo quidam male superstitione, qui, cum ex Iudaismo sese in Christianismum transfererent, usque adeò nulla Iudaici ritus superesse vestigia in corpore suo voluere, uti præputia quæ infantes amiserant, jam repararent viri. Ad eam autem rem medicorum usi operâ sunt. Quæ fuit prosector nimis anxiareligio. Et iuste igitur eam culpavit Apostolus. Sæpe subiit animū meum cogitatio, quonam modo D. Hieronymum fuderit sententia verborum Pauli, cum tamen nihil illo viro eruditius viderit veterum ætas. Existimat ille,

per

per totum istum locum de cælibatu & de conjugio agi. Verba autem sic interpretatur: *Eo, inquit, tempore, quo vocatus es & credidisti, si circumcisus, hoc est, caleb eras, noli ducere uxorem, id est, noli adducere præputium, ne circumcisionis & pudicitia libertatem onerres sarcina nuptiarum.* Rursum, si in præputio quis vocatus est, ne circumcidatur. *Habebas uxorem, cum credidisti, noli fidem putare causam dispidii. in pace enim vocati sumus.* Quæ de servis adduntur à beato Apostolo, eodem pæto explicat. Hæc, & his gemina, non uno loco Hieronymus; sed præcipue in commentationibus, quas in Esaiam edidit. Et verò, uti ostendat Pauli locum non esse verbo tenus, aut sine allegoria explicandum, disertè ait, *haud esse potestatis nostræ, præputium adducere post circumcisionem.* Nos Hieronymo non opponemus illustrium medicorum consensum, qui fieri id posse affirmant, quod negitat ille. Satis illum redarguit tot historiarum fides. Quanquam hercle, quod in Macabæorum libris scriptum est, filios Tobiaz fecisse sibi præputia uti Græcis essent similes, illud ipsum frigida interpretatione pervertit. Atqui Flavius Iosephus ejus rei tam certus est author,

thor, uti addubitare amplius, non sit hominis sobrii. Enimvero ita res est. Abripuit Hieronymum, ultra quam satis est, cælibis vitæ amor. Hanc enim ille uti mortalibus commendaret, omnia solicitavit prophetarum atque apostolorum dicta, plerisque etiam vim fecit. Quemadmodum arquatis & veterofisis, lutea quæ non sunt, æquè ut lutea videntur: sic, cuius animo semel sedet pervicax opinio, desinit ille res verâ notione discernere, & quidquid obviam uspiam est, id omne inservire suæ causæ autumat. Certè quidem in libris adversus Iovinianum effertur sine habenis, exuberans exultansque. argumentorum vero delectum habuit nullum. Etenim, quod magnæ imprudentiæ est, cum multa se in pectus illius insinuarent, omnia, quæ animi calor admittebat, in vulgus publicavit. Ita permagnum adiit nominis sui periculum. ut omittam, quod nimius fuerit cum in laude virginum, tum in vituperatione nuptiarum. Marcioni enim & Manichæo favere visus est: &, dum unum latus protegit adversus Iovinianum, in altero vulnus accepit à spurcissimis hæreticis. Quare Pamphilus, summus amicus ejus, plerique

que exemplaria suppressit. & ipse profecto scripsit apologiam, adeò pulcram mediis fidius, uti jam in sanctissimo viro illud continentiae vehemens & acre studium non feram modo, sed amem quoque. Quod enim plerique maledictum ingens existimant, eam ego laudem duco maximam. Modus quidem tenendus est, fateor: sed quia difficile est temperamentum, quidquid æquo plus futurum est, in hanc potius partem præponderet. Sed iterum longius, quam decet, recessimus à proposito. crescit in immensum nostra commentatio, nisi in posterum magis pressè insistamus lineæ. Circumcisio per quadraginta annos, dum in Arabum desertis errabant Hebræi, omissa est. Etenim, quoniam sæpe movenda castra erant, ægrorum imbecillitas ex recenti vulnera moram injecisset profectioni. Accedit, quod in vastissimis illis locis nullæ erant gentes, quibus misceretur facer populus. quare distinctione & notis neutiquam opus erat. Interea tamen, quoniam circumcisos prosequebatur singularis quædam numinis benignitas, utique valde infelices videri possint, quos in solitudine natos fati vis extinxit acerbo funere. Sed nobis sacri codicis

con-

contextum acrius inspectantibus nulla adhuc reperta ratio est, cur in deserto crederemus aliquos periisse, qui nati ibidem essent. Illud constat, eorum omnium, quos ex Aegypto Moses eduxit, neminem, exceptis duobus, in Palæstinam venisse. Itaque, quod summus populi ductor Iosua, cum Iordanen transisset, Israëlitas denuò circumcidisse memoratur, id verò adeos pertinet, qui circumcisí nondū fuere, quia nati in deserto erant. Reperita tamen circumcisio dicitur, quia revocabatur mos, qui usurpatus olim in Aegypto, ac dein intermissus, postremo penitus abierat in desuetudinem. At Hieronymus præter rem hīc se fatigat, & nodum quaerit in scirpo, cum disputat, qualis ea fuerit circumcisio, quam repetiverit Iosua. Nam si juxta literam illud accipimus, inquit, penitus stare non potest. non enim excisa petticula iterum nascitur. Aliqua via elabendum fuit. in rebus creperis fortissima quæque consilia tutissima sunt; & capienda hīc præceps via est. Igitur, uti nobili aliquo facinore sese expedit, cultellum quendam Euangelicum fingit in hac iterata circumcisione; neque aliud hercle significari ait, nisi mundationem animorum. Est hæc non

non exigua hallucinatio. & tamen ipsi commentum placet. Cæterum , quod dixi eos , qui nati in deserto sunt , incolumes evasisse cunctos in Palæstina , conjectura modo nostra est. putamus enim , non assertimus. Si qui tamen interea temporis , dum intermittebatur circumcisio , mortui forte sunt , his non minus propitium fuisse credimus numen , quam illis , queis natura finem vitæ fecit antequam institutus solennis hic ritus esset. Idem de infantibus quoque judicandum est , quos dulcis vitæ exsortes , & à matris ubere ante octavam lucem raptos , abstulit atra fors. Quapropter ridicula est verporum hodie supersticio , qui pueros sic extintos , circumcidunt tamen apud sepulcrum. Quoniam omnia persequimur , (volumus quidem certe) dicendum est etiam , cur circumcisioni octavus sacratus dies sit. Nimis longe arcessitum est , quod plerique hinc de ætate octava ajunt , quæ vitæ æternæ redditura mortuos est. Mysteria ex rebus quibusque obviis & apertis effodere , eorum est , qui via hominum pervulgata sapere fastidiunt. Quæ res sæpe excidit in febriculosam putiditatem. Nos non inventionum acumen , sed rerum pondera amamus.

Cunctæ animantes, cum recens natæ sunt, quia brevem lucis usuram habuē-
ze, & incertum adhuc est an vita illis
vitalis sit, ante octavum diem vix in-
censu animantium æstimantur. ad
hoc, nondum spurcites diffuxit, quæ
ex utero illis, atque ex partu credita
est adhærescere. Ea causa est, cur ex
hoc genere mactari victimas sibi ve-
tuerit Deus, cui ingratum est, quic-
quid semiperfectum aut impurum est.
Extat edictum in Levitici capite vicesi-
mo & secundo; *Bos, ovis, & capra,*
cum genita fuerint, septem diebus erunt
sub ubere matris suæ. die autem octavo &
deinceps offerri poterunt domino. Igitur,
quoniam etiam circumcisio velut
quoddam solenne sacrum fuit, per
quod puerorum surgentem spem con-
secabant numini, plane oportuit hīc
eandem oportuni temporis legem es-
se. Placuit autem octavus dies, non ob
arcani vim, quæ in numero esset: sed
quia nec ante peragi sacer ille ritus po-
tuit, &, ut diutius differretur, haud
necessè fuit. Quod si dies post octa-
vum quivis alias ex parentum fuisset
delectus libitu, jam metus erat ne supi-
nitate hominum & socordiâ quotidie-
res in deterius iret. Ita enim fit in vitâ.
Primum prolatatio & ignaviæ quæ-
dam

dam dulcedo allubescit: mox contem-
ptio succedit atque neglectus. Neque
vero ipse sabbati dies , si octavus à na-
tali esset , exceptus fuit , quamvis ab
omni alio opere continerent tunc
manus suas Iudæi. Verba facit hac de
re ipse Messias in capite septimo Eu-
angelii , quod scriptum reliquit Divus
Ioannes. Quæ de circumcisione dicen-
da erant , persecuti pleraque sumus.
nisi libéret nobis Thomam Aquina-
tem & alios præstantissimos quosdam
scriptores refellere , qui circumcisioni
adhibitum à Tzippora & Iosua cultel-
lum ajunt , non ferreum , sed lapi-
deum ; eaque re significari Messiam ,
salutis auspicem , existumant , de quo
divus Paulus illud pronuntiat , *πέτρη
λίθος Χριστός.* petra autem erat
Christus. Sed nos ab hac porrigine un-
gues continebimus , cum possum in
laude commentantium sit , rebus illu-
stribus immorari. Cætera iis relin-
quenda sunt , qui palmarium petunt
ex ignobili labore.

C A P Y T . VI.

De religione Iudaorum. Cur Iudei nubium & incerti numinis cultores habiti olim sint. Quid illud in Petronii Catalechis sit, cœli auriculas advocare. Non esse id Cœlicolis dictum. Atheniensium calumnia in Socratem. Aras ignoti Dei apud Athenienses. Iudaorum inexpugnabilis constantia in unius numinis cultu post templum secundum.

ET si omnibus locis adest Deus, mortaliumque audire vota ubique potest; tamen edicto legis Mosaicæ sanctum est, uti, cum populus Hebræus in Cananæam pervenisset, una modo urbs esset, in qua sacra publica, privataque, atque omnes cæremoniæ pergerentur: illuc cuncti ex tribubus atque oppidiis suis ad religionum solennia convenirent: ibi primitias offerrent; Deum caste adirent; sancte vota redderent. Nos, quoniam de statutis Mosaicis quædam diximus, utique prætermittere jam hoc non possumus, quod maxime habuit necessitatem legis. Exstat illud edictum in capite duodecimo Deuteronomii, pertinuisseque ad solos Hebræos, quorum infirma mens ad cultum numinis facillime

cillime excitabatur , quum sacrificiis
solennibus non dies magis statim , quam
loca essent in quibus fierent . Religio-
num sedes hæc Hierosolyma fuit , post-
quam Silonem spreverat Deus . Et ini-
tio quidem tabernaculum quoddam
erat , quod præsentior insidebat numi-
nis vis . Tandem Salomo , rex sapien-
tissimus , auspicato inaugurateque
templum condidit immensæ opulen-
tia . Ibi altare , & arca cum insignibus
sacri fœderis erat : ad hoc , alia multa ,
quæ adjiciebant aliquid receptæ reli-
gioni . Quisquis desideria sua numini
exponere , quisquis vel opem ab illo ,
vel delictorum impetrare veniam vel-
let , is ad templi atrium accedebat .
nusquam magis propitius mortalium
preces exaudiebat Deus . In Ioannis
Euangelio Samaritana mulier ad Mel-
siam ait , ὡμεῖς λέγετε , ὅτι εὐ ιεροσο-
λύμπιος ἐστιν ὁ τόπος ὁ πατέρας δεῖ προ-
κυνεῖν . Vos dicitis Hierosolymus esse lo-
cum illum , ubi oporteat adorare . Et alibi
dicitur , ἀνθρώποι δύο ἀνέβησαν εἰς
τὸ ιερὸν προσκύνασθαι , ὁ εἷς φαρι-
σαῖς , ὁ εὐτελῶν . homines duo
adscendebant in templum uti adorarent :
unus Pharisæus , & alter publicanus .
Neque vero erant hac religione soluti ,
qui in dissitis locis vivebant , queisque

adire non contingebat sacram urbem. nam & illi, cum Deum adorabant, id quod unum in tali re fieri potuit, ad ædem Hierosolymitam se convertebant. aliter nefas erat. Daniel quidem certe, Babylone, cum ter in diem genibus flexis supplicaret numini, fenestras cænaculi aperiebat, locabatque se Hierosolymam versus. Ipse Salomo, in facro illo carmine, quo constructam à se pulcherrimi operis molem dedicabat, plane futurum spoondit, uti posteri ad templum sese obverterent, quoties aut ab hoste capti in alias terras abducerentur, aut malis afflitterentur extra patriam. Verba ejus luculentissima extant in libro primo Regum, in capite octavo. Est etiam apud Ezechielem infensus Dei sermo in eos, qui tergis sanctuario oppositis Orientem adspiciebant precantes. Quem locum eruditissimus Rabbi Iarchi interpretatus est perquam feliciter. Porro, templi adyta, præter summum sacerdotum, videbat nemo. Primus Romanorum Cn. Pompeius, cum ex Asia viætrices circumageret copias, debellatis in transitu Iudeis, templi penetravit intimos recessus. Ex illo tempore vulgatum est, inquit Tacitus, vacuam esse sedem, & inania arcana. Enim vero

vero tenuerat antea mortaleis opinio, esse intus numen aliquod, Apin, Ammonemve, aut Anubin, cuius nomen inter ipsos modo notum pronuntiari apud exterros profanosque fas haud esset. At postquam Pompeius, jure vitoriæ, adyta referavit, palam omnibus factum est, de nihilo esse tot sacra, totque cæremonias, siquidem neminem Deum præcipue colerent. Hoc voluit Cornelius Tacitus: ex cuius sententia illud Lucani est explicandum;

— *Et dedita sacris*

Incerti Iudea Dei.

Ab eadem fama jactatum vulgo in Iudeos est, esse eos nubium & cœli cultores. Certe apud Rabbinos, cum decem sint Dei nomina, in eorum numero השכינה habitatio ponitur & המקום locus, & השמיים cœlum. Quam usitata autem illis res esset, jurare per cœlum, non potest ignorare qui divi Matthæi verba legit in capite quinto, ubi istum morem reprehendit servator hominum Messias. Cæterum, non possumus hic assentiri Iosepho Scaligero, viro illustrissimo, cuius admirabilem in omni doctrinæ genere excellentiam jure veneramur. Is, cum apud veteres scriptores crebra sit mentio sectæ cuiusdam cœlicolarum, qui fuere

semichristiani Iudæi, de iisdem putat
loqui Petronium in Catalectis,

*Iudæus licet, & porcinum numen ad-
oret,*

*Et cœli summas advocet auricu-
las: &c.*

Quod secus est. pertinet enim non ad
hæresin quandam sectamve Iudæo-
rum, sed ad Iudæos cunctos. Neque
aliter accipi potest id, quod subji-
citur,

*Ni tamen & summas præciderit ingui-
ni nisi oras,*

*Et nisi nudatum solverit arte ca-
put,*

*Exemptus populo, ¹ graja migrabit ab
urbe,*

Et non jejuna sabbata lege premet.

Sancè fuit hoc commune convitum,
quod ridiculè confinxerunt Romani,
ut invidiam facerent Iudæis, quasi nil
præter aërem colerent, qui colere om-
nium aliarum gentium recusabant
deos. Sed non tunc primò id factum
est. Iam enim antea Athenienses quo-
que per summam malevolentiam, So-

¹ Legendum est sacrâ. vel, ut alii, gratâ.
sed prius mala.

cratis numina esse dixerunt nebulas,
& fluida elementa. Omnia, quæ Aristophanes in scena lusit, nihil nisi vulgi
voces fuerunt,

*ΩΣ δέωσος ἀναξ ἀμέτεντ' ἀηὲ, ὃς
ἔχει τὸν γλῶ μετέωρον,*

*Λαμπτός τ' αὐτὴρ, σερναί τε θεαὶ νεφέ-
λαι βρονθοσκέσσαντο.*

Et mox,

*Αὐτοι γάρ οἱ μόναι εἰσὶ θεαὶ, τὰ λ-
λαὶ δὲ πάντες εἰσὶ*

Φλύαροι.

Spernebat vir sapientissimus eos Deos, quos colebat civitas superstitionibus obnoxia, religioni adversa. Hoc cuncti cives ultum ivere putido maledicto. Dum isthæc de Socrate scribimus, aliud nobis in mentem incidit, sed quod magis ad propositum nostrum facit. Proprium & peculiare vitium fuit Atheniensium, laborare multitudine numinum: usque adeò profecto, uti etiam Israëlitarum verum illud & ineffabile numen colerent, sed nescientes. Aram enim posuere οἶνος τῷ θεῷ, ignoto Deo. De qua re extat narratio in commentariis Actuum Apostolicorum, in capite decimo & septimo. Vi-

dit hoc divus Paulus, & miseratus est. itaque juvit eorum inscitiam, & fidenti oratione in medio Areopago ad cives dixit, ὅτι οἴγνοσύτες δορθεῖτε, ταῦτα ἐγὼ μαζευγέλλω υμῖν. Quem vos ignorantes colitis, hunc ego vobis annuntio. Non sine ratione hoc dixit Apostolus. Etenim, cum appellationes amplius non poterant reperire numen, quæ colerent, colebant ignotum aliquod. quare cum nullus esset falsus Deus, cui posita Athenis non erat ara, restabat utihic unus, qui ἄγνωστος ignotus erat, eslet verus. Nam divo Paulo quidem, qui tales fuisse affirmat inscriptionem, magis credimus, quam Hieronymo, aliisque, qui de titulo nescio quid diversum tradunt. Iudaicæ religioni honorificum testimonium Tacitus, et si aliud agens, dedit, cum ista scriberet, *Iudei mente sola, unumque numen intelligunt, summum illud & aeternum, neque mutabile, neque interitum.* Non poterat grandius aliquid homo paganus dixisse. Habet hoc sacratissimæ religionis majestas. ornamenta sua etiam ab illis capit, qui contemnunt. Sed id tamen saepius factum est alia quadam ratione. Caius Agrippæ filius, Iudeam prætervehens, apud Hierosolymam non

non supplicaverat. Placuit numini, ut hoc, quod adolescens ex principe domo deliquerat, tota Roma lueret. quippe inopia, fames, & summa annonæ caritas urbem attrivit. itaque errorem suum Octavius agnovit, qui nepotem suum Caium collaudaverat. Certè admodum illustre pœnitentiae documentum ab Octavio datum ex Agrippæ regis oratione ad Caligulam colligimus, quam Philo recitat in libro de legatione. Ait ille, sacrificia Hierosolymæ quotidie supremo Hebræorum Deo facta fuisse de pecunia Augusti. Ita jusslerat is princeps, qui constantissimè per omnem vitam aversatus peregrinas cæremonias est. Nimis ridiculè faciunt, qui hîc in dubium vocant Agrippæ fidem. Etenim profectò homo Iudeus non impune tulisset tam futile mendacium, apud Caïum, & in eâ urbe, ubi recens adhuc omnibus hærebat memoria Octavii. Non minus præclarum est, quod de Alessandro Magno refert Flavius Iosephus, in Antiquitatum libro undecimo. Sed non libet nobis omnia recitare. Satius est persequi quæ suggerit Tacitus noster. Inter cætera illud est: *Iudei profanos credunt, qui Deum imagines mortalibus materiis in species homi-*

bominum effingant. Igitur nulla simula-
cra urbis suis, nedum templis sunt.
Putes Tacitum dedita operâ Romanos
suos stultitiae damnare. adeò gra-
vitatem asseverat, dum hæc dicit. At
in Plinio haud idem studium videas.
nam velut fauens publico errori illud
dixit, *Indæa gens, contumelia numi-
num insignis.* Sunt in libris Mosaicis
multa edicta, quibus idolorum veta-
tur cultus. Ne aurum quidem ido-
lis argentumve auferre fas fuit. Quan-
quam non potest violatæ legis reus
videri summus rex David, qui capi-
ti suo imposuit coronam Molochi.
quippe acceperat à Iethæo Philistino.
& purgatum jam erat vitium rei, quæ
dominum mutaverat, ac præda fue-
rat non hominis Hebræi, sed alienige-
næ. Sæpe infraetiam Iudæorum ad-
mirati virtutem sumus, quos Roma-
ni compellere non potuerunt, uti
imaginem reciperent Cæsaris. Sub-
egerat rerum dominus populus non
Iudæam modo, sed Asiam Africam-
que: & prolata jam tanti imperii re-
verentia ad illos quoque erat, qui
alium solem, alia sydera intuebantur.
Vna Iudæa aliquid negare ausa victo-
ribus est, qui auferre vi, quod non im-
petrant, solent. quippe potestas, now
modo

modo si invitet, sed etiam si supplicet, cogi. Primum experimentum tenacissimi propositi datum sub Tiberio est. Sed tunc id modo agebatur, uti in urbe locarentur statuæ. & cito destitit præfектus, cum non poterat hoc, uti erat cœptum, pertendere. Mox Caius etiam inferri templo voluit, & recusantibus minitatus extrema est. Accessit tandem numinis cœleste auxilium. quippe Petronius, qui provinciam tenebat, nuntium de Caïi morte multo ante accepit, quam eas literas, quæ tribus mensibus ante scriptæ, excidium jubebant sacræ gentis. Et sane significaverant hoc Caio Iudæi, malle se cum urbe penitus deleri, quam admittere, quod foret contra edictum divinæ legis. Tanta cupido glorioſæ mortis non in proceribus modo, sed in plebe quoque, atque in mulierum apparuit sequiore ſexu.

C A P V T . VII.

De vatibus, deque divino afflato. De Elia. An vates furore correpti, & mentis impotes fuerint, cum futura canerent? Montani dogma, & mulierculæ fanaticæ, quas instruxit ille. De Delphicis vatibus, deque impostura, & artibus, qua illi in usu. Ficta cum nomine

*mine colloquia. Hæreticorum veteres
doli: & de Valente Arrianorum duce.
De Esaia, deque Ieremia. Iudaorum
vesana opinio, Danielem vatibus non
esse annumerandum. Inutilis aliorum
contentio super ea re. Cratetis affectata
pauperies. Eliæ & Ioannis Baptista
comparatio.*

DVabus rebus, ante Messiæ adven-
tum, ad recta compellebatur sacer-
populus; legum sanctoribus, & ora-
culorum terrore. Itaque potissimum
sacri codicis partem cum edicta Mo-
saica, tum vatum scripta occupavere.
In divi Lucæ Euangелиo dicitur diviti
cuidam purpurato, *Habent Mosen &
prophetas. illos audiant.* Ac de legibus
quidem antea dissertatio nobis fuit.
nunc postulare res ipsa videtur, uti
etiam de vatibus aliquid dicamus. Va-
tes ii erant, qui iram numinis peccan-
ti populo denuntiarent; qui que mira-
cula ederent, & futuros rerum prædi-
cerent eventus. Inter vates insigniter
eluxit sanctitas & celsa quædam virtus
Eliæ, qui, uti Deum totum admitte-
ret, hominem exuerat: &, cum in de-
sertis locis duram atque asperam age-
ret vitam, ad civium cœtus non adi-
bat, nisi ut corrigeret. Eliæ vaticinia
pleræ-

pleraque, cuius generis fuerint, difficile dictu est. pauca duntaxat in libris Regum sunt, sed quæ de Messia nullum perhibent testimonium. Scripta illius, si quæ fuere, Achabus suppressit. Non enim extant in manibus hominum. Cæteri ferme, quos sequens tulit actas, oracula sua literis consignavere. Habent autem eorum libri tam infallibles prædictiones earum rerum, quæ multis post seculis contigerunt, uti non alio argumento magis defendi sacræ scripturæ debeat divinitas. Non ea scientia constare studiis, arte, aut præceptis potuit. quicquid dictum illic est, à numinis instinctu fuit. Zacharias quidem, Daniel, Ezechiel, quid aliud, quam cœli commercia habebant? Sæpe inter angelos esse se cernunt, loquuntur cum iis, populorum fata discunt. Ad summam, vere illis contigit, transilire mortalitatem suam. Atque hæc causa est, cur in libris eorum, sermo numinis ad eos ferme cum hac præfatione sit, *Audi, fili hominis.* periculum enim erat ne insolescerent, & caducæ sortis suæ fierent immemores. quicquid leve atque inane in animis est, inter res tantas atque tam inusitatas, sese extollit. Cæterum neutram est existimandum, fuisse vatum
men-

mentem extra se raptam, plane uti im-
pos sui esset, atque ut ipsi ea nescirent,
quæ loquerentur. *Spiritus vatum, ipsis
subjectus est*, ait divus Paulus. quod se-
cūs esset, si frēnos morderet, & re-
storem suum raperet, ferretque extra
rerum terminos. Celebre est illud Mes-
sia, *Multi vates cupierunt videre quæ vi-
detis, & non viderunt; & audire, quæ
auditis, & non audiverunt.* Sane desi-
derare non potuissent, quæ penitus
ignorabant. Res quidem præsentes
oculis cernuntur: quod illis non con-
tigit. at futuras mente intuiti sunt.
Ioannem omnibus prophetis majo-
rem ideo prædicavit Lucas, quod,
quem cæteri venturum cognovere, il-
le digito monstravit coram, dixitque.
Hic est. Hoc unum discrimen est. non
ecstasis in illis, non animorum aliena-
tio raptusve fuit. Montani delirium
olim hoc fuit, quod ille obtrudere
mortalibus nitebatur, uti fraudibus
suis nubem objiceret. Maximillam
enim & Priscam, mulierculas infanas
& bacchantes, velut in scenam addu-
xit, quæ in illo mimo partes secundas
tractarent. Furere, & incompositis
motibus agitari, eorum est, quorum
os rabidum fatigat impurus genius,
domatque corda & fingit premendo.

Etsi

Etsi hujusmodi homines sane omnibus seculis pauciores fuere, quam vulgo creditum est. Dolus plerumque, & impostura fuit. facile sub persona furor simulatur: facilius quidem profecto, quam mens sana. Vatibus Delphicis quæstui erant animi hominum superstitione capti. Habebant per omnem Græciam emissarios suos, qui res & fortunas cujusque discerent. mox consulti, respondebant cuique convenientia. Inerant tamen dictis latebræ, & poterat eventibus interpretatio appetari. Marcus Tullius, cum disputat cur jam pridem Pythii Apollinis cessaverint oracula, causam adfert verissimam, quia minus esse creduli homines cœpissent. Nam quod vetustate extinetam vim loci dicant, nihili esse, cum nulla vetustas vim divinam conficiat: ac Demosthenem vero, ante trecentos annos recte istud dixisse, *Pythium φιλιωπίζειν*. Non pluris fuerunt Ammonis responsa, Prænestinæ sortes, & alia de hoc genere. Atque in eundem ordinem igitur adscribimus Montani insanas fœminas. Fuere harreticis nimium usitatæ istiusmodi artes. Qui opinionum fingunt portenta, nunquam illis bene procedit inceptum, nisi adyocetur ex machina.

Deus. Arrianorum dux Valens , postquam persuaserat Constantio , fuisse sibi cum angelo sermonem , altius de hinc semet extulit , principisque abusus simplicitate ad sua libita est. Sed facebant illi. non enim id nunc agebamus. Inter eos vates , qui de Messia scripsere , per quam disertus est Esaias. oratio ejus erudita ubique , & maiestatis plena , facile ostendit , qua esset natus origine. Vir enim nobilissimus , & principum consanguinitate clarus , artes omnes scientiasque didicerat , quibus ingenia ad magnę fortunę cultum excitantur. Liber autem ejus non tam vaticinia continere , quam Euangelia videtur. Res esse pridem gestas , non futuras , putas. Ieremiæ omnis majestas posita in verborum neglectu est. adeo illum decet rusticā dictio multa ille effatus in Assyrios est , quos identidem per columbam designavit. quippe fuerat hoc Semiramidis נְסֵךְ אֶלְעָזָר symbolum , uti erudite censuit autor Iudaeus , cuius liber טַאֲרֵן extat hodie. Cæterum , vaticinandi virtute nemo praे Daniele est. docet enim quo tempore sit venturus Messias , & regum ediscerit sequentium seriem , annosque numerat ; &c , ne quid desit , etiam prænuntia addit signa.

Quæ

Quæ omnia ejusmodi sunt, uti Porphyrius, cui studium fuit isthæc eludere, nesciverit quo se verteret. quippe arguebat eum manifesta rerum fides. igitur ad calumniandum redactus est. quod ipsum adeo frigide fecit, uti cordatis hominibus gravedinem movebit & tussim. Defricanda hic nobis paulisper Iudæorum insulfitas est. Prodidit jam olim sanctissimus Hieronymus, Danielem ab illis non inter vates, sed hagiographos ponit. Mea sic est ratio, & sic animum induco meum, esse hoc ab illis perquam inepte factum; siquidem hercle tot & tam illustria sunt illius viri vaticinia. Et nuper quidem hæc res disceptandi causam dedit viris duobus hac ætate eruditissimis, cum vatem unus esse, alter haud sic sensisse Iudæos affereret. Quæ profecto contentio non est tanti. Ego, non quid fecerit olim vesana gens verporum, sed quam recte fecerit, id vero exquirendum arbitror. Quid autem affertur tandem, cur hoc laudemus? Ratio quidem aut causa nunquam à Iudæis exposita est. aut, si est, legisse me non memini nunc. At divinatur tamen, & conjectura fit, ut in re crepera. Nempe, audio, quia in aula atque in regum cultu ætatem egit: quia politicus

liticus fuit, & vatem professus non est. At qui nec professus hagiographum est. Et cur igitur illum hagiographis adscripsere? Vtique hoc friget. Iam vero, quæ res vetet eundem amicitia principum florere, & simul vatem agere, nondum intelligo. Ipsi Rabbini, Iudæorum columnina, vulgo illud ajunt,

שָׁאֵן הַכְבוֹאָה שָׂוֶה אֲלֵי אָדָם עִשְׂרֵנ

Prophetiam non recubare nisi super divitem. itaque suo se gladio confodiunt. & nos scimus, Davidem olim, aliosque, qui summum imperium tenebrent, res futuras sacro afflato cecinisse. Miseros vero vates, si nominis hujus honorem nemo tulit, nisi qui cum baculo aut pera ambularet. Apud Aristotelem Crates, ambitious sapientiæ affectator, paupertate & sorribus gloriatur illis verbis, *πόνηται δύναμις τὸ λίκιον ἔχει, θέρμων τε χοίνιξ.* *habet nescio quam vim pera, & lupinorum modius.* mendose profecto, me judice. et si ille veritus est peram quoque illam carmine celebrare, flexis leviter ad eam rem versibus Homericis, quibus nobilitata Creta est,

Πήρε τις γαῖ' ἐστι μέσων σὺν οὐρανῷ
τύφῳ,
Καλὴ γέγονται πάντες, κατέρριψεν Θεός δὲν
ἔχεσσα.

Tera

*Pera est tellus quadam in medio nigri
fumi sita,*

*Pulcra, pinguisque, & undique ma-
dida, sed nihil habens.*

scilicet, quasi illuvies sapientiam gi-
gneret, aut bonam mentem. pluris
erat una Creta, quam ter mille peræ.
Sed nobis fas haud est inter seria joca-
ri. Illud iteramus, solennia delirassem
Iudeos, cum Danielem ex eo ordine
eximerent, quem ille maxime hone-
stat. Nunc ad propositum reverta-
mur. Vaticinatus est Daniel in exilio
Babylonico, quemadmodum & Za-
charias, Aggaeusque, &c, qui postre-
mo hos sequitur, Malachias. Qui vi-
ri ubi decessere, omnino vaticinandi
illa vis apud Iudeos cessavit. donec
tandem Ioannes Baptistes prodiit,
qui Malachiæ longo sed intervallo
proximus fuit. Is simul & vatum ul-
timus extitit, & euangelisantium pri-
mus. Vatem certe fuisse, significatum
est verbis cantici, quod apud Lucam
pater grandius ore mortali sonat, καὶ
οὐ παύδιον ἀφέσθης οὐψίσ τελητή-
ση. ἀφεπορέση γέ τε ἀφεστελητή-
ση, επομέδουση οδός αὐτῷ. Tu ve-
ro, fili, propheta altissimi vocaberis. Eris
enim Domini anteambulo, uti viam illi
pares. Extat Malachiæ oraculum in

hæc verba editum, *Mittam vobis Eliam prophetam, antequam veniat dies Iehovæ maximus & verendus.* Eliam illum optimus oraculorum interpres Messias non esse alium, nisi Ioannem, indicavit. Est autem alteri alterius nomen commodatum à vate, propter summam, quæ inter utrosque est, similitudinem. Cinctura & vestis eadem fuit. Iesabelem ille, hic Herodiadem offenderat libertate increpationis. Vasta ambo & inculta loca, procul à mortaliū profana multitudine, habitare: plane uti profectum ab illis videatur pium & laudabile veterum Eremitarum propositum. Adde, quod idem numinis afflatus, & eodem pacto utrumque inflammavit. Neque illud vane dictum ab angelo est, *in virtute Eliæ venturum.* Messias quidem, cum in monte quodam, discipulis coram, in cœlestem quandam habitum se indueret, Eliam ad familiarem sermonem adhibuit, id quod apprime gloriosum fuit. cæterum, qui Ioanni datus ab eodem honos est, haud minor erat, negat enim quenquam hominem natum esse, qui eum antecelleret. Ita ille acerrimus rerum judex luculentum dedit testimonium ei homini, qui natus erat quidem omnium ultimus,

sed

sed tamen vaticinari ante cœperat, quam natus esset: qui integritatis exemplar fuit, totus innoxius, totus sacer: denique, cuius apud sepulcrum Paula, fœmina sanctissima, vidi quondam dæmones cruciari. Hieronymo enim, qui illud indubitanter affirmat, haud deroganda fides est.

C A P V T VIII.

De Cabala, sive de lege, quæ scriptis mandata non est. Quo pacto resecandi sint nodi, qui in locis parallelis latent. Quam sobrie utendum sit anagogis & mystica interpretatione. De Iudeis Karraitis, quorum factio præ ceteris cordata est, & fugitans ineptiarum. De opibus eorum.

Legem Iudæi duplēm habent, quārum altera scriptis mandata, altera autem verbis duntaxat edita quondam est. Et de ea quidem quæ scripta est, pauca quædam, quæ offerebant se se nobis antea, retulimus. Supereft Lex altera, hoc est, Cabala, sive ea doctrina, quæ licet à summo numine tradita sit, tamen in tabulas relata non est, ob hanc causam, uti plebs Iudaica, quæ tunc adhuc rudimentorum decurrebat spatia, arcanos sacrorum

voluminum sensus admiraretur potius, quam intelligeret. Didicerat Moses mystica quædam legis interpretationa- menta, dum in monte Choreb sermonem cum Deo sereret. Hæc post illum aliis data commissaque fuere, qui Spi- ritu sacro agebantur. Absit enim, uti nunc Cabalam appellem putida quæ- dam deliria, & nugas plus quam ani- les, easve expositiones, quas ante Chri- sti ævum, & diu post illud Iudæorum magistri quidam, febriculosi mortales, eeu mysteria alii aliis tradidere. Longè hoc aliud est. Ego veram Cabalam ap- pello, mysticum intellectum earum rerum, quæ in sacris libris latent. Is in- tellectus, cum antea penes vates fuisset, sed non vulgandus mortalium se- culis, tandem divino munere Aposto- lis & Euangeliorum concessus scripto- ribus est, uti, quod diu latuerat, publi- ca voce illorum proderetur universis. Itaque Cabalam, non cum vulgo eam dico, quam alii aliis tradidere, sed quam cœlitus acceperunt viri sancti. est enim *תְּבִיבָה acceptio*. Divus Palus, qui ad pedes Gamalielis federat, eaque di- dicerat omnia, propter quæ superbi- rent Iudæorum eruditissimi, tunc de- cum Rabbinicam didicit Cabalam; cum jam Apostolus factus, didicerat veram.

veram. nesciebat enim antea, τὸν κόμην
eivay πνολμανην, legem spiritualem
 esse. Danda est mihi paulisper opera,
 uti hæc manifesta sint. In Numerorum
 libro quædam de principibus & duci-
 bus, deque tribunis & centurionibus
 referuntur. Ea narratio historica est,
 neque aliter tunc eam accepere He-
 bræi. At D. Paulus sublimiore sensu
 illa verba intellexit, &, quod illis inest
 secretum, publicavit, cum ad Ephesios
 scriberet, *esse in cælis principatus, esse do-*
minationes, esse potestates atque virtutes,
 & alia ministeriorum vocabula. Etenim
 nefas sit, Paulum, qui sacra volumina
 accurate, si quisquam alius, perlegerat,
 quidquam dixisse, quod in illis scrip-
 tum non extaret. Non veremur nos
 h̄ic Hieronymum sequi, qui plane sic
 opinatus est. Verūm, age; proferamus
 alia quædam, quæ pluris sint. Certè il-
 lud confutari non potest, quod jam
 dicam. In Deuteronomii capite trice-
 simo, sapientissimus legislator Moses,
 extrema oratione, qua populum allo-
 cutus est, sic inquit, *Præceptum hoc*,
quod ego præcipio tibi hodie, non est occul-
tum à te, neque longinquum. non est in
cælis, ut dicas, quis ascendet nobis in cœ-
lum, & capiet illud nobis? neque est trans
mare, ut dicas, quis transfibit mare,

Et accipiet illud? propinquum est tibi verbum hoc valde, in ore tuo & in animo tuo, ut facias illud. Neinpe hoc ait, non esse Hebræis longe eundum, uti sciscitentur numinis voluntatem. quippe in medio eorum esse legem. Hæc omnia Divus Paulus in Epistola, quæ ad Romanos scripta est, in capite decimo, alioversum traxit, & de Evangelio interpretatus est. Ac primo quidem spectavit verba Mosis, quæ in Levitici capite decimo & octavo extant.

³ Itaque ait, Moses describit justitiam, quæ est ex lege, quod, qui præstiterit ea, vivet per illa. Hic simplici sensu verba legislatoris accipit, uti sonant. Subiicit dein alia ejusdem verba ex Deuteronomio, non præter mentem quidem ejus, sed longe tamen aliter, quam intellecta non dicam ab Hebræis, sed à cunctis mortalibus fuerant usque in illum diem. ² At, quæ ex fide est, justitia, ita dicit: ne dixeris, quis ascendet in cælum, aut descendet in abyssum? propterea enim verbum est in ore tuo, & in corde tuo. Hoc est verbum illud fidei, quod prædicamus. Valde errant, qui hic nihil nisi quandam esse verborum allusio-

nem

¹ In epist. ad Rom. cap. 10. v. 5. ² Ad Hebr. cap. 10. vers. 6.

nem arbitrantur. Duplicem enim esse justitiam Apostolus, autore Mose, ait, alteram ex operibus, alteram ex fide. Vnum testimonium legislatoris citat, יְהוָה שָׁמַע uti sonat: alterum Cabalice, מִרְאֵשׁ לְיְהוָה hoc est, ex sensu quidem Moses, sed mystico. nam postquam verba ejus retulit, addit,¹ *Hoc est verbum illud fidei, quod prædicamus. Nos hujusmodi expositionis modum etsi non intelligimus, tamen, quia à spiritu Dei est, rectum esse credimus & verum. Etiant in verbis, quæ extant in capite secundo Genesios, agnoscimus Cabalam.* Quod enim ibi dicitur, *relinquet homo patrem matremque, & adhæredit uxori,* ex illo ignotum mortalibus sacramentum revelat idem Apostolus, in capite quinto Epistolæ ad Ephesios: *mysterium hoc magnum est: loquor autem de Christo & de Ecclesia.* Plura ejusmodi in illo luculento scripto sunt. Est enim profecto Epistola ad Ephesios plena mysticis atque abditis sensibus, id illi singulare contigit. Cæterum haud credendum est, Cabalæ esse locum in solis legum libris. Latius enim ea res patet. Quidquid fatidici yatum libri, quicquid hagiographa continent, ejus est duplex significatio; una

¹ *Ad Rom. cap. 10. v. 8.*

nuda, quæ פְּשׁוֹת recte dicitur, altera
obscura latensque, quam vel גְּנוּהָ vel
רֹשׁ appellare licet, quia eruenda, ve-
stigandaque est. Vetus est Rabbino-
rum verbum אֵין טְקֻרָא יוֹצֵא מִידֵי פְּשׁוֹתָו,
אֲבָל יְשַׁׁלֵּם פְּשׁוֹתָו עַמְּדָרְשָׁו וְאַיְכָו יוֹצֵא
Sententiam duntaxat referre libet, ne nobis necesse sit ¹ Cap-
tacizari. Nusquam, inquit, scriptu-
ra est absque sensu simplici. sed habet pa-
riter, ut mysticum, ita & simplicem. his
duobus non est ut careat. In octavo Psal-
mo, de hominum excellentia agitur,
qui dominatum in cætera animantia
tenant, & prope modum dii sunt ter-
restres. At D. Paulus ² Davidem lo-
cutum ait de altero mundo, deque
Christo, qui illic rerum potitur. Ne-
mini istud post natos homines in men-
tem venisset. adeo diversa sunt. nunc
nihil indagemus ultra. expositio Ca-
batica est. hoc satis esto. Eadem arca-
na edocitus Matthæus fuit. Etenim
beatam virginem, metu Herodis, in
Ægyptum asportasse filiolum, & mor-
tuο rege rediisse ait, eaque re effectum
esset id, quod olim prædixerat vates,
Ex Ægypto vocavi filium meum. At-
qui

¹ Barbare loqui. ² Epist. ad Hebr.
Cap. 2. v. 5. & 6.

qui Hoseas , quidquid se versant fatigantque eruditii quidam interpretes , non de Messia , sed de populo Israëlico locutus illic est , quem eduxit ex Aegypto quondam Deus , quemque filium suum non semel alibi , & primogenitum appellat. Itaque expositio , quæ apud Matthæum est , tota est mystica & Cabalica. neque aliter profecto existimandum est , nisi vim facere apertæ orationi , aut fingere ipsi nobis quasdam chimæras volumus. Nihil nobis facilius esset , quam illud multis argumentis evincere. Sed breves esse laboramus. Profecto , nulla res omnibus cordatis viris plus negotii facessit , quam recta interpretatio testimoniorum , quæ ex lege & vatum ex libris in sua scripta transtulere Apostoli. quippe multa aliena videntur atque omnino usurpata præter mentem Mosis atque vatum. quæ qui defendere alia via , quam ista , student , frustra sunt. Et tamen haud ignave jam ante à præclaris viris elaboratum est , uti consonare omnia & quiddam habere convenientiæ inter se atque similitudinis viderentur. Sed pace eorum dixerim , non explevere nobis animum. Nam qui hæc nihil nisi allusiones esse quasdam volunt , næ illi haud intelligunt

sc ni-

se nimis frigide excusare Apostolos. Cur enim citant Mosis & vatum verba? nempe, si verum amamus, ob hanc causam, uti fidem faciant suis scriptis. At quam fidem facient, si mala fide usurpent authorum dicta? denique, si sensum eorum aut torqueant, aut, quod pejus est, pervertant? Adeo, quod ipsi profitentur plerumque, se illos testes citare, &c, factum esse illud, quod illi quondam vaticinaverant. Bene atque in tempore jam ante dixi, clausum usque in eam diem fuisse sacræ scripturæ librūm, cuius signacula solvit leo ille de tribu Iudeo. Hoc iterandum fuit. Scitum est istud, *δις καὶ τεῖς τὸ ιχθὺον, bis & ter repetatur quod pulchrum est.* Enimvero, leo ille, Messias est, qui divina vi atque quadam inspiratione Apostolis dedit mysticum intellectum earum rerum, quas nemo quisquam assicutus fuerat. Nos ea, ad quæ mens nostra imbecilla haud ascendit, sola admiratione veneremur: &c, quoties causas rationesque istiusmodi probationum non cernimus, dicamus, Cabalam esse, non illam ineptam Iudeorum, sed hanc, cuius author Deus est. Hoc unum asylum superest, ad quod confugere licet. Secus, nodos video inextricabiles, & implexa

implexa ænigmata , quæ dissolvere
haud opis est nostræ . sed nec in alio
quopiam esse eam ingenii vim opinamur . Diximus de mystica interpreta-
tione , quod sentiebamus . sed addimus ,
haud promiscuam eam esse , nec plu-
rius , sed stare suis finibus . stat ea , in-
quam , intra Apostolos & Euangeliou-
rum scriptores , quorum sunt com-
mentationes Ἱερόνυμος . Nam quod
postea sancti Ecclesiæ antistites idem
illud imitati sunt , alia res est . nullum
enim eorum inventum probare cogi-
mūr , nisi probe nobis ejus intellecta
ratio sit . Ad Cabalæ divinitatem opus
est , uti in hominis peccatus vis cœlestis
descendat . Non potest res tanta stare
sine numine . Origenes , maximus sane
vir , in anagogis tantum sibi permisit ,
ut modum excederit , neutiquam ve-
recunde . at Augustinus & Hierony-
mus pudenteriores fuere . quare , ut nul-
la eorum commenta autoritatem
obtinent sacram , ita sunt pleraque ta-
men pulcherrima . Vel illud Hierony-
mi quam luculentum est , quod ideo
referam , quia ad legis arcana , de qui-
bus diximus hætenus , pertinet . Disse-
rit super Matihæi verbis , quæ sunt in
capite vicesimo & septimo . *Velum tem-
pli scissum est in duas partes , à summo us-
que*

que deorsum. Iuxta anagogem dicendum est, inquit, quod in clamante Iesu & emitente spiritum, velum templi scissum sit, & omnia legis revelata sint mysteria, ut, quæ prius recondita tenebantur, universis gentibus proderentur. In duas autem partes, in *vetus* & *novum* *testamentum*: & à summo usque deorsum: ab initio mundi, quando homo conditus est, & reliqua, quæ facta in medio, sacra narrat *historia*, usque ad consummationem mundi. Et querendum, quod velum templi scissum sit, exterius, an interius? Mihi videtur in passione domini illud velum esse consciatum, quod in tabernaculo & in templo foris possum fuerat, & appellabatur exterius: quia nunc ex parte videmus, & ex parte cognoscimus. Cum autem venerit quod perfectum est, tunc & velū interius dirumpendum est, ut omnia, quæ nunc nobis abscondita sunt, *domus Dei* *saecula* videamus. Hæc & erudita sunt, & pie excogitata. Sane pleraque de hoc genere, quæ priisci Patres scripsere, plus genii habent, quam Iudæorum argutiae. qui tamen homines, plurima cum habeant eruditiois præsidia, nihil intentatum reliquerunt. Nimium ineptiunt plerique, qui inter eos interpretati legem sunt, superciliosi magistri, qui errores erroribus tegunt, ne perpluant, & discipulos

los suos magna mercede unum hoc docent, *Nihil sapere*. Qui plurimos sui similes, hoc est, putidos & nugatores effecerint, ii primas tenent, & nomine admodum insolenti sese appellantur. *טַרְבִּיצֵי תּוֹרָה*, quasi tu barbare dixeris, *Qui efficiunt uti lex recubet*, hoc est, quiescat inter eos, & sedem habeat in sola gente Iudaica. Est tamen eorum factio quædam cordatior. ii sunt Karaitæ, qui spretis hominum placitis, Talmudica præcepta pro nugamentis habent, & nihil admittunt, nisi sacri codicis contextum. Sed id hominum genus cæteris Iudæis invisiſſimum est. Itaque, cum sint oppido pauci, sed ad unum omnes ditissimi, filias suas cum dote summa vix dare nuptum queunt. Hoc, quia ab aliis proditum jam est, non referrem, nisi persæpe nobis movisset risum. Profecto usque adeo bonam mentem ejuravere putidissimi mortalium, uti malint pecuniam, rerum reginam, spernere, quam foecrum habere non ineptientem.

C A P Y T IX.

*Quid de Meſia perceptum cognitumve
habuerint Hebræi in veteri Ecclesia.
Tota res illa diligentius excussa. Quam
pravo*

pravo more omnia ad artem & ad formulas adstringantur.

IN superioribus libris, cum Iudeos, post Messiae adventum, spretos post-habitosque à numine diceremus, demonstravimus causam ejus rei fuisse summam illorum incredulitatem. Et sane quæ potuit esse desperatione perversitas, quam quod oculis ipsi suis, suisque auribus fidem haud habuerint, cum aderant jam non rerum testimonia signaque, sed res ipsæ? Vtique hoc vindicandum ultricibus pœnis fuit. Nunc libet nobis postliminio regredi in ea tempora, quibus Messiae beneficia per imagines modo figuratae, atque per vatum prædictiones significatae quondam Hebræis sunt. Enimvero, cum insint in oraculis arcani sensus, cumque oppido arduum sit mortali-bus res futuras, nedum earum umbras, intelligere, diu illud inter homines eruditissimos disceptatum est, quid de summo salutis auspice speraverit olim credideritve antiquior illa Hebræorum natio? Habet ea res magnum momentum ad rectam interpretationem totius sacri codicis. adeo late patet illius ambitus. est enim ubi Divus Paulus quædam diversa dicere videtur.

videtur. atque eadem est velut discrepantia species in aliorum scriptis. Itaque excutienda hæc nobis sunt, haud sane in transcurso. Iuvat enim interdum philologorum spatia relinquere, & in his consistere, quæ sunt sublimioris contemplationis. Eatur, quo nos rerum magnitudo vocat. Nisi semel statuerimus, quod consilium in illis sequamur, semper æstuabimus. Dignus hic vindice nodus est. Et opiniones quidem aliorum non percensebimus. positæ enim in magna varietate sunt. & præterea, nemo dixit quod penitus placeret. Nos nihil cuiquam detrahentes, medium quandam secutrationem, patenti via pergemus ad verum. Ac primo quidem de patriarchis deque vatibus dicamus, quos animi sui fiduciam in Messia posuisse, scienciamque habuisse summi mysterii, utique scimus pro certo. Tantæ rei cognitio, quoddam beneficium singulare fuit, quod numinis quidem favor illis tribuerat, sed omnibus haud ex æquo. Minus enim clare hoc quidam sciverunt, et si sciverunt tamen. Inter omnes, qui per illa tempora vixerent, nemo fuit quisquam, qui plus crediderit, quam Abramus. Itaque de illo per quam magnifice ait istud servator hominum,

minum, Abraam pater vester gestivit ut
videret diem istum meum: & vidit, ac
gavisus est. Quid potest pulchrius ex-
cogitari? Agitabat ille animo omnia
magna atque excelsa: sed munimenta
non habebat, quibus insisteret. orbi-
tas enim ejus, quia sine liberis erat,
spernebatur. Id angebat viri animum.
Audavit vota ejus propitius Deus, &
progeniem illi pollicitus est, quæ late
regnaret. at ille statim hinc altius ali-
quid meditatus est, & fore intellexit
ut ex se Messias oriretur. ita enim di-
vus Paulus ^I interpretatur, Abraham
dictæ sunt promissiones, & semini ejus.
Non dicit, Et seminibus, ut de multis: sed
ut de uno, Et seminituo, qui est Christus.
In eodem ordine Iacobum, Davidem,
atque alios quosdam, sed paucos, lo-
camus. Quæ cæteris contigit ejusdem
rei cognitio, obscurior fuit. idque si-
gnificatum est illo Messiae dicto, quod
antea quoque citavimus, Multi vates
& justi cupiverunt videre, qua videtis, &
non viderunt. Utique, quem venturum
sciebant, cernere desiderabant. Hæc
fides illorum fuit. Desideravit & Abra-
mūs. Hoc inter eos commune erat. At
diversitas in eo est, quod vidit ille, quæ
videre

^I Ad Galat. cap. 3 vers. 16.

videre cæteris haud datum est. *Abraam cupit videre, & vidi, latatusque est.*
 Hæc Abrami felicitas profecto non
 vatum modo, sed angelorum quoque
 excessit sortem. De qua re nos certos
 facit divi Petri isthæc oratio.¹ *De qua
 salute inquisiverunt prophetæ, scrutantes
 in quod vel quale tempus prænuntius ille,
 qui in ipsis erat, spiritus Christi, declara-
 ret eventuras Christo perpeſſiones, & glo-
 riā illas consecuturam. quibus patefa-
 ctum est, eos non sibi, sed nobis ea admini-
 strare, quæ nunc annuntiata sunt vobis, in
 quæ desiderant angeli introſpicere.* De his,
 qui sanctæ gentis capita fuere, qui que
 futura vaticinati sunt, ita habendum
 est, uti diximus. Atque id neutiquam
 obscurum est. At multitudinem &
 vulgus piorum si cogites, jam exquisi-
 tiore opus oratione est, uti expediās
 quid crediderint. Nobis haud commit-
 tendum est, uti ullo pacto sequi videa-
 mur quosdam delirantium ſectarum
 duces, homines vaniſſimos & ſpiritu
 vertiginis actos, quorum opinio est,
 non esse Iudæorum plebem transmis-
 ſam in eum rerum ſtatum, in quem
 pios cunctos vindicavit Mefſiæ virtus.
 Plane enim contra ſentimus. Certum
 est,

¹ In i epift. cap. 1. v. 10.

est, indubitatumque, quod Apostolus ait Hebræis suis, in capite nono, ob id novi fœderis mediator est, ut morte intercedente in redemptionem earum prævaricationum, quæ fuerant sub priore testamento, promissam aeternam hereditatem acciperent, qui vocati erant. Enimvero ait expiatum esse, quod ante deliquerunt Iudæi. Neque alio pertinet, quod scribitur ad Galatas, in capite tertio, *Antequam venisset fides, sub legis præsidio tenebamur, conclusi in eam fidem, qua erat revelanda.* Hæc negare, id vero es- set ad summum recordiæ venisse. Non sumus tamen imprudentes. Scimus illis obtigisse cœlestia bona. Sed de fide eorum, dispiciendum amplius est. Age igitur, primo consideremus, an non potuerint illis hæc omnia obtingere etiam sine sacra fide? Mox, ubi hoc palam fuerit, reliquum erit, uti &c, si se in illis aliquam fidem, & cuiusmodi ea fuerit, ostendamus. De priori capite sic statuimus; etiamsi multitudo nihil cognitum perceptumve habuisset de Messia, nihilo tamen minus cœlestem beatitudinem dari illis potuisse propter patriarchas, qui Messiam mente intuiti sunt, & fœderis hanc promissionem accepere à numine, *Ego Deus vester & posteritatis vestra.* Hinc persæ-

persæpe Israëlitæ in sacro codice, cum
veniam ab irato Deo, & insuper ma-
gna impetrant beneficia, cœlesti voce
monentur, uti hoc totum acceptum
ferant majoribus suis, Abramo, Isaco,
Iacobo. Creber ille sermo est in Penta-
teucho, & in vatum scriptis. Porro
fœderis illius, quod cum patriarchis
sanctum diximus, sponsor Messias
fuit, qui ob eam causam à vate appella-
tur *angelus fœderis*. Quare, quod si mul-
titudini Israëlitarum data sic salus es-
set, propter Messiam data esset, pro-
fuissetque hoc illis, quod majores eo-
rum tantis pròmissis quondam habue-
rant fidem. Et vero, qui hoc diceret,
nihil faceret insolenter, siquidem
etiam bene esse infantibus illis existi-
mamus, quorum nascentia fata mors
abruptit in vitæ limine. valet enim
illis ad salutem pietas parentum, us-
que adeo certe, uti divus Paulus dicat,
liberos, qui nati ex altero parente im-
pio sunt, sanctos tamen esse propter
alterius fidem. Locus est in epist. I. ad
Corinth. in c. 7. *Maritus incredulus*
*sanctificatus est in uxore, & uxor incre-
dula sanctificata est in viro.* alioqui certe
liberi vestri impuri essent. nunc autem,
sancti sunt. Non ignorœ equidem, ex-
tare scripta gravissimorum homi-
num,

num, qui in infantibus, uti captus eorum est, inesse quandam sacræ fidei vim tradunt. Sed hoc tam fatuum est, ut flagris castigari dignum sit. Apostoli enim vox est, ¹ ὅπη μίσις εξ αὐτῶν, ex auditione fidem esse. addamus nos, etiam ab assensu. Agant vero illi, quorum est istud delirium, & memoriam pueritiae suæ, quoad possunt, repetant ultimam. Sane haud dicent se vel illo tempore, cum inter æquales primulum ludere inciperent, quicquam magnopere compertum habuisse de summo religionis mysterio. aut, si dixerint, tum vero mihi incedant cum manicata tunica. Ita decet profecto. nam ab incunabulis sapiunt. Cæterum, haud abs re est, quod Israëlitas cum infantibus composui. Causa enim, cur numinis jussu in Arabum desertis per Mosen lata lex sit, hæc fuit, uti religionum ritus quidam cæremoniæque extarent, iisque se elementis infans solaretur populus, donec in terras venisset promissus majoribus ipsorum Messias. Præclare divus Paulus ad Galatas ait in hunc modum: *Lex transgressionum gratia addita est, usque dum venisset semen illud, cui facta est promis-*

¹ Ad Rom. 10. v. 17.

promissio. Et paulo post: Lex nos, velut pueros, manu duxit ad Christum. Sed apertissime, in cap. 4: Nos, cum essemus infantes, sub elementis mundi eramus in servitutem redatti. Ea elementa ibidem infirma & egena appellantur, quæ relinquere, & solidam veramque doctrinam capessere jussi sunt mortales, cum Messias venisset. quippe scriptum alibi est, Mortui cum Christo estis & defuncti elementis mundi. Quare, qui hodie supersunt Iudæi, non amplius pueri sunt, nec sub pædagogo vivunt. Atque adeo, non pertinent nunc ad eos illa beneficia, quæ olim rudi infantique plebi propter maiores dari potuisse diximus. Venit enim ille dies, qui virile quiddam atque consummatum ab illis requirit. Ex his, quæ retulimus, constat, fœdus olim duplex fuisse. Alterum cum patriarchis factum est, idque sancivit Deus promissionibus, quæ de Messia sunt. Hinc illa sunt in epistola ad Galat. ¹ *Abrahamo dictæ sunt promissiones. pactionem autem confirmatam ante à Deo respectu Christi, Lex post annos 430 lata non facit irritam, ut aboleat promissionem. Et in commentariis Actuum Apostolicorum dicitur, Nos vobis, lata*

Z

portan-

¹ In cap. 3, vers. 16. & 17.

portantes, annuntiamus eam promissio-
nem, quæ facta Patribus est. Alterum
fœdus cum multitudine pepigit Deus,
sanxitque legislatione. In eo fœdere
pariter, uti in priore, promissiones
quasdam fecit Deus, sed earum rerum,
quas ideo desperabat populus, quia vi-
vere ex legis præscripto non poterat.
Conanti enim officiebat naturæ infir-
mitas. Itaque quod scriptor Epistolæ
ad Hebreos ait in capite octavo, *Chri-*
stus excellentius ministerium sortitus est,
quo præstantioris est fœderis intercessor,
quod præstantioribus promissis sanctum
est: sane illic novi testamenti pactio
non componitur cum fœdere, quod
datum patriarchis est, sed cum eo,
quod diu postea sanctum lege est. Lo-
cus ille obscurissimus est, & nisi com-
mode sic, uti jam subjiciemus, expli-
cetur, tenebras offundet sacræ scriptu-
ræ. Enimvero ita res est. Novi testa-
menti tabulæ haud promittunt res
meliores, quam olim promissæ patri-
*archis fuere, neque *novum* dicitur te-*
stamentum, quasi veterem pactionem
cum Abraham factam abroget, sed
quia illius vi aboletur alterum illud
fœdus, quod cccc xxx annis post prio-
rem pactionem sanctum legibus est,
in quo promissiones quidem fiunt po-
pulo,

pulo, sed quas *deteriores* appellat Apostolus, quia conditionem illis adjecebat legislator, quam præstare nemo poterat, *Qui fecerit ea, vivet in eis.* At de Abrahamo, cui in priore pactione promissus Messias est, ait sacer spiritus in Genesi, *Credidit, & justus habitus est.* Hæc cum hunc in modum de priori illo capite dici perquam probabiliter possint, pergamus ad alterum, problemusque fuisse olim quandam fidei vim in multitudine piorum. Ac primo quidem, quæ in universum vulgus Israelitarum credere necesse habuit, ea ferme istiusmodi sunt; Dei virtute res posse maximas & admirandas perfici; certa esse illius promissa: colendum illum non vultu & fronte, quibus simulatio facillime sustinetur, sed animi obsequio: eam gloriam, eas opes esse pulcherrimas. Plura ejus generis referri queunt, cum ejus rei multæ sint magnæque affinitates. Sed nos nullis terminis eam circumscribimus. Ridicula superstitione est, de definitionibus semper sollicitum esse. Quædam enim haud recte limitantur. Ita rerum indoles fert. Profecto doctores umbrati, qui omnia in formulas includunt, saepe in arctum desiliunt, unde pedem referre haud sinit pudor, & incepti

lex. Hinc discordia, iræque, & nulla modestia contentionis. Apostoli & Evangeliorum scriptores, si brevi usura lucis ad mortalium cœtus redirent, mirarentur ad libros suos interprestandos tot esse analyses methodosque, & ex sophistarum nugis tot insanæ moles convectatas. Divina quædam res est in eorum scriptis. horrida illa simplicitas, quam olim tanto quisque felicius fecutus est hercle, quanto proprius tempora illorum attigit. Nunc, in hoc mundi senio, postquam intra famelicæ artis spatia sterimus, levibus atque inanibus præceptis effectum est, uti corpus divinæ sapientiæ enervaretur & caderet. Sed non est hic nobis declamandum. Ad fiduciam illam, quam in universum ponere in Dei virtute promissionibusque debuit gens Israelitica, pertinent verba disertissima Divi Pauli in epistola ad Hebreos, aut quoconque nomine appellandus ^{is} author est, qui epistolam scripsit ad Hebreos : ¹ *Nobis euangelizatum est, sicut & illis. Sed non profuit illis audiens sermo : quippe qui fide contemperatus non fuerit apud eos, qui audierant. Oratione usus est haud admodum adstri-*

cta.

¹ cap. 4. v. 2.

cta. Nam , si veteres Israelitas spectes,
 Euangelium appellat , promissio-
 nem quietarum sedium , quas in Ca-
 nanæ sibi fore intellexerant ii , qui
 cum Mose Ægyptum reliquerunt. Illis
 autem sedibus plerique haud potiti
 sunt , hanc ob causam , quia in vastissi-
 mo deserto , inter varios casus , rerum-
 que inter discrimina , identidem in
 querelas quasdam & feditiosas voces
 erumpebat incauta mortalitas , neque
 durare fortiter , aut semet rebus serva-
 re lætioribus poterat. Paulo ante ¹ di-
 xit divinus scriptor , *Quibus autem ju-
 ravit , non ingressuros eos in requiem , nisi
 iis , qui non obedierant ?* Nimirum hoc
 ait , exclusos fuisse eos , qui immorigerè
 fuere. Itaque fides , de qua ibi sermo est ,
 fuit obsequium : incredulitas autem ,
 contumacia erat & inobsequens ad-
 fectus. Sed incredulitatis illius indeles
 manifestior est in illis verbis , quæ ibi-
 dem ² scriptor epistolæ recitat ex Psal-
 mo nonagesimo & quinto : *In deserto
 tentaverunt me patres vestri , probave-
 runt me , & viderunt opera mea quadra-
 ginta annis. quapropter infensus fui natio-
 ni isti , & dixi : semper errant corde , ne-*

Z. 3

que

¹ Hebr. cap. 3. vers. 18. ² Ad Hebr.
 cap. 3. vers. 9. & 10.

que cognoverunt vias meas. Rursum vero ibidem, atque ex eodem Psalmo, alterum quendam melioremque eruit euangelismum: cui quisquis fidem haberet, is non Cananææ sedes animo contemplaretur, sed æternam cœlestemque quietem, quam non Iosua, sed Messias, summus rex, suis civibus conficit. Hoc est¹ in illis verbis, si Iosua eos in requie collocaisset, nequaquam de alio posthac die locutus fuisset. itaque reliquus est aliquis sabbatismus populo Dei. Enimvero ait eos, qui Iosua duce in Cananæam venerunt, tamen propterea non frui cœlesti requie. Atqui jam dixit eos per fidem venisse in Cananæam. Ex quo profecto palam fit, fidem eam, quæ in Messiam est, haud ex omni parte eandem esse cum ista, quæ in universum Dei adhibetur promissionibus. Certe quidem ipse Moses prohibitus tranquillis Cananensium sedibus est, quia numinis diffidebat virtuti, cum saxum feriret. Hæc fuit mera incredulitas, & expresse id scriptum est in capite vicesimo Numerorum. at idem tamen ille quantam spem in Messiæ meritis habuerit, discimus ex illis verbis;² Moses majores divitias arbitra-

¹ cap. 4. vers. 8. ² cap. 11. vers. 26.

arbitratus est probrum Christi, quam Aegyptiorum thesauros : conciiciebat enim oculos in mercedem, quæ sibi daretur. Itaque quidquid de veterum Israelitarum incredulitate in capite tertio & quarto dicit Apostolus, id vero caute accipendum est. Monet enim sui seculi Hebreos, magnopere providendum esse, ne illis ad capessenda bona cœlestia obfit sua incredulitas, quoniam profecto majores eorum, postquam Deum irritavissent, exclusi fuere beata illa regione, quæ meliorem hanc cœlestemque patriam figurabat. Hæc est simplicissima interpretatio illius loci, ex quo nunquam fore speraveram uti me expedirem. Omnis iste sermo nihil aliud nisi levitatem vanitatemque Hebreorum significat, qui in Arabum desertis, vitio humani ingenii, sæpe lapsi graviter sunt, & mala sibi sua accersivere.

Quanquam haud fuit sane majus animi robur in illis, qui terram promissam intraverunt, quique sacra illuc & religionum transtulerunt cæremorias. Extant de eo populo querelæ numinis adeo multæ, uti in vatum libris utramque paginam faciant. Vtique, si omnia persequi vellemus, magna nos circumflueret rerum copia. Sed breviter rem edisserit Sulpicius Severus, epi-

scopus sanctissimus, &c., Augustino ju-
dice, vir doctrina atque sapientia pol-
lens. Ejus verba, quia elegantissima
sunt, huc transcribam. Semper Hebræi,
inquit, in secundis rebus immemores cæ-
lestium beneficiorum, idolis supplicabant:
in adversis, Deo. Vnde, cum reputare in
animo soleo, populum tot beneficiis Dei ob-
ligatum, tot cladibus, cum peccaret, coer-
citum, expertumque & misericordiam &
severitatem Dei, nequaquam fuisse emen-
datum, & cura semper veniam erroris ac-
ciperet, semper peccasse post veniam: nihil
mirum videri potest, Christum ab his non
esse receptum, cum jam inde ab initio to-
ties in dominum rebelles deprehendantur.
magisque mirum est, illis semper peccan-
tibus, nunquam Dei, si quando eum im-
ploraverunt, defuisse clementiam. Satis
diximus de fide, quam in universum
Dei verbis commodare vetus Hebræo-
rum debuit populus. Nunc tandem,
quod caput rei erat, etiam illud dici-
mus, plebem piorum olim, antequam
Messias venisset, de Messia quiddam
certum cognovisse atque credidisse. Id
demonstari paucissimis quidem testi-
moniis, sed demonstrari tamen potest.
In capite quarto Euangelii, quod scri-
ptum à Ioanne est, muliercula Sama-
ritana ex communi & recepta pridem
homi-

hominum opinione, Messiā, quem venisse ignorat, sic affatur, *Novimus Messiam venturum, cum venerit ille, omnia nobis annuntiabat.* Erant Samaritani residua pars Israelitarum, quos à Iudeis olim Hieroboamus avulserat. itaque ignorare non poterant quod vulgo cuncti Hebræi super hac re senserunt. Luculenter Apostolus in capite undecimo epistolæ ad Hebræos, fidem eam describit, cuius vim ingentem in omnibus piis fuisse ait. Ejus descriptio est istiusmodi, *fides est illud, quo extant, quæ sperantur, & quæ demonstrat, quæ non videntur.* Subjicit ex hinc, ob hanc eloquio ornati sunt prisci illi. Post hæc, omnis ævi fastos percurrit. Fidei autem hujus laudem non summis modo populi ductoribus, sed plebi quoque Israeliticæ tribuit, quæ Dei iussis obsecuta, Aegyptum reliquit. ait enim: *per fidem transiverunt rubrum mare, velut per sicciam terram.* Sane non possumus cogitare populum illum corpori tantum & sensibus fuisse deditum, cum eadem fides illi adscribatur, per quam alii heroes, qui in illo capite recensentur, Messiam & cœlestia contemplati sunt. Extat hercle ibi¹ illud quod de,

¹ In Epist. ad Heb. cap. 11. v. 26.

Mose jam recitavimus, qui divitias pustavit esse probrum Christi. Et de aliis ibidem dicitur, Secundū fidem mortui sunt isti omnes, eminus promissa conspicati, ac professi se hospites & advenas esse in terra. meliorem enim patriam expetebant, hoc est, cælestem. De Iosepho quoque illud ibidem haud de nihilo est; Per fidem Ioseph moriens de egressu filiorum Israel meminit: deque ossibus suis mandavit. Enimvero sciebat ille fore, uti in Cananensium sedibus olim Messiae infanta vagiret. itaque quiescere illic sua ossa voluit. Alioqui valde hæc profecto inepta solicitude fuisset hominis sapientissimi. Quid enim interest quo loco sepeliare, cum nec illud tua interficit, an sepeliare? Semel hoc beneficium dedit morientibus Deus. cœlo teguntur, quos urna non tegit. Mæcenas, cætera vita mollissimus, hoc unum viriliter dixit,

*Nec tumulum curo: sepelit natura
relictos.*

Nondum illud retuli, quod amplissimis verbis de plebe Israelitica scribit ad Corinthios D. Paulus;¹ patres nostri omnes eandem escam spiritualem ederunt, & omnes eundem potum spiritualem biberunt.

¹ In I. epist. cap. 10. vers. 3. & 4.

berunt. bibebant enim ex sequente spirituali petra. petra vero erat Christus. Etiam, quæ sequuntur mox, sine piaculo non possunt omitti: Ne tentemus Christum, sicut quidam patrum tentarunt, & à serpentibus perierunt. Iam pervenisse ad calcem videbamur, cum incidit in mentem nobis, nondum rem omnem nos enodavisse. Etenim extat Divi Pauli oratio ad Corinthios, quæ confutare id omne videtur, quod haec tenus dictum à nobis est. Verba sunt; ¹ Moses imponebat velamen faciei sua, ne intuerentur filii Israel eis τὸ τέλος ἡ ἀργυρός, in finem ejus, quod aboletur. Iam dubium neutiquam est, quin velamen Mosis, cæcitas sit Iudeorum. τὸ ἡ ἀργυρόν, est lex, cuius vis nunc cessat. finis autem ἡ ἀργυρός est Messias. de quo scribitur ad Romanos; ² τέλος νόμος Christus, finis legis est Christus. Sed profecto hæc res nullum momentum trahit, neque causæ est, cur sententiam mutemus. Non enim ait eruditissimus Apostolorum, Iudeos nihil de Christo cognovisse: sed hoc vult, nescivisse eos quodnam fuerit Dei consilium, cum legem ferret. Lex

¹ In 2 epist. cap. 3. vers. 13. ² In cap. 10. vers. 4.

ret. Lex enim cæmoniæque omnes Christum spectabant. idque erat mysterium admirabile , & quod Iudæi de plebe olim haud intellexere. & tamen venturum Messiam , atque res lapsas fessasque restauraturum didicerant cuncti, ex vatibus utique, non ex lege. Hæc nos, quæ in sacro codice observavimus de re intricatissima , ingenue sic publicare neutquam veriti sumus. Diximus autem neque omnia , neque nihil. De singulis operose disputare , atque argutias serere , nostrum haud est, sed nec cujusquam sani hominis. Non debet cœlestis sapientia in has angustias ex sua majestate detrahi. Nec vero ii ipsi, quibus hoc facere cura est, quidquam magnopere proficiunt. Nihil enim sibi, nisi flexus disponunt, quos cum magna molestia debeant relegere.

F I N I S.

Piso 60

Ministerio de Cultura

P.C. C.M.

18



29.

ntro de Cultura Hebreo

BIBLIOTECA

lém 144